

সচিত্র
বুয়র ইাতহাস ।

শ্রীপ্রিয়নাথ মুখোপাধ্যায়

ও

শ্রীপ্রমথনাথ মুখোপাধ্যায় বি, এ,

৭৯/৩২ নং কৰ্ণওয়ালিশ ষ্ট্রীট,

“দারোগার দপ্তর” কার্যালয় হইতে

শ্রীউপেন্দ্রভূষণ চৌধুরি-কর্তৃক প্রকাশিত ।

All Rights Reserved.

সন ১৩০৭ সাল ।

**PRINTED BY RAJNARAIN LAHA, AT THE
HINDU DHARMA PRESS.
*66, Aheritola Street, Calcutta.***

ভূমিকা।

বুরর-ইতিহাস বঙ্গদেশে এই নূতন ; এরূপ সচিত্র ইতিহাস বঙ্গভাষায় কখন প্রকাশিত হইয়াছে বলিয়া বোধ হয় না। দক্ষিণ আফ্রিকার আবিষ্কার হইতে ১৮৯৬ খৃষ্টাব্দ পর্যন্ত বুরদিগের ধারাবাহিক বিবরণ ইহাতে বর্ণিত হইয়াছে। দক্ষিণ আফ্রিকার ভিন্ন ভিন্ন সম্প্রদায়স্থ আদিম অধিবাসীদিগের ও সুসভ্য ইংরাজদিগের সহিত যে সকল যুদ্ধ করিয়া বুরগণ জগদ্বিখ্যাত হইয়াছেন, সেই সকল যুদ্ধ প্রভৃতির বিষয় ইহাতে আনুপূর্বিক বিবৃত হইয়াছে।

পাঠকগণ, ইহার পাঠে জানিতে পারিবেন, প্রকৃতরূপে এই ইতিহাস রচনার সুস্বরস্বর্গী দক্ষিণ আফ্রিকার সংস্থানগত তথ্য সংগ্রহ করিতে কত পরিশ্রমস্বীকার এবং তদ্রূপ পুরাতন ও আধুনিক তত্ত্ব-সমূহ সংগ্রহ করিতে কিরূপ আয়াস ও অধ্যবসায় অবলম্বন করিতে হইয়াছে! এই পুস্তক প্রকাশ করিতেও প্রভূত অর্থব্যয় যে, হইয়াছে, তাহা সর্ববাদিসম্মত। ইহা পাঠ করিয়া পাঠকগণ যে কেবলমাত্র সন্তুষ্ট হইবেন, তাহা নহে; চেষ্টা করিলে যে, বঙ্গভাষাতেও সর্বসম্মতরূপে সচিত্র ইতিহাস প্রকাশ করিতে পারা যায়, তাহাও অসম্ভব করিতে পারিবেন। ইতি।

কলিকাতা।

১৫ই আষাঢ়, ১৩০৭।


}

প্রকাশক

প্রথম খণ্ড

বুয়রদিগের উৎপত্তি ।





বুয়র জাতি ।

বাসবাজার পুস্তক দোকান
ক্রম নং.....২৫০.....
পরিগ্রহণ নং.....২৪৫২৬.....
পরিগ্রহণের তারিখ ০২/০২/২০০৭



বুয়রদিগের উৎপত্তি



প্রথম পার্শ্বে দ।



দক্ষিণ আফ্রিকার আদিম অধিবাসিগণের
সংক্ষিপ্ত বিবরণ।

যে দক্ষিণ আফ্রিকায় আজ ভয়ানক বনভেঁরা বাজিতেছে,
যে স্থানের তুর্জ্জ্বানি আজ অত্রভেদী গিরিসমূহ ভেদ করিয়া,
অনন্ত সাগরসকল অতিক্রম করিয়া, পৃথিবীর সকল স্থানে
প্রতিধ্বনিত হইতেছে; যে স্থান আজ বীরপদভরে টলমল
করিতেছে, সেইস্থানের প্রাচীন ও আধুনিক তত্বসমূহ অবগত
হইতে আজ কে না অভিলাষী! সেই অভিলাষ পূর্ণ করিবার

নিমিত্তই এই গ্রন্থের অবতারণা। বিষয়টা সাতিশয় গুরুতর, স্মরণার্থ ইহা কতদূর সুসম্পন্ন করিতে পারিব, তাহা এখন বলিতে পারা যায় না।

দক্ষিণ আফ্রিকার আদিম অধিবাসিগণ নিতান্ত অসভ্য জাতির মধ্যে পরিগণিত ছিল। তাহারা ঐ প্রদেশের ভিন্ন ভিন্ন স্থানে জঙ্গল আশ্রয় করিয়া বাস করিত। উহারা তিন সম্প্রদায়ে বিভক্ত ছিল। প্রথম—বুসমেন্ (Bushmen), দ্বিতীয়—হট্টেণ্টট্ (Hottentot), তৃতীয়—বান্টু (Bantu)।

বুসমেন্জাতীয় অধিবাসিগণ কৃষিকার্য জানিত না, শীকার-লব্ধ জীব জন্তুগণের মাংসে আপনাপন উদর পূর্তি করিত। তাহাদিগের অস্ত্রের মধ্যে ছিল,—তীর ও ধনুঃ। তীরের অগ্রফলকে এক প্রকার বিষ থাকিত। ঐ তীরাগ্রস্থ তীক্ষ্ণফলক নিতান্ত অল্পপরিমাণেও কোন জীব জন্তুর অঙ্গে প্রবিষ্ট হইলে, আর তাহার রক্ষা ছিল না; দেখিতে দেখিতেই তাহাকে কালগ্রাসে পতিত হইতে হইত। ইহারা নিতান্ত অসভ্য সত্য, কিন্তু ইহারা যে ধর্ম মানিয়া থাকে, সেই ধর্ম হইতে সহজে এমন কি বহু প্রলোভনেও বিচ্যুত হইতে চাহে না। অষ্টাদশ শতাব্দীতে অনেক খ্যাতনামা পাদরিগণ ইহাদিগকে খৃষ্টধর্মে দীক্ষিত করিবার নিমিত্ত প্রাণপণে চেষ্টা করিয়াও কিন্তু একটাকেও তাহাদিগের স্বধর্ম পরিত্যাগ করাইতে পারেন নাই।

বুসমেন্জাতি যেমন অসভ্য, হট্টেণ্টট্জাতি কিন্তু ততটা অসভ্য ছিল না। তবে বুসমেনের মধ্যে একবিবাহ প্রথা প্রচলিত থাকিলেও, হট্টেণ্টট্দিগের মধ্যে বহুবিবাহ প্রথা প্রচলিত ছিল। একজন পুরুষ যত ইচ্ছা তত বিবাহ করিতে পারিত। হট্টেণ্টট্

জাতীকে অরেঞ্জ (Orange) নদীর পার্শ্ববর্তী স্থান ভিন্ন অপর কোন স্থানে প্রায়ই দেখিতে পাওয়া যাইত না। ইহারাও কৃষিকার্য করিত না, গোহৃগ্ন ও মেঘহৃগ্নই ইহাদিগের প্রধান উপজীবিকা ছিল ; সুতরাং ঐ সকল জন্তু উহাদিগের প্রায় প্রত্যেকের ঘরেই প্রতিপালিত হইত।

বার্টুজাতি মধ্য আফ্রিকার প্রায় সমস্ত স্থান অধিকার করিয়াছিল, উহাদিগের বাসস্থানের একপ্রান্তে আটলান্টিক মহাসাগর ও অপর প্রান্তে ভারত মহাসাগর। ইহাদিগের মধ্যে পুরুষ জাতি যত ইচ্ছা তত বিবাহ করিত বলিয়া, ইহাদিগের বংশবৃদ্ধি অতিশয় অধিক হইত ; কিন্তু ইহাদিগের মধ্যে বিবাদ বিসম্বাদ এত অধিক ছিল যে, সামান্য সামান্য কারণে ভয়ানক বিবাদ আরম্ভ হইয়া, উহা প্রবল দাঙ্গায় পরিণত, ও সেই বিস্তর লোক হত হইত বলিয়া, আশামুরূপ লোকসংখ্যা বৃদ্ধি হইত না। ইহাদিগের স্ত্রীলোকদিগের প্রথা আমাদের বঙ্গদেশীয় স্ত্রীলোকদিগের প্রথার সহিত অনেকটা মিলিত। এদেশের স্ত্রীলোকদিগের ঞ্চায় রন্ধনকার্যের ভার তাহাদিগের স্ত্রীলোকের উপর ঞ্চুত ছিল। তাহারাও এদেশের স্ত্রীলোকগণের ঞ্চায় আপন আপন স্বামী ও পুত্রগণকে অগ্রে আহাৰ না করাইয়া, কখনই নিজে আহাৰ করিত না।



দ্বিতীয় পার্শ্বেদ ।

দক্ষিণ আফ্রিকা আবিষ্কার

১৪৮৬ খৃষ্টাব্দে পর্তুগালের রাজা, বারথলমিউ ডায়স্ (Bartholomew Dias) নামক এক ব্যক্তিকে ভারতবর্ষ-গমনা-গমনের পথ আবিষ্কার করিতে হইখানি পোত সহিত প্রেরণ করেন । গমনকালীন সমুদ্রের মধ্যে একস্থানে অগভীর জল দেখিতে পাইয়া, সেই স্থানে তিনি তাঁহার পোতদ্বয় রক্ষা করেন । ঐ স্থান এখন লিটল উপসাগর (Little Bay) নামে অভিহিত । তথায় কোন লোক জন দেখিতে না পাইয়া, তিনি সেই স্থান হইতে আরও কিয়দূরে গমন করেন । যে স্থানে অরেঞ্জ নদী (Orange River) আসিয়া সমুদ্রে মিলিত হইয়াছে, সেইস্থানে উপস্থিত হইবামাত্রই উত্তরদিক্ হইতে প্রবল ঝটিকা উথিত হইয়া, তাঁহার পোতদ্বয়কে ক্রমাগত ১৩ দিবস পর্য্যন্ত পশ্চাদগমনে বাধ্য করে । ঝঞ্জাবাত্ নিবৃত্ত হইয়া গেলে, তিনি পূর্ব

দিকে গমন করিতে আরম্ভ করেন, কিন্তু কোন স্থানে কোন রূপ কুলকিনারা না পাইয়া, পুনরায় তাঁহার পোতের গতি উত্তরদিকে ফিরাইয়া দেন। তাহার পরেই তিনি অগুলাস (Agulhas) ও নায়েসা (Knysna) নামক স্থানদ্বয়ের মধ্যে একস্থানে আসিয়া উপস্থিত হন। সেইস্থানে তৎপ্রদেশীয় লোক দিগকে দেখিয়াই বুঝিতে পারেন যে, তাঁহার পোত দেখিয়া তাহারা ভীত হইয়াছে, ও তজ্জন্মই গো, মেঘ প্রভৃতি পালিত জন্তু লইয়া সমুদ্রতীর হইতে দূরে প্রস্থান করিতেছে। ঐ স্থানের অধিবাসিগণের সহিত কোনরূপে মিলিত হইবার স্মযোগ না পাইয়া, ডায়স্ পুনরায় সেই স্থান হইতে পূর্বদিকে গমন করিতে আরম্ভ করিলেন। এবার তাঁহার পোতদ্বয় যে উপকূলের নিকট আসিয়া উপনীত হইল, ঐ স্থানের নাম এখন সেন্টা ক্রুজ (Santa Cruz)।

এইস্থান হইতে প্রত্যাগমনকালীন ডায়স্ আর একটা স্থান আবিষ্কার করেন; ঐ স্থানেই বাত্যাঝিলাটে পড়িয়াছিলেন বলিয়া তখন উহার নামকরণ করেন, কেপ অব ষ্টর্মস্ (Cape of Storms); পরিশেষে পর্তুগালের রাজা ২য় জন (John II) উহার নাম পরিবর্তন করিয়া উত্তমাশা অন্তরীপ (Cape of Goodhope) নামে অভিহিত করেন। ✓

ডায়স্ যে সকল স্থান দেখিয়া আসিয়াছিলেন, ঐ সকল স্থানের আভ্যন্তরিক অবস্থাসমূহের উত্তমরূপে পর্যালোচনা করিবার মানসে শুক্লা-ডি-গামা (Vasco-de-Gama) নামক একজন বহুদর্শী ও বিচক্ষণ ব্যক্তিকে চারিখানি পোতের সহিত ১০ বৎসর পরে ঐ সকল স্থানে প্রেরণ করা হয়। তিনি ক্রমাগত

সার্কিপাঁচমাস কাল গমন করিয়া উত্তমাশা অন্তরীপ হইতে প্রায় একশত কুড়ি মাইল উত্তরে আফ্রিকার একস্থানে গিয়া উপস্থিত হন। ঐ স্থান এখন সেন্ট হেলেনা উপসাগর (St. Helena Bay) নামে অভিহিত। ইহার নিকটবর্তী স্থানের অধিবাসী হটেণ্টট্গণকে তিনি নানাপ্রকার অলঙ্কারাদি উপঢৌকন দিয়া, তাহাদিগের সহিত বন্ধুত্বস্থাপনের চেষ্টা করেন; ও কিয়ৎ-পরিমাণে কৃতকার্য্যও হন; কিন্তু পরিশেষে কোন একটা সামান্য কারণে তাঁহার সহিত উহাদিগের বিবাদ উপস্থিত হয়। তাহাতে ভাস্কো-ডি-গামা নিজে ও তাঁহার তিনজন পারিষদ আহত হইয়া, সেই স্থান হইতে প্রস্থান করেন। সেই স্থানের কৃষ্ণকায় দিগের নিকট গৌরাজদিগের এই প্রথম পরাজয়।

১৪৯৭ খৃষ্টাব্দের ১৭ই নভেম্বর তারিখে ভাস্কো-ডি-গামা ঐ স্থান পরিত্যাগ করিয়া অনুকূল বায়ু প্রভাবে তিন দিবসের মধ্যেই উত্তমাশা অন্তরীপে আসিয়া উপনীত হন; ও সেই স্থান হইতে প্রস্থান করিয়া ২৫শে ডিসেম্বর তারিখে একটা অতিশয় মনোরম স্থানে আসিয়া উপস্থিত হন। এখন ঐ স্থান নেটাল (Natal) নামে অভিহিত।

১৪৯৮ খৃষ্টাব্দের ৬ই জানুয়ারি তারিখে তিনি ডিলেগোয়া উপসাগরের (Delagoa Bay) উত্তরাংশে গিয়া উপস্থিত হন। এই স্থানে বার্টুগণ তাঁহার প্রথম নয়নপথে পতিত হয়। এইস্থানে হইতে প্রস্থান করিয়া সোফালা (Sofala) অতিক্রমপূর্বক ভারতবর্ষে আগমন করেন।

১৫০৩ খৃষ্টাব্দে অনটনিও-ডি-সালধানা (Antonio-de-Saldanha) নামক একজন পর্তুগীজ কর্মচারী একটা অত্যুচ্চ

পর্বতে আরোহণ করিয়াছিলেন। তিনি ঐ পর্বতের নাম দিয়াছিলেন, টেবিল পর্বত (Table Mountain)। ঐ পর্বতে আরোহণ করিবার সময়ে যে স্থানে তাঁহার অর্ণবযান রক্ষিত হইয়াছিল, সেইস্থান এখন টেবিল উপসাগর (Table Bay) নামে অভিহিত হইয়া থাকে।

১৫০৯ খৃষ্টাব্দের শেষভাগে ফ্রানসিস্কো-ডি-আলমিডা (Francisco-de-Almeida) পর্তুগীজদিগের পূর্ব সমুদ্রের রাজপ্রতিনিধি পদে প্রথম নিয়োজিত হইয়া, আপন কার্যোপলক্ষে গমন করিবার কালে, মিষ্ট পানীয় জলের প্রত্যাশায় পূর্ব বর্ণিত টেবিল উপসাগরে আসিয়া উপস্থিত হন। সেই স্থানে তাঁহার জাহাজ আসিয়া উপস্থিত হইলে, জাহাজ হইতে কতকগুলি লোক অবতরণ করিয়া, শীকার করিবার মানসে গমন করেন। সেইস্থানে কয়েকজন হট্টেটের সহিত সাক্ষাৎ হয় ও পরিশেষে উভয়দলের সঙ্গে বিবাদ বাধিয়া যায়। সেই বিবাদে দুইজন খেতাজ পুরুষ বিশিষ্টরূপে আহত হন।

কৃষ্ণকায় হট্টেটদিগের নিকটে এইরূপে অবমানিত হইয়া, পর দিবস প্রাতঃকালে অর্থাৎ ১৫১০ খৃষ্টাব্দের ১লা মার্চ তারিখে শাসনকর্তা স্বয়ং নানাবিধ অস্ত্র শস্ত্রে সূসজ্জিত ও দেড়শত খেতাজ পুরুষ সঙ্গে লইয়া, হট্টেটদিগকে উপযুক্তরূপে শিক্ষা প্রদান ও তাহাদিগের গোথনাদি অপহরণ করিবার মানসে জাহাজ হইতে অবতরণ করেন; ও কতকগুলি গো, মেষ লইয়া প্রত্যাবর্তন করিবার সময়ে প্রায় ১৭০ জন হট্টেট দলবদ্ধ হইয়া সেই স্থানে আগমনপূর্বক পর্তুগীজদিগের সম্মুখীন হইলে, উভয়পক্ষে ভয়ানক সমর উপস্থিত হয়।

ক্রতগামী হর্টেণ্টদিগের বিপক্ষে পর্তুগীজদিগের অস্ত্র একেবারে অকর্মণ্য হইয়া পড়ে। তাহাদিগের ধনু হইতে রাশি রাশি তীক্ষ্ণ শর সকল একত্র এত পরিমাণে আসিয়া পর্তুগীজদিগের উপর পতিত হয় যে, তাঁহারা একেবারে দিগ্বিদিক্ জ্ঞানশূণ্য হইয়া সেইস্থান হইতে পলাইতে আরম্ভ করেন। এই ভয়ানক সময়ে ৬৫ জন বলবান্ পর্তুগীজ তাঁহাদিগের শাসনকর্তার সহিত ধরাশায়ী হন, অবশিষ্ট ষাঁহারা পলায়ন করিয়া প্রাণ বাঁচাইয়াছিলেন, তাঁহাদিগের মধ্যে কেহই অক্ষত শরীরে প্রত্যাগমন করিতে পারেন নাই।

এই ঘটনার পর হইতেই পর্তুগীজগণ দক্ষিণ আফ্রিকায় যাওয়া একেবারে বন্ধ করিয়া দিলেন। সেই সময় হইতে তাঁহাদিগের মনে বিশ্বাস জন্মিল যে, ঐ স্থানে বাণিজ্য উপযোগী বিশেষ কোনরূপ দ্রব্যাদি নাই; বিশেষতঃ নিতান্ত অসভ্য জাতির সহিত বাণিজ্যসূত্রে বন্ধ হওয়াও সুকঠিন। ইহার পর হইতে পর্তুগীজগণ সেণ্ট হেলেনা দ্বীপ ভিন্ন আফ্রিকার আর কোন স্থানে বাণিজ্য জাহাজ লইয়া যাইতেন না। ঐ দ্বীপটীও আবিষ্কৃত হইয়াছিল ১৫০২ খৃষ্টাব্দে।

ইহার অনেক দিবস পরে ইংরাজ, ডচ্ ও ফরাসিগণ, পর্তুগীজদিগের পস্থা অবলম্বন করিয়া, দক্ষিণ আফ্রিকার দিকে বাণিজ্যার্থে জাহাজ প্রেরণ করেন। ১৫৯১ খৃষ্টাব্দের জুলাই মাসে ইংরাজদিগের বাণিজ্যপোতের পতাকা ঐ স্থানের টেবেল উপসাগরে (Table Bay) প্রথম দেখিতে পাওয়া যায়। কিন্তু ১৬০১ খৃষ্টাব্দ হইতে ঐ স্থান ভারতবর্ষে গমনাগমনের সময়ে এক প্রকার বিশ্রামস্থান হইয়া পড়ে।

এই সময়ে ডচ্‌গণ ইষ্ট ইণ্ডিয়া কোম্পানী নাম দিয়া ব্যবসায়ের নিমিত্ত একটা কোম্পানীর সৃষ্টি করেন। ১৬৫০ খৃষ্টাব্দে ঐ কোম্পানী কর্তৃক টেবেল উপসাগরে একটা ক্ষুদ্র দ্বর্গ নিৰ্মাণের সঙ্কল্প হয়; এবং ঐ কার্যের ভার ভান্‌ রিবিকের (Mr. Van Riebeeck) উপর ন্যস্ত হয়। তিনি ১৬৫২ খৃষ্টাব্দে ঐ কার্য শেষ করেন। তিনি যে স্থানটা দ্বর্গরূপে নিৰ্মাণ করেন, তাহা নামে দ্বর্গ; কিন্তু কার্যে একরূপ কৃষিক্ষেত্র। এই উপলক্ষে তিনি হটেন্টট্‌ জাতির সহিত সৌহৃদ্য স্থাপন করিয়া, তাহাদিগের নিকট হইতে গো, মেষ প্রভৃতি ক্রয় করিতে আরম্ভ করেন। যে সময় ঐ দ্বর্গ নিৰ্মিত হইয়াছিল, সেই সময় সেই প্রদেশে কেবলমাত্র ৬০ জন হটেন্টটের বসবাস ছিল। পরে ক্রমে ক্রমে তাহাদিগেরও দল পুষ্ট হইতে আরম্ভ হয়।





তৃতীয় পরিচ্ছেদ ।

ডাচ্‌দিগের উপনিবেশ সংস্থাপন ।


ডাচ্‌দিগের যে সকল জাহাজ বাণিজ্য উপলক্ষে নানাদেশ পরিভ্রমণ করিত, সেই সকল জাহাজের নাবিক বা অপরাপর কর্মচারিগণ হলণ্ড ও জার্মেনি-হইতে সংগৃহীত হইত ।

১৬৫৭ খৃষ্টাব্দের ফেব্রুয়ারি মাসে নয়জন কর্মচারী তাঁহাদিগের কার্য হইতে বিদায় গ্রহণ করিয়া লইস্‌বিক (Liesbeek) নদীর উপকূলে রন্ডিবোস (Rondebosch) নামক স্থানে প্রথম উপনিবেশ সংস্থাপন করেন ও ডাচ্‌গভর্নমেণ্টের সাহায্যে তাঁহারা সেই স্থানে কৃষিকার্য করিয়া আপনাপন জীমিকিা নির্বাহ করিতে প্রবৃত্ত হন ।

ইহার কয়েক মাস পরেই আরও ৩৮ জন ডাচ্‌ কর্মচারী পূর্বোক্তরূপে ঐ স্থানে আসিয়া কৃষিকার্য আরম্ভ করিয়া বাসস্থান স্থাপন করেন । এইরূপে ক্রমে ক্রমে ডাচ্‌ ও জার্মেনগণ

আসিয়া ঐ স্থানে আপনাপন উপনিবেশ সংস্থাপন করিতে লাগিলেন । ডচ্ কোম্পানীর নিয়ম ছিল, যে সকল ব্যক্তি শারীরিক পরিশ্রমে অপরূপ বা যাহারা বিশেষ বলবান্ ও কার্যক্ষম নহেন, তাহারা কেহই ঐ প্রদেশে স্থান পাইতেন না ; আরও নিয়ম ছিল, অবিবাহিত পুরুষগণও সেইস্থানে গিয়া বাস বা কৃষিকার্য্য করিতে অনুমতি পাইতেন না । এইরূপে যে সকল বিবাহিত পুরুষগণ সেইস্থানে বাস করিতেন, কিছু দিবস মধ্যেই ইউরোপ হইতে তাহাদিগের স্ত্রীপুত্রগণকে সেইস্থানে আনয়ন করিতে হইত । এইরূপে খেতাজদিগের দ্বারা ঐ স্থানের জনসংখ্যা ক্রমে বৃদ্ধি পাইতে লাগিল ও ক্রমে তাহারা উত্তমাশা অন্তরীপ হইতে জেম্বেজি (Zambesi) ও বেংগুলা (Benguela) পর্য্যন্ত বিস্তীর্ণ হইয়া পড়িলেন ।

১৬৫৮ খৃষ্টাব্দে ঐ স্থানে দাসব্যবসা আরম্ভ হওয়ার, ঐ প্রদেশীয় খেতাজ অধিবাসিগণের মধ্যে ক্রমে একটু বিদ্বেষভাব প্রকাশিত হইতে আরম্ভ হইল । কেবলমাত্র কাক্সিজাতীয় দাসগণে পূর্ণ পর্তুগীজদিগের একখানি জাহাজ ডচ্ কোম্পানী-কর্তৃক ধৃত হইয়া দক্ষিণ আফ্রিকায় আনীত হয় । ইহাই কাক্সিদিগের ঐ স্থানে প্রথম আগমন । তাহার পর ডচ্ কোম্পানীও, গিনি (Guinea) হইতে আরও কতকগুলি কাক্সি আনিয়া এইস্থানে উপস্থিত করেন, ও তাহাদিগকে সেইস্থানে সামান্ত দাসের কার্য্যে নিযুক্ত করিয়া দেন । সময়ে উহারাও ঐ স্থানের অধিবাসী হইয়া পড়ে । ডচ্ কোম্পানী খেতাজ ও কৃষিকার্য্য ব্যক্তিদিগের মধ্যে কোনরূপ পৃথক্ নিয়ম বিধিবদ্ধ না করায়, উহারাও ক্রমে সেইস্থানের উপনিবেশিকের মধ্যে পরিণত




কাফি জাতি ।

হয়। খেতান ওপনিবেশিকগণ ইহাতে মনে মনে সবিশেষ অসন্তুষ্ট হন; এমন কি তাঁহারা কৃষ্ণকায়দিগের সহিত একত্র কৃষিকর্মাদি পর্য্যন্ত করিতেও সূণ্য বোধ করেন। ঐতিহাসিকগণ বলেন, ডচ্ কোম্পানী যদি মহৎ ভ্রমে পতিত না হইয়া, ঐ স্থানে কৃষ্ণকায়দিগকে আনয়ন না করিতেন, তাহা হইলে ঐ স্থান কেবলমাত্র বিগুহু খেতানে পূর্ণ থাকিত।

মলকা (Malacca) জাভা (Java) ও স্পাইস্ দ্বীপ (Spice Islands) এখন ডচ্ গভর্নমেন্টের অন্তর্গত; কিন্তু

যে সময় দক্ষিণ আফ্রিকার উপনিবেশ সংস্থাপিত হয়, সেই সময় ঐ সকল প্রদেশ ডচ্ ইষ্ট ইণ্ডিয়া কোম্পানীর অধিকার-ভুক্ত ছিল। সেই সময় সেই প্রদেশীয় কোনও লোক কোনও রূপ গুরুতর অপরাধ করিলে, জাভার রাজধানী বটেভিয়ার (Batevia) বিচারালয় হইতে তাহাকে দক্ষিণ আফ্রিকার নির্বাসিত করা হইত। ইহাদিগের মধ্যে সমস্তই প্রায় মুসলমান। তাহারা কিছু দিবস দক্ষিণ আফ্রিকায় বসবাস করিয়া, ক্রমে কাক্রিবালাকাগণের সহিত বিবাহসূত্রে আবদ্ধ হইত, ও ক্রমে তাহাদিগের সম্ভান সমৃদ্ধি জন্মিত।

এইরূপে আরও কতিপয় দিবস অতিবাহিত হইবার পর ডচ্ কোম্পানী ঐ সকল প্রদেশীয় ক্ষুদ্র ক্ষুদ্র রাজাদিগকে রাজ-বিদ্রোহিতা অপরাধে ধৃত করিয়া, তাহাদিগের পরিবারবর্গ ও দাসদাসীগণের সহিত এইস্থানে প্রেরণ করিতেন; ইহাতেও ঐ স্থানের জনসংখ্যা বৃদ্ধি পাইতে থাকে। এই সকল রাজদ্রোহী কয়েদীদিগের মধ্য হইতে কয়েকজন ১৬৮১ খৃষ্টাব্দে সেইস্থান হইতে পলায়ন করে। ইহাদিগের মধ্যে একজনের নাম ছিল, শেখ জোসেফ্ (Sheikh Joseph)। ১৬৮২ খৃষ্টাব্দে বেন্টামিজের (Bantamese) ভয়ানক স্বরাষ্ট্রীয় যুদ্ধে ইনিই একজন প্রধান নেতা বলিয়া পরিগণিত হন, ও ডচ্দিগের বথেষ্ট বিরুদ্ধাচরণ করেন। ইনি একজন বিশেষ পরাক্রমশালী ও বুদ্ধিমান লোক ছিলেন। মুসলমানগণ ইহাকে ককির-জ্ঞানে মান্ত করিত, ও ইহার আদেশ সর্বদা শিরোধার্য্য করিত। কল্‌স্ উপসাগরের (False Bay) সন্নিকটে ইহার মৃত্যু হয়। সেইস্থানে ইহার সমাধিমন্দির আজও বিদ্যমান আছে। দক্ষিণ



হট্টেট্ জাতি ।

আফ্রিকার মুসলমানগণ এখন পর্যন্ত ঐ স্থানকে তাহাদিগের একটা তীর্থস্থান বলিয়া মানিয়া থাকে ।

এইরূপে দক্ষিণ আফ্রিকার যখন উপনিবেশ সংস্থাপিত হইতেছিল, তাহার মধ্যে অর্থাৎ ১৬৫৯ খৃষ্টাব্দে ঐ প্রদেশের হটেন্টট্ জাতির সহিত খেতাজদিগের একটু মনোমালিন্য ঘটে, এবং সেই স্ত্রে খেতাজদিগের সহিত দুইটা ক্ষুদ্র ক্ষুদ্র যুদ্ধ হইয়া যায়, এই উভয় যুদ্ধেই ৬৭ জন করিয়া হত ও কতকগুলি করিয়া আহত হয় ।

যেখানে ডচ্‌গণ সেই ক্ষুদ্র ছুর্গটা নিৰ্ম্মাণ করিয়াছিলেন, তাহার সন্নিকটে কিয়ৎপরিমাণ জমি ডচ্‌দিগের গোচারণের নিমিত্ত পতিত রাখা হয় ; হটেন্টট্‌গণ নিয়মিতরূপে ঐ স্থানে পশুাদি বিক্রয় করিতে আসায়, তাহাদিগের কয়েকটা পশু সেই গোচারণ ক্ষেত্রে চরিতে থাকে । ইহাতে ডচ্‌গণ প্রতিষেধ করায়, হটেন্টট্‌গণ কহে,—“যেখানে চিরকাল আমরাদিগের পশু সকল চরিয়া আসিতেছে, আমরা সেইস্থান পরিত্যাগ করিব কেন ?” ইহা লইয়া উভয় দলের মধ্যে বিবাদ উপস্থিত হয়, পরিশেষে হটেন্টট্‌গণ একজন খেতাজকে সেইস্থানে হত করে । ইহাই ঐ ক্ষুদ্র যুদ্ধের কারণ । এই যুদ্ধের পর কিছুদিবস আর হটেন্টট্‌গণ সেইস্থানে পশু বিক্রয় করিতে আগমন করিত না ; কিন্তু পরিশেষে উভয় জাতির মধ্যে একরূপ সন্ধিপত্র লিখিত হয়, ও সেই সময় হইতে তাহারা পূর্বের স্থায় সেইস্থানে যাতায়াত আরম্ভ করে ।

এইরূপে দশ বৎসর কাল ভেন রিবিঙ্ক (Mr. Van Riebeek) দক্ষিণ আফ্রিকার বন্দোবস্ত করিবার পর আরও

উচ্চপদে উন্নীত করিয়া, ডচ্ কোম্পানী তাঁহাকে ভারতবর্ষে প্রেরণ করেন। তাঁহার পদে জেচারিয়াস্ ওয়েগনার (Mr. Zacharias Wigenaar) নিযুক্ত হন ; তিনি ঐ কার্যে চারি বৎসর কাল নিযুক্ত ছিলেন ; তাঁহার সময়ে ঐ স্থানে ডচ্দিগের একটা ধর্ম মন্দির নির্মিত হয়।

১৬৬৪ খৃষ্টাব্দে মোরিশস্ (Mauritius) নামক একটা দ্বীপ, ডচ্দিগের অধিকারভুক্ত হয়। ঐ স্থান হইতে তাঁহারা বিস্তর টাকার কাষ্ঠ প্রাপ্ত হন।

এই সময়ে ইংরাজগণকে একটু তর্জন গর্জন করিতে দেখিয়া ডচ্গণ টেবেল উপত্যকায় (Table Valley) একটা দুর্ভেদ্য দুর্গ প্রস্তুত করিতে ইচ্ছা করেন। উত্তমাশা অন্তরীপে যে প্রকাণ্ড দুর্গটি (Castle) এখনও বর্তমান, তাহা ১৬৬৬ খৃষ্টাব্দে ডচ্দিগের দ্বারা নির্মিত হইতে আরম্ভ হইয়া, ১৬৭৪ খৃষ্টাব্দে সম্পূর্ণ হয়। ঐ দুর্গটি নির্মাণ করিতে যে সকল ডচ্গণ নিযুক্ত হইয়াছিলেন, তাঁহাদিগের মধ্যেও কেহ কেহ পরিশেষে ঐ স্থানে আপনাপন বাসস্থান স্থাপিত করেন। ইহাদিগের সম্ভানসম্পত্তির দ্বারাও সেইস্থানের ডচ্বংশধরদিগের সংখ্যা কিয়ৎপরিমাণে বর্দ্ধিত হয়।

বিংশতি বৎসর পরে ভেন রিবিঙ্ক (Mr. Van Riebeeck) পুনরায় সেইস্থানে আগমন করেন, ও নিজের ইচ্ছায় কতকগুলি জমি দখল করিয়া আপনাদিগের অধিকার বিস্তার করিয়া লন। আর্নুভেন ওভারবিঙ্ক (Arnout van Overbeke) নামক বটেভিয়ার (Batavia) একজন বিচারক, ইউরোপ হইতে প্রত্যাগমন করিবার সময়, সেইস্থানে উপস্থিত

হন, ও হট্টেট্দিগের রাজা বা দলপতির নিকট হইতে, সাল্‌ধানা উপসাগর (Saldanha Bay) হইতে ফল্‌স্ উপসাগর (False Bay) পর্যন্ত প্রদেশ সকল ২৪০০০ টাকা মূল্যের কতকগুলি দ্রব্যের বিনিময়ে গ্রহণ করেন ।

ইহার কয়েকমাস পরেই ফল্‌স্ উপসাগরের সন্নিকটে একটা ফাঁড়িগৃহ প্রস্তুত হয় ; ঐ স্থান নির্মাণের দুই উদ্দেশ্য ছিল, প্রথম,—ঐ প্রদেশ রক্ষা করিবার নিমিত্ত ঐ স্থানে কতকগুলি সৈন্তের সংস্থাপনা ; দ্বিতীয়—ঐস্থানে যাহাতে গোধুম চাষের উৎকর্ষ সাধিত হয়, তাহার চেষ্টা করা ।



বাংলাবাজারের বীজিৎ মাই সর্দার

ডাক সংখ্যা...২.০.০

পরিগ্রহণ সংখ্যা

পরিগ্রহণের তারিখ ০২/০২/২০০৭



চতুর্থ পার্শ্বে দ ।

বুয়র জাতির উৎপত্তি

হট্টেট্ জাতির মধ্যে এক সম্প্রদায়ের কতকগুলি শক্তি-শালী লোক, তাহাদিগের জাতীয় গনিমা নামক (Gonnema) জনৈক ক্ষুদ্র রাজার রাজত্বে বাস করিত । হট্টেট্দিগের অপর সম্প্রদায়ের মধ্যে তাঁহার অতিশয় দুর্নাম ছিল । তাহারা তাঁহাকে যথেষ্টাচারী ও দুর্দাস্ত রাজা বলিয়া জানিত ; ও কহিত, তাঁহার অত্যাচারে তাহাদিগের গো, মহিষ, স্ত্রী, কন্যা প্রভৃতি লইয়া বাস করা, নিতান্ত সহজ ছিল না । গনিমা ডচ্দিগের নিকট অনেক পশাদি বিক্রয় করিত সত্য, কিন্তু বেতাজগণ তাঁহাকে অস্তরের সহিত দেখিতে পারিতেন না ।

১৬৭৩ খৃষ্টাব্দে গনিমার সহিত ডচ্দিগের একটা যুদ্ধ হয় । ঐ যুদ্ধের কারণ যে কি, তাহা হট্টেট্দিগের প্রমুখ্যৎ কিছু অবগত হওয়া যায় না ; কিন্তু ডচ্দিগের নিকট হইতে যাহা অবগত

হইতে পারা হ্রদ, তাহাতে ঐ বৃক্ষের কারণ এইমাত্র জানিতে পারা যায় যে, যে সকল স্থান গনিমার রাজত্বের মধ্যে পরিগণিত ছিল, সেই সকল স্থান যথেষ্ট শিকারোপযোগী জন্তুদ্বারা পরিপূর্ণ থাকিত । ডচ্দিগের দুর্গরক্ষক সৈন্য সকল সমর সমর ঐ সকল স্থানে গমন করিয়া, পর্যাপ্ত পরিমাণে শিকার সংগ্রহ করিয়া আনিত ; সেই সকল শিকারলব্ধ জন্তুগণের মাংসের উপর নির্ভর করিয়া তাহারা অনেক দিবস অতিবাহিত করিত । গনিমা নিজের অধিকৃত জঙ্গলে এইরূপে ক্রমে শিকারোপযোগী জন্তু সকলের হ্রাস হইতে লাগিল দেখিয়া, উহাদিগের উপর বিশিষ্টরূপ অসন্তুষ্ট হন, ও ১৬৭২-খৃষ্টাব্দে রিবিক্ কাষ্টিল (Riebeek's Kasteel) নামক স্থানে ঐরূপ কতকগুলি ডচ্ শিকারীর, শিকারোপযোগী দ্রব্য সামগ্রী কাড়িয়া লইয়া, তাহাদিগকে সেইস্থান হইতে বহিস্কৃত করিয়া দেন ।

পর বৎসর অর্থাৎ—১৬৭৩ খৃষ্টাব্দে ডচ্গণ পুনরায় সেইস্থানে শিকার করিতে গমন করেন । সেই সময় গনিমা তাহাদিগের ৮ জন ও একটা পরিচারককে ধৃত করিয়া লইয়া যান, ও তাহাদিগকে কিছু দিবস পর্যন্ত আবদ্ধ রাখিয়া, পরিশেষে তাহাদিগের প্রাণবধ করেন । সেই সময় গনিমার একজন কর্মচারী সময় বুঝিয়া সালধানা উপসাগর (Saldanha Bay) নামক স্থানের ডচ্দিগের ফাঁড়ি গৃহ লুণ্ঠন করিয়া লব্ধ ও চারিজন খেতাজ কর্মচারীর প্রাণনাশ করে ।

ইহার পরই কতকগুলি ডচ্ সৈন্য সেইস্থানের ডচ্ অধিবাসিগণের সহিত মিলিত হইয়া গনিমার বিরুদ্ধে অস্ত্রধারণ করিয়া সেই অসভ্য জাতিকে সম্পূর্ণরূপে পরাজয়পূর্বক তাহাদিগের

১৭০০ পশু কাড়িয়া লইয়া আইসে। ঠে-~~ই~~ পশুগুলিকে লইয়া ছুর্গে প্রত্যাবর্তন করিতেছে, এমন সময়ে হট্টেট্গণ পুনরায় আসিয়া তাহাদিগকে আক্রমণ করে; ডচ্গণও তাহাদিগকে পুনরায় আক্রমণ পূর্বক, ১০।১২ জনকে গুলিঘারা ধরাশায়ী করিয়া তাহাদিগকে পরাজয় করেন। এই যুদ্ধে একজনমাত্র ডচ্ অধিবাসী আহত হইয়াছিলেন। এই ঘটনার অতি অল্প দিবস পরেই ডচ্ অধিবাসিগণ তাঁহাদিগের বশীভূত কতকগুলি হট্টেট্গোন্ধার সাহায্যে গনিমার বাসস্থান আক্রমণ করেন; তাহাতে গনিমা তাঁহার অনুচরদিগের সহিত সেইস্থান পরিত্যাগ করিয়া অল্প আর একটা পর্বতে আশ্রয় গ্রহণ করেন। যাইবার সময় তিনি কতকগুলি পশু পরিত্যাগ করিয়া যান; উহাও ডচ্দিগের হস্তগত হয়।

ইহার পর দুই বৎসর পর্যন্ত গনিমার আর কোনও সন্ধান পাওয়া যায় না; সেই সময় তিনি পর্বতে পর্বতে ভ্রমণ করিয়া কালাতিপাত করিতেন। দুই বৎসর পরে, হঠাৎ এক দিবস গনিমা আসিয়া যুদ্ধে প্রবৃত্ত হন। এই যুদ্ধে তাঁহার বিস্তর ক্ষতি হইয়াছিল। ইহাতে ডচ্দিগেরও ১৫ জন হতাহত হন। এ যুদ্ধে গনিমা পরাজিত হইবার পর ডচ্জাতীর সৈন্ত এবং অধিবাসিগণ সকলে সমবেত হইয়া তাঁহাকে ধরিবার চেষ্টা করিয়াছিলেন; কিন্তু কৃতকার্য হইতে পারেন নাই। তিনি অবলীলাক্রমে তাঁহাদিগের মধ্য হইতে বহির্গত হইয়া পলায়ন করেন। ইহার পর তাঁহার বিরুদ্ধে আর সৈন্ত প্রেরিত হয় নাই; কারণ, তাঁহারা উত্তমরূপে জানিতে পারিয়াছিলেন যে, তাঁহার অনুসন্ধান করিলেও, যে পর্যন্ত তিনি নিজে না আসিবেন, সেই পর্যন্ত আর তাঁহাকে পাওয়া যাইবে না।

গনিমা সেইস্থান পরিত্যাগ করিয়া, হানাস্তরে গমন করিবার পর, ডচ্‌দিগের সহিত পশু-ব্যবসা একেবারে বন্ধ করিয়া দেন । তাঁহারা যে সকল পশু তাঁহার নিকট হইতে বলপূর্ব্বক লইয়া আসিয়াছিলেন, তাহার দ্বারা কিছুদিবস তাঁহাদিগের জীবনযাত্রা নির্ব্বাহ হয় সত্য ; কিন্তু পরিশেষে মাংসভাবে খেতাদিগকে বিশিষ্টরূপে কষ্ট পাইতে হয় ।

সেই সময় সাইমন্‌ ভেনডার ষ্টেল (Simon Van-der Stel) নামক একজন সাতিশর চতুর ও কার্যক্ষম শাসনকর্তা আমস্টার ডেম (Amsterdam) হইতে নিযুক্ত হইয়া এইস্থানে আগমন করেন ; তিনি এইস্থানে ডচ্‌-উপনিবেশ সংস্থাপন করিবার নিমিত্ত প্রাণপণে চেষ্টা করেন ; ও ক্রমে ক্রমে অনেকগুলি ডচ্‌ পরিবারকে এইস্থানে আনয়ন করাইয়া, তাঁহাদিগকে সেই-স্থানেই স্থাপিত করেন ।

কয়েক বৎসরের মধ্যেই তিনি পূর্ব্বোক্তরূপ উপায়ে আরও কতকগুলি ডচ্‌ পরিবারকে আনাইয়া বার্গ (Berg) নদীর উপকূলে ড্রাকেনষ্টিন (Drakenstein) নামক স্থান ডচ্‌ দিগের অধিবেশনে পূর্ণ করিয়া দেন ।

এই সময় ফরাসী দেশীয় রোমান্‌ ক্যাথলিক্‌ ও প্রোটেস্টেণ্ট দিগের মধ্যে ধর্ম্ম লইয়া সাতিশর গোলযোগ উপস্থিত হয় । সেই সময় ফ্রান্সের রাজা ছিলেন, চতুর্দশ লুইস্‌ । তিনি নিজে রোমান্‌ ক্যাথলিক্‌ ছিলেন ; সুতরাং তাঁহার ধর্ম্মের বিরোধী অর্থাৎ প্রোটেস্টেণ্ট ধর্ম্মাভুগামী বহু সহস্র লোকদিগকে সপরিবারে তিনি ফ্রান্স হইতে বহির্গত করিয়া দেন । তাঁহারা আসিয়া হলণ্ডে বাস করিতে আরম্ভ করেন ; কিন্তু হলণ্ডে




বুয়র জাতি ।

লোকসংখ্যা অধিক পরিমাণে বর্দ্ধিত হওয়ায়, প্রায় দুই শত ফরাসী ও দুইশত ডচ্ সপরিবারে সেইস্থান পরিত্যাগপূর্বক দক্ষিণ আফ্রিকার আসিয়া তাঁহাদিগের উপনিবেশ স্থাপিত করেন। ইহাদিগের ষারাই গ্রোয়েনবার্গ (Groenberg) কোইবার্গ (Koeberg) ও হটেন্টট্‌স হলণ্ড (Hottentots Holland) নামক স্থান সকল আচ্ছাদিত হইয়া পড়ে। ফরাসীদিগের মধ্যে অনেকেই বার্গ (Berg) নদীর উপকূলে আপনাপন বাসস্থান স্থাপিত করেন। ইহার পূর্বে জর্মনজাতীয় কোন কোন পরিবার স্থানে স্থানে উপনিবেশ সংস্থাপন করিয়া ছিলেন। ক্রমে এই তিন জাতি এক জাতিতে পরিণত হয়, এবং পরস্পরের মধ্যে বিবাহ প্রভৃতি চলিতে থাকে। ভাষাও ক্রমে এক হইয়া, ডচ্, অর্থাৎ ওলন্দাজ ভাষায় পরিণত হয়।

এই তিন জাতির সম্মিলনে যাহারা জন্মগ্রহণ করেন, তাঁহারা এই আজ বুরর নামে অভিহিত ।

১৭৯২ খৃষ্টাব্দ পর্য্যন্ত দক্ষিণ আফ্রিকার বুররগণ ডচ্ ইষ্ট ইন্ডিয়া কোম্পানীর নানা শাসনকর্তাদিগের অধীনে কৃষিকার্য্য করিয়া দিনযাপন করেন । এই সুদীর্ঘ কালের মধ্যে ঐ প্রদেশে ছইবার বসন্তরোগের প্রাদুর্ভাব হওয়ার, অনেকগুলি খেতাব ও কৃষিকার্য্য কালগ্রাসে পতিত হয় ।



বুসমেন্ জাতি ।

১৭৭৯ খৃষ্টাব্দ ও তাহার পর কয়েক বৎসর পর্য্যন্ত মৎস্য (Fish) নদীর অপর পার্শ্ব কোষানামক আদিম অধিবাসিগণ (যাহারা বুসমেন্ জাতি অপেক্ষা একটু সভ্য) মধ্যে মধ্যে খেতাবগণকে

বিশিষ্টরূপ কষ্ট দিয়াছিল । দলে দলে তাহারা মৎস্য নদী পার হইয়া বুয়রদিগের অধিকারভুক্ত স্থানে আগমন করিত, এবং তাহাদিগের পশু, অর্থ এবং অপরাপন্ন জব্যাদি যাহা পাইত, তাহা অপহরণ করিয়া পলায়ন করিত । এই কারণে তাহাদিগের বিরুদ্ধে কোম্পানীর রাজত্বকালে বুয়রদিগকে একবার অস্ত্রধারণ করিতে হয় । বলা বাহুল্য, সেইযুদ্ধে কোম্পানি তাহাদিগের অধিপতির সহিত পরাজিত হইয়া, মৎস্য নদীর অপর পাৰ্শ্বস্থিত পৰ্ব্বতে আশ্রয় গ্রহণ করে ।





পঞ্চম পরিচ্ছেদ ।

বুয়রগণের ডচ্-কোম্পানীর অধীনতা পরিত্যাগ ।



১৭৭৯ খৃষ্টাব্দে বুয়রদিগের নিকট পরাজিত হইবার পর প্রায় ১০ বৎসর কাল কোষাদিগের আর কোনরূপ অত্যাচারের কথা জানিতে পারা যায় নাই ।

১৭৮৯ খৃষ্টাব্দে কোষাদিগের একজন প্রধান রাজা তাঁহার গাইকা (Gaika) নামীয় একটা নাবালক পুত্রকে রাখিয়া পরলোক গমন করেন । কিন্তু মন্ত্রিগণ সেই নাবালককে রাজসিংহাসন প্রদান না করিয়া, তাহার পিতৃব্য লাধিকে (Ndlambe) রাজপদে অভিষিক্ত করেন । কিন্তু প্রজাগণের মধ্যে অনেকেই ইহাতে অসন্তুষ্ট হইয়া, তাঁহার বশতা স্বীকার করিতে অসম্মত হয়, ও পুনরায় দলবলে মৎস্ত (Fish) নদী পার হইয়া বুয়রদিগের অধিকার-মধ্যে আগমন করে, এবং তাঁহাদিগের অনেকগুলি পুত্র অপহরণ করিয়া লইয়া যায় । আপনাপন

সম্পত্তি রক্ষা করিবার মানসে বুয়রগণ একত্র সম্মিলিত হইয়া তাহাদিগের বিপক্ষে অস্ত্রধারণ করিতে সক্ষম করেন; কিন্তু গভর্নমেন্ট কোনরূপেই তাহাদিগকে কোষাগণের বিপক্ষে অস্ত্রধারণ করিতে না দিয়া, কোষাগণকে মিষ্টবাক্যে সান্তনা করিয়া সেইস্থান হইতে বিদায় করিয়া দেন। ইহাতে বুয়রগণ তাহাদিগের পশ্বাদি কিছুই পুনঃপ্রাপ্ত হন না; সুতরাং তাহাদিগকে বিস্তর ক্ষতি সহ করিতে হয়। বিশিষ্টরূপে ক্ষতি সহ করিয়াও তাহারা রাজ্য প্রতাপালন করেন।

গভর্নমেন্ট এইরূপে গোলযোগ মিটাইয়া দেওয়ার, কোষাগণের মনে এই সংস্কার জন্মিয়াছিল যে, খেতাজগণ তাহাদিগের ভয়ে ভীত হইয়া, তাহাদিগের বিপক্ষে অস্ত্র ধারণ করিতে সাহসী হন নাই। এই বিশ্বাসের উপর নির্ভর করিয়া উহারা মধ্যে মধ্যে বুয়রগণের পশু সকল অপহরণ করিয়া লইয়া যাইত। এইরূপে ক্রমাগত চারি বৎসর কাল তাহাদিগের অত্যাচার সহ করিতে করিতে, যখন উহা একেবারে অসহ হইয়া উঠিল, তখন ১৭৯৩ সালের মে মাসে কতকগুলি কৃষিজীবী বুয়র একত্র হইয়া কোষাদিগের একটা বাসস্থান আক্রমণ করিলেন ও তাহাদিগের কতকগুলি পশু বলপূর্বক লইয়া আসিলেন। কোষাগণ পূর্ব বিশ্বাসের উপর নির্ভর করিয়া, সেই বৎসরেই প্রবলপরাক্রমে পুনরায় মৎস্ত নদী পার হইয়া, বুয়রদিগের অধিকারে প্রবেশ করিল। সম্মুখে যে সকল গৃহ দেখিতে পাইল, তাহাতে অগ্নিপ্রয়োগ করিয়া, প্রায় পঁয়ষট্টি সহস্র (৬৫০০০) পশু অপহরণ করিল, এবং ক্রাফকার্যনিহিত খেতাজদিগকে দর্শনমাত্রই তাহাদিগের বিনাশসাধন করিতে লাগিল।

শ্বেতাঙ্গ কৃষিজীবীগণ এই ভয়ানক অত্যাচার কোনরূপে সহ করিতে না পারিয়া, যুদ্ধ করিতে প্রস্তুত হইলেন, এবং গভর্নমেন্টের নিকট সাহায্য প্রার্থনা করিলেন ।

গভর্নমেন্টও অনন্তোপায় হইয়া, শ্বেতাঙ্গ প্রজাগণের সম্পত্তি-রক্ষা করিবার মানসে একজন সৈন্যধ্যক্ষের হস্তে ঐ যুদ্ধের ভার অর্পণ করিলেন । যাহার হস্তে ঐ যুদ্ধ-ভার অর্পিত হইল, তিনি যুদ্ধ করিতে গমন করিলেন সত্য, কিন্তু তাহার যুদ্ধ করিবার আন্তরিক ইচ্ছা না থাকায়, কোষা-সর্দারগণকে মিষ্টকথা বলিয়া, তাহাদিগের সহিত এক সন্ধি করিলেন ; অপহৃত পশুগুলির একটীরও উদ্ধার হইল না ।

বুয়র অধিবাসীগণ উপযুক্তপরি ছইবার গভর্নমেন্টের এইরূপ ব্যবহার দেখিয়া, সকলে মিলিত হইয়া কোম্পানীর বিরুদ্ধে দণ্ডায়মান হইলেন । এই ছইটী কারণ ব্যতীত, ব্যবসা-সংক্রান্ত কতকগুলি বিষয় লইয়া পূর্বে ছইতেই কোম্পানীর সহিত তাহাদিগের মনোবিবাদ চলিয়া আসিতেছিল ।

এই সময় ইউরোপখণ্ডে ফরাসী রাজ্য, প্রজাতন্ত্রে পরিণত হইয় । হলণ্ডও ইহার পূর্বে ছইতে প্রজাতন্ত্র প্রচলিত ছিল । ১৭৯৩ খৃষ্টাব্দে ইংরাজ ও ফরাসীর মধ্যে ইউরোপ খণ্ডে এক সময় উপস্থিত হয়, সেই সময়ে হলণ্ডের অধিবাসী অর্থাৎ ডচ্‌গণ পেট্রিয়ট (Patriot) ও অরেঞ্জ (Orange) নামক দুই সম্প্রদায়ে বিভক্ত হইয়া পড়েন । পেট্রিয়ট সম্প্রদায় ফরাসীদিগের পক্ষ এবং অরেঞ্জ সম্প্রদায় ইংরাজদিগের পক্ষ অবলম্বন করেন ।

এদিকে ডচ্‌ গভর্নমেন্ট দক্ষিণ আফ্রিকা লইয়া একটু ভাবিত হন । গভর্নমেন্টের অপরাপর যে সকল কর্মচারী

ছিলেন, তাঁহাদিগকে লইয়া সেইস্থানে একটা পলটনের সৃষ্টি করিতে হয়। এবং হটেণ্টট্ জাতির মধ্য হইতে নির্বাচন পূর্বক অপর একটা পলটন্ সৃষ্টি করিয়া, তাহাদিগকে সামরিক শিক্ষা প্রদান করিতে আরম্ভ করেন।

হুই হুই বার কোষাদিগের দ্বারা অবমানিত, লাঞ্চিত ও বিশিষ্টরূপে ক্ষতিগ্রস্ত হইয়া, এবং ডচ্ কোম্পানীকর্তৃক কোনরূপ সাহায্য না পাইয়া, বুয়রগণ গভর্নমেন্টের উপর একেবারে খড়্গ-হস্ত হইয়াছিলেন। তাহার উপর ব্যবসায়, মুদ্রার পরিবর্তে নোটের প্রচলন, ও নানারূপ কর প্রভৃতির নিমিত্ত তাঁহারা বিশিষ্টরূপ অসন্তুষ্ট হইয়া, ডচ্ কোম্পানীর নিকট অনেক বার আপন দুঃখ জ্ঞাপন করেন; কিন্তু কোম্পানী বা তৎসামরিক শাসনকর্তা শ্লাইস্কেন (Mr Sluys Ken) সাহেব তাহার কোনরূপ প্রতিকারের চেষ্টা না করায়, ১৭৯৫ খৃষ্টাব্দে সেই প্রদেশীয় সমস্ত অধিবাসী বা বুয়রগণ ঘোষণা করিয়া দিলেন * যে, এখন হইতে আর তাঁহারা ডচ্ কোম্পানীর অধীন নহেন; কিন্তু তাঁহারা ডচ্ গভর্নমেন্টের আজ্ঞাধীন।

সেই সময়ে শ্লাইস্কেনের (Sluys Ken) এরূপ কোনও সৈন্ত ছিল না, যাহা তিনি বশত স্বীকার করাইবার নিমিত্ত বুয়রদিগের বিরুদ্ধে প্রেরণ করিতে পারেন; সুতরাং খেতাজ অধিবাসিগণ সেই সময় যাহা মনে করিলেন, তাহাই করিয়া লইলেন।



ষষ্ঠ প্যারিভেদ ।

দক্ষিণ আফ্রিকায় ইংরাজগণের অধিকার ।

ইউরোপথণ্ডে ইংরাজ ও ফরাসীদিগের মধ্যে সংগ্রাম উপস্থিত হওয়ার, ইংরাজগণ স্বসৈন্তে ফরাসী দেশে উপনীত হইলেন । সেই সময় প্রবল শীতের অত্যন্ত প্রাক্কর্ভাব হওয়ার ফরাসীদেশীয় নদী সমূহের জল বরফে পরিণত হয় । ফরাসীগণ এই সুযোগে অনায়াসেই নদী সকল পার হইয়া, এরূপ ভাবে ইংরাজদিগকে আক্রমণ করিলেন, যে বাধ্য হইয়া তাঁহাদিগকে সেইস্থান পরিত্যাগপূর্বক জর্মনীতে আসিয়া উপনীত হইতে হইল । ইংরাজগণ পরাজিত হইলে, তাঁহাদিগের সাহায্যকারী অরেন্স সাম্রাজ্যের ডচ্গণ বিশিষ্টরূপ অবমানিত হইলেন ও তাঁহাদিগের নেতাকেও হলও পরিত্যাগ করিয়া ইংলণ্ডে আসিতে হইল । তাঁহার দলস্থিত অপরাপর সকলে পেট-রিয়টদিগের সহিত মিলিত হইয়া, সর্বপ্রকারে ফরাসীদিগের সাহায্য করিতে লাগিলেন ।

ডচদিগের এইরূপ ব্যবহারে ইংরাজগণ তাঁহাদিগের উপর অতিশয় কুপিত হইলেন ; এবং তাঁহাদিগের দ্বারা অধিকৃত দক্ষিণ আফ্রিকা আক্রমণ করিবার অভিপ্রায়ে, সেইদিকে সৈন্ত প্রেরণ করিলেন । অরেন্জ সম্প্রদায়ের নেতা (যিনি ইংলণ্ডে পলাইয়া আসিয়াছিলেন) ইংরাজদিগকে সম্পূর্ণরূপে সাহায্য করিবার নিমিত্ত দক্ষিণ আফ্রিকার শাসনকর্তাকে একখানি পত্র লিখিয়া দিলেন ।

এই সময় ইউরোপে যে কি হইতেছিল, তাহার বিষয় দক্ষিণ আফ্রিকার শাসনকর্তা স্লাইসকেন (Sluys Ken) সাহেব সম্পূর্ণরূপে অনভিজ্ঞ ছিলেন । ১৭৯৫ খৃষ্টাব্দে ইংরাজদিগের সৈন্ত সামন্ত সাইমন্স উপসাগরে (Symons Bay) আসিয়া উপস্থিত হইলে, সেনাপতিদ্বয় অ্যাডমিরাল এলফিনষ্টোন (Admiral Elphinstone) ও মেজর—জেনারল ক্রেগ (Major—General Craig) সেই পত্র খানি শাসনকর্তার হস্তে অর্পণ করিলেন । ইংরাজগণ যে সেই দেশ অধিকার করিতে আসিয়াছিলেন, তাহা বুঝিতে পারিয়াও কিন্তু ডচ কোম্পানীর নিয়োজিত শাসনকর্তা স্লাইসকেন সাহেব, প্রধান সেনাপতি কর্ণেল রবার্ট জেকব গরডন (Colonel Robert Jacob Gordon) ও সৈন্যাধ্যক্ষ লেফ্টেনেন্ট-কর্ণেল ডি লিলিয় (Lieutenant Colonel De Lille) সহিত পরামর্শ করিয়া, সেই সকল ইংরাজ সৈন্তগণকে সেই স্থান অধিকার করিতে অনুমতি প্রদান করিলেন ।

সাইমন্স উপসাগরে (Symons Bay) ইংরাজ সৈন্ত আসিয়া উপনীত হইবার ১৮ দিবস পরে সমস্ত সৈন্ত সামন্ত

লইয়া, ডচ্ কোম্পানীর প্রধান কর্মচারীগণ মিউজেনবর্গ (Muizenburg) নামক স্থানে গমন করিলেন । এইস্থানটা স্বাভাবিক অতিশয় সুদৃঢ় ও কেপনগরের পথপার্শ্বে সংস্থাপিত ছিল ।

ইহার পনের দিবস পরেই ৮০০ শত ইংরাজসৈন্য আসিয়া ডচ্দিগের পরিত্যক্ত গৃহে তাহাদিগের বাসস্থান স্থাপিত করিল ।

৭ই আগষ্ট তারিখে ইংরাজ সৈন্তাধ্যক্ষ ক্রেগ সাহেব ১৬০০ শত সৈন্য লইয়া, মিউজেনবর্গ অধিকার করিবার মানসে যাত্রা করিলেন, কিন্তু ডচ্ কোম্পানীর সৈন্তাধ্যক্ষ ঐ স্থান রক্ষা করিবার কোনরূপ চেষ্টা না করিয়া, গুলি, বারুদ ও আহারীয় প্রভৃতি সমস্ত দ্রব্য সেইস্থানে পরিত্যাগ পূর্বক কেপনগর অভিমুখে প্রস্থান করিলেন । মারনিজ (Lieutenant Marnitz) নামক অপর একজন সৈন্তাধ্যক্ষ, তাঁহার অধীনে সামান্য কতকগুলি সৈন্য ও কতকগুলি কৃষিকীর্ষী বুরর লইয়া ঐ স্থান অধিকার করিবার সময় ইংরাজদিগের বিপক্ষে দণ্ডায়মান হইয়াছিলেন সত্য, কিন্তু প্রধান কর্মচারীগণের অবস্থা দেখিয়া, পরিশেষে তাঁহাকেও সেইস্থান পরিত্যাগ করিতে হয় । সুতরাং সমস্ত প্রয়োজনীয় দ্রব্যাদির সহিত ঐ স্থান ইংরাজদিগের হস্তগত হইয়া পড়ে । ইহার দুই দিবস পরেই সেন্ট হেলেনা (St. Helena) হইতে ৩৫০ জন সৈন্য ইংরাজদিগের সাহায্যার্থ আসিয়া উপস্থিত হয় ।

এ পর্য্যন্ত বুররগণের বিশ্বাস ছিল যে, আপন রাজস্ব রক্ষা করিবার নিমিত্ত ডচ্ কোম্পানী নিশ্চয়ই প্রাণপণে চেষ্টা করিবেন । তাঁহাদিগের আরও বিশ্বাস ছিল যে, ডচ্ কোম্পানীকে



অখারোহী বুয়র ।

দূরীভূত করিয়া, ইংরাজগণ যদি ঐ প্রদেশ অধিকার করিতে পারেন, তাহা হইলে তাঁহাদিগেরও স্বাধীনতা নষ্ট হইবার সম্ভাবনা। এই বিবেচনার উপর নির্ভর করিয়া, তাঁহারা ১৫০০ লোক অস্ত্রশস্ত্র লইয়া অখারোহে ডাচ কোম্পানীর সাহায্য

করিবার নিমিত্ত আগমন করিয়াছিলেন ; কিন্তু যখন যুদ্ধিতে পারিলেন যে, শাসনকর্তা ও সৈনিক-বিভাগের কর্মচারিগণ নিতান্ত বিশ্বাসঘাতকতার কার্য্য করিতেছেন, তখন তাঁহারা ইংরাজদিগের বিরুদ্ধে আর দণ্ডায়মান না হইয়া, আপন . আপন স্থানে প্রস্থান করিলেন । ওদিকে, সৈন্যাধ্যক্ষ ডি লিলি (De Lille) আপন পদ পরিত্যাগ পূর্ব্বক ইংরাজদিগের অধীনে কর্ম গ্রহণ করিলেন ।

৪ঠা সেপ্টেম্বর তারিখে, আরও ৩০০০ সহস্র ইংরাজ-সৈন্য আসিয়া উপস্থিত হইল । ১৪ই তারিখে সমস্ত সৈন্য একত্র হইল ; তখন মোট ইংরাজ সৈন্তের সংখ্যা ৪০০০ হইতে ৫০০০ সহস্রের মধ্যে । এই সৈন্য লইয়া, সৈন্যাধ্যক্ষগণ কেপ নগর অধিকার করিবার মানসে যাত্রা করিলেন ।

সেই সময়, ডচ্ কোম্পানীর সৈন্তগণ মিউজেনবর্গ (Muizenburg) ও কেপ নগরের মধ্যে একস্থানে রক্ষিত হইয়াছিল ; সেইস্থানে উভয় দলে একটা সামান্য যুদ্ধ হয় ; ঐ যুদ্ধে ইংরাজগণই জয়লাভ করেন । ইহাতে ইংরাজদিগের ১ জন হত ও ১৭ জন মাত্র আহত হইয়াছিল ; কিন্তু ডচ্ কোম্পানীর কত সৈন্য হত ও আহত হইয়াছিল, তাহা প্রকাশিত নাই ।

এই সামান্য যুদ্ধে পরাজিত হইয়া ডচ্ কোম্পানী ইংরাজদিগের নিকট নিম্নলিখিত সর্ত্তানুসারে আত্মসমর্পণ করিলেন ।

১। সৈনিক কর্মচারিগণ তাঁহাদিগের ইচ্ছামত, ইউরোপে গমন বা এইস্থানে অবস্থান, করিতে পারিবেন ; কিন্তু যত দিবস পর্য্যন্ত ইউরোপে বর্ত্তমান যুদ্ধ চলিবে, তত দিবস তাঁহারা ইংরাজের অধীনে কার্য্য গ্রহণ করিতে পারিবেন না ।

২। ঐ স্থানের ঔপনিবেশিকগণের মধ্যে সমাজ ও ধর্ম সম্বন্ধীয় যেকোন নিয়ম প্রচলিত আছে, তাহার কোনরূপ পরিবর্তন হইবে না।

৩। তাঁহাদিগের উপর অপর কোনরূপ নতুন কর ধাৰ্য্য হইবে না।

৪। ডচ্ ইষ্টইণ্ডিয়া কোম্পানীর ঐ স্থানে যে সকল বিষয়াদি আছে, তাহা ইংরাজগণকে প্রদত্ত হইবে।

৫। দেশের মধ্যে কোম্পানীর যে সকল নোট বা কাগজ, মুদ্রারূপে চলিতেছে, তাহার মূল্যস্বরূপ, কোম্পানীর যে সকল বাড়ী ও জমি আছে, তাহা ইংরাজগণ প্রাপ্ত হইবেন।

এইরূপ কতকগুলি নিয়ম স্থিরীকৃত হইলে, ১৭৯৫ খৃষ্টাব্দের ১৬ই সেপ্টেম্বর বৃহবার অপরাহ্ন ৩ ঘটিকার সময়, ইংরাজ সেনাপতি জেনারল ক্রেগের (General Craig) অধীনে, ১৪০০ শত ইংরাজ সৈন্য আসিয়া, কেপ নগরের দুর্গে প্রবেশ পূর্বক শ্রেণীবদ্ধভাবে দণ্ডায়মান হইলে, ডচ্ কোম্পানীর সৈন্যগণ তাঁহাদিগের পতাকা হস্তে বাণ্ড বাজাইতে বাজাইতে আসিয়া, ইংরাজ সৈন্যগণের নিকট আত্মসমর্পণ করিলেন।

১৪৩ বৎসর দক্ষিণ আফ্রিকার রাজত্ব করিবার পর, অন্ত হইতে ডচ্ ইষ্টইণ্ডিয়া কোম্পানীর রাজত্ব শেষ হইল, এবং উহা ইংরাজজাতির হস্তে গুস্ত হইল।





সপ্তম প্যারেন্ট ।

বুয়রজাতির বিদ্রোহিতা

দক্ষিণ আফ্রিকা ইংরাজদিগের অধিকারভুক্ত হইল সত্য, কিন্তু সেস্থানের অধিবাসিগণ সহজে তাঁহাদিগের বশতাস্বীকার করিতে চাহিলেন না। তত্রাচ, ইংরাজগণ তাঁহাদিগের উপর বিশেষরূপ অত্যাচার প্রকাশ করিতে কুণ্ঠিত হইলেন না। বাহারা পূর্বে কোম্পানীর অধীনে কৰ্ম করিতেন, তাঁহাদিগকে সেই সকল কার্যে নিযুক্ত করিতে লাগিলেন; কেহ কোনরূপ অন্তর কার্য করিলে, তাঁহাকে উপযুক্তরূপ দণ্ডপ্রদান না করিয়া মিষ্টকথায়, তাঁহার দোষ বুঝাইয়া দিতে লাগিলেন; তাঁহাদিগের উপর পূর্ব হইতে যে সকল কৰ প্রভৃতি স্থাপিত ছিল, তাহার সমস্তই প্রায় উঠাইয়া দিলেন; বাণিজ্য-ব্যবসায়কে যে সকল বিষয় লইয়া কোম্পানীর সহিত তাঁহাদিগের মনোবিবাদ চলিতে ছিল, সেই সকল বিষয়ের মীমাংসা করিয়া, তাঁহাদিগকে

স্বাধীনভাবে ব্যবসা বাণিজ্য করিতে আদেশ প্রদান করিলেন ; তদ্ব্যতীত, কোম্পানীর যে সকল নোট বা কাগজ-মুদ্রা সেই প্রদেশে প্রচলিত ছিল, তাহার পরিবর্তে ধাতু-মুদ্রার প্রচলন আরম্ভ করিলেন ।

এই সকল কারণে, প্রজাগণ ক্রমেই ইংরাজদিগের বশীভূত হইতে আরম্ভ করিল । তদ্ব্যতীত, যে সকল বুয়রগণ সাধারণ-তন্ত্র স্থাপন করিয়াছিলেন, তাঁহাদিগের মধ্যে ষ্টেলেনবস্ (Stellenbosch) ও সোয়েলেন্ডেন (Swellendan) প্রদেশীয় বুয়রগণ, তাঁহাদিগের সাধারণতন্ত্র উঠাইয়া দিয়া, ইংরাজদিগের বশতা-স্বীকার করিলেন । অবশিষ্ট থাকিলেন কেবলমাত্র গ্রাফ্-রীনেট্ (Graaff-Reinet) প্রদেশের অধিবাসিগণ । তাঁহারা জান পিটার ওয়ায়ার (Jan Pieter Woyer) নামক এক ব্যক্তির পরামর্শ শুনিয়া, প্রথমতঃ ইংরাজের বশতা-স্বীকারে অস্বীকার করিয়াছিলেন ; কিন্তু ইংরাজ গভর্নমেন্ট যখন তাঁহাদিগের গুলি বারুদ ক্রয় করিবার উপায় একেবারে বন্ধ করিয়া দিলেন, তখন তাঁহাদিগকে বাধ্য হইয়া, ১৭৯৬ খৃষ্টাব্দে নামে মাত্র হংস দিগের বশতা-স্বীকার করিতে হইল ; কিন্তু কোন রূপে কাহার নিকট হইতে উপযুক্তরূপ সাহায্য পাইলেই, তাঁহাদিগের পুনরায় স্বাধীন হইবার অভিসন্ধি রহিল ।

ওয়ায়ার (Woyer) কোনগতিকে আল্গোয়া উপসাগর হইতে একখানি দিনেমার জাহাজে উঠিয়া জাভার (Java) পলায়ন করিলেন ।

সেইস্থান হইতে সংগ্রহ করিয়া, তিনি একবার একখানি জাহাজ গুলি বারুদে পূর্ণ করিয়া, গ্রাফ্-রীনেট্ (Graaff

Reinet) প্রদেশীয় বুয়রদিগের ব্যবহারার্থ পাঠাইয়া দিয়াছিলেন ; কিন্তু ঐ সকল দ্রব্য বুয়রদিগের হস্তগত হইবার পূর্বেই আলগোয়া উপসাগরে (Algoa Bay) একখানি ইংরাজ রণপোতের দ্বারা ধৃত হয় ।

জাভার শাসনকর্তাও, একবার একখানি জাহাজে যুদ্ধোপযোগি দ্রব্য, কাপড়, কাফি ও চিনি প্রভৃতি, বুয়র কৃষকদিগের ব্যবহারার্থ, প্রেরণ করেন ; কিন্তু দুর্ভাগ্যবশতঃ, ঐ জাহাজ আলগোয়া উপসাগরে (Algoa Bay) উপনীত হইবার পূর্বেই, প্রবল ঝটিকা উত্থিত হওয়ার, উহার একরূপ ক্ষতি হয় যে, পুনঃসংস্কারের নিমিত্ত, উহাকে ডিলেগোয়া উপসাগরে (Delagoa Bay) আনিতে হয় । সেইস্থানে কয়েকজন পর্তুগীজের সাহায্যে, ইংরাজ নাবিকগণ ঐ সকল দ্রব্য অধিকার করিয়া লন ।

ইহার পরে হলণ্ড হইতে একত্র নয়খানি জাহাজ এডমিরাল লুকাশ (Admiral Lucas) নামক এক ব্যক্তির কর্তৃত্বাধীনে বুয়রদিগের সাহায্যার্থে ইংরাজদিগের বিরুদ্ধে প্রেরণ করা হয় । কিন্তু ইংরাজদিগের কোশলে পড়িয়া, তাঁহাকে বাধ্য হইয়া সালধানা উপসাগরের (Saldanha Bay) মধ্যে গমন করিতে হয় । সেইস্থানে বিশেষরূপ বিপদগ্রস্ত হইয়া, একদিক হইতে ইংরাজ পোতশ্রেণী ও অপর দিক হইতে ইংরাজ সৈনিকগণ কর্তৃক তিনি একরূপভাবে আক্রান্ত হন, যে, ১৭৯৬ খৃষ্টাব্দের ১৭ আগষ্ট তারিখে, ২০০০ সহস্র সৈন্য ও নাবিকগণের সহিত, তাঁহাকে ইংরাজদিগের হস্তে বিনাযুদ্ধে আত্মসমর্পণ করিতে হয় ।

এইরূপে ইংরাজ সেনাপতিস্বরূপ, এলফিন্‌ষ্টোন ও ক্লার্ক, দক্ষিণ আফ্রিকা অধিকার করিয়া, জেনারল ক্লেগ নামক অপর এক জন সেনাপতিকে সেইস্থানে রাখিয়া, ভারতবর্ষে আগমন করেন ।

দক্ষিণ আফ্রিকা অধিকৃত হইয়াছে, এই সংবাদ ইংলণ্ডে উপনীত হইলে, ইংরাজগণ সেই নূতন দেশ রক্ষা করিবার নিমিত্ত, একজন দুর্গরক্ষক সেইস্থানে প্রেরণ করিলেন ।

১৭৯৭ খৃষ্টাব্দে, আরল অব্ মেকারটেনি (Earl of Macartney) নামক এক ব্যক্তি ঐ স্থানের শাসনকর্তা নিযুক্ত হইয়া গমন করেন । ১৭৯৮ খৃষ্টাব্দে, শারীরিক অসুস্থতা নিবন্ধন তিনি ইংলণ্ডে প্রত্যাগমন করিলে, ১৭৯৯ খৃষ্টাব্দে, সার জর্জ জোজ (Sir George Jougé) তাঁহার পদে নিযুক্ত হন । এই সময়ের মধ্যে দুর্গরক্ষক মেজর—জেনারল ফ্রানসিস্ ডন্‌ডস্ (Major—General Francis Dundus) শাসনকর্তার কার্য নিৰ্বাহ করিয়াছিলেন ।

এই অবকাশে, গ্রাফ্ রীনট্ (Graaff Reinet) প্রদেশীয় বুয়রগণ পুনরায় বিদ্রোহী হইয়া উঠেন । এবার বিদ্রোহী হইবার কারণ অতি সামান্য । আডরিয়ান ভান জারভেল্ড (Adrian Van Jarsveld) নামক এক ব্যক্তি হাইকোর্টের শমন অমান্ত করা অপরাধে ইংরাজগণকর্তৃক ধৃত হইয়া, বিচারার্থ কেপ নগরে প্রেরিত হন ; কিন্তু পশ্চিমধ্যে, ঐ প্রদেশীয় কতকগুলি বুয়র একত্র মিলিত হইয়া, উঁহাকে বলপূর্বক মুক্ত করিয়া লন ।

ঐ স্থানের বুয়রদিগের এইরূপ ব্যবহারে, ইংরাজগণ বাধ্য হইয়া, তাঁহাদিগের বিপক্ষে যুদ্ধঘোষণাপূর্বক, তাঁহাদিগের দমনার্থ

বিস্তর সৈন্ত প্রেরণ করেন । ঐ প্রদেশস্থ প্রধান প্রধান বুয়র-গণ যখন দেখিলেন, যে, এই ভয়ানক যুদ্ধে তাঁহাদিগের আর নিস্তার নাই, তখন তাঁহারা একত্র মিলিত হইয়া, ইংরাজ গভর্ণ-মেন্টের নিকট ক্ষমা প্রার্থনা করিয়া, এক আবেদন করেন । ইংরাজ কর্মচারিগণ এই মর্মে তাঁহার উত্তর প্রদান করেন, যে, যে পর্য্যন্ত তাঁহারা তাঁহাদিগের অস্ত্র শস্ত ইংরাজদিগকে প্রদান না করিবেন, সে পর্য্যন্ত তাঁহাদিগের উপর গভর্ণমেন্ট কোনরূপ অহুগ্রহ প্রকাশ করিবেন না ।

তাঁহাদিগকে ক্ষমা করা হইল, একধার উল্লেখ উহাতে না থাকিলেও, তাঁহারা এই বুঝিলেন যে, ইংরাজগণ তাঁহাদিগকে ক্ষমা করিয়াছেন । ইহার পরই ১১৩ জন বুয়র আসিয়া, তাঁহাদিগের অস্ত্রশস্ত্র ইংরাজদিগকে প্রদান করিয়া, ইংরাজ গভর্ণমেন্টের বশতাস্বীকার করিলেন ।

যাঁহারা এইরূপে ইংরাজের বশতাস্বীকার করিলেন, তাঁহারা ইংরাজের বন্দীরূপে পরিগণিত হইলেন ; ইহাদিগের মধ্যস্থিত ৯৩ জনকে অর্থদণ্ড করিয়া ছাড়িয়া দেওয়া হয় ; অবশিষ্ট ২০ জনকে বিচারার্থ কেপনগরে প্রেরণ করা হয় ; যতদিবস তাঁহাদিগের বিচার শেষ না হয়, ততদিবস পর্য্যন্ত তাঁহারা কয়েদী রূপে সেইস্থানেই অতিবাহিত করেন । ইহার পর, আরও ৪২ জন আত্মসমর্পণ করেন ; কিন্তু তাঁহাদিগকে ক্ষমা করা হয় ।

উহাদিগের ৭ জন হুর্দাস্ত নামক, সেই সময় ইংরাজদিগের অধিকার হইতে কাফির স্থানে (Kaffir-land) পলায়ন করেন, ও সেইস্থানের একজন হুর্দাস্ত রাজার অধীনে অনেক দিবস পর্য্যন্ত বাস করেন ।

পূর্বেকথিত বন্দীদিগের বিচার, পরিশেষে কেপনগরের হাই-কোর্টেই হইয়াছিল। বিচারে ২ জনের জীবনদণ্ড ও ১৫ জনের কারাদণ্ড হয়; ১ জনকে বেত্রাঘাত করিয়া, দেশ হইতে বহিষ্কৃত করিয়া দেওয়া হয়। অবশিষ্ট ২ জন বিচারের পূর্বেই কাল-গ্রাসে পতিত হন। ঝাঁহারা জেলের ভিতর আবদ্ধ ছিলেন, ১৮০৩ খৃষ্টাব্দে, ডিমিষ্ট (De Mist) নামক একজন ডচ্‌দিগের প্রতিনিধি অনুগ্রহ করিয়া, তাঁহাদিগকে ছাড়িয়া দেন।

যে সময়, পূর্বেকথিত বুয়রসম্প্রদায়ের সহিত ইংরাজদিগের গোলযোগ উপস্থিত হয়, সেই সময় হটেন্টট্‌ জাতির মধ্যে কতকগুলি লোক যখন দেখিল, তাহাদিগের জাতীয় সৈন্তগণ বুয়রদিগের বিরুদ্ধে, ইংরাজ সৈন্তগণের সহিত অস্ত্রধারণ করিয়াছে; তখন তাহারাও ঐ সকল বুয়রদিগের বিরুদ্ধে গুপ্তভাবে দণ্ডায়মান হইল। প্রকাশ্যে তাঁহাদিগের সহিত কোনরূপ যুদ্ধাদি না করিয়া, সুযোগ মতে তাঁহাদিগের গুলি বারুদ ও আহারীয় দ্রব্যসকল লুণ্ঠন করিয়া লইতে আরম্ভ করিল। বুয়রদিগের সহিত গোলযোগ মিটিয়া যাইবার পর, তাহারা আপনাপন কৃতকার্যের পুরস্কার পাইবার প্রত্যাশায়, স্ত্রী-পুত্রগণের সহিত ইংরাজদিগের নিকট গিয়া উপস্থিত হয়। ইংরাজ সেনাপতি উহাদিগকে লইয়া কি করিবেন, তাহার কিছুই স্থির করিতে না পারিয়া, উহার মধ্যস্থিত একশত লোককে সৈন্তের মধ্যে নিযুক্ত করিয়া লন। অবশিষ্ট প্রায় ৬০০ শত ব্যক্তিকে আলগোরা উপসাগরে প্রেরণ করেন; ও যে পর্যন্ত কেপ নগর হইতে কোনরূপ সংবাদ না আইসে, সেই পর্যন্ত তাহাদিগকে সেই স্থানেই রাখিবার ব্যবস্থা করা হয়।

এই সময়ে আর একটা জাতিকে লইয়া, ইংরাজদিগকে বেশ একটু বিপদগ্রস্ত হইতে হইয়াছিল। ইহাই তৃতীয় কাফির-যুদ্ধ নামে অভিহিত ।





অষ্টম পরিচ্ছেদ ।

তৃতীয় কাফির যুদ্ধ ও দক্ষিণ আফ্রিকায়
ডাচদিগের পুনরধিকার ।

ইতিপূর্বে নাবালক রাজপুত্র গাইকা (Gaika) ও তাঁহার পিতৃব্য লেম্বির (Ndlambe) কথা বর্ণিত হইয়াছে । গাইকা এখন সাবালক হইয়া, তাঁহার পিতার সিংহাসন পুনঃপ্রাপ্ত হইবার নিমিত্ত পিতৃব্যকে কহিলেন ; কিন্তু লেম্বি তাঁহার প্রস্তাবে কর্ণপাতও করিলেন না । প্রজাগণ প্রায় সকলেই পূর্ক হইতে গাইকার পক্ষে ছিল ; সুতরাং গাইকার সহিত তাঁহার পিতৃব্যের এক তুমুল সংগ্রাম বাধিল । ঐ সংগ্রামে গাইকা যে কেবলমাত্র জয়লাভ করিলেন, তাহা নহে ; তাঁহার পিতৃব্যকে পর্য্যন্ত ধৃত করিয়া কারাগারে আবদ্ধ করিয়া রাখিলেন । পিতৃব্যও কিন্তু কিরূপ স্বেযোগ পাইয়া, ১৭৯৯ খৃষ্টাব্দে কারাগার হইতে পলায়ন করিয়া, কতকগুলি অনুচরের সহিত মৎস্ত নদী পার হইয়া, বুয়রদিগের বাসস্থানের ভিতর

প্রবেশ করিলেন । ঐ প্রদেশের মৎস্ত ও কাউই নদীর (Kowie) মধ্যস্থিত আদিম অধিবাসিগণ দলেদলে গিয়া পিতৃব্যের দল পুষ্ট করিতে লাগিল । সেই প্রদেশীর খেতাবগণ, ঐ সকল অসভ্য জাতির অত্যাচারে ও ভয়ে, আপন আপন বিষয় সম্পত্তি সেই স্থানে পরিত্যাগ পূর্বক, পলায়ন করিতে লাগিলেন । সুতরাং অতি অল্প দিবসের মধ্যে ঐ অসভ্যজাতি সেই স্থানের একাধিপতি হইয়া পড়িল ।

ইংরাজ-সেনাপতির, ঐ সকল জাতির বিরুদ্ধে গোরা সৈন্ত প্রেরণ করিবার ইচ্ছা ছিল না ; কিন্তু কার্যে তাঁহাকে তাহা করিতে হইল । তিনি সেই সময় কতকগুলি ইংরাজ-সৈন্তের সহিত, সেই স্থান দিয়া কেপ নগর অভিমুখে গমন করিতেছিলেন । পশ্চিমধ্যে সনডে নদীর (Sunday River) উপকূলে, তাহারা তাঁহাকে আক্রমণ করে ; কিন্তু সেনাপতিকে পরাজয় করিতে পারে না, বরং তাহারাই বিতাড়িত হয় । সেনাপতি ২০ জন সৈনিক প্রহরীকে পশ্চাতে রাখিয়া আসিয়া-ছিলেন । তাহাদিগকে সঙ্গে করিয়া লইয়া যাইবার মানসে, তিনি সেইস্থানেই শিবির সন্নিবেশিত করিলেন ; কিন্তু সেই ২০ জন সৈনিক প্রহরীকে আর তাঁহাদিগকে সঙ্গে করিয়া লইয়া যাইতে হইল না । পশ্চিমধ্যে, তাহারা কোবাগণের দ্বারা আক্রান্ত হইয়া, ১৬ জন শমন সদনে গমন করেন ; অবশিষ্ট ৪ জন মাত্র শিবিরে আসিয়া উপস্থিত হন । ইহার পরেই কোবাগণ দলপুষ্টির সহিত, সেনাপতির শিবিরে বলপূর্বক প্রবেশ করিবার চেষ্টা করিয়াছিল ; কিন্তু ইহাতে অনেক কোবা আহত হওয়ার, তাহারা সেইস্থান হইতে প্রস্থান করে ।

সেনাপতিও সেইস্থান পরিত্যাগ করিয়া, আলগোরা উপসাগরে গমন করিলেন। সেইস্থানে যে ৬০০ শত লোককে পূর্বে প্রেরণ করা হইয়াছিল, সেনাপতি গমন করিয়াই, তাহাদিগকে নিরস্ত করিবার চেষ্টা করেন; কিন্তু কৃতকার্য হইতে পারেন না। তাহারা সেইস্থান হইতে পলায়ন করিয়া, কোষাগণের সহিত মিলিত হয় ও খেতাজদিগের বিপক্ষে অস্ত্র ধারণ করে। পরিশেষে বহু কষ্টে ও অনেক সৈন্য সামন্ত প্রেরণ করিয়া, কোষাগণকে পরাজয় করিতে হয়। কোষাগণের সঙ্গে মধ্যে মধ্যে যে সকল যুদ্ধ হইয়াছিল, তাহাতে খেতাজনিঃসৃত অনেক রক্ত পতিত হয়।

এই সময় যিনি ইংরাজ শাসনকর্তা ছিলেন, তিনি একজন উৎকোচগ্রাহী লোক ছিলেন। তাঁহার নামে উৎকোচ গ্রহণের অভিযোগ হওয়ায়, তাঁহাকে তাঁহার পদ হইতে স্থানান্তরিত করা হয়, ও ১৮০১ খৃষ্টাব্দে ইংলণ্ডে প্রত্যাগমন করিবার পর, বিচারে তিনি দোষী সাব্যস্ত হন।

ইহার পর মেজর—জেনারেল ডগাস পুনরায় শাসনকর্তা হইয়া ঐ স্থানে গমন করেন। তাঁহারই শাসনকালে ইউরোপের সমস্ত গোলোবোগ মিটিয়া যায়, এবং ইংলণ্ড, ফ্রান্স ও হলণ্ড-বাসিগণের মধ্যে এক সন্ধি স্থাপিত হয়; ঐ সন্ধির মর্মে অনুসারে, ইংরাজগণ ১৮০৩ খৃষ্টাব্দে দক্ষিণ আফ্রিকা পুনরায় ডচদিগের হস্তে অর্পণ করেন। ডচগভর্নমেন্টের পক্ষ হইতে ডি মিষ্ট (De Mist) শাসনকর্তার পদে নিযুক্ত হইয়া, ৩০০০ সহস্র সৈন্তের সহিত আগমন করিয়া, ডগাসের নিকট হইতে পুনরায় ঐ সাম্রাজ্যের ভার গ্রহণ করেন।



নবম পার্ব্বদ ।

ইংরাজের পুনরধিকার ।

১৮০৩ খৃষ্টাব্দের ১লা মার্চ তারিখে, কমিশনার ডি মিষ্ট (De Mist) এই প্রদেশের বনোবস্তু করিবার নিমিত্ত, কর্মচারীগণকে নিযুক্ত করিয়া, তাঁহাদিগকে রাজ্যশাসন সম্বন্ধে উপদেশ প্রদান করেন। ঐ তারিখেই, তিনি লেফ্টেনেন্ট জেনারেল জানসিনকে (Lieutenant-General Janssens) ঐ প্রদেশের শাসনকর্তা নিযুক্ত করেন। তাঁহার শাসন কালে, সেইস্থানের খেতাব অধিবাসীর সংখ্যা হইয়াছিল, ২৫।২৬০০০ সহস্র ।


১৮০৩ খৃষ্টাব্দের মে মাসে, অর্থাৎ ঐ প্রদেশ ডাচদিগের পুনরধিকারভুক্ত হইবার তিন মাসের মধ্যেই, ইংরাজ ও ডাচদিগের মধ্যে ভয়ানক যুদ্ধ উপস্থিত হয়। এই সংবাদ অবগত হইয়া, ঐ স্থানের শাসনকর্তা সৈন্ত সামন্তের সংখ্যা বৃদ্ধি করিয়া,

বাহাতে ঐ স্থান রক্ষা করিতে পারেন, তাহাতে বিশেষরূপে বন্ধবান্ হন ; কিন্তু হলও হইতে আদেশ পাইয়া, অনিচ্ছা সত্ত্বেও, তাঁহার উত্তম উত্তম সৈন্তগণকে বটেভিয়ার পাঠাইতে হয় । সুতরাং তিনি বাধ্য হইয়া, হট্টেট্টিগের মধ্য হইতে কতকগুলি লোক বাছিয়া লইয়া, তাহাদিগকে সৈন্তশ্রেণীভুক্ত করিয়া লন ।

ইউরোপে ডচ্দিগের সহিত বিবাদ-সূত্রে, ইংরাজগণ যে পুনরায় দক্ষিণ আফ্রিকা অধিকার করিবার চেষ্টা করিবেন, এ কথা সকলেই ভাবিয়াছিলেন । সকলে যাহা অনুমান করিয়াছিলেন, ১৮০৫ খৃষ্টাব্দে, কার্য্যেও তাহা পরিণত হইয়াছিল । সেই সময় সংবাদ আসিল যে, ইংরাজগণ দক্ষিণ আফ্রিকার বিরুদ্ধে পুনরায় যুদ্ধযাত্রা করিয়াছেন । এই সংবাদ অবগত হইয়া, ডচ্শাসনকর্তা বুয়রদিগকে সাহায্যার্থ আহ্বান করিলেন । সেই সময় রৌদ্রের এতই প্রাচুর্য্য ছিল, যে, দিবাভাগে কেহই কোন স্থানে গমনাগমন করিতে পারিত না । তথাপি কিন্তু, শত শত অশ্বারোহী বুয়র* রাজ্যরক্ষা করিবার অভিপ্রায়ে, রাজ্রিযোগে কেপ নগরে আসিয়া উপস্থিত হইতে লাগিলেন । কিন্তু, উপযুক্তপরি দুই বৎসর কাল অজন্মা হওয়ার, সেইস্থানের অবস্থা এরূপ হইয়াছিল, যে, তাহাদিগের আহারীয় সংগ্রহ করাই কঠিন হইয়া পড়িল । এরূপ অবস্থায় অনন্তোপায় হইয়া, বুয়রগণ আপন আপন স্থানে প্রস্থান করিলেন ।

১৮০৬ খৃষ্টাব্দের ৪ঠা জানুয়ারি তারিখে, ইংরাজদিগের ছয় সহস্র সৈন্তের সহিত ৬৪ খানি রণপোত একত্র হইয়া,

রবিণ দ্বীপের (Robbin Island) পশ্চিম পাশে, টেবিল উপ-
সাগরে (Table) প্রবেশ করিবার মুখে, আসিরা উপস্থিত
হইল; ৬ই ও ৭ই তারিখে, ৬য় পণ্টন (Regiment)
সৈন্ত ও কতকগুলি কামানের সহিত, সৈন্যাধ্যক্ষ মেজর



কামান ।

জেনারেল ডেভিড বের্ড (Major-General David Baird)
কেপনগর হইতে ৯ ক্রোশ দূরে অবতরণ করিলেন ।

উচ্চাশনকর্তা জেনারেল জানসিন্ যখন জানিতে পারিলেন,
যে, ইংরাজগণ সৈন্য সামন্ত লইয়া, তাঁহার দিকে আগমন
করিতেছেন, তখন কতকগুলি বুরর ও বেতনভোগী সৈন্য,
কেপনগরে লেফটেনেন্ট-কর্ণেল ডন প্রফেলোর (Lieute-
nant-Colonel Van Propalow) অধীনে রাখিয়া, তিনি
স্বয়ং ইংরাজদিগের সন্মুখীন হইবার মানসে, দুই সহস্র সৈন্ত ও
১৬টা কামান লইয়া, অগ্রগামী হইলেন । এই সকল সৈন্ত-
গণের মধ্যে অনেকগুলি কামান ও কতিপয় বুররও ছিলেন ।

ইংরাজ জেনারেল বের্ডের (Baird) সহিত ছিল, ৪ সহস্র পরাত্তিক, ত্র্যাত্তিত কতকগুলি গোলন্দাজ, ৮টা কামান ও ঐ সকল কামান টানিরা আনিবার নিমিত্ত ৫১৬ শত নাবিকসেনা ।

এই তারিখে প্রাতঃ তিনটার সময়, বার্গ নামক স্থানে উভয় সৈন্ত সম্মুখীন হয়, ও সেইস্থানে উভয়পক্ষে এক তুমুল যুদ্ধ হয়। ইহাতে ইংরাজগণ জয় লাভ করেন। এই যুদ্ধে তাঁহাদিগের ১৫ জন হত, ১৮৯ জন আহত, এবং ৮ জন নিরুদ্দেশ হয়। ডচদিগের মধ্যে হত ও আহত হয়, ৩৩৭ জন। এই যুদ্ধে পরাজিত হইয়া, ডচগণ হটেণ্টট্—হলণ্ড (Hottentots—Holland) নামক স্থানে, পর্বতের উপর আশ্রয় গ্রহণ করেন।

যাঁহারা কেপনগর রক্ষার্থ নিযুক্ত ছিলেন, তাঁহারাও তাহা রক্ষা করিতে সমর্থ হন না; এইরূপে, ১৮০৬ খৃষ্টাব্দের জানুয়ারি মাসে, দক্ষিণ আফ্রিকায় পুনরায় ইংরাজদিগের জয়পতাকা উড্ডীন হয়।





দশম পরিচ্ছেদ ।

বুয়রদিগের উপর দশ এবং চতুর্থ ও পঞ্চম কাফির যুদ্ধ ।

ইংরাজদিগের শাসনকালে বিশেষ কোন গোলযোগ হয় না। কেবলমাত্র কোষাগণ মধ্যে মধ্যে আসিয়া, খেতাজদিগের অর্থাৎ অপহরণ করিয়া লইয়া যাইত ; এমন কি সময় সময়, খেতাজগণকে হত্যা করিতেও কুণ্ঠিত হইত না। এই সকল অত্যাচারের নিমিত্ত, ১৮১২ খৃষ্টাব্দে, খেতাজগণের সহিত কোষাদিগের এক যুদ্ধ হয় ; ইহাকে ষষ্ঠ কাফির যুদ্ধ কহে। এই যুদ্ধে প্রায় ২০ সহস্র কোষা সম্পূর্ণরূপে পরাজিত হইয়া, আপনাদিগের অধিকারের ভিতর প্রবেশ করে।

কয়েক জন ইংরাজ-শাসনকর্তার পরিবর্তন হইবার পর, ১৮১৪ খৃষ্টাব্দে, লর্ড চারলস্ সমরসেট্ (Lord Charles Somerset) দক্ষিণ আফ্রিকার শাসনকর্তা নিযুক্ত হইয়া গমন করেন। তাঁহার সেইখানে দুই বৎসর কাল পূর্ণ হইতে না হইতেই, বুয়র-

দিগের সহিত এক গোলযোগ উপস্থিত হয়। ফ্রেডেরিক বে ইডেনহুট (Frederik Bezuidenhout) নামক একজন কৃষিকারী বুয়র, গ্লেন লিওন (Glen Lynden) নামক একটা নির্জন উপত্যকার বাস করিতেন। জনৈক পরিচারকের উপর নিষ্ঠুর ব্যবহার করিবার অভিযোগে, তাঁহার নিকট এক সমন প্রেরিত হয়; কিন্তু, তিনি ঐ সমন অমান্য করেন। এই নিমিত্ত তাঁহাকে ধৃত করিবার অভিপ্রায়ে, একদল দেশীয় সৈন্ত প্রেরিত হয়। তিনি উহাদিগের উপর গুলি নিক্ষেপ করিয়া, পলায়নের চেষ্টা করেন; কিন্তু, সৈন্তগণের গুলিতে সেইস্থানে তাঁহার মৃত্যু হয়। ইহার পর, তাঁহার ৫০ জন খেতাজ আত্মীয় স্বজন মিলিত হইয়া, ঐ হর্টেন্ট্ সৈন্তগণের বিরুদ্ধে অস্ত্রধারণ করেন, ও অপরায়ণ বুয়রদিগকে ইংরাজদিগের বিরুদ্ধে উত্তেজিত করিবার চেষ্টা করেন।

ইংরাজগণ, রাজবিদ্বেষিতা-অপরাধে, ইহাদিগের ৩৯ জনকে ধৃত করেন। বিচারে ৬ জনের ফাঁসির আদেশ হয়। তাহার মধ্যে একজনকে শাসনকর্ত্তা করা করেন। অবশিষ্ট সকলেই কারাগারে নিক্ষেপ হন। যে পাঁচ জনের উপর চরম দণ্ডের আদেশ হয়, তাঁহা-





অখারোহী বৃন্দ ৫০ পৃষ্ঠা দ্রষ্টব্য ।

দিগকে, তাঁহাদিগের আত্মীয় স্বজনের সম্মুখে, প্রকাশ্যভাবে কাঁসিকাঠে ঝুলাইয়া দেওয়া হয়। এই দৃশ্যে বুন্নরগণের হৃদয়ে অতিশয় ব্যথা লাগে।

ইহার পরই কোয়া বা কাঙ্কিরগণের পক্ষম যুদ্ধ উপস্থিত হয়; এই যুদ্ধে ইংরাজ গভর্নমেন্টের হস্তক্ষেপ করিবার সবিশেষ প্রয়োজন না থাকিলেও, রাজধর্ম্মানুসারে, এক শ্রেণীর লোকের বলবৃদ্ধির বাধা দিবার নিমিত্ত, তাঁহাদিগকে ইহাতে হস্তক্ষেপ করিতে হয়।

লেম্বি (Ndlambe) ও গাইকার (Gaika) বিষয় ইতিপূর্বে বিবৃত হইয়াছে। ১৮১৮ খৃষ্টাব্দে, লেম্বি তাঁহার দলপুষ্ট করিয়া, মাকেনা (Makana) নামক একজন বুদ্ধিমান ও হৃদ্যন্ত বীরপুরুষের সাহায্যে, গাইকার সহিত এক তুমুল যুদ্ধ করেন। সেই যুদ্ধে গাইকা পরাভূত হইয়া, উইনটারবার্গে (Winterberg) আগমন করেন, ও ইংরাজ গভর্নমেন্টের শরণাগত হন।

সেই সময়, লেম্বি ১৮০০০ সহস্র লোকের অধিপতি; সুতরাং ইংরাজ গভর্নমেন্ট তাঁহার প্রতাপ নষ্ট করিবার মানসে, গাইকার সাহায্যার্থে, একদল সৈন্ত প্রেরণ করেন। সৈন্তগণ মৎস্য নদী পার হইবামাত্র, ইংরাজ ভয়ে ভীত হইয়া, লেম্বি বিনা যুদ্ধে তাঁহার অধিকার পরিত্যাগ পূর্বক, দূরবর্তী জঙ্গলে আশ্রয়গ্রহণ করেন। ইংরাজগণ বিনা যুদ্ধে তাহাদিগের বাসস্থান সকল বিনষ্ট করিয়া, তাহাদিগের ২৩০০০ সহস্র পশুর সহিত প্রত্যাভর্তন করেন।

লেম্বি জঙ্গলে আশ্রয় গ্রহণ করিলেন সত্য, কিন্তু মধ্যে মধ্যে দলবলে আসিয়া, বুন্নরদিগের ধনসম্পত্তি লুণ্ঠন করিতে আরম্ভ করিলেন। একবার তাহারা আসিয়া, মৎস্য (Fish) ও সন্ডে

(Sunday) নদীর মধ্যবর্তী স্থানের ১৭ জন বুরর ও ১৩ জন হর্টেণ্টট্কে নিহত করিয়া, তাঁহাদিগের বখাসর্কস্ব অপহরণ করিয়া লইয়া যায়।

এই ঘটনার পর, লেখিকে শান্তিপ্রদান করিবার মানসে, কুবি-জীবী বুররগণ একত্র সমবেত হন; কিন্তু গ্রেহেম টাউনে (Graham Town) উপনীত হইবার পূর্বেই, ১৮১০ সহস্র সাহসী যোদ্ধার সহিত, লেখির প্রধান সর্দার মাকেনা (Makana) হঠাৎ সেইস্থানে আসিয়া উপস্থিত হন। সেই সময়, সেইস্থানে ইংরাজদিগের কেবল ৩৩৩ জন মাত্র দুর্গরক্ষক সৈন্ত ছিল। তাঁহারা প্রাণপণে কোষাগণের সহিত যুদ্ধ করিলেন। ইংরাজগণ নিতান্ত অল্পসংখ্যক হইলেও, সেই আধক সংখ্যক কোষাগণ, তাঁহাদিগের গোলাগুলির সম্মুখে দাঁড়াইতে পারিল না। যখন দেখিল, তাহাদিগের বিস্তর লোক ধরাশায়ী হইতেছে, তখন তাহারা পলায়ন করিল।

এই ঘটনার তিন মাস পরে, ইংরাজগণ বিস্তর সৈন্ত সামন্ত লইয়া, লেখিকে উপযুক্তরূপে শান্তি প্রদান করিবার নিমিত্ত, মৎস্ত মদী পার হইলেন। ইহাতে, লেখির বিস্তর লোক ইংরাজগণ কর্তৃক হত, তাহাদিগের বাসস্থান সকল ভস্মে পরিণত ও বিস্তর পশু ইংরাজদিগের হস্তগত হইল। উহাদিগের মধ্যে যাহারা অবশিষ্ট রহিল, তাহারা সেই প্রদেশ পরিত্যাগ করিয়া, কাই (Kci) নদীর পূর্ব পার্শ্বে গিয়া আশ্রয় লইল। এই সময় সর্দার মাকেনা ধৃত হওয়ার, তাঁহাকে রবিণ দ্বীপে (Robbin Island) আবদ্ধ করিয়া রাখা হয়। কিন্তু তিন বৎসর পরে, সেই স্থান হইতে পলায়ন করিতে গিয়া, তিনি

সমুদ্রগর্ভে তাঁহার সমাধিসন্দির স্থাপিত করেন। এই সঙ্গে সঙ্গে, পুঙ্কম কাকির-বুদ্ধও শেব হইয়া যান।


এই ঘটনার পর, মৎস্ত নদী হইতে কাই (Kei) নদী পর্য্যন্ত, ইংরাজ গভর্নমেন্টের অধিকারভুক্ত হওয়ার, কাইসকামা (Keiskama) নদীর দক্ষিণ তীরে ও কাই নদীর ধারে, দুইটা সেনানিবাস স্থাপিত হয়। ঐ দুই স্থান, ফোর্ট উইলসারী (Fort Wilshire) ও ফোর্ট বুকোর্ট (Fort Beaufort) নামে অভিহিত। অসভ্য জাতির অত্যাচারে, সেই সময় ইংরাজ শাসনকর্তা এইরূপ প্রকাশ করিয়াছিলেন যে, ঐ প্রদেশে ইংরাজ অধিকার আর অধিক বিস্তৃত করা হইবে না।

১৮১৯ খৃষ্টাব্দে, দক্ষিণ আফ্রিকায় যে জনসংখ্যা গৃহীত হয়, তাহাতে জানিতে পারা যায় যে, সেই সময়ে, সেই প্রদেশে কেবলমাত্র ৪২০০০ সহস্র শ্বেতকায় বা বুয়রদিগের অধিবাস হইয়াছে। এই অবস্থা দৃষ্টে, ইংরাজ গভর্নমেন্ট সেই প্রদেশে শ্বেতাদিগের সংখ্যা আরও বৃদ্ধি করিতে কৃতসঙ্কল্প হইয়া, নিজ ব্যয়ে ইংলণ্ড হইতে প্রায় ৫০০০ সহস্র লোক, ১৮২১ খৃষ্টাব্দের মে মাসের মধ্যে, সেইস্থানে আনিয়া স্থাপিত করেন। কুসমেন ও মৎস্ত নদীর মধ্যস্থিত, এবং জুয়ার বার্গ (Zuarberg) ও সমুদ্রের মধ্যবর্তী, ভূভাগ সকল ইহাদিগের বাসস্থান রূপে পরিগণিত হয়।

যে সকল ইংরাজ সেই স্থানের অধিবাসী হইলেন, প্রথম ২।৪ বৎসর নানারূপ কষ্ট ও অসুবিধা ভোগ করিয়া, পরিশেষে তাঁহারা সুখস্বচ্ছন্দে সেই সকল প্রদেশে বাস করিতে লাগিলেন।

যে গ্রাহামেস্ টাউন (Grahams town) ও এলিজাবেথ বন্দর (Elizabeth Port), ১৮২০ খৃষ্টাব্দে, জনশূন্য সামান্ত পল্লিরূপে পরিগণিত ছিল; কয়েক বৎসরের মধ্যে ঐ সকল স্থান সমৃদ্ধিশালী নগর রূপে পরিগণিত হইল। সেই সকল খেতাজ অধিবাসিগণের মধ্যে প্রায় এক অষ্টমাংশ ইংরাজ; সুতরাং ইংরাজি-ভাষা ক্রমে সেই প্রদেশে প্রচলিত হইতে লাগিল। ১৮২৫ খৃষ্টাব্দে গভর্নমেন্টের কাগজ পত্র সমস্তই ইংরাজিতে লিখিত হইতে আরম্ভ হইল ও ১৮২৮ খৃষ্টাব্দে বিচারালয়সমূহে ডচ্ ভাষার পরিবর্তে ইংরাজিভাষা প্রচলিত হইল।

ডচ্ জাতীয় খেতাজ, বা বুয়রগণ, এই সময় ইংরাজি-ভাষা প্রচলিত হওয়ার বিশেষরূপ আপত্তি করিলেন; কিন্তু ঠাহাদিগের সেই আপত্তি কোন রূপেই গ্রাহ্য হইল না।





একাদশ প্যারিজেদ ।

ইংরাজ-শাসন-প্রণালী-সংস্থাপন ।

এই সময় দক্ষিণ আফ্রিকার বাণ্টু জাতীয় ভিন্ন ভিন্ন সম্প্রদায়ের মধ্যে অত্যন্ত বিবাদ চলিতেছিল ।

অমভল্‌সি (Umvolosi) নদীর উপকূলে, এই প্রদেশের একজন রাজমহিষী বাস করিতেন । ১৭৮৩ খৃষ্টাব্দে, তাহার সাকা (Tshaka) নামক একটা পুত্র জন্ম গ্রহণ করে, ও বয়োবৃদ্ধির সহিত, তাহার হৃদয়ে রাজা হইবার আশা বলবতী হয় । ঐ সময়ে ডিংগিসয়া (Dingiswaya) নামক এক ব্যক্তি স্বজাতীয় একটা ভিন্ন সম্প্রদায়ভুক্ত ব্যক্তিগণের সহিত যুদ্ধ করিতে নিযুক্ত ছিল । সে তাহার সৈন্তগণকে ইংরাজী প্রথা অনুসারে শিক্ষা প্রদান করিয়া, কয়েকটা পর্টনের সৃষ্টি করিয়াছিল । বাল্যকালেই, সাকা তাহার নিকট গমন করিয়া, তাহার অধীনে এক জন সামান্ত সৈনিকের কার্যে নিযুক্ত হয় । কিন্তু অসাধারণ



রাজমহিষী।

কমতা ও অসীম-বুদ্ধি বলে, তিনি অতি অল্প দিবসের মধ্যেই সেই পশ্চিমের প্রধান সেনানীরূপে পরিণত হন। ডিংগিসয়া (Dingiswaya.) পরলোক গমন করিলে, তাহার সেই সৈন্ত সকল সাকার অধীনতা স্বীকার করে। এখন প্রভূত বলশালী ও প্রবল পরাক্রমশালী যে ছলু

(Zulu) যোদ্ধাগণের কথা শুনিতে পাওয়া যায়, সাকা ও তাঁহার অধীনস্থ সৈন্তগণই, সেই পরাক্রমশালী জুলু ।

১৮২৮ খৃষ্টাব্দে, জুলুদিগের সহিত, টেম্বস্ (Tembus) ও কোসাদিগের (Kosas) একটা গোলযোগ উপস্থিত হয়। এই উপলক্ষে সাকা উহাদিগের উভয়দলের সহিত ভয়ানক যুদ্ধ করিয়া, তাহাদিগের বিস্তর লোককে হত্যা ও তাহাদিগের যথাসর্বস্ব অপহরণ করেন। তাহারা অনন্তোপায় হইয়া, পরিশেষে ইংরাজ গভর্নমেন্টের সাহায্য গ্রহণ করে। ইংরাজ-গণ, তাহাদিগের পক্ষাবলম্বন পূর্বক; সাকার দল পরিত্যাগকারী কতকগুলি লোকের সাহায্যে যুদ্ধ করিয়া, তাঁহাকে পরাজয় করেন।

১৮২৪ খৃষ্টাব্দের সেপ্টেম্বর মাসে, ডিঙ্গন্ (Dingan) নামক সাকার এক ভ্রাতা অপর এক ভ্রাতার সহিত মিলিত হইয়া, সাকাকে হত্যা করিয়া নিজে জুলুদিগের অধিপতি হন। তিনি সাকার ঞ্চায় নির্দয় ছিলেন সত্য, কিন্তু তাদৃশ পরাক্রমশালী ছিলেন না।

এই সময়, প্রায় ২৪ প্রকার জাতি সেই প্রদেশে দেখিতে পাওয়া যায়। উহাদিগের মধ্যে নিম্নলিখিত দলগুলিই প্রধান ;—

জুলু—(Zulu.)

টেম্বস্—(Tembus.)

কোসা—(Kosa.)

মান্টাটি—(Mantati)

বান্গোয়া কেট্‌সি—(Bangua Ketsi.)

- গ্রিকোয়া—(Griqua.)
 মোকোলোলো—(Mokololo.)
 জাম্বেসি—(Zambesi.)
 পণ্ডো—(Pandò.)
 সোয়াজি—(Swazi.)
 মাটাবেলা—(Matábele)
 বেসুয়ানা—(Betshuana.)
 বেটলাপিন্—(Batlapin.)


ইহার প্রত্যেক দল প্রত্যেক দলের শত্রু,—একদল অপর দলকে স্থানচ্যুত করিয়া, তাহাদিগকে বিনষ্ট ও তাহাদিগের যথাসর্বস্ব লুণ্ঠন করিতে ক্রটি করিত না। এই সকল দলের মধ্যস্থিত একটা পরাক্রমশালী দলের অধিনায়িকা ছিলেন, মা টাটিসি (M& Ntatisi) নামী একটা স্ত্রীলোক। এই সমস্ত দলের মধ্যে পরস্পরের অত্যাচারে দক্ষিণ আফ্রিকা সেই সময় প্রায় নরককালে পরিণত

বিচার প্রণালী প্রভৃতি ডচ্দিগের সময় হইতে যেরূপ ভাবে চলিয়া আসিতেছিল, ১৮২৪ খৃষ্টাব্দে, তাহার সমস্ত পরিবর্তন হইয়া গেল। সরকারি কার্য্য সম্বন্ধে ডচ্ ভাষার পরিবর্তে ইংরাজি ভাষা প্রচলিত হইল। বুয়রদিগের হস্তে মিউনিসিপাল প্রভৃতির যে সকল ভার অর্পিত ছিল, তাহা ইংরাজ গভর্নমেন্ট নিজ হস্তে গ্রহণ করিলেন। ইংরাজি ভাষার অধিকার না থাকা প্রযুক্ত বুয়রগণ বিচারক ও জুরির পদ হইতে বিতাড়িত হইয়া, বিশেষরূপে অবমানিত হইলেন। খেতাজ ও কৃষকদিগের উপর একই প্রকার আইন প্রবর্তিত হইল।

ঐহ্যতীত, যে ক্রীতদাসদিগের উপর খেতাজগণ যথেষ্ট ব্যবহার করিতেন, ১৮৩৪ খৃষ্টাব্দের ১লা ডিসেম্বর তারিখ হইতে, পার্লামেন্টের আদেশানুযায়ী, সেই দাসব্যবসা উঠাইয়া দেওয়া হইল; ও যাহারা পূর্বে দাস ক্রয় করিয়া রাখিয়া ছিলেন, তাঁহাদিগকে ষৎসামান্য অর্থ প্রদান পূর্বক, ঐ ক্রীতদাসগণকে দাসত্ব হইতে মুক্তি প্রদান করিয়া, তাহাদিগকে অপরাপর প্রজাগণের সহিত সমান অধিকার প্রদত্ত হইল। এইরূপে কেবলমাত্র এই প্রদেশ হইতে প্রায় ৩৯,০০০ সহস্র ক্রীত-দাসকে দাসত্ব হইতে মুক্তি প্রদান করা হয়।

শাসনকর্তা এই সময়ে সেই প্রদেশীয় অসভ্য জাতির সহিত বন্ধুত্বস্থাপন করিবার চেষ্টা করেন; কিন্তু তাহাতে কৃতকার্য হন না। ১৮৩৪ খৃষ্টাব্দে, ষষ্ঠ কাকির-যুদ্ধ আরম্ভ হয়। ঐ খৃষ্টাব্দের ২১শে ডিসেম্বর তারিখে, প্রায় ২০,০০০ সহস্র কোষা ইংরাজ অধিকারের মধ্যে প্রবিষ্ট হইয়া, মনডে নদীর পূর্ব পার্শ্বস্থ বুয়রদিগের গৃহ সকল ভস্মীভূত করিয়া দেয়; যে কোন খেতাজকে সম্মুখে দেখিতে পায়, তাঁহাকেই বিনষ্ট ও সেই প্রদেশীয় সমস্ত পশুাদি অপহরণ করিয়া প্রস্থান করে।

ইংরাজগণ তাঁহাদিগের বেতনভোগী সৈন্য ও কৃষিজীবী খেতাজগণকে একত্র করিয়া, উপরোক্ত কোষাদিগের বিপক্ষে অস্ত্রধারণ করেন। কিন্তু তাহারা সম্মুখ যুদ্ধে উপনীত না হইয়া, জঙ্গলে আশ্রয় গ্রহণ করে ও পরিশেষে ১৮৩৫ খৃষ্টাব্দে আত্মসমর্পণপূর্বক, ইংরাজ গভর্নমেন্টের শরণাগত হয়।




দ্বিতীয় খণ্ড ।


পুস্তক স্বাধীনতা ।





ଭୁବୁ ରାଜା ।





বুয়র স্বাধীনতা ।

প্রথম পাব্লেদ ।

বুয়রদিগের ইংরাজ-অধিকার-পরিত্যাগ

১৮৩৬ খৃষ্টাব্দের পর ইংরাজগণের অধিকারভুক্ত স্থান সকল হইতে দলে দলে বুয়রগণ তাঁহাদিগের দ্বারা অনধিকৃত স্থলে গমন করিতে লাগিলেন । নানা কারণে তাঁহারা ইংরাজগণের উপর অসন্তুষ্ট হইয়া, তাঁহাদিগের ধন সম্পত্তি বিনষ্ট ও আপন আপন জীবন পর্য্যন্ত ভয়ানক বিপদের মধ্যস্থলে স্থাপিত করিয়া, যাহাতে ইংরাজদিগের অধিকারে আর থাকিতে না হয়, তদ্বিষয়ে বিশেষরূপ যত্নবান্ হইলেন । দৃঢ়প্রতিজ্ঞ ডচ-

জাতির বংশে যে বুয়রদিগের জন্ম, তাঁহাদিগের দ্বারা না হইতে পারে, এমন কোন কার্যই নাই। যে ডচ্গণ, ১৫৮৬ খৃষ্টাব্দে, স্পেনের অধিপতি দুর্দান্ত পরাক্রমশালী ২য় ফিলিপের বশ্বতা অস্বীকার করিবার মানসে, নিজের স্বাধীনতা নষ্ট করিয়াও, ইংরাজের সাহায্যগ্রহণ করিয়াছিলেন ও পরিশেষে আপন আপন ধন সম্পত্তি পর্য্যন্ত সমুদ্রগর্ভে নিক্ষেপ করিয়া, আপন আপন প্রতিজ্ঞা পূর্ণ করিয়াছিলেন; যে জাতি পুনরায়, ১৭০২ খৃষ্টাব্দে, ফ্রান্সের অধিপতি চতুর্দশ লুইর সহিত ভয়ানক যুদ্ধ করিয়া, তাঁহার নিকট পরাজিত হইবার আশঙ্কায়, দুর্দান্ত ক্রোধের বশীভূত হইয়া, তাঁহাদিগের বিশাল রাজস্ব অপর রাজার হস্তে প্রদান করা অপেক্ষা সমুদ্রগর্ভে নিক্ষেপ করা শ্রেয়ঃ মনে করিয়া, যথা-সর্বস্ব-ধ্বংস-কারী মনোভিলাষ হাসিতে হাসিতে পূর্ণ করিয়াছিলেন; সেই জাতির রক্ত এখনও যে, বুয়রদিগের শিরায় শিরায় প্রবাহিত হইতেছে, তাঁহারা ইংরাজদিগের বশ্বতা সহজে স্বীকার করিবেন কেন ?

যে সকল কারণে বুয়রগণ ইংরাজদিগের অধীনতা পরিত্যাগ করিতে সক্ষম করিয়াছিলেন, তাহার মধ্যে কয়েকটি মাত্র কারণ নিম্নে প্রদত্ত হইল। ইহা ব্যতীত আরও অনেকগুলি কারণ ছিল।

১ম। যে সকল নোট বা কাগজ-মুদ্রা দেশের মধ্যে প্রচলিত ছিল, ইংরাজ গভর্নমেন্ট তাহার মূল্য কমাইয়া দিয়া, তাহার পরিবর্তে অধিক পরিমাণে রোপ্যমুদ্রার প্রচলন আরম্ভ করেন। ইহাতে অনেককেই বিস্তর ক্ষতি সহ করিতে হয়।

২য়। বিদেশীয় গভর্নমেন্টের অধীনে বাস করা, তাঁহাদিগের জায় স্বাধীনতা-প্রিয় জাতির পক্ষে, একরূপ অসম্ভব।

৩য়। সেই প্রদেশ হইতে তাঁহাদিগের মাতৃভাষার একে-
বারে দূরীকরণ ।

৪র্থ। লণ্ডন-মিশনারি-সমিতির সভ্যগণের কথায় গভর্ণমেন্টের
বিশ্বাস ও তাঁহাদিগের পরামর্শানুযায়ী কার্যনির্বাহকরণ ।

৫ম। ইংলণ্ডের ছুঃখবিমোচনকারিণী সমিতির সভ্যগণ
(যাহারা বুয়রদিগের বিপক্ষে সময় সময় অনেক কথা বলিয়া
থাকেন) তাঁহাদিগের কথায় গভর্ণমেন্টের বিশ্বাস ।

৬ষ্ঠ। উপযুক্তরূপ ক্ষতিপূরণ না করিয়া, গভর্ণমেন্টের দাস-
ব্যবসা একেবারে উঠাইয়া দেওয়া ।

৭ম। সেই প্রদেশীয় অসভ্যজাতি ও বুয়রদিগের প্রতি
গভর্ণমেন্টের সমান ব্যবহার ।

৮ম। গভর্ণমেন্ট কোম্পানীর সহিত বন্ধুত্ব স্থাপন
করিবার আশায় অসভ্যজাতির হস্ত হইতে বুয়রদিগের ধন
মান ও জীবন রক্ষা করিবার উপায় না করা প্রভৃতি ।

এইরূপ নানাকারণে, ইংরাজদিগের উপর অসন্তুষ্ট হইয়া,
সীমান্তপ্রদেশীয় বুয়রগণ, তাঁহাদিগের শকটসকল বাসোপ-
যোগি দ্রব্যাদি ও গুলি বারুদ প্রভৃতিতে পূর্ণ করিয়া, দলে
দলে আপন আপন বাসস্থান পরিত্যাগপূর্বক, নূতন স্থানে
উপনিবেশ সংস্থাপনের নিমিত্ত, গমন করিতে আরম্ভ করিলেন ।
ক্রমতালী ও গণ্য মাত্র লোকদিগের মধ্যে এক এক ব্যক্তি
ঐরূপ এক এক দলের নেতৃত্ব গ্রহণ করিলেন । এইরূপে
দলবদ্ধ হইয়া গো, মেঘ ও অশ্বাদি সঙ্গে লইয়া, ক্রমে ক্রমে তাঁহারা
উত্তরদিকে গমন করিতে লাগিলেন । এইরূপে ক্রমাগত
চলিয়া, তাঁহারা অরেন্ন নদী ও তাহার উত্তর পার্শ্বস্থ সমতল-

ভূমি (বাহা এখন স্বাধীন অরেঞ্জরাজ্য নামে অভিহিত) অতিক্রমপূর্বক, ক্রমে আরও উত্তরে গমন করিতে লাগিলেন। কারণ, তাঁহাদিগের বিশ্বাস ছিল, যে, অরেঞ্জ নদীর উত্তর পার্শ্বস্থ স্থান সকল আর ইংরাজ-রাজত্বের মধ্যবর্তী নহে ; এবং কখন হইবেও না। কারণ ইতিপূর্বে গভর্নমেন্ট অনেক বার প্রকাশ করিয়াছিলেন, যে, দক্ষিণ আফ্রিকায় তাঁহাদিগের রাজত্বের আর বৃদ্ধি করা হইবে না।

প্রথম দল (প্রায় ১০০ শত লোক) এইরূপে ইংরাজ-রাজত্ব পরিত্যাগপূর্বক, ক্রমেই উত্তর দিকে গমন করিতে লাগিল। জাউন্টপান্সবার্গে (Zoutpansberg) উপনীত হইয়া, ঐ দল সমান দুই ভাগে বিভক্ত হইয়া পড়িল। প্রথম দল-স্থিত কেবলমাত্র দুইটা বালক ব্যতীত সকলেই অসভ্য জাতির হস্তে পতিত হইয়া, জীবন হারাইলেন। অপর দলের মধ্যে ভয়ানক পীড়ার প্রাদুর্ভাব হওয়ার, প্রায় সকলেই ইহজীবন পরিত্যাগ করিলেন। কেবলমাত্র একটা পুরুষ ও কয়েকটা স্ত্রী-লোক ও বালক কোনরূপে জীবনরক্ষা করিয়া, পর্তুগীজদিগের দ্বারা অধিকৃত ডেলাগোয়া (Delagoa) উপসাগরে আসিয়া উপনীত হইয়াছিলেন।- পর্তুগীজগণও ভদ্রোচিত ব্যবহারপূর্বক, তাঁহাদিগকে আশ্রয় প্রদান করিয়াছিলেন। পরিশেষে, তাঁহাদিগের আশ্রয়গণ এই সংবাদ পাইয়া, তাঁহাদিগকে নেটালে লইয়া যান। উঁহাদিগের সহিত যে সকল পশু ছিল, তাহারা জঙ্গলের মধ্যে একপ্রকার কীট দ্বারা দষ্ট হইয়া, সমস্তই বিনষ্ট হইয়া যায়।

দ্বিতীয় দলের মধ্যে লোকসংখ্যা অধিক ছিল। হেনড্রিক পট্জিটার (Hendrik Potgieter) নামক একজন কার্যক্ষম

ও বিশেষ বুদ্ধিমান ব্যক্তি ঐ দলের দলপতি ছিলেন। ঐ দল ক্রমশঃ ভেট নদীর (Vet) উপকূলে গিয়া উপস্থিত হয়। এই নদী ভাল (Vaal) নদীর একটা শাখা। ইহারা ঐ স্থানে গমন করিয়া দেখিলেন, যে, সেইস্থান একজন সেই প্রদেশীয় সর্দারের দ্বারা অধিকৃত ; কিন্তু তাঁহার অবস্থা ভাল নহে। কারণ, ~~মসেলেকাটসি~~ (Moselekatsi) নামক অপর একজন দলপতির অত্যাচারে, তিনি বিশেষরূপ ক্ষতিগ্রস্ত হইয়া পড়িয়াছিলেন। খেতাদিগের সাহায্য প্রাপ্ত হইবেন, এই আশায়, তিনি তাঁহাদিগকে স্থান প্রদান করিলেন, ও পরিশেষে নিতান্ত সামান্ত মূল্যে ভেট ও ভাল নদীর মধ্যবর্তী স্থান সকল, তাঁহাদিগের নিকট বিক্রয় করিলেন। বয়রগণ ঐ স্থানে আপনাদিগের উপনিবেশ সংস্থাপিত করিলেন। কেহ কেহ বা আরও উত্তরে গমন করিতে লাগিলেন। সর্দারের নিজের ও অস্থচরগণের বাসোপযোগী অতি সামান্ত স্থানই অবশিষ্ট রহিল।

এই ভাল নদীই এখন স্বাধীন অরেঞ্জ রাজ্যের (Orange Free State) উত্তর সীমান্ত।


দলবল সেইস্থানে রাখিয়া, দলপতি পট্জিটার (Potgieter) অপর ১১ জন বয়রকে সঙ্গে লইয়া, উত্তর প্রদেশ সকল দেখিবার নিমিত্ত গমন করিলেন, ও ক্রমে পূর্ববর্ণিত জাউট-পান্সবার্গ (Zoutpansberg) নামক স্থানে গিয়া উপস্থিত হইলেন। এই স্থানটা বর্তমান ট্রান্সভাল প্রদেশের (Transvaal) প্রায় উত্তর সীমা। এই স্থানের ভূমির অবস্থা ও উৎপাদিকা শক্তি দেখিয়া, তিনি মনে মনে বিশেষরূপ সন্তুষ্ট হইলেন।

মনে করিলেন, এই স্থানটি উত্তম বাসোপযোগী; বিশেষতঃ, ডেলাগোয়া (Delagoa) উপদ্বীপের দিয়া, সমুদ্রপথে সকল স্থানেই বাতাসাত চলিতে পারিবে।

যে স্থানে তিনি দলস্থিত অবশিষ্ট লোকদিগকে রাখিয়া গিয়াছিলেন, কিছু দিবস পরে সেইস্থানে প্রত্যাগমনপূর্বক দেখিলেন, যে, তাঁহাদিগের মধ্যে অনেকেই, অল্প দিবস হইল, মসলেকাটসির (Moselekatse) অমুচরবর্গের দ্বারা হত হইয়াছেন। এই ব্যক্তি মাটাবেলা (Matabela) জাতীয় সৈন্তগণের একজন দলপতি।

এই অবস্থা দেখিয়া, বুয়র দলপতি পট্জিটার অতিশয় হুঃখিত হইলেন, ও একটা সুদৃঢ় পাহাড়ের উপর আপনাদিগের বাসস্থান স্থাপিত করিলেন। যে স্থানে তাঁহারা বাস করিতে লাগিলেন, তাহার চতুর্দিকে ৫০ পঞ্চাশ খানি শকট ও কতকগুলি কাষ্ঠ দিয়া, একটা ছর্গবিশেষ নির্মাণ করিয়া লইলেন। উহার ভিতর প্রবেশ করিবার কেবল একটীমাত্র দ্বার রহিল।





য় প রচ্ছেদ ।

বুয়রদিগের রাজত্ব-স্থাপন

দুর্গ বা বাসস্থান স্থাপিত করিবার অতি অল্প দিবস পরেই, মাটাবেলাগণ আসিয়া পুনরায় তাঁহাদিগকে আক্রমণ-পূর্বক, তাঁহাদিগের বাসস্থানের চতুঃপার্শ্বস্থ শকটগুলিকে স্থানান্তরিত করিবার চেষ্টা করিতে লাগিল; কিন্তু চল্লিশ জন মাত্র বুয়রের আশ্রয় অন্নের সম্মুখে প্রথমবার তাহাদিগকে পশ্চাৎপদ হইতে হইল। কিন্তু তাহাতে কিছুমাত্র বিচলিত না হইয়া, পুনরায় তাহারা ভীষণ ভেঙ্গে বুয়রগণকে আক্রমণ পূর্বক, পুরোক্ত শকট-শ্রেণীর উপর দিয়া, তাঁহাদিগের উপর রাশি রাশি তীর নিক্ষেপ করিতে আরম্ভ করিল; বুয়রগণও অসীম বীরত্বের সহিত তাহাদিগের উপর অনবরত অগ্নিবৃষ্টি করিতে লাগিলেন। তাঁহাদিগের স্ত্রী, কন্যা প্রভৃতি যে সকল স্ত্রীলোক সেই স্থানে উপস্থিত ছিলেন,

তাঁহারাও এই যুদ্ধে বিশেষরূপ সাহায্য করিতে লাগিলেন । একটা বন্দুক ছুড়িতে একজন বুন্নরের যে সময় অতিবাহিত হয়, সেই সময়ের মধ্যে স্ত্রীলোকগণ অপর একটা বন্দুক গুলি বারুদে পূর্ণ করিয়া দিতে লাগিলেন । এই রূপে ক্রিয়ৎক্ষণ বুদ্ধ করিবার পর, মাটাবেলাগণ রণস্থল হইতে পলায়ন করিল । তাঁহারা প্রস্থান করিবার পর দেখা গেল, যে, বুন্নরদিগের বাসস্থানের বহির্ভাগে ৫৫ জনের মৃত দেহ পড়িয়া রহিয়াছে ; এবং বাসস্থানের ভিতর যে সকল তীর পড়িয়াছিল, তাহা একত্র করিয়া দেখা গেল, যে, উহার সংখ্যা ১১০০ শত । এই সময় পট্জিটারের (Potgieter's) দলস্থিত ব্যক্তিগণ আহাৰ্য্য দ্রব্যের অভাবে বিশেষরূপ বিপদগ্রস্ত হইয়া পড়িয়াছিলেন ।

সেই সময় গিরিট মারিভ (Gireet Maritz) নামক একজন দলপতি, অপর এক দল বুন্নরের সহিত থাবাংচু (Thaba-Ntshu) নামক স্থানে আসিয়া উপস্থিত হন । তিনি পূর্ক কথিত দলস্থিত বুন্নরগণের দুর্বস্থার কথা জানিতে পারিয়া, তাঁহাদিগকে আপনার নিকট লইয়া যান ।

এই বুন্নরজাতি যে কিরূপ মৃত্তিকায় গঠিত, তাহা একটু অনুধাবন করিয়া দেখিলেই অনায়াসে বুঝিতে পারা যায় । যে অসত্যজাতি কর্তৃক তাঁহাদিগের এইরূপ দুর্বস্থা ঘটয়াছিল, তাঁহাদিগের সংশ্রব পরিত্যাগ করার পরিবর্তে, ১০৭ জন মাত্র বুন্নর একত্র সমবেত হইয়া, সেই মাটাবেলা জাতিকে উত্তমরূপ শিকা প্রদান করিতে দৃঢ়প্রতিজ্ঞ হইলেন । কিন্তু তাঁহারা সেই সময় ঋণকালের নিমিত্তও ভাবিলেন না, যে,



বন্দুকধারিণী বুয়রনমণী ।

JORASUKO LIBRARY
No.

কত সহস্র লোকের বিপক্ষে তাহারা দণ্ডায়মান হইতে প্রবৃত্ত হইতেছেন ।

পূর্বকথিত দলপতিবুয়র এইরূপে একত্র মিলিত হইয়া, ১০৭ জন মাত্র বুয়র ও অপরাপর কয়েক জন লোক সঙ্গে লইয়া, মাটাবেলাদিগের অল্পসঙ্ঘানে বহির্গত হইলেন । মাটাবেলাজাতীয় এক ব্যক্তি ইতিপূর্বে নিজ দলস্থ লোকদিগের দ্বারা বিশেষরূপ লাঞ্চিত ও অবমানিত হইয়া, বুয়রদিগের শরণাগত হয় । এক্ষণে এই ব্যক্তি পথপ্রদর্শকের কার্য্য করিতে লাগিল । তাহারা নানাস্থলে ভ্রমণ করিয়া, পরিশেষে একস্থানে কতকগুলি মাটাবেলাকে দেখিতে পাইলেন । বুয়রদিগের সৌভাগ্যবশতঃ তাহাদিগের নেতা মসেলকাট্‌সি (Moselekatse) সেই সময়ে সেইস্থানে উপস্থিত ছিলেন না । বুয়রগণ দর্শনমাত্রই তাহাদিগের উপর অগ্নিবৃষ্টি করিতে আরম্ভ করিলেন । তাহারা আশ্চর্য্যকার জন্ত বিশেষরূপ চেষ্টা করিল, কিন্তু নেতার অভাবে পরিশেষে ছত্রভঙ্গ হইয়া, সেইস্থান হইতে পলায়ন করিল । বুয়রগণও তাহাদিগের পশ্চাদ্ধাবনপূর্বক, যাহাকে সেইস্থানে দেখিতে পাইলেন, তাহাকেই গুলি করিতে লাগিলেন ; এবং, যে স্থানে তাহাদিগের গৃহসমূহ দৃষ্টিগোচর হইতে লাগিল, অগ্নিযোগে তাহা ভস্মে পরিণত করিয়া দিলেন । এইরূপে প্রায় চারিশত লোককে বিনষ্ট করিয়া ও সাত সহস্র পশু অগ্নিহরণপূর্বক, বুয়রগণ প্রত্যাগমন করিলেন ।

এই সময় অপরাপর - বুয়রগণ দলে দলে ইংরাজাধিকৃত স্থান সকল পরিত্যাগপূর্বক, এই সকল স্থানে আসিয়া বাস করিতে আরম্ভ করিলেন ।

ইহার পর পিটার রিটিফ (Pieter Retief) নামক এক জন অতিশয় উপযুক্ত নেতা, একদল বুয়রের সহিত থাবাংচু (ThabaNtshu) প্রদেশে আসিয়া উপস্থিত হন। তাঁহার ইচ্ছা ছিল, নেটাল প্রদেশে গমন করিয়া, সেই প্রদেশীয় জুন্স সর্দার ডিঙ্গনকে (Dingan) তাঁহার অধিকার হইতে বিচ্যুত করিয়া, তাঁহার অধিকৃত স্থান সকল আপনাদিগের অধিকার-ভুক্ত করিয়া লন ও সেই স্থানে বুয়রদিগের বাসস্থান স্থাপিত করেন। মনে মনে এইরূপ সঙ্কল্প করিয়া, তিনি তাঁহার দল-বলের সহিত নেটাল অভিমুখে প্রস্থান করেন।

এইরূপ গোলযোগে ১৮৩৭ খৃষ্টাব্দ অতিবাহিত হইয়া যায়।

এই সময়ে মাটাবেলা জাতির সহিত বুয়রদিগের আর একটা যুদ্ধ হয়। এই যুদ্ধে মস্লেকাট্‌সি (Moselekatse) স্বয়ং তাঁহার সৈন্তের নেতৃত্বগ্রহণ করিয়াছিলেন, ও সেই সময় তাঁহার শিক্ষিত সৈন্তের সংখ্যা ১২০০০ সহস্রের নূন ছিল না। এই অসংখ্য সৈন্তের সহিত ১৩৫ জন মাত্র বুয়র যুদ্ধ-ক্ষেত্রে অবতীর্ণ হন। বুয়রগণ বন্দুকের সাহায্যে ও অসীম সাহসের উপর নির্ভর করিয়া, সেই অসংখ্য সৈন্তের সহিত যুদ্ধ আরম্ভ করেন। অর্থাৎ, মোট হিসাবে, এক জন বুয়র ৯০ জন মাটাবেলার সহিত যুদ্ধ করিতে প্রবৃত্ত হন।

অনবরত নয় দিবস রাত্রি দিন এই যুদ্ধ চলিয়াছিল। এই নয় দিবসের মধ্যে, বুয়রদিগের খাদ্য ছিল—শুক মাংস; শয্যা ছিল—বিহ্বৃত ধরণীতল ও বালিসের কার্য করিয়াছিল— তাঁহাদিগের অশ্বের জীন। এইরূপ ভাবে অনবরত যুদ্ধ করিয়া, পরিশেষে তাঁহারা সেই ১২,০০০ সহস্র শিক্ষিত মাটাবেলা

সৈন্যকে পরাভূত করিয়া, তাহাদিগকে লিম্পোপো (Limpopo) নদী অর্থাৎ বর্তমান ট্রান্সভালের উত্তর সীমার বহির্গত করিয়া দেন। এই যুদ্ধে, মাটাবেলাজাতির যে কত লোক হতাহত হইয়াছিল, তাহার নির্দেশ করা সহজ নহে। ইহা ব্যতীত, বুয়রগণ তাহাদিগের ৭,০০০ সহস্র পশুও প্রাপ্ত হইয়াছিলেন।

এই যুদ্ধের পরই, বুয়র দলপতি এই মর্মে এক ঘোষণা-পত্র প্রকাশ করেন, যে, “এ পর্যন্ত যে সকল স্থানে বুয়রগণের বাসস্থান স্থাপিত হইয়াছে, তাহার সমস্তই বুয়র-রাজত্ব।” সেই ঘোষণানুসারে, বর্তমান ট্রান্সভালের প্রায় সমস্ত, স্বাধীন অরেঞ্জরাজ্যের অর্দ্ধাংশ, ও বেচুয়ানাদেশের (Bechuana-Land) দক্ষিণাংশ হইতে, বেটলাপিন (Batlapin) জাতির দ্বারা অধিকৃত স্থান ব্যতীত, কালাহারি (Kalahari) মরুভূমি পর্যন্ত, বুয়রদিগের অধিকারের মধ্যে পরিগণিত হয়।





৩-তীয় পার্শ্বে দ ।



ডিন্গনের (Dingan) বিশ্বাসঘাতকতা ।

নেটাল (Natal) একটি মনোরম স্থান । পর্বত, নদী, নিৰ্ব্বাৰ, জলপ্রপাত, সমতলক্ষেত্র প্রভৃতির দ্বারা ঐ প্রদেশ একরূপ ভাবে শোভিত যে, সেইস্থান দেখিয়া কোন ইউরোপীয় জাতি তথায় আপন বাসস্থান স্থাপিত করিতে ইচ্ছুক না হন ? তাহার উপর সেইস্থানের জলবায়ুও উত্তম ।

পিটার-রিটিফ (Pieter Retief) স্বদলবলে একটি গিরিপথের মধ্য দিয়া, টুগেলা (Tugela) ও উমজিমভুবু (Umzimvubu) নামক নেটালের অন্তর্গত একটি স্থানে আসিয়া উপস্থিত হইলেন । এইসময় সেইস্থানের অধিবাসীর সংখ্যা ছিল পাঁচ হইতে দশসহস্রের মধ্যে । ইতিপূর্বে সাকা ও ডিন্গন্ কয়েকজন ইংরাজকে সেইস্থানে বাস করিতে অনুমতি প্রদান করিয়া গেলেন । তাঁহারা ই সেইস্থানের অধিবাসিগণের উপর কর্তৃত্ব করিয়া আসিতেছিলেন ।

নেটালের অন্তর্গত টুগেলা (Tugela) ও বফেলো (Buffalo) নদীর মধ্যস্থিত ভূভাগ সকল সেই সময় জুলুদিগের দ্বারা অধিকৃত ছিল। কিন্তু তাহাদিগের সংখ্যা সেই সময়ে অল্পমিত হইত না। ঐ স্থানের অবস্থা দেখিয়া, রিটিফ (Retief) তথায় আপনাদিগের উপনিবেশ সংস্থাপন করিতে মনস্থ করিলেন।

ঐ প্রদেশ বাহাতে ইংরাজ-গভর্নমেন্টের অন্তর্ভূত হয়, তাহার নিমিত্ত ঐ প্রদেশে যে কয়েকজন ইংরাজ অধিবাসী ছিলেন, তাঁহারা ইতিপূর্বে ইংরাজ-গভর্নমেন্টের নিকট এক আবেদন করিয়াছিলেন। সুতরাং এখন তাঁহাদিগের স্বধর্মীয় বুয়রগণকে সেইস্থানে দেখিতে পাইয়া, বিশেষরূপ সন্তুষ্ট হইলেন, ও সেই প্রদেশ আপনাদিগের অধিকারভুক্ত করিবার মানসে বিশেষরূপে যত্নবান হইলেন।

উহাদিগের মধ্যে দুইজন ইংরাজ, যাহারা ১৩ বৎসর কাল সেই প্রদেশে বাস করিয়াছিলেন ও যাহারা ইংরাজী ভাষার ছাত্র জুলুভাষা বলিতে শিখিয়াছিলেন, তাঁহারা রিটিফকে (Retief) সঙ্গে লইয়া ডিন্গনের (Dingen) বাসস্থানে গিয়া উপস্থিত হইলেন।

ডিন্গন্ (Dingen) উহাদিগকে বিশিষ্টরূপ সম্মানের সহিত অভ্যর্থনা করিলেন। নিজের সৈন্ত সামন্তগণকে একত্র সমবেত করিয়া, তাঁহাদিগের সম্মুখে সৈন্ত প্রদর্শনীর অবতারণা করিলেন। পরিদেবে, তাঁহাদিগকে পরিতুষ্ট করিবার নিমিত্ত, নৃত্য গীত প্রভৃতি চলিতে লাগিল। আহাঙ্গাদির নিমিত্ত বিশেষরূপ আয়োজনেরও কিছুমাত্র ক্রটি হইল না।

রিটিফ (Retief) ডিন্গনের (Dingen) নিকট নেটাল-সরকারি কথার উত্থাপন করিলে, তিনি কহিলেন, “এই প্রদেশে

আপনারিগের অধিবাস স্থাপনে আবার কিছুমাত্র আশঙ্কি নাই - কিন্তু মাণ্টাটিসির (Ma-Ntatisi) পুত্র সিকনিলা (Sikonyela) আমাদিগের যে ৭০০ শত পশু সম্প্রতি অপহরণ করিয়া লইয়া গিয়াছে, ঐ সকল পশুগণের পুনরুদ্ধার করিয়া, তাহার পশু আমার সহিত বন্ধু স্থাপন পূর্বক, এই প্রদেশে বাস করিবার প্রস্তাব করিলে ভাল হয়।”

রিটিফ (Retief) ঐ প্রস্তাবে সন্মত হইয়া উইমবার্গে (Winberg) প্রত্যাগমন পূর্বক, সিকনিলাকে (Sikonyela) ডাকাইয়া পাঠাইলেন। সিকনিলা এই অবস্থা জানিতে পারিয়া, বিনা রক্তপাতে তাঁহাকে পশু সকল প্রত্যর্পণ করিল।

রিটিফ (Retief) এইরূপে প্রায় এক সহস্র পশু তাহার নিকট হইতে গ্রহণ পূর্বক, ৬৫ জন বুরর ও প্রায় ৩০ জন হটেন্টট ভূত্যা সনাতনবাহিনী, ডিঙ্গনের নিকট গিয়া উপস্থিত হইলেন। সেই সময় রিটিফের (Retief) কয়েকজন অনুচর ডিঙ্গনকে এতদূর বিখাস করিতে নিবেদন করিয়াছিলেন। কিন্তু ডিঙ্গনের পূর্ক ব্যবহারে তিনি একরূপ মুগ্ধ হইয়াছিলেন, তাঁহাদিগের কথায় তিনি কর্ণপাতও করিলেন না।

ডিঙ্গনের নিকট উপস্থিত হইবামাত্র, তিনি পূর্বের স্থায় রিটিফকে (Retief) বিশিষ্টরূপ সন্মান সহকারে অভ্যর্থনা করিলেন; ও পাদরি ওয়েন সাহেবকে বলিয়া দিলেন, “অন্য হইতে বসবাস করিবার নিমিত্ত নেটাল প্রদেশ বুররগণকে প্রদত্ত হইল। এইমর্মে একখানি কাগজে লেখা পড়া করিয়া দাও।”

পাদরী ওয়েন (Reverend Mr Owen) একজন ইংলণ্ড দেশীয় ধর্মপ্রচারক। ধর্মপ্রচার উপলক্ষে তিনি সেইখানে

বাস করিতেন। কিন্তু ঐ স্থানের একটীমাত্র লোককেও তাঁহার ধর্মে দীক্ষিত করিতে সমর্থ হন নাই।

আদেশমত ওয়েন সাহেব লেখাপড়া করিয়া, ডিঙ্গনের হস্তে কাগজখানি প্রদান করিলেন; তিনি উহা রিটিকের (Retief) হস্তে প্রদান করিয়া কহিলেন, “এখন হইতে আপনারা নেটালে গিয়া বাস করিতে পারেন।” এই অবস্থা দেখিয়া বুয়রগণ ষৎপরোনাস্তি সন্তুষ্ট হইলেন। সেইস্থান পরিত্যাগ করিবার সময়, ডিঙ্গন্ উঁহাদিগকে কিছু মজাদি পান করিয়া ষাইবার নিমিত্ত অল্পরোধ করিলেন। বুয়রগণ মনের আনন্দে এতদূর উল্লাসিত হইয়াছিলেন, যে, তাঁহাদিগের কিছুমাত্র হিতাহিত জ্ঞান ছিল না। তাঁহারা আপনাদিগের বন্দুকগুলি একস্থানে রাখিয়া নিঃশব্দভাবে বসিয়াছিলেন। মজাদি পান করিবার নিমিত্ত যেমন তাঁহাদিগকে আহ্বান করা হইল, অমনি তাঁহারা গাত্রোখান করিয়া, ডিঙ্গনের প্রদর্শিত স্থানে গমন করিলেন। বন্দুকগুলি যে স্থানে ছিল, সেইস্থানেই পড়িয়া রহিল। উঁহারা সকলে যেমন নিরস্ত হইলেন, অমনি ডিঙ্গন্ নিতান্ত বিশ্বাসঘাতকতার কার্য করিয়া, তাঁহাদিগকে বন্দী করিবার নিমিত্ত আদেশ প্রদান করিলেন। আদেশ অনায়াসেই প্রতিপালিত হইল। একদল সশস্ত্র জুলুসৈন্য আসিয়া, সেই সকল নিরস্ত বুয়রগণকে ধৃত করিল, এবং তাঁহাদিগের মস্তক চূর্ণ করিয়া দিয়া, প্রত্যেককেই শমনসদনে প্রেরণ করিল। বুয়রগণ, হট্টেট্টগণ, ও পঞ্চপ্রদর্শক ইংরাজদের প্রভৃতি কাহাকেও আর সেইস্থান হইতে প্রত্যাগমন করিতে হইল না।



চতুর্থ পরিচ্ছেদ ।

জুলুদিগের হস্তে খেতাজগণের পরাজয়

পূর্ষকথিত ঘটনার কয়েক ঘণ্টা পরেই, ডিংগনের ১০,০০০ দশসহস্র সৈন্ত, তাহাদিগের রাজধানী পরিত্যাগপূর্ষক ক্রমাগত এগার দিবস চলিয়া, এক দিবস অতি প্রত্যাষে, বর্তমান উইনেন (Weenen) নামক নগরের সন্নিকটস্থ এক স্থানে আসিয়া উপস্থিত হয়। সেইস্থানে কতকগুলি বুয়র আসিয়া, আপনাপন বাসস্থান সংস্থাপনের চেষ্টা করিতে ছিলেন।

ঐ সকল অসভ্য জুলু সৈন্তের হস্তে, পূর্ষোক্ত বুয়রগণের যে কি ভূগতি হইয়াছিল, তাহা বর্ণনা করা দূরে থাকুক, ভাবিলেও হৃৎকম্প উপস্থিত হয়। সূর্যোদয়ের পর দেখিতে পাওয়া গেল, যে, ছোট ছোট শিশুসন্তানগণকে শকট-চক্রের উপর এরূপ ভাবে নিক্ষেপ করা হইয়াছে,

যে, তাহাতেই তাহাদিগের কোমল মস্তক সকল চূর্ণ বিচূর্ণ হইয়া গিয়াছে। জীলোকগণকে বর্ষার অগ্রভাগে বিদ্ধ করিয়া, যে পর্য্যন্ত না তাঁহাদিগের জীবনবায়ুর নিঃশেষ হইয়াছে, সেই পর্য্যন্ত তাঁহাদিগকে শূন্যমার্গে উত্তোলন করিয়া রাখা হইয়াছে। বালকবালিকাগণের ঘাড় মোচড়াইয়া, তাহাদিগের মৃতদেহ এক স্থানে স্তূপাকার করিয়া রাখা হইয়াছে। এককথায়, জুলুগণ ঐ স্থানে ৪১ জন খেতকার পুরুষ, ৫৬ জন খেতাজিনী, ১৮৫ জন খেত বালক বালিকা ও ২৫০ জন ভৃত্যকে নিহত করিয়া, তাঁহাদিগের যথাসর্বস্ব অপহরণপূর্বক প্রস্থান করে।

ঐ দল, বুয়রদিগের উপর ভয়ানক অত্যাচার ও তাঁহাদিগের যথাসর্বস্ব অপহরণ করিয়া, পুনরায় আর এক স্থানে গমন করে। এইরূপে নেটালের মধ্যে যে যে স্থানে বুয়রগণ আসিয়াছিলেন, তাহারা তাঁহাদিগের যতদূর সম্মান পাইল, ততদূর তাঁহাদিগের উপরও ভয়ানক অত্যাচার করিয়া, তাঁহাদিগের যথাসর্বস্ব অপহরণপূর্বক, পরিশেষে তাহাদিগের রাজধানীতে আসিয়া উপস্থিত হইল।

জুলুগণ রাজধানীতে প্রত্যাগমন করিলে, অবশিষ্ট বুয়রগণ একত্র সমবেত হইয়া ভবিষ্যতে জুলুদিগের হস্ত হইতে কিরূপে নিষ্কৃতি লাভ করিতে পারিবেন, তদ্বিষয়ে পরামর্শ করিতে প্রবৃত্ত হইলেন। তাঁহাদিগের মধ্য হইতে দুই একজন বুয়র প্রস্তাব করিলেন, “নেটাল পরিত্যাগ করিয়া আমাদের স্থানান্তরে গমন করাই কর্তব্য।” জীলোকগণ এই কথা শুনিয়া, উপহাস-পূর্বক তাঁহাদিগকে কাপুরুষ বলিয়া তিরস্কার করিতে লাগিলেন। যাহারা বিনা দোষে রক্তপাত করিয়াছে, তাহা-



জুলু যোদ্ধা

দিগকে উপযুক্তরূপ দণ্ড প্রদান না করিয়া, সেইস্থান পরিত্যাগ করা কোনরূপেই কর্তব্য নহে,—এই বিবেচনা করিয়া, সকলে তাঁহাদিগের শত্রুদমনে বদ্ধপরিকর হইলেন। যাহাতে তাঁহারা এই ব্রত উদ্‌যাপন করিতে সহজেই কৃতকার্য হইতে পারেন, তাহার নিমিত্ত সকলে কার্যমনোবাক্যে ঈশ্বরের উপাসনার নিযুক্ত হইলেন।

সেই সময় পিটার উইস্ (Pieter Uys) ও হেনড্রিক পট-জিটার (Hendrik Potgieter) নামক দুইজন দলপতি

ড্রাকেন্সবার্গ (Drakensberg) ও উইনবার্গ (Winberg) নামক স্থানে অবস্থিতি করিতেছিলেন। তাঁহারা অপর দলস্থিত বুয়রগণের এই ছরবস্থার কথা জানিতে পারিয়া, যতদূর পারিলেন, কতকগুলি রণকুশল লোকজন সংগ্রহ করিয়া, সেই সকল বিপদগ্রস্ত বুয়রদিগের সাহায্যার্থ, নেটালে আসিয়া উপস্থিত হইলেন। যে সকল ইংরাজ সেই প্রদেশে বাস করিতেন, জুলুগণ বিনা দোষে তাঁহাদিগের দুইজনকে বিনষ্ট করিয়াছিল বলিয়া, তাঁহারাও সকলে বুয়রদিগের সহিত মিলিত হইয়া, জুলুদিগের বিপক্ষে অস্ত্রধারণ করিলেন।

এইরূপে, ইংরাজ ও বুয়রদিগের মধ্যে মোট ৩৪৭ জন যুদ্ধার্থ প্রস্তুত হইলেন। তাঁহাদিগের মধ্যে যতগুলি ইংরাজ ছিলেন, তাঁহারা একজন ইংরাজ নায়কের অধীনে, ও বুয়রগণ উইস্ ও পটজিটারের অধীনে, দুইদলে বিভক্ত হইয়া, দুইদিক হইতে জুলুদিগের রাজধানী আক্রমণ করিবার মানসে যাত্রা করিলেন।

পাঁচ দিবস কাল ক্রমাগত গমন করিবার পর, একদল জুলুসৈন্তের সহিত তাঁহাদিগের সাক্ষাৎ হইল। যে স্থানে উভয় দলের সাক্ষাৎ হইয়াছিল, ঐ স্থানটা দুইটা পর্বতশ্রেণীর মধ্যস্থিত—একটা উপত্যকা। সেইস্থানে খেতাজ সৈন্তগণ উপস্থিত হইবার পূর্বে, কাহাকেও দেখিতে পাইয়াছিলেন না। কিন্তু সেই উপত্যকাখণ্ডের মধ্যে প্রবেশ করিবার পরই দেখিতে পাইলেন, যে, চতুর্দিক হইতে তাঁহারা জুলুসৈন্তের দ্বারা আক্রান্ত হইয়াছেন। এই অবস্থাদৃষ্টে আর তাঁহারা অগ্রবর্তী হইতে সাহসী হইলেন না, কিন্তু আগ্রের অস্ত্রের প্রভাবে

শতাধিক জুলুসৈন্ত হত করিয়া, বহুকষ্টে তাঁহাদিগের পশ্চাদ্ভাগের পথ পরিষ্কার করিয়া লইলেন। এই যুদ্ধে ১০ জন খেতাজ হত হইয়াছিলেন। দলপতি উইস্ (Uys) এবং তাঁহার পুত্রও সেই সময় হত হন। দলস্থিত এক ব্যক্তিকে জুলুসৈন্তের হস্ত হইতে উদ্ধার করিবার সময়, দলপতি অস্বাভাবিক হইয়া পতিত হন ও একজন জুলুকর্তৃক হত হইবার সময়, তাঁহার ১৫ বৎসর বয়স্ক পুত্র, পিতার অবস্থা দেখিতে পাইয়া, তাঁহার উদ্ধারের নিমিত্ত দ্রুতগামী অশ্বে আরোহণ করিয়া, তাঁহার নিকট গিয়া উপস্থিত হন; কিন্তু তাহাতে বিফলমনোরথ হইয়া, পিতার সহিত ধরাশায়ী হন।

এই ঘটনার কয়েক দিবস পরে, ১৭ জন ইংরাজ ঐ প্রদেশীয় ১৫০০ শত কৃষকায় শিক্ষিত সৈন্তের সহিত, নেটাল বন্দর হইতে তাঁহাদিগের সাহায্যার্থ আসিয়া উপস্থিত হন। তাঁহারা টুগেলা নদীর দক্ষিণে একস্থানে একদল জুলুসৈন্তের চিহ্ন দেখিতে পান। জুলুসৈন্তের চিহ্ন দেখিয়া, তাঁহাদিগের অনুমান হয়, যে, তাঁহাদিগের ভয়ে ভীত হইয়া উহারা পলায়ন করিতেছে। আরও দেখিতে পান, যে, যে স্থানে তাহারা অবস্থিত করিতেছিল, সেই স্থানে কতকগুলি ঢাল ও যুদ্ধাস্ত্র ফেলিয়া গিয়াছে। কোন স্থানে কেহ আহার করিতে বসিয়াছিল, সম্পূর্ণরূপে আহার করিবার সাবকাশ পায় নাই; অর্ধেক আহারীয় সেই স্থানে পড়িয়া রহিয়াছে। কেহ রন্ধন করিতেছিল, রন্ধন ছাড়িয়া পলায়ন করিয়াছে; যে সকল দ্রব্য রন্ধন করিতেছিল, তাহা এখন পর্য্যন্ত অগ্নির উপরে রহিয়াছে। এই অবস্থা দেখিয়া, তাহারা যে দিকে


পলায়ন করিয়াছে বলিয়া অনুমিত হইল, সেই দিকে ইংরাজ-গণ সসৈন্তে গমন করিতে লাগিলেন। এইরূপে কিয়দূর গমন করিবার পরই, তাঁহারা একেবারে বিন্মিত হইয়া পড়িলেন। প্রায় ৭,০০০ সহস্র জুলুসৈন্ত পশ্চাত, সম্মুখ ও পার্শ্বদেশ হইতে আসিয়া, তাঁহাদিগকে একেবারে বেষ্টন করিয়া ফেলিল।

১৮৩৮ খৃষ্টাব্দের ১৭ই এপ্রেল তারিখে, টুগেলা নদীর উপকূলে উভয় দল মিলিত হইলে, তথায় এক ভয়ানক যুদ্ধ হয়। ঐ স্থান বেরুপ রক্তে প্লাবিত হইয়াছিল, (ইংরাজ ও বুয়রদিগের মধ্যে এখন যে যুদ্ধ চলিতেছে, তাহা ব্যতীত) সেই স্থান এত রক্তে আর কখনও রঞ্জিত হয় নাই। এই যুদ্ধে ইংরাজগণ, তাঁহাদিগের দেশীয় সৈন্তের সহিত পরাজিত হন ও তাঁহাদিগের মধ্য হইতে কোনরূপে পাঁচশত সৈন্ত ও গরিজনমাত্র ইংরাজ টুগেলা নদী পার হইয়া পলায়ন করিতে সক্ষম হন। এই যুদ্ধে ১৩ জন ইংরাজ ও তাঁহাদিগের ১,০০০ এক সহস্র সৈন্ত হত হইয়াছিল। জুলুদিগের হতাহতের সংখ্যাও বোধ হয়, ৩,০০০ তিন সহস্রের ন্যূন নহে।

এইরূপে বিশিষ্টপ্রকারে পরাজিত হইয়া, বুয়রসর্দার পট্জিটার (Potgieter) সদলবলে নেটাল পরিত্যাগপূর্বক, মুই (Mooi) নদীর উপকূলে গিয়া উপস্থিত হইলেন। তথায় ট্টিচেকষ্ট্রুম্ (Potchefstroom) নামক নগর সংস্থাপিত করিয়া, সেইস্থানে তাঁহার অধীন বুয়রগণের বাসস্থান স্থাপিত করিলেন।

সেই সময়, কেপ্কলোনি হইতে আরও কয়েকজন বুয়র আগমনপূর্বক, তাঁহাদিগের দলপুষ্ট করিল। এই সংবাদ অবগত হইতে পারিয়া, ডিংগন্ (Dingaan) তাঁহাদিগের

দ্রব্যাদি লুণ্ঠন করিবার নিমিত্ত, একদল সৈন্ত প্রেরণ করিলেন ।
কিন্তু তাহারা বুয়রদিগের প্রতিবন্ধকতাচরণে, কোনরূপে সেই
নগরের ভিতর প্রবেশ করিতে সমর্থ না হইয়া, সেই স্থান
পরিত্যাগপূর্বক প্রস্থান করিল ।





পঞ্চম পরিচ্ছেদ ।



রক্তনদীর সৃষ্টি ও ডিঙ্গনের (Dingan) পরাজয় ।



নভেম্বর মাসে এণ্ড্রিস প্রিটোরিয়াস্ (Andries Pretorius) নামক বুদ্ধিমান ও কার্যক্ষম একব্যক্তি আসিয়া, সেই স্থানে উপস্থিত হন। সমস্ত বুয়রগণ একত্র হইয়া ইহাকেই সৰ্ব্বপ্রধান নেতার পদে নিযুক্ত করেন। জুনুগণ ইতিপূর্বে যে সকল অত্যাচার করিয়াছিল, তাহার প্রতিশোধ লইবার নিমিত্ত ইনিও সৰ্ব্বতোভাবে প্রস্তুত হন। নগর ও ধনসম্পত্তি রক্ষা করিতে পারিবে, এইরূপ কতকগুলি লোক সেইস্থানে রাখিয়া, ৪৬৪ জন বুয়র ও উপযুক্ত পরিমাণ দ্রব্যাদির সহিত, কেবলমাত্র সম্পূর্ণরূপে ঈশ্বরের উপর নির্ভর করিয়া, ডিঙ্গনের বিপক্ষে যুদ্ধযাত্রা করিলেন। সেই সময় তাঁহারা প্রতিজ্ঞা করিয়া-ছিলেন, যে, ঈশ্বরানুগ্রহে যদি তাঁহারা জয়লাভ করেন, তাহা

হইলে তাঁহারা সেইস্থানে একটা উপাসনামন্দির বা গির্জা নিৰ্মাণ করিয়া দিবেন । বুয়রগণ যে পরিশেষে তাঁহাদিগের প্রতিজ্ঞা-পালন করিয়াছিলেন, তাহার দৃষ্টান্ত, পিটারমারিজবার্গ (Petermaritzberg) নামক স্থানের বৰ্ত্তমান উপাসনামন্দির বা গির্জা, ও ডিন্গনের পরাজয় উপলক্ষে বাৎসরিক উৎসব দিবস ।

এইরূপে গমন করিবার সময় বুয়রদিগের অস্ত্রধারী সংবাদসংগ্রহকারীগণ এক এক করিয়া ক্রমান্বয়ে তিনবার কতকগুলি জ্বলুসৈন্তকে ধৃত করিয়া আনয়ন করেন । প্রিটো-রিয়াম্ সেই সকল কয়েদীকে তিনবারই ডিন্গনের নিকট প্রেরণ করিয়া, তাঁহাদিগের পূৰ্ব্বেগৃহীত দ্রব্য সকল প্রত্যর্পণ পূৰ্ব্বক উভয়দলের মধ্যে বন্ধুত্ব স্থাপনার্থ অহুরোধ করেন । কিন্তু ডিন্গন তাহার উত্তরে ১০১২ সহস্র সৈন্ত বুয়রদিগের বিপক্ষে প্রেরণ করেন । ১৮৩৪ খৃষ্টাব্দের ১৬ই ডিসেম্বর রবিবার প্রত্যুষে, তাহারা বুয়রশিবির আক্রমণ করিল । জ্বলু-গণ প্রাণপণে তাঁহাদিগের শিবিরের মধ্যে প্রবেশ করিবার নিমিত্ত চেষ্টা করিতে লাগিল । কিন্তু বুয়রগণের আশ্রয় অস্ত্রের প্রবল পরাক্রমে, তাহারা কোনরূপেই কৃতকার্য হইতে পারিল না । এইরূপে দুই ঘণ্টা কাল আশ্রয় অস্ত্রের সন্মুখে দণ্ডায়মান হইয়া, ভীষণ পরাক্রমের সহিত যুদ্ধ করিয়া, পরিশেষে রণে ভঙ্গ দিয়া পলায়ন করিল । তাহারা প্রস্থান করিবার পর শিবিরের বহির্ভাগে দেখিতে পাওয়া যায়, যে, ৩০০০ সহস্র জ্বলুসৈন্তের মৃতদেহ সেইস্থানে পতিত রহিয়াছে ; ঐ সকল ব্যক্তিগণের শরীর হইতে এত রক্ত পতিত হইয়াছিল, যে, তাহা সেইস্থান রঞ্জিত করিয়া ক্রমে ধারায় পরিণত

ও ঐ রক্তধারা নিকটবর্তী নদীতে গিয়া মিলিত হয়। সেই সময় হইতে ঐ নদী, রক্তনদী (Blood River) নামে অভিহিত হইয়াছে। এই যুদ্ধে ছয় জন বুয়র হত ও তিন জন মাত্র আহত হন।

ডিন্গন্ রণে ভঙ্গ দিয়া পলায়ন করিবার পর প্রিটোরিয়াস তাঁহার রাজধানী পর্য্যন্ত গমন করিয়াছিলেন, কিন্তু সেইস্থানে উপস্থিত হইয়াই দেখিতে পাইলেন, যে, ডিন্গন্ ইতিপূর্বে নগরীতে অগ্নি প্রদান করিয়া, সেইস্থান পরিত্যাগ পূর্বক, পর্বতের মধ্যস্থিত এক প্রদেশে গিয়া আশ্রয় গ্রহণ করিয়াছেন, যে, সেইস্থানে অশ্বারোহীগণ গমন করিতে কোনরূপেই সমর্থ নহে।

এই অবস্থা দৃষ্টে বুয়রগণ, সেইস্থান পরিত্যাগপূর্বক আপন স্থানে আসিয়া উপস্থিত হইলেন। এইরূপ কয়েকটি গোলযোগে, ডিন্গন্ তাঁহার ১০,০০০ সহস্র সৈন্ত হারাইয়াও, কাহারও বশতা স্বীকার করিলেন না। পুনরায় বিস্তর সৈন্ত সংগ্রহপূর্বক আপনার নগরে প্রত্যাগমন করিয়া, বাসস্থান স্থাপিত করিলেন।

১৮৩৯ খৃষ্টাব্দের সেপ্টেম্বর মাসে, ঐ প্রদেশে আর একটা বিশেষ ঘটনা ঘটিয়াছিল। তাহা এই :—ডিন্গনের অপর একটা পাণ্ডা (Panda) নামক ভ্রাতা তাঁহাকে রাজ্যচ্যুত করিয়া স্বয়ং রাজা হইবার আশায়, কতকগুলি সৈন্তসামন্ত সংগ্রহ পূর্বক টুগেলা নদীর উত্তরপার্শ্ব প্রদেশ সকলের শাসনকর্তা ননগালজার (Nongalaza) সহিত মিলিত হন; তিনিও পাণ্ডাকে বিশেষরূপ সাহায্য করিতে সম্মত হইয়াছিলেন। পরিশেষে পাণ্ডা টুগেলা নদী পার হইয়া বুয়রজাতির সাহায্য প্রার্থনা করেন। বুয়রগণ তাঁহার কথা সহজে বিশ্বাস করিতে

চাহেন না ; কিন্তু পরিশেষে তাঁহার কথায় বিশ্বাস করিয়া তাঁহাকে সাহায্য করিতে সন্মত হন ও ১৮৪০ খৃষ্টাব্দের জাম্বুয়ারী মাসে, প্রিটোরিয়াস্ নিজের লোকজন লইয়া পাণ্ডাকে সাহায্য করিবার মানসে ডিঙ্গনের বিপক্ষে দণ্ডায়মান হন। ইহা ব্যতীত, পাণ্ডার প্রায় পাঁচ ছয় সহস্র সৈন্য ননগালজার কর্তৃদ্বারা অপার এক স্থান দিয়া ডিঙ্গনের বিপক্ষে যুদ্ধযাত্রা করে।

ডিঙ্গনের দুইজন প্রধান কর্মচারী ছিল। তাহাদিগের নাম তাম্বুসা (Tambusa) ও অম্থেলা (Umthela)। ইহাদিগের পরামর্শানুযায়ী ডিঙ্গন্ সমস্ত কার্য নির্বাহ করিতেন। তাঁহার বিপক্ষে ষড়যন্ত্র হইয়াছে, ইহা অবগত হইয়া, বুয়রদিগের সহিত বন্ধুত্ব স্থাপন করিবার মানসে, ডিঙ্গন্ তাম্বুসাকে বুয়র-শিবিরে প্রেরণ করেন। তাম্বুসা কেবল-মাত্র একটা ভৃত্যের সহিত বুয়রদিগের নিকট উপস্থিত হইলে, সন্ধির পরিবর্তে বুয়রগণ ইহাদিগকে কয়েদ করেন ও পরিশেষে উভয়কেই ফাঁসিকাঠে ঝুলাইয়া দেন।

ওদিকে, ১৮৪০ খৃষ্টাব্দের ৩০শে জাম্বুয়ারী তারিখে, ননগালজার (Nongalaza) সহিত ডিঙ্গনের অপর সর্দার অম্থেলার (Umthela) এক ভয়ানক সংগ্রাম হয়। সেই যুদ্ধে ডিঙ্গনের কতকগুলি সৈন্য যুদ্ধক্ষেত্রে বিশ্বাসঘাতকতা করিয়া, পাণ্ডার পক্ষ অবলম্বন করায়, ডিঙ্গনের পক্ষ সম্পূর্ণরূপে পরাজিত হয়। ঐ যুদ্ধে উভয়পক্ষের বিস্তর সৈন্য হত ও আহত হইয়াছিল। ইহাতে ডিঙ্গনের সেনাপতি, ননগালজার হস্তে হত হয়। ইহার পর ডিঙ্গন্ নিজের দেশ পরিত্যাগপূর্বক, আরও উত্তরে সোয়াজীদেশে (Swazi)

গমন করেন ; কিন্তু সেই স্থানেও তিনি স্থিতিচিহ্নে বাস করিতে সমর্থ হন না। শত্রুপক্ষীয় একব্যক্তি গুপ্তভাবে সেই স্থানে গমন করিয়া তাঁহাকে বিনষ্ট করে ।

প্রিটোরিয়াস্ পাণ্ডাকে সেই প্রদেশীয় জুলুগণের অধিপতি করিয়া, ৪০,০০০ সহস্র পণ্ডর সন্নিহিত আপনস্থানে প্রত্যাবর্তন করেন। যে সকল বুয়রগণের পণ্ড জুলুদিগের দ্বারা অপহৃত হইয়াছিল, তাঁহাদের আনীত পণ্ডসমূহ সেই সকল বুয়রদিগের মধ্যে বণ্টন করিয়া দেওয়া হয় ।

প্রিটোরিয়াস্ সেই সময়ে এক ঘোষণাপত্র প্রকাশিত করিয়া নেটালরাজ্য, অমজিম্ভুবু (Umjimbubu) হইতে টুগেলা (Tugela) পর্য্যন্ত আরও বিস্তৃত করিয়া, প্রজাতন্ত্রে পরিণত করিলেন। কেবলমাত্র টুগেলা নদী হইতে কৃষ্ণ-অম্ভলসি (Black Umvolosi) পর্য্যন্ত প্রদেশটী জুলুদিগের ব্যবহারের নিমিত্ত পৃথক্ করিয়া দিলেন ।





ষষ্ঠ প্যারামেট ।

ইংরাজদিগের নেটাল অধিকার ।

বুয়রগণ . এইরূপে সেইপ্রদেশীয় অধিবাসিগণের মধ্যে কতকগুলিকে নিহত ও কতকগুলিকে সেই প্রদেশ হইতে বিতাড়িত করিয়া, আপনাদিগের আধিপত্য বিস্তার করিবার পর, এই সংবাদ গিয়া ইংরাজ পার্লামেন্টে (Parliament) উপস্থিত হইল । দক্ষিণ আফ্রিকার আদিম অধিবাসিগণের উপর যাহাতে বুয়রগণ আর কোনরূপ অত্যাচার করিতে না পারেন, তাহার নিমিত্ত নানাবিধ উপায় উদ্ভাবিত হইতে লাগিল । আরও প্রস্তাব করা হইল, যে, পূর্বোক্ত বুয়রগণ যাহাতে ঐ সকল প্রদেশ পরিত্যাগ পূর্বক তাঁহাদিগের পূর্বস্থান কেপকলোনীতে (Cape Colony) প্রত্যাগমন করেন, বিধিমতে তাহার চেষ্টা করা ও যে সকল বুয়র কেপকলোনীতে বাস করিতেছিলেন,

তাঁহারা বাহাতে সেইস্থান পরিত্যাগ করিয়া অপর স্থানে গমন করিতে না পারেন, শুধিৎক্কে বিশিষ্টরূপ দৃষ্টি রাখা কর্তব্য ।

কেপকলোনীর শাসনকর্তা সার জর্জ নেপিয়ার (Sir George Napier) যেমন এই সংবাদ জানিতে পারিলেন, অমনি একদল সৈন্ত বুয়রদিগের হস্ত হইতে বাণ্টুজাতিকে (Bantu) রক্ষা করিবার নিমিত্ত প্রেরণ করিলেন ; এবং বাণ্টুদিগের যে সকল স্থান বুয়রগণ অধিকার করিয়া লইয়াছিলেন, তাহার নিকটেই একটা সেনানিবাস স্থাপিত করিলেন ।

যাহাতে বুয়রগণ গুলিবাক্স প্রাপ্ত হইতে না পারেন, তাহার নিমিত্ত ইংরাজ-গভর্নমেন্ট বিধিমতে চেষ্টা করিয়াও কৃতকার্য হইতে পারিলেন না । কারণ, সেই সময় নেটাল-বন্দর বুয়রদিগের অধিকারভুক্ত ছিল ; সুতরাং, সেই বন্দর দিয়া অপরাপর জাতীয় জাহাজ হইতে তাঁহারা গুলিবাক্সের সংস্থান করিতে লাগিলেন । এই অবস্থা দেখিয়া, শাসনকর্তা নেপিয়ার সাহেব টমাস স্মিথ (Thomas Smith) নামক একজন সেনাপতিকে নেটালবন্দর অধিকার করিবার আদেশ প্রদান করিলেন । এই আদেশানুযায়ী সেনাপতি স্মিথ ২৬৩ জন সৈন্তের সহিত সেই প্রদেশে গমন করিয়া, অনায়াসে ও বিনাযুদ্ধে নেটালবন্দর অধিকার করিয়া লইলেন । সেই সময় সেইস্থানে এমন কোন লোক ছিল না, যাহারা এই কার্যে ইংরাজদিগের কিছুমাত্র বিপক্ষতাচরণ করিতে সমর্থ হয় । এই-রূপে ~~নেটালবন্দর~~ অধিকার করিয়া, স্মিথ সাহেব নিকটবর্তী দরবার (Durban) নামক স্থানে আপন শিবির সন্নিবেশিত করিলেন ।

এই অবস্থা জানিতে পারিয়া, কুম্ভসৈন্য সিংহাটীতে কতকগুলি কৃষিকীৰ্তী বৃক্ষকে একত্র করিয়া, দরবানাভিমুখে যাত্রা করিলেন ও কয়েক দিবস পরে, উহার প্রায় তিন মাইল দূরবর্তী একস্থানে নিজের শিবির সংস্থাপনপূর্বক, কাপ্তেন স্মিথকে সেইস্থান হইতে ইংরাজসৈন্য উঠাইয়া লইবার নিমিত্ত অহুরোধ করিলেন । কাপ্তেন স্মিথ সেই অহুরোধ রক্ষা না করিয়া, তাহার পরিবর্তে কেবলমাত্র ১৩৭ জন সৈন্তের সহিত এক জ্যোৎস্নাময়ী রজনীতে প্রিটোরিয়াসের শিবির আক্রমণ করিবার মানসে, সেইদিকে গমন করিতে লাগিলেন । প্রিটোরিয়াসের সমভিব্যাহারে সেইসময় ২৬৪ জন অস্ত্রধারী বৃক্ষ উপস্থিত ছিলেন । তাঁহারা এই সংবাদ জানিতে পারিয়া, পশ্চিমধ্যে স্মিথকে একপ-ভাবে আক্রমণ করেন, যে, তাঁহাকে বাধ্য হইয়া সেইস্থান হইতে প্রত্যাবর্তন করিতে হয় । সেই সময় উভয়পক্ষে যে সামান্য যুদ্ধ হইয়াছিল, তাহাতে স্মিথের অধীন সৈন্তগণের মধ্যে ১৬ জন হত, ও ৩১ জন আহত হয় ; ৩ জন নদীগর্ভে প্রাণ বিসর্জন করে ও দুইটা কামানও সেইস্থানে পরিত্যাগ করিয়া আসিতে হয় । বলা বাহুল্য, ঐ কামানদ্বয় পরিশেষে বৃক্ষ-দিগেরই হস্তগত হইয়াছিল ।

ইহার পর প্রিটোরিয়াস স্মিথকে সেইস্থান হইতে সৈন্ত-সামন্ত লইয়া প্রস্থান করিবার নিমিত্ত পুনরায় সংবাদ প্রেরণ করেন । স্মিথ এই বিবরণ বিশিষ্টরূপ বিবেচনা করিয়া দেখিবেন বলিয়া, কয়েক দিবসের সময় গ্রহণ করিলেন । পূর্বোক্ত সময় উত্তীর্ণ হইবামাত্র, প্রিটোরিয়াস স্মিথের শিবির আক্রমণ করিলেন । ইতিপূর্বে ইংরাজগণ শিবিরের মধ্যে মৃত্তিকাখনন

পূর্বক একটি দুর্গবিশেষ নির্মাণ করিয়া; সেইস্থানে অবস্থিতি পূর্বক শিবির রক্ষা করিতে নিযুক্ত ছিলেন। ছয় শত বুয়র ঐ দুর্গ বেড়ন পূর্বক ছাব্বিশ দিবস পর্যন্ত ইংরাজ সৈন্তগণকে সেইস্থানে অবরোধ করিয়া, ক্রমাগত তাঁহাদিগের উপর গোলাগুলি নিক্ষেপ করেন। এই ছাব্বিশ দিনের মধ্যে তাঁহাদিগের তিনটা কামান ইংরাজদিগের উপর ৬৫১টা গোলা নিক্ষেপ করিয়াও, কেবলমাত্র আটজনকে হত ও আটজনকে আহত করিতে সমর্থ হইয়াছিল। কিন্তু, বুয়রদিগের মধ্যেও চারিজন হত ও আট দশ জন আহত হইয়াছিলেন।

কাপ্তেন স্মিথের এইরূপ ছুরবস্থার সংবাদ গ্রেহেমস্টাউনে (Graham's Town) উপস্থিত হইবামাত্র, সেইস্থান হইতে দ্রুতগামী সৈন্ত আসিয়া স্মিথের সাহায্যার্থ উপস্থিত হয়। প্রিটোরিয়াস্ যখন দেখিলেন, যে, ইংরাজদিগের সাহায্যার্থ উপযুক্তরূপে সৈন্ত আসিয়া উপস্থিত হইয়াছে, তখন তিনি তাঁহার সৈন্তসামন্তের সহিত সেইস্থান হইতে প্রস্থান করিলেন। সেই সময় যে একটি সামান্ত যুদ্ধ হয়, তাহাতে তিন জন বুয়র হত ও পাঁচজনমাত্র আহত হইয়াছিলেন।

এইরূপে, ১৮৪২ খৃষ্টাব্দের জুন মাসে, নেটালরাজ্যে ইংরাজদিগের জয় পতাকা উড্ডীয়মান হয় ও সেই সময় হইতে ঊহা তাঁহাদিগেরই অধিকারভুক্ত হইয়া পড়ে। সেই সময় ঐ প্রদেশীয় কতকগুলি কৃষিজীবী বুয়র ঐ স্থানেই বাস করিতে লাগিলেন। কেহ কেহ বা আপন আপন দ্রব্যাদির সহিত ঐ স্থান পরিত্যাগপূর্বক; ড্রাকেন্সবার্গের মধ্যে গিয়া তাঁহাদিগের উপনিবেশ সংস্থাপন করিলেন।

এই ঘটনার প্রায় তিন বৎসর পরে, ব্রিটিশ-গভর্নমেন্ট ঐ সকল স্থানের বন্দোবস্ত করিতে প্রবৃত্ত হন। সেই সময় ইংরাজ-রাজ পাণ্ডাকে বফেলো (Buffalo) ও উচ্চটুগেলা (Upper-Tugela) নদীর মধ্যবর্তী স্থান সকল প্রদান করিয়া, তাঁহাকে সেইস্থানের রাজপদে অভিষিক্ত করেন ; এবং, অম্জিম্-কুলু (Umjim Kulu) নদীর দক্ষিণদিগস্থ ভূভাগের আধিপত্য পণ্ডো রাজা (Pondo) ফেকুকে (Feku) প্রদান করেন।

যে সকল ব্যুর কৃষকগণ ড্রাকেন্সবার্গে গমন করিয়াছিলেন, তাঁহারা মেগেলিসবার্গে (Magalisberg) ও ভালনদীর (Vaal) নিকটবর্তী যে স্থানে পট্জিটারের (Potgieter) দল বাস করিত, সেইস্থানে গিয়া আপনাদিগের বাসস্থান স্থাপিত করিলেন। ঐহাদিগের ডেলাগোয়া উপসাগরের সহিত (Delagoa Bay) সংশ্লব রাখিতে ইচ্ছা হইল, তাঁহারা ওরিগষ্টাড (Origstad) নামক একটা গ্রাম স্থাপিত করিয়া, সেইস্থানে বাস করিতে আরম্ভ করিলেন। কিন্তু, সেইস্থানে এরূপভাবে পীড়াগ্রস্ত হইতে লাগিলেন, যে, তাঁহারা সেইস্থান পরিত্যাগপূর্বক দুই ভাগে বিভক্ত হইয়া পড়িলেন। একদল লিডেনবার্গ (Lydenberg) নামক একটা নগর স্থাপিত করিলেন, ও অপর দল জুটপান্সবার্গ (Zoutpansberg) নামক নগর প্রতিষ্ঠিত করিয়া, সেই স্থানে বাস করিতে আরম্ভ করিলেন। শেষোক্ত স্থানটা বর্তমান ড্রাকেন্সভালের প্রায় উত্তর সীমা।

ব্যুরদিগের এইরূপ অবস্থা দেখিয়া, ইংরাজ-গভর্নমেন্ট এক-রূপ স্থির করিয়া লইলেন, যে, যেক্রমেই হউক, ব্যুরগণকে

ঠাঁহাদিগের পূর্ক বাসস্থানে প্রত্যাগমন করাইতে হইবে, ও অপরা-
পর ঠাঁহারা তখনও স্থানান্তরে গমন করেন নাই, ঠাঁহাদিগকে বাস-
স্থান পরিত্যাগ করিয়া, স্থানান্তরে গমন করিতে দেওয়া হইবেনা ।
মনে মনে এই অভিসন্ধি স্থির করিয়া, শাসনকর্তা নেপিয়ার
সাহেব পাদরী ফিলিপের সহিত পরামর্শ করিয়া, সমস্ত বুয়র-
গণকে সেই প্রদেশীয় লোকের অধীন করিয়া দিবার মনস্থ
করিলেন । এইরূপ উপায় উদ্ভাবন করিয়া, ঐ প্রদেশীয়
সমস্ত স্থান নিম্নলিখিতরূপে বিভক্ত করিয়া দিলেন ।


সেই সময় থাবা বসিগো (Thaba Bosigo) নামক স্থানে
খৃষ্টান-ধর্ম্মযাজকদিগের বন্ধু ও পৃষ্ঠপোষক মোসেস্ (Moshesh)
নামক এক ব্যক্তি বাস করিতেন । অরেঞ্জ ও কেলিডন
(Caledon) নামক নদীদ্বয়ের মধ্যবর্ত্তী যে সকল স্থানে বুয়রগণ
ঠাঁহাদিগের বাসস্থান স্থাপিত করিয়াছিলেন, ইংরাজ-গভর্নমেন্ট
এখন মোসেস্কেই সেই সকল স্থানের অধিপতি নিযুক্ত
করিলেন । পূর্কোক্ত স্থান সমূহের উত্তরাংশে কতকগুলি
সেই প্রদেশীয় লোক বাস করিত । বলা বাহুল্য, এই সকল
স্থানও মোসেস্ প্রাপ্ত হইলেন । ইহাও স্থিরীকৃত হইল, যে,
ইংরাজগণের আদেশানুযায়ী ঠাঁহাকে চলিতে হইবে, এই নিমিত্ত
বাৎসরিক ৭৫ পাউণ্ড বা ১,১২০ টাকা, তিনি ইংরাজ-গভর্নমেন্ট
হইতে প্রাপ্ত হইবেন ।

মোসেস্কে (Moshesh) যে রাজত্ব প্রদত্ত হইল, তাহার
পশ্চিম অংশে প্রায় দুই সহস্র লোক, এডামকক্ (Adam
Kok) নামক এক ব্যক্তির কর্তৃত্বাধীনে বাস করিত । উহারা
মিশ্রজাতীয় লোক । ইংরাজ, হটেন্ট্ ও কাফ্রি প্রভৃতি নানা-

জাতীয় লোকের সংমিশ্রণে উহাদিগের উৎপত্তি। এডাম কক্কে (Adam Kok) রাজা করিয়া ইংরাজ-গভর্নমেন্ট, নূতন বাসুতো (Basuto) সীমা হইতে, ১৮৩৪ খৃষ্টাব্দের সন্ধি অনুসারে যে সকল প্রদেশ (Andries Waterboer) এণ্ড্রিস্ ওয়াটার ব্যুরের দখলে ছিল, তাহার সমস্তই তাঁহাকে প্রদান করিলেন। তিনিও বাৎসরিক ১০০ পাউণ্ড বা ১৫০০ টাকা ও কিছু কিছু গুলিবাক্স গভর্নমেন্টের নিকট হইতে প্রাপ্ত হইতে লাগিলেন।

এইরূপে কালাহারি (Kalahari) মরুভূমি হইতে কেপ-কলোনীর (Cape Colony) উত্তর সীমানাস্থ সমস্ত প্রদেশ দেশীয় রাজার অধিকারভুক্ত করিয়া দেওয়া হইল। ইহার কিছুদিবস পরেই, ফেকু (Feku) পুনরায় আর একটি সন্ধি করিয়া, কেবলমাত্র নামে, উম্টাটা (Umtata) ও উম্জিম্কুলু (Um-jimkulu) নদীদ্বয়ের মধ্যবর্তী সমস্ত ভূভাগের এবং ড্রাকেন্স-বার্গ (Drakensberg) ও সমুদ্রের মধ্যবর্তী প্রদেশ সমূহের রাজ্যরূপে পরিগণিত হইলেন।

ইংরাজ-গভর্নমেন্ট যে অভিসন্ধির উপর নির্ভর করিয়া, ঐ প্রদেশ এরূপ ভাবে দেশীয় রাজাগণের কর্তৃত্বাধীন করিয়া দিলেন, ফলে, কিন্তু, তাঁহাদিগের সে অভিসন্ধি পূর্ণ হইল না। ব্যুরগণ তাঁহাদিগের অধীনতা স্বীকার করিলেন না, বা সেই সকল স্থান পরিত্যাগ করিয়া, তাঁহাদিগের পুনঃসংস্থানে গমনও করিলেন না। অধিকন্তু, ঐ সকল দেশীয় রাজা ও সর্দারগণের মধ্যে নানাপ্রকার গৃহ বিবাদ উপস্থিত হইল।



সপ্তম প্যার. চুদ ।

ইংরাজের ইংরাজ অধিকার অস্বীকার ও
ট্রান্সভাল প্রদেশে বাসস্থান স্থাপন ।

বুয়রগণ এডাম্ ককের (Adam Kok) অধীনতা স্বীকার
করিলেন না। তাঁহাদিগের মধ্যে একজন বুয়র কৃষক,
তাঁহার আদেশও অমান্য করিলেন। এই সংবাদ জানিতে
পারিয়া, ইংরাজ-গভর্নমেন্ট কককে সাহায্য করিতে প্রবৃত্ত হই-
লেন। সেই সময় পূর্বোক্ত আদেশ অমান্য করিয়া বুয়রকৃষককে ধৃত
করিবার নিমিত্ত কক তাঁহার একদল সৈন্য প্রেরণ করিলেন।
তাঁহারা যখন সেই কৃষকের বাড়ীতে গিয়া উপস্থিত হন,
সেই সময় তিনি তাঁহার বাড়ীতে উপস্থিত না থাকিলেও,
ঐ সকল সৈন্যগণ তাঁহার পত্নীকে অবমানিত করিয়া,
তাঁহার ঘরে গুলি, বারুদ ও বন্দুক প্রভৃতি যাহা কিছু ছিল,
তাঁহা বলপূর্বক সমস্ত গ্রহণ করিয়া, সেইস্থান হইতে
চলিয়া আসিল ।

ককের এইরূপ ব্যবহারে বুয়রগণ নিতান্ত অসন্তুষ্ট হইলেন, ও ফিলিপলিস (Philipholis) হইতে প্রায় পনের ক্রোশ দূরে একটা স্থান তাঁহাদিগের গাড়ীর দ্বারা বিরুদ্ধা, তাহার মধ্যে পরিবারবর্গকে রাখিয়া দিলেন। উহাদিগকে রক্ষা করিবার নিমিত্ত একদল বুয়র সেইস্থানে অবস্থিতি করিতে লাগিল। অবশিষ্ট সকলে সেই কৃষকপত্নীর অবমাননার প্রতিশোধ লইবার মানসে ককের বিপক্ষে যুদ্ধযাত্রা করিলেন।

সেই সময় একদল বৃটিশসৈন্য অরেঞ্জনদীর অপর পার্শ্বে কলোসবার্গ (Colesberg) নামক স্থানে রক্ষিত ছিল। তাহার মধ্য হইতে দুই শত সৈন্য ককে সাহায্য করিবার মানসে ফিলিপলিস গমন করিল। তদ্ব্যতীত, ইংরাজ-গভর্নমেন্ট ককে বন্দুক প্রভৃতি প্রদান করিয়া, তাঁহাকে বিশিষ্টরূপ সাহায্য করিতে প্রবৃত্ত হইলেন।

ইংরাজ-সেনাপতি কর্নেল রিচার্ডসন্ (Colonel Richardson) সেইস্থানে উপস্থিত হইয়া, বুয়রগণকে বশ্বতাস্বীকার করিবার নিমিত্ত পরামর্শ প্রদান করিলেন। বুয়রগণ ইতিপূর্বে অবগত ছিলেন না, যে, ইংরাজ-গভর্নমেন্ট তাঁহাদিগের বিপক্ষে অস্ত্রধারণ করিবেন; সুতরাং, তাঁহারা সেনাপতির সেই পরামর্শ অগ্রাহ্য করিয়া যুদ্ধ করিতে প্রস্তুত হইলেন। কিন্তু, যখন তাঁহারা দেখিতে পাইলেন, যে, তাঁহাদিগের বিপক্ষে ইংরাজগণ অস্ত্রধারণ করিয়াছেন, তখন তাঁহারা রণে ভঙ্গ দিয়া পলায়ন করিলেন। পলায়ন করিবার সময় তিনজন মাত্র বুয়র সেইস্থানে হত হইলেন; কিন্তু, তাঁহাদিগের শিবিরের মধ্যে বন্দুক, গুলি, বাক্স প্রভৃতি যাহা কিছু ছিল, তাহার সমস্তই ইংরাজদিগের হস্তগত হইল।

বুয়রগণ যখন বুঝিতে পারিলেন, যে, ইংরাজগণ এডাম ককে বিশিষ্টরূপে সাহায্য করিতে না ও ইংরাজ-সেনাপতি যখন তাঁহাদিগকে ককের বশতাস্বীকার করিতে পরামর্শ দিতেছেন, তখনও তাঁহারা ককের বশতাস্বীকার করিলেন না। তাঁহারা রাজ্যের সীমা অতিক্রমপূর্বক উইনবার্গ (Winberg) নামক স্থানে গমন করিয়া, তাঁহাদিগের বাসস্থান স্থাপিত করিলেন।

বুয়রগণের এইরূপ অবস্থা দেখিয়া, ইংরাজ-শাসনকর্তা বুঝিতে পারিলেন, যে, তাঁহারা যে উপায়ে কার্য উদ্ধার করিবার বন্দোবস্ত করিয়াছিলেন, তাহা কার্যে পরিণত হইবে না। বুয়রগণ তাঁহাদিগের পূর্ববাসস্থানে প্রত্যাগমন করিবেন না; অর্থাৎ, দেশীয় রাজার বশতাস্বীকারও করিবেন না। এইরূপ ভাবিয়া তাঁহারা পূর্ব বন্দোবস্তের পরিবর্তন করিয়া, এইরূপ ভাবে এক নূতন বন্দোবস্ত করিলেন, যে, ককের রাজ্য মধ্যে বুয়রগণকে বাস করিতে হইবে, কিন্তু তাঁহার স্বাধীনতা স্বীকার করিতে হইবে না। মডার (Moddar) ও রিয়েট (Riet) নদীর মধ্যবর্তী স্থান সকল কেবলমাত্র শ্বেতাঙ্গদিগের দ্বারা অধুষিত হইবে, ও একজন ইংরাজ-শাসনকর্তা তাঁহাদিগকে শাসন করিবেন। রিয়েট (Riet) ও অরেঞ্জ নদীর মধ্যবর্তী স্থান সকল ককের ও তাঁহার জাতি গ্রিকোয়াদিগের (Griquas) অধিকারভুক্ত থাকিবে। এই প্রদেশ ককের দ্বারা শাসিত হইবে। ইংরাজাধিকৃত স্থান সকল হইতে যে সকল রাজস্ব গৃহীত হইবে, তাহার অর্ধেকের দ্বারা ইংরাজ শাসনকর্তা ও কর্মচারিগণের বেতন ও খরচপত্র নির্বাহিত হইবে। অবশিষ্ট অর্ধেক কক প্রাপ্ত হইবেন। এই প্রভাবে কক ও বুয়রগণ, ঐতয়েই

সম্মত হইলেন । কেবলমাত্র বুয়রগণ কক্কে রাজস্ব প্রদানে অস্বীকার করিলেন । কিন্তু তাঁহাদিগের সে আপত্তি গ্রাহ্য হইল না । এইরূপ নূতন বন্দোবস্তে কিছু দিবস বিনা গোলযোগে অতিবাহিত হইয়া গেল ।

খেতাজগণকে শাসন করিবার নিমিত্ত মেজর ওয়ার্ডেন (Major Warden) নিযুক্ত হইলেন, এবং ব্লুমফন্টিনে (Bloomfontein) তাঁহার রাজধানী স্থাপিত হইল ।

মোসেসের (Moshesh) নিকট এইরূপ প্রস্তাব উত্থাপিত হইলে, তিনিও অরেঞ্জ (Orange) ও কেলিডন্ (Calidon) নদীর মধ্যবর্তী একটি ক্ষুদ্র ত্রিকোণ ভূমিতে খেতাজগণের বাসস্থান স্থাপনের ইচ্ছা প্রকাশ করিলেন । কিন্তু সেই স্থানটী নিতান্ত ক্ষুদ্র বলিয়া, সেই প্রস্তাব কার্যে পরিণত হইল না । এই স্থানের বন্দোবস্ত স্থিরীকৃত হইবার পূর্বেই, কেপ-কলোনীর দক্ষিণ সীমায় ভয়ানক গোলযোগ উপস্থিত হইল । ইংরাজসৈন্যের সহিত ইংরাজজাতির ভয়ানক যুদ্ধ হয় । ঐ সকল যুদ্ধে বুয়রদিগের কোনরূপ সংশয় ছিল না বলিয়া, তাহার বিস্তৃত বিবরণ এইস্থানে পরিত্যক্ত হইল । এই সকল যুদ্ধ ৭ম ও ৮ম কাফির যুদ্ধ নামে অভিহিত হইয়া থাকে । বুয়রদিগের বাসস্থানের সীমানির্ধারণ প্রভৃতি গোলযোগে আরও কিছুদিবস অতিবাহিত হইয়া যায় ।

ইহার কয়েক বৎসর পরে, অর্থাৎ ১৮৪৮খৃষ্টাব্দের ৩রা ফেব্রুয়ারী তারিখে, সার হেনরী স্মিথ (Sir Henry Smith) এক ঘোষণাপত্র প্রকাশ করিয়া, বুয়রদিগের অধিকারভুক্ত স্থান সকল, অর্থাৎ ভাল (Vaal) ও অরেঞ্জনদীর এবং কাথলাম্বা (Kathlamba) পর্বতের

মধ্যবর্তী ভূভাগ সকল, ইংরাজ রাজত্বের অন্তর্ভুক্ত করিয়া লন। কিন্তু মডার (Moddar) ও ভাল (Vaal) নদীর মধ্যবর্তী প্রদেশ সমূহের মধ্যে যে সকল বুয়রগণ বাস করিতেন, তাঁহারা ইংরাজ গভর্নমেন্টের অধীন হইতে অস্বীকার করিয়া, দ্বাদশ বৎসরাবধি যে স্বাধীনতা ভোগ করিয়া আসিতেছেন, তাহা রক্ষা করিবার মানসে প্রিটোরিয়াস্কে তাঁহাদিগের দলপতি নিযুক্ত করিয়া, ইংরাজ-গভর্নমেন্টের বিরুদ্ধে অস্ত্রধারণ করিলেন। শাসনকর্তা এই সংবাদ প্রাপ্ত হইয়া, যতদূর সম্ভব সৈন্য লইয়া স্বয়ং প্রিটোরিয়াসের সহিত যুদ্ধ করিতে প্রস্তুত হইলেন।

১৮৪৮খৃষ্টাব্দের ২৯এ আগষ্ট তারিখে, বুমপ্লাটস্ (Boomplaats) নামক স্থানে উভয় দলে এক ভয়ানক সংগ্রাম হয়। ঐ যুদ্ধে বুয়রগণ পরাস্ত হইয়া, ইংরাজদিগের অধিকার পরিত্যাগ পূর্বক ভাল (Vaal) নদীর উত্তর পার্শ্বে গমন করেন। এই সময় প্রিটোরিয়াস্কে ধৃত করিবার নিমিত্ত ইংরাজ-গভর্নমেন্ট বিশেষরূপ চেষ্টা করিয়াছিলেন, কিন্তু, কোনরূপে কৃতকার্য হইতে না পারিয়া, এইরূপ এক ঘোষণাপত্র প্রকাশ করেন, যে, যে ব্যক্তি প্রিটোরিয়াস্কে ধরিয়া দিতে পারিবে, তিনি গভর্নমেন্ট হইতে ২,০০০ সহস্র পাউণ্ড বা ৩০,০০০ সহস্র টাকা পুরস্কার পাইবেন।

এইরূপে যে সকল বুয়রগণ ইংরাজরাজত্ব পরিত্যাগপূর্বক প্রস্থান করিলেন, কেপকলোনী হইতে অপরাপর ইংরাজগণকে আনাইয়া তাঁহাদিগের স্থান পূর্ণ করা হইল।



অষ্টম পার্ব্বে দ ।



ট্রান্সভালের স্বাধীনতা

অরেঞ্জনদীর উত্তর পার্শ্বস্থিত বুয়রগণকে ইংরাজ-গভর্নমেন্ট বেক্রপ ভাবে শাসন করিয়া আসিতেছিলেন, তাহাতে কিছুদিবস বিনা গোলযোগে অতিবাহিত হইল। ঐ প্রদেশীয় বুয়রগণ সুখসমৃদ্ধির সহিত দিন যাপন করিতে লাগিলেন।

মোসেস্ (Moshesh) কিন্তু এই অবস্থা দেখিয়া মনে মনে একটু অসন্তুষ্ট হইতে লাগিলেন। নিজের ক্ষমতার হউক, বা ইংরাজ-গভর্নমেন্টের প্রসাদেই হউক, যখন তিনি সেই প্রদেশের রাজা হইয়াছেন, তখন তাঁহার রাজ্যান্তর্গত প্রজাগণ যদি তাঁহার বশ্যতা স্বীকারে অসম্মত হয়, তাহা হইলে স্বভাবতঃই তাঁহার মনে একটু অসন্তোষের উদয় হইতে পারে। বিশেষতঃ, একটু তাবিত্তা দেখিলে সহজেই অসম্মিত হয়, যে, তাঁহার রাজ্য মধ্যে যে শ্বেতসম্রদায় ক্রমেই প্রবল হইতেছে, সেই সম্রদায়কর্তৃক

ভবিষ্যতে তাঁহার বিপদ ঘটলেও ঘটতে পারে। এ দিকে ঐ জাতির পৃষ্ঠপোষক ইংরাজদিগের সহিত প্রকাশ্তে কোনরূপ অসন্তাব দেখাইতে তিনি সম্পূর্ণরূপে অসমর্থ।

কোষা জাতির মধ্যে সিক্‌নিলা (Sikonyela) নামক একজন অতিশয় পরাক্রমশালী সর্দার ছিল; এই সর্দার প্রায়ই ইংরাজদিগের বিপক্ষে অস্ত্রধারণ করিতে পরাধুখ হইত না। এই সময় ইহার সহিত বাণ্টু রাজ মোসেসের অধীন মলিট্‌সেন (Molitsain) নামক একজন সর্দারের বিবাদ উপস্থিত হয়, ও ইহা ক্রমে ঐ প্রদেশীয় অপরাপর জাতির মধ্যে পরিব্যাপ্ত হইয়া পড়ে। মেজর ওয়ারডেন্ (Major Warden) মধ্যবর্তী হইয়া, এই সকল বিবাদের মীমাংসা করিতে চেষ্টা করেন; কিন্তু, কোনরূপেই কৃতকার্য হইতে না পারিয়া, শাসনকর্তা সার-হেনরী-স্মিথের (Sir Henry Smith) আদেশক্রমে বল-প্রয়োগে ঐ সকল বিবাদভঞ্জন করিতে প্রবৃত্ত হন।

১৬২ জন খেতসৈন্ত, ১২০ জন কৃষিজীবী বুয়র ও ১০০০ হইতে ১৫০০ কৃষকায় সৈন্তের সহিত, মেজর ওয়ারডেন সমস্ত গোলযোগের মূলীভূত মলিট্‌সেনের (Molitsain) বিরুদ্ধে যুদ্ধযাত্রা করেন। কিন্তু, তাহার নিকট একরূপ ভাবে পরাস্ত হন যে, তাহা দেখিয়া স্বয়ং মোসেসও নিতান্ত বিস্মিত হইয়াছিলেন। কারণ, এত সহজে ইংরাজ সৈন্তগণকে পরাস্ত হইতে হইবে, তাহা কেহই অনুমান করিয়াছিলেন না। উহা-
গর বল যেরূপ জানিয়া, ইংরাজ-গভর্নমেন্ট যুদ্ধযাত্রা করিয়া-
ছিলেন, তাহা অপেক্ষা উহাদিগের বল-যে অত্যন্ত অধিক,

তাহা পূর্বে তাঁহারা অবগত হইতে পারেন নাই বলিয়া এই-
রূপ ভাবে অবমানিত হন। এই পরাজয়ের দিন হইতে
মোসেস্ ও ইংরাজের বিপক্ষে দণ্ডায়মান হন।

ঐ প্রদেশীয় বুয়রগণ যদিও ইংরাজের অধীনে বাস
করিতেছিলেন, কিন্তু, পরাধীন থাকিবার তাঁহাদিগের আন্তরিক
ইচ্ছা ছিল না। ইংরাজদিগের এইরূপ পরাজয় দেখিয়া,
তাঁহারাও একত্র মিলিত হইয়া, আপনাদিগকে স্বাধীন হই-
বার চেষ্টায় প্রবৃত্ত হইলেন। সেই সময় ইংরাজ-গভর্নমেন্ট কেপ-
কলোনীতে অপরায়িত জাতির সহিত যেরূপ ভাবে যুদ্ধাদিতে
নিযুক্ত ছিলেন, তাহাতে সেই সময় সৈন্ত প্রেরণ পূর্বক মেজর
ওয়ারডেনের সাহায্য করা তাহাদিগের পক্ষে একরূপ অসম্ভব
হইয়া পড়ে। ওয়ারডেনের নিকটও এরূপ সৈন্ত ছিল না, যাহার
দ্বারা তিনি সেই সকল গোলযোগ নিবারণ করিতে সমর্থ হন।
তাঁহার নিকট যে সামান্ত সৈন্ত ছিল, তাহা দ্বারা তিনি
সেই স্থানের রাজধানী ব্লুমফন্টিন (Bloemfontein) রক্ষা
করিতে সমর্থ হন মাত্র।

ইংরাজদিগের এই অবস্থা দেখিয়া, বুয়রগণ ও মোসেস্ একত্র
মিলিত হইয়া, তাঁহাদিগের বশতা একরূপ অস্বীকার পূর্বক
স্বাধীন হইবার চেষ্টা করিতে লাগিলেন। কিরূপ উপায়
অবলম্বন করিলে, তাঁহারা সহজে কার্য উদ্ধার করিতে সমর্থ হই-
বেন, তাহার বন্দোবস্ত করিবার নিমিত্ত প্রিটোরিয়ামকে সংবাদ
প্রেরণ করিলেন। বলা বাহুল্য, এই প্রিটোরিয়ামকে ধৃত
করিবার নিমিত্ত ইংরাজ-গভর্নমেন্ট হইতে ত্রিশ হাজার টাকা
পারিতোষিক ছিল।

এই সংবাদ পাইয়া প্রিটোরিয়াস্ মেজর ওয়ারডেনকে জানাইলেন, যে, তাঁহাকেও বাধ্য হইয়া ইংরাজ-গভর্নমেন্টের বিরুদ্ধে, এবং মোসেস্কেও সেই প্রদেশীয় বুয়রগণের সহিত, দণ্ডায়মান হইতে হইবে। কিন্তু, যদি ইংরাজ-গভর্নমেন্ট তাঁহার অধীন বুয়রদিগকে স্বাধীনতা প্রদান করিয়া তাঁহার সহিত সন্ধিসূত্রে আবদ্ধ হন, তাহা হইলে, আর তিনি তাঁহাদিগের বিরুদ্ধে অস্ত্রধারণ করিবেন না।

প্রিটোরিয়াসের নিকট হইতে এই সংবাদ পাইয়া, ওয়ারডেন সাহেব শাসনকর্তাকে এই মর্মে এক পত্র লেখেন, যে, যদি প্রিটোরিয়াসের সহিত তাঁহার প্রস্তাবিত মতে সন্ধি করা না হয়, তাহা হইলে ইংরাজ-গভর্নমেন্টের বিপদের সীমা থাকিবে না। একে কেপ্‌কলোনীতে সতত যুদ্ধ চলিতেছে, তাহার উপর প্রিটোরিয়াস্ আসিয়া যদি মোসেস্ ও সেই প্রদেশীয় বুয়রদিগের সহিত মিলিত হন, তাহা হইলে তাঁহাদিগের অহুগ্রহের উপর নির্ভর করিয়া, ইংরাজগণকে এই প্রদেশে বাস করিতে হইবে। ওয়ারডেনের প্রস্তাবে শাসনকর্তা সন্মত হইলেন। ইংরাজের পক্ষ হইতে মেজর হগ্ (Major Hog) ও ওয়েন (Mr. Owen) ও অপর পক্ষ হইতে প্রিটোরিয়াস্ এবং তাঁহার অধীন কয়েকজন ট্রান্সভালের বুয়র, ১৮৫২ খৃষ্টাব্দের ১৭ই জানুয়ারী তারিখে, স্তাও নদীর (Sand) উপকূলে একত্র সমবেত হইয়া, একটা সন্ধিপত্র লিপিবদ্ধ করেন, ঐ সন্ধিপত্র এখন পর্য্যন্ত স্তাও-নদীর-সন্ধি (Sand River-Convention) নামে অভিহিত। এই সন্ধির সর্ব অমুসারে ভাল নদীর (Vaal) উত্তরাংশ স্বাধীন হইয়া গেল। ঐ প্রদেশীয় বুয়রগণ নিজের রাজত্ব নিজে স্থাপিত করিবার আদেশ

প্রাপ্ত হইলেন । ইংরাজগণও ভাল (Vaal) নদীর উত্তরে তাঁহা-
দিগের অধিকার আর একপদও বৃদ্ধি করিবেন না, এইরূপ প্রতি-
শ্রুত হইলেন । এই সন্ধিই দক্ষিণ আফ্রিকার সাধারণ-তন্ত্র
(South African Republic) স্থাপনের মূল । ঐ প্রদেশ
আজকাল ট্রান্সভাল নামে অভিহিত ।

এইরূপ বন্দোবস্ত হইবার পর হইতেই, প্রিটোরিয়াসের
রাজত্বের অর্থাৎ ট্রান্সভালের শ্রীবৃদ্ধি হইতে লাগিল । ভাল
নদীর দক্ষিণ প্রদেশস্থিত যে সকল বুয়রগণ ইংরাজদিগের
কর্তৃত্বাধীনে অসন্তুষ্ট ছিলেন, তাঁহারা নদীর অপর পাশে আসিয়া
আপনাপন বাসস্থান স্থাপন করিতে লাগিলেন । মোসেসের
অনুচরবর্গ কিন্তু, সেই প্রদেশীয় খেতাজগণের উপর বিশেষরূপ
অত্যাচার করিতে লাগিল ।





নবম পার্শ্বদ ।

অরোঞ্জ রাজ্যের স্বাধীনতা ।

ইংরাজদিগের অধিকৃত কাফ্রেরিয়া (British Kaffraria) হইতে যে পর্যন্ত সৈন্তসকল এই প্রদেশে আসিয়া উপস্থিত হইতে না পারিল, সেই পর্যন্ত ঐ প্রদেশে সাতিশয় গোলযোগই চলিতে লাগিল ।

ইহার পর কেপকলোনির গোলযোগ একটু উপশমিত হইলেই, সার-জর্জ-ক্যাথকার্ট (Sir George Cathcart) ২০০০ সহস্র পদাতিক, ৫০০ শত অঝারোহী ও দুইটা কামানের সহিত কতকগুলি গোলন্দাজ সৈন্ত সমাভিব্যাহারে প্রেট্‌বার্গ নামক স্থানে আসিয়া উপস্থিত হইলেন । সেইস্থানে আসিয়াই মোসেসকে ১০,০০০ সহস্র গো, বেঘ, মহিষ ও ১০০০ সহস্র অশ্ব ক্ষতিপূরণস্বরূপ ইংরাজ-গভর্নমেন্টকে প্রদান করিয়া, সন্ধি করিবার পরামর্শ দিলেন ।

ইচ্ছাসঙ্কেণ নানা কারণে মোসেস্ এই প্রস্তাবে সন্মত হইতে পারিলেন না। কেবলমাত্র ৩৫০০ শত পণ্ড পাঠাইয়া দিয়া, সন্ধি করিতে চাহিলেন। অথচ, একদল যোদ্ধাকে খাবা বসিগো (Thaba Bosigo) নামক স্থানে স্থাপিত করিলেন। তাহা-দিগের উপর আদেশ রহিল যে, ইংরাজসৈন্ত অগ্রগামী হইবার চেষ্টা করিলে, পশ্চিমধ্যে তাহাদিগের গতিরোধ করিতে হইবে। এইস্থানটী কতকগুলি ছোট ছোট পাহাড়ের উপরি-ভাগে ও কতকগুলি বড় বড় পাহাড়ের মধ্যস্থলে স্থাপিত। এইস্থান সহজে শত্রুগণের হস্তগত হইবার কোনরূপ উপায় নাই; পক্ষান্তরে, ইহা হইতে শত্রুগণের সহিত যুদ্ধ করিবার অতি উত্তম সুবিধা।

১৮৫২ খৃষ্টাব্দের ২০এ ডিসেম্বর তারিখে, কেথকার্ট (Cathcart) মোসেসের অধিকৃত পাহাড় সকল অধিকার করিয়া লইবার মানসে, প্লেটবার্গ হইতে বহির্গত হইয়া কেলিডন নদী (Caledon) অতিক্রমপূর্বক বাসুতো দেশে (Basuto Land) গিয়া উপনীত হইলেন। তাহার অধীন সৈন্তগণকে তিনভাগে বিভক্ত করিয়া, তিনি যুদ্ধক্ষেত্রে অবতীর্ণ হইলেন। এক দলের নেতা হইলেন, তিনি স্বয়ং। এই কার্যে বত সহজে তিনি সম্পন্ন করিবেন মনে করিয়াছিলেন, কার্যে কিন্তু তাহা পরিণত করিতে সমর্থ হইলেন না।

একদল সৈন্ত তিনি গুপ্তভাবে একস্থানে রাখিয়া দিলেন। কিন্তু, তাহারা এরূপভাবে বিপদগ্রস্ত হইয়া পড়িল, যে তাহাদিগকে সেই গুপ্ত স্থান পরিত্যাগপূর্বক, প্লেটবার্গে (Platberg) প্রত্যাগমন করিতে হইল। কিরিয়া আসিবার সময় ঐ দলের

সম্মুখে ৪০০০ সহস্র পশু পতিত হয়। বলা বাহুল্য, এই সকল পশু তাহাদিগের হস্তগত হইয়াছিল।

স্বয়ং সেনাপতি যে দলে ছিলেন, সেই দলের সম্মুখে প্রায় ৬০০০ সহস্র বাসুতো (Basuto) অস্বারোহী উপস্থিত হয়। সন্ধ্যার পরই তৃতীয় দল আসিয়া তাঁহার দলের সহিত মিলিত হয়। রাত্তিকালে এই দুইদল সৈন্ত একটা পর্বত আশ্রয় করিয়া আপনাপন জীবনরক্ষা করেন ও পরদিবস প্রত্যুবেই তাঁহারা প্রেটবার্গে প্রত্যাবর্তন করেন। কিন্তু সেই পার্কৃত্যপ্রদেশে তাঁহাদের দলের ৩৭ জনকে রাখিয়া আসিতে হয়। তদ্ব্যতীত, ১৭ জন আহত ও একজন মৃত হয়। যিনি মৃত হইয়াছিলেন, তাঁহাকেও পরিশেষে উহারা নিহত করে।

বাসুতো সর্দার মোসেস্ (Moshesh) যদিও এই যুদ্ধে জয়লাভ করিলেন, তথাপি তিনি ইংরাজদিগের সহিত আর যুদ্ধ করিবেন না বলিয়া, নিজেই এক সন্ধির প্রস্তাব করিলেন। পাদরী কেসাটিসের (Rev. Mr. Casatis) সহিত পরামর্শ করিয়া, এইরূপ একখানি পত্র লিখিত হইল।

“Thaba Bosigo.

Midnight, 20th December, 1852.

Your Excellency,

This day you have fought against my people, and taken much cattle. As the object for which you have come is to have a compensation for Boers, I beg you will

be satisfied with what you have taken. I entreat peace from you. You have chastised, let it be enough, I pray you ; and let me be no longer considered an enemy to the Queen. I will try all I can to keep my people in order in future.

Your humble Servant,

Moshesh."

অনুবাদ :—

“ধাৰা বসিগো ।

ৰাজি ১২টা, ২০এ ডিসেম্বর, ১৮৫২ খৃষ্টাব্দ ।

শ্রেষ্ঠতম মহাশয় !

অন্ত দিবাভাগে আপনি আমার অধীন লোকদিগের সহিত যুদ্ধ করিয়া, অনেকগুলি পশু লইয়া গিয়াছেন। আমাদিগের সহিত যুদ্ধ করিতে আসার প্রধান উদ্দেশ্য,—বুয়রদিগের ক্ষতি-পূরণ করা। কিন্তু আমার প্রার্থনা, আপনি বাহা প্রাপ্ত হইয়াছেন, তাহাতেই আপনি সন্তুষ্ট হউন ! আমি আপনার নিকট হইতে সন্ধি ভিক্ষা করিতেছি। আপনি আমাকে যথেষ্ট ভৎসনা করিয়াছেন ; আমার প্রার্থনা যেন আমার পক্ষে ইহাই যথেষ্ট বিবেচিত হয়। এখন হইতে আমি যেন মহারাণীর শত্রু বলিয়া পরিগণিত না হই। ভবিষ্যতে আমি আমার লোকদিগকে বত-দূর কার্যদায় রাখিতে পারি, তাহার নিমিত্ত বিশেষরূপে চেষ্টা করিব।

আপনার অনুগত ভৃত্য,

মোসেস্ ।”

ইংরাজ সেনাপতি আপন শিবিরে প্রত্যাগমন করিয়া মনে মনে স্থির করিতেছিলেন, যে, মোসেসের সহিত সন্ধির প্রস্তাব না করিলে দেখিতেছি, আর নিস্তার নাই। কারণ, পূর্ব হইতে উহাদিগের সৈন্ত সামন্তের অবস্থা যেরূপ আমাদের জ্ঞান ছিল, এখন দেখিতেছি তাহা নহে; উহাদিগের বল-বিক্রম অতুল।

সেনাপতি মনে মনে এইরূপ ভাবিতেছেন, এরূপ সময়ে একজন অস্বারোহী পূর্বোক্ত পত্রখানি আনিয়া তাঁহার হস্তে প্রদান করিল। পত্রপাঠ মাত্রই তিনি উহাতে সন্মত হইলেন ও যত শীঘ্র পারিলেন, সেইস্থান হইতে প্রস্থান করিলেন। তাঁহার অধস্তন কর্মচারী ও সৈন্তগণ এই সম্বন্ধে নানা কথা কহিতে লাগিলেন। কিন্তু, তিনি তাহাতে একেবারেই কর্ণপাত না করিয়া, অরেঞ্জ নদীর তীরে আসিয়া উপনীত হইলেন।

মোসেস, কক্-প্রভৃতি সর্দারগণ যে সকল প্রদেশে রাজত্ব করিতেছিলেন ও ইংরাজ-গভর্নমেন্ট খেতাজদিগের দ্বারা অধিকৃত যে সকল প্রদেশ শাসন করিতেছিলেন, সেই সকল প্রদেশে সদাসর্বদাই নানারূপ গোলযোগ ঘটিতে দেখিয়া পার্লামেন্ট ঐ প্রদেশ একেবারে পরিত্যাগ করিতে কৃতসঙ্কল্প হইয়া, কেপকলোনির (Cape Colony) শাসনকর্তার উপর আদেশ প্রদান করিলেন। সেই আদেশানুযায়ী কার্য্য করিবার মানসে, সার জর্জ ক্লার্ক (Sir George Clerk) নামক একজন কর্মচারী সেই প্রদেশে গমন করিয়া সেই প্রদেশীয় খেতাজ অধিবাসিগণকে একস্থানে সমবেতপূর্বক, তাঁহার মনোভিলাষ তাঁহাদিগের নিকট ব্যক্ত



বাসুতো পরিবার ।

করিলেন । আরও কহিলেন, “এখন হইতে তোমরা স্বাধীনভাবে এই প্রদেশে রাজকার্য্য নিৰ্ব্বাহ করিতে পার ।”


শ্বেতাঙ্গগণ ইংরাজ রাজপ্রতিনিধির এই প্রস্তাবে অসম্মত হইলেন, ও কেহ কেহ স্পষ্টই কহিলেন, “যখন ইংরাজ গভর্ণমেন্ট এই প্রদেশীয় রাজগণকে বিশেষরূপ সাহায্য করিয়া, ঠাঁহাদিগকে অতিশয় প্রবল করিয়া তুলিয়াছেন, তখন, যে পর্য্যন্ত ঠাঁহাদিগের বলক্ষয় করিয়া না দিবেন, ততদিন পর্য্যন্ত আমরা কোন প্রকারেই আপনাপন জীবন ও অর্থ রক্ষা করিতে সমর্থ

হইব না। সুতরাং, আমরা এখন' স্বাধীন হইতে চাহি না। আমরা ইংরাজ-গভর্নমেন্টের অধীনে যেরূপ আছি, সেইরূপই থাকিব।”

সেতাদ্ধ কৃষকদিগের এই অনুরোধ গ্রাহ হইল না। তাঁহারা লোক পাঠাইয়া পার্লামেন্ট পর্য্যন্ত দরবার করিয়া দেখিলেন। কিন্তু, যখন কোনরূপেই তাঁহারা তাঁহাদিগের ইচ্ছা পূর্ণ করিতে পারিলেন না। তখন অন্তোপায় হইয়া ব্লুম্ফণ্টন (Bloemfontein) নামক নগরীতে ইংরাজ-গভর্নমেন্টের নিকট হইতে, ১৮৫৪ খৃষ্টাব্দের ২৩এ ফেব্রুয়ারি তারিখে, তাঁহাদিগের শাসনভার নিজ হস্তে গ্রহণ করিলেন।

ঐ তারিখ হইতে স্বাধীন অরেন্জ রাজ্য স্থাপিত হইল।






তৃতীয় খণ্ড ।

শ্রীমতী রাজত

ও

আচার ব্যবহার ।





মানচিত্র

ইংরেজ
পূর্ব আফ্রিকা

পোর্ট
ব্লেক

ফরাসি

স্বাধীন
কম্বো

পোর্টগীজ
একোলা


১৮৮০

১৮৮০



জার্মান দেশ
সীমানা

দক্ষিণ আফ্রিকার মানচিত্র ।





বুয়র রাজত্ব ও আচার ব্যবহ'র ।

প্রথম পরিচ্ছেদ ।



স্বাধীন অরেন্ণ রাজ্যের ইতিহাস ।

ইংরাজ-পতর্গন্টেৰ প্রসাদে অরেন্ণরাজ্য আপনার স্বাধীনতা প্রাপ্ত হওন্নর, তাহার অধিবাসিগণ ঐ রাজ্যের বন্দোবস্ত করিতে আরম্ভ করিলেন। সাধারণতন্ত্র অনুসারে রাজস্বের বন্দোবস্ত হইতে আরম্ভ হইল। প্রত্যেক পাঁচ বৎসরের নিমিত্ত একজন করিরা সভাপতি নিযুক্ত হইতে লাগিলেন। একটা সমিতি (Volksraad) স্থাপিত হইল। এই সমিতির সভ্য হইলেন,

৫৬ জন; অর্থাৎ, সমস্ত প্রদেশের প্রত্যেক বিভাগ হইতে দুইজন করিয়া; সভ্যগণ চারি বৎসর করিয়া আপন আপন কার্য নিৰ্বাহ করিতে লাগিলেন। ঠাঁহাদিগের অনুমোদন ব্যতীত সভাপতির কোন কার্য করিবার ক্ষমতা রহিল না। সমস্ত প্রদেশের মধ্যে ২৮টা বিচারালয় স্থাপিত হইল ও এই সমস্ত বিচারালয়ের কার্য ডচ্ ভাষায় চলিতে লাগিল।

স্বাধীন অরেঞ্জ-রাজ্যের প্রথম সভাপতি হইলেন, জোসিয়াস্ হপম্যান্ (Josius Hoffman) নামক একজন বুয়র। ইহার সহিত দুর্দান্ত মোসেসের বিশেষ প্রণয় ছিল বলিয়া, তিনি প্রায়ই ঠাঁহার পক্ষাবলম্বন করিয়া চলিতেন; এবং সদা সর্বদা ঠাঁহার উপকার করিতে কুণ্ঠিত হইতেন না। স্কুল কথায়, একটা স্বাধীন রাজ্যের সভাপতির বেরূপ ভাবে চলা আবশ্যিক, তিনি সেইরূপ ভাবে চলিতেন না। সমিতির বিনা অনুমতিতে, তিনি এক বাল্ল বারুদ ঠাঁহার বন্ধু মোসেসকে প্রদান করিয়াছিলেন বলিয়া, ঠাঁহাকে বাধ্য হইয়া ঠাঁহার পদ পরিত্যাগ করিতে হয়।

ইহার পর জেকোবাস্ নিকোলাস্ বসফ্ (Jacobus Nicholas Boshof) নামক একজন উপযুক্ত লোক সভাপতির পদে নিযুক্ত হন। ইনি গভর্নমেন্টের সমস্ত বিভাগের উত্তম-রূপ বন্দোবস্ত করিয়া দেন।

এই সময় মোসেস্ এই স্বাধীন রাজ্যের অন্তর্ভূত একটা স্থান আপনার অধিকারভুক্ত করিয়া লইতে চেষ্টা করেন। ঐ স্থান পূর্বে ঐ দেশীয় লোকদিগের বাসস্থানরূপে পরিগণিত ছিল। কিন্তু, স্বাধীন রাজ্য ইংরাজদিগের প্রকৃত ভূভাগ

সকল কোনরূপেই পরিত্যাগ করিতে সম্মত হইলেন না। এই কারণে মোসেস্ বুরদিগের উপর অত্যন্ত কুপিত হইয়া দক্ষিণ প্রদেশে গমন পূর্বক, সেইস্থানের অধিবাসিগণের উপর অত্যাচার করিতে প্রবৃত্ত হইলেন।

সেই সময় কেপকলোনির ইংরাজ শাসনকর্তা স্যার জর্জ গ্রে, (Sir George Grey) মোসেস্ ও বুরদিগের মধ্যে একটা সন্ধি করিয়া দেন। কিন্তু, মোসেস্ অতি অল্প দিবসের মধ্যেই সেই সন্ধির অবমাননা করিয়া, বুরদিগের উপর পুনরায় অত্যাচার আরম্ভ করেন।

১৮৫৮ খৃষ্টাব্দের মার্চ মাসে, ঐ প্রদেশীয় সমস্ত বুরগণ একত্র সমবেত হইয়া দুইভাগে মোসেসের রাজস্ব—বাস্ততো ল্যাণ্ডের (Basuto Land) ভিতর প্রবিষ্ট হইলেন। মোসেস্ও তাঁহাদিগের সহিত যুদ্ধ করিতে আরম্ভ করিলেন। অথচ আর একদল সৈন্যকে বুরদিগের রাজ্যের ভিতর প্রেরণ করিয়া, তাঁহাদিগের অবর্তমানে, তাঁহাদিগের ধনসম্পত্তি লুণ্ঠন করিয়া লইতে প্রবৃত্ত হইলেন। যুদ্ধার্থী বুরগণ এই সংবাদ পাইয়া যুদ্ধ পরিত্যাগ পূর্বক, আপন আপন ধন সম্পত্তি রক্ষা করিবার মানসে প্রত্যাগমন করিলেন।

এই সময় স্বাধীন অরেল রাজ্যের সভাপতি, দুান্ডভান্ডের নিকট সাহায্য প্রার্থনা করেন; কিন্তু, তাঁহারা সাহায্য করিতে অসম্মত হওয়ার, ইংরাজশাসনকর্তা তাঁহাকে সাহায্য করিতে স্বীকৃত হন। এই অবস্থা দেখিয়া, মোসেস্ তাঁহাকে বধ্যস্থ করিয়া কহেন যে, তিনি বেঙ্গল শীমাংসা করিয়া দিবেন, তাহাতেই তিনি সন্তুষ্ট হইবেন। শাসনকর্তাও তাহাতে সম্মত

হইয়া, স্বাধীন অরেঞ্জ-রাজ্যের মধ্য হইতে কিয়ৎ পরিমিত জমি বহিষ্কৃত করিয়া মোসেসকে প্রদান করিলেন । বলা বাহুল্য, ইহাতে স্বাধীন অরেঞ্জ রাজ্যের বিশেষ ক্ষতি হইল । এই কার্যে অসন্তুষ্ট হইয়া, ইহার ছই এক দিবস পরেই সভাপতি তাঁহার কার্য পরিত্যাগ করিলেন ।

বিখ্যাত কমেণ্ডেণ্ট-জেনারেল (Commandant-General) প্রিটোরিয়াসের পুত্র এম,ডব্লিউ, প্রিটোরিয়াস্ (M. W. Pretorius) সেই সময় স্বাধীন অরেঞ্জ রাজ্যের সভাপতির পদে নিযুক্ত হন । তিনি রাজত্বকে ক্রমে দৃঢ় ভিত্তির উপর সংস্থাপিত করেন ।

এই সময় মোসেস্ কেলিডন্ (Caledon) নামক নদীর উত্তর দিকস্থিত ভূভাগ সকল অধিকার করিয়া লইলেন । প্রিটোরিয়াস্ ঐ প্রদেশ রক্ষা করিবার নিমিত্ত বিশেষরূপ চেষ্টা করিলেন সত্য ; কিন্তু, কোনরূপেই কৃতকার্য হইতে পারিলেন না ।

১৮৬৫ খৃষ্টাব্দে, প্রিটোরিয়াসের সময় উত্তীর্ণ হওয়ার, জেন্ হেনড্রিক ব্র্যাণ্ড (Jan Hendrik Brand) সভাপতির পদে নিযুক্ত হইলেন ।

সেই সময় স্যার ফিলিপ উডহাউস্ (Sir Philip Woodhouse) কেপকলোনীর শাসনকর্তার পদে নিযুক্ত ছিলেন । সভাপতি তাঁহাকে স্বাধীন অরেঞ্জ রাজ্য ও বাসুতো ল্যাণ্ডের মধ্যবর্তী উত্তর দিকের সীমানা নির্দিষ্ট করিয়া দিবার নিমিত্ত অনুরোধ করেন । তিনি ইহাতে সন্মত হন ও নিজে সমস্ত প্রদেশ প্রদক্ষিণ করিয়া ও উত্তর পক্ষের যাহা কিছু বক্তব্য ছিল, তাহা শুনিয়া, মোসেস্ যে প্রদেশ অধিকার করিয়া লইয়াছিলেন, তাহা তাঁহাকে প্রত্যর্পণ করিতে অনুমতি করেন । কিন্তু,

মোসেস্ তাহাতে সম্মত না হওয়ার, সমস্ত কৃষিজীবিবর্গের উপর এই আদেশ প্রদত্ত হয় যে, তাঁহারা বলপূর্বক সেই সকল প্রদেশ হইতে মোসেসের লোক জনকে দূরীভূত করিয়া দিতে পারেন। ইহাতে উত্তরপক্ষে প্রকাশ্যরূপে যুদ্ধ আরম্ভ হয়।

এ যুদ্ধেই মোসেসের সৈন্তগণ বুরদিগের উপর নানা প্রকার অত্যাচার করিতে আরম্ভ করে। কিন্তু, উত্তরপক্ষে যতগুলি যুদ্ধ হয়, তাহার প্রত্যেকটিতেই মোসেস্ পরাজিত হন। এইরূপে দশ মাস কাল ক্রমাগত যুদ্ধ করিবার পর, মোসেস্ সন্ধির প্রস্তাব করেন। তাঁহার প্রস্তাব অনুসারে উত্তর রাজ্যের মধ্যে একটা সন্ধি স্থাপিত হয়; তাহাতে মোসেস্কে পূর্বাধিকৃত স্থান ব্যতীত, তাঁহার নিজের রাজ্যের আরও কিয়দংশ স্বাধীন অরেল-রাজ্যকে প্রদান করিতে হয়। কিন্তু, এক বৎসর অতীত হইতে না হইতেই, মোসেস্ ঐ সন্ধি অমান্য করিয়া, সেই সকল প্রদেশ পুনরায় আপনার অধিকারভুক্ত করিবার চেষ্টা করেন। সুতরাং, উত্তরপক্ষে পুনরায় যুদ্ধ আরম্ভ হয় ও সেই যুদ্ধে বুরদিগণ তাঁহাকে একেবারে দেশত্যাগী করিবার বন্দোবস্ত করেন।

এই অবস্থা দেখিয়া, ইংরাজ-শাসনকর্তা উড্‌হাউন্স মোসেস্কে সাহায্য করিতে প্রবৃত্ত হন। কারণ, মোসেসের অধীন বাস্তুতে জাতি ইংরাজ-গভর্নমেন্টের একরূপ প্রকারেই পরিগণিত ছিল।

সভাপতি ত্র্যাণ্ড শাসনকর্তার ব্যবহারে অসন্তুষ্ট হইয়া, ইংলণ্ডীয় পার্লামেন্টে লোক পাঠাইলেন। কিন্তু, তাঁহার সভ্যগণ কোন-রূপ মীমাংসা না করিয়া, সমস্তই শাসনকর্তার উপর তুলত করিলেন; সুতরাং, তাঁহাদিগের দ্বারা কিছুই হইবে না দেখিয়া,

পরিশেষে ১৮৬৯ খৃষ্টাব্দের ফেব্রুয়ারী মাসে, মোসেসের সহিত
একটি সন্ধি স্থাপিত করিলেন। উহাতে কেলিডন্ নদীর উত্তর
ও পশ্চিম সমস্ত প্রদেশ স্বাধীন অরেন্স রাজ্যের অন্তর্ভুক্ত হইল।





দ্বিতীয় পরিচ্ছেদ ।

হীরকখনি-আবিষ্কার ।

কিছু দিবস পূর্বে অর্থাৎ ১৮৭৭ খৃষ্টাব্দের এক সময়ে একটি বালক কেপকলোনির উত্তর বিভাগে একটি স্থানে ক্রীড়া করিতে করিতে একখণ্ড প্রস্তর প্রাপ্ত হয়। কিরূপ প্রস্তর তাহা জানিবার নিমিত্ত উহা একজন ব্যবসায়ীর হস্তে প্রদত্ত হয়। উহা যে একখানি মূল্যবান প্রস্তর, তাহা সেই ব্যবসায়ী বুঝিতে পারিয়া, পরীক্ষার্থ তিনি উহা গ্রেহেমস্টাউন (Grahamstown) নগরীতে পাঠাইয়া দেন। সেই স্থানে জনৈক হীরকখনি-সন্ধানকারী উহা পরীক্ষা করিয়া জানিতে পারেন যে, উহা একখানি উৎকৃষ্ট হীরকখণ্ড। উহার মূল্য অনুমান ৫০০ শত পাউণ্ড বা ৭৫০০, টাকা।

এই অবস্থা জানিতে পারিয়া যে স্থানে ঐ হীরকখণ্ড পাওয়া গিয়াছিল, তাহার নিকটবর্তী স্থানে অনুসন্ধান করিতে

করিতে আর একখানি হীরক পাওয়া যায়। পরিশেষে আরও একখানি ভাল নদীর উপকূল হইতে বহির্গত হয়।

১৭৬৮ খৃষ্টাব্দে যদিও কেহ হীরকানুসন্ধান করেন না, তথাপি কিন্তু ভাল নদীর নিকটবর্তী স্থান সকল হইতে আরও কতকগুলি হীরক প্রস্তুত প্রাপ্ত হওয়া যায়।

একজন হটেণ্টটের নিকট একখণ্ড হীরক অনেক দিবস হইতে ছিল। ১৮৬৯ খৃষ্টাব্দের মার্চমাসে, উহা তাহার নিকট হইতে গ্রহণ করিয়া বিক্রয় করা হয়। এই হীরকখণ্ডের মূল্য হইয়াছিল, ১১,০০০ পাউণ্ড বা ১,৬৫,০০০ টাকা। এখন ঐ হীরকখণ্ড ষ্টার-অফ্-সাউথ-আফ্রিকা (Star of South Africa) নামে অভিহিত।

এই সময় হইতে ভাল নদীর তীরবর্তী স্থান সকল খনন করিতে আরম্ভ করা হয়; ও সময় সময় অনেক হীরকও পাওয়া যায়। ভাল নদীর দক্ষিণ পার্শ্বস্থ স্থান সকল স্বাধীন অরেঞ্জ রাজ্যের অন্তর্ভুক্ত ছিল; কিন্তু, উত্তর পার্শ্বস্থ স্থান সকল লইয়া গোলযোগ উপস্থিত হয়। হীরক আবিষ্কারের পূর্বে ঐ প্রদেশের জমী প্রভৃতির মূল্য এত অল্প ছিল যে, কোন রাজাই উহা আপনার রাজত্বের অন্তর্ভুক্ত করিয়া লইয়াছিলেন না। হীরক বাহির হইবার পর হইতেই, ট্রান্সভাল-গভর্নমেন্ট, স্বাধীন অরেঞ্জ-রাজ্য, ব্যাটলাপিন্ জাতি, (Batlapin) ও গ্রিকোয়া সর্দার (Griqua Captain) নিকোলাস্ ওয়াটার বুয়র (Nicholas Water Boer), ইহারা সকলেই ঐ স্থান আপন বলিয়া অধিকার করিতে চাহিলেন। সকলেই আসিয়া সেইস্থানে আপন আপন শিবির

সংস্থাপিত করিলেন, ও পরম্পরের মধ্যে ক্রমে বিবাহ বিসম্বাদ উপস্থিত হইল ।

ইহার পরই দক্ষিণ প্রদেশস্থ ক্বিক্বেজের মধ্য হইতে আর একটা উৎকৃষ্ট হীরকখনি বহিষ্কৃত হইল; সুতরাং, খনি খননকারিগণ উত্তর পার্শ্ব পরিত্যাগ পূর্বক, ক্রমে দক্ষিণ পার্শ্বে আসিয়া উপস্থিত হইতে লাগিলেন । ঐ সকল খনিখননকারিগণের মধ্যে অনেকগুলি ইংরাজও ছিলেন ।

নিকোলাস্ ওয়াটার বুয়র এই অবস্থা দেখিয়া ভাল নদীর দক্ষিণপার্শ্বস্থ হীরকখনিসংযুক্ত ভূভাগ সকল তাঁহার নিজের বলিয়া ঘোষণা করিলেন; এবং, স্বাধীন অরেঞ্জ-রাজ্যের হস্ত হইতে ঐ সকল স্থান প্রাপ্ত হইবার মানসে, কেপ-কলোনির তৎসাময়িক শাসনকর্তাকে মধ্যবিৎ করিবার প্রস্তাব করিলেন, ও আরও কহিলেন, যদি ইংরাজ-গভর্নমেন্ট তাঁহাকে ঐ সকল প্রদেশ প্রাপ্ত হইতে সাহায্য করেন, তাহা হইলে, পরিশেষে তিনি উহা ইংরাজ-গভর্নমেন্টকে প্রদান করিবেন । স্বাধীন অরেঞ্জ-রাজ্যের সভাপতি ত্র্যাণ্ড এই প্রস্তাবে সম্মত হইলেন না । তিনি কহিলেন, যে প্রদেশ লইয়া এখন গোল-যোগ উপস্থিত হইয়াছে, তাহা ১৮৫৪ খৃষ্টাব্দে ইংরাজ-গভর্নমেন্ট স্বাধীন অরেঞ্জ-রাজ্যের অন্তর্ভুক্ত করিয়া দিয়াছেন; সুতরাং, সে সম্বন্ধে এখন আর কোনরূপ সীমানার গোল-যোগ নাই ।

গ্রিকোয়া (Griqua), বেরোলং (Barolong) ও বেট্‌লাপিন্ নামক তিনটা জাতি ট্রান্সভালের মধ্যে বাস করিত । এই স্রম্বোগে তাহারা ট্রান্সভালের অধীনতা অস্বীকার করিয়া, স্বাধীন

হইয়া উঠে । সেই সময় ট্রান্সভালের অবস্থা অতিশয় শোচনীয় থাকা প্রযুক্ত, ট্রান্সভাল-গভর্নমেন্ট উহাদিগকে আপনার অধীনে আনিতে সমর্থ হন না ; সুতরাং, অন্তোপায় হইয়া, এই গোলযোগের মীমাংসা করিয়া দিবার নিমিত্ত ট্রান্সভালের সভাপতি প্রিটোরিয়াস্ ইংরাজ-গভর্নমেন্টের সাহায্য প্রার্থনা করেন । ইংরাজ-গভর্নমেন্ট ইহাতে স্বীকৃত হইয়া, নেটালের শাসনকর্তা কিটের উপর এই গুরুভার অর্পণ করেন । একটা সমিতি স্থাপিত হইয়া এই বিষয়ের বিচার হয় । এই সমিতির বিচারপতি হন, স্বয়ং কিট সাহেব । বিচার সময়ে স্বাধীন অরেঞ্জ রাজ্যের প্রতিনিধিস্বরূপ কেহই উপস্থিত ছিলেন না । বিচারে পূর্বকথিত তিনটা জাতিকেই ট্রান্সভালের অধীনতা হইতে নিষ্কৃতি দিয়া, তাহাদিগকে স্বাধীন করিয়া দেওয়া হয় ।

এই সঙ্গে হীরকখনির গোলযোগও তিনি মিটাইয়া দেন । তাঁহার বিচারে ভাল নদীর উত্তরপার্শ্বস্থ যে সকল হীরকের খনি লইয়া কয়েক জাতির মধ্যে গোলযোগ উপস্থিত হইয়াছিল, সেই সমস্ত প্রদেশ ও ঐ নদীর দক্ষিণপার্শ্বস্থ যে সকল প্রদেশে হীরকখনি সকল বহির্গত হইয়াছিল, তাহাও নিকোলাস্ ওয়াটার বুয়রের রাজত্বের অন্তর্গত করিয়া, তাঁহাকে প্রদান করেন ।

ইহার কিছুদিবস পরেই, স্যার হেনরী বার্কলে (Sir Henry Barkley) নামক এক ব্যক্তি কেপকলোনির প্রধান রাজপ্রতিনিধির পদে নিযুক্ত হন । ১৮৭১ খৃষ্টাব্দের অক্টোবর মাসে, যে সমস্ত প্রদেশে হীরকখনি পাওয়া গিয়াছিল ও বাহা ওয়াটার বুয়রের অধিকারভুক্ত হইয়াছিল, তাহা সমস্তই ইংরাজ-গভর্নমেন্টের ..

অধিকারভুক্ত বলিয়া, ঐ সকল স্থান অধিকার করিয়া লইবার মানসে সেইস্থানে তিনি কতকগুলি সৈন্ত প্রেরণ করেন; ও সমস্ত খনিগুলিই ইংরাজ-গভর্নমেন্টের অধিকারভুক্ত করিয়া লন ।

স্বাধীন অরেন্জ-রাজ্যের সভাপতি ব্র্যাণ্ড এই অবস্থা দেখিয়া স্বয়ং ইংরাজ-পার্লিয়ামেন্টে গমন করেন, ও সেইস্থানে এই মর্মে আবেদন করেন, যে, পূর্বে ইংরাজ-গভর্নমেন্টের বিচারে এই সকল প্রদেশ স্বাধীন রাজ্যের অন্তর্ভুক্ত না হইয়া ওয়াটার বুররের বলিয়া সাব্যস্ত হইয়াছিল; কিন্তু, যখন প্রতিপন্ন হইতেছে, যে ঐ প্রদেশ ওয়াটার বুররের নহে, তখন উহা স্বাধীন অরেন্জ রাজ্যের অন্তর্ভুক্ত; সুতরাং, সমস্ত হীরকখনিগুলি এখন তাঁহাদিগেরই ।

ইংরাজ-গভর্নমেন্ট তাঁহার আবেদন একেবারে অগ্রাহ্য করিতে পারিলেন না। কিন্তু, ঐ সকল প্রদেশ তাঁহাকে প্রদান না করিয়া, তাহার মূল্যস্বরূপ তাঁহাকে ৯০,০০০ পাউণ্ড বা ১৩,৫০,০০০ টাকা প্রদান করিলেন। বিজ্ঞ সভাপতি ব্র্যাণ্ড তাহাই গ্রহণ করিয়া, নিজ রাজ্যের ঋণের অনেকাংশ পরিশোধ করিয়া দিলেন ।

সেই সময় হইতে ঐ সকল প্রদেশ কেপকলোনির অন্তর্ভুক্ত হইয়া গেল ।

স্বাধীন অরেন্জ-রাজ্যের হীরকখনিগুলি ইংরাজ-গভর্নমেন্ট সাধারণ মূল্যে ক্রয় করিয়া লইলেন বলিয়াই যে, ঐ প্রদেশ একেবারে হীরক শূন্য হইয়া পড়িল, তাহা নহে; স্বাধীন রাজ্যের তিতর অপসরণে পুনরায় আরও কতকগুলি হীরকের খনি আবিষ্কৃত হইয়া পড়িল। সভাপতি ব্র্যাণ্ডের বন্দোবস্তে এই রাজ্য ক্রমে

সমৃদ্ধিশালী হইতে লাগিল। স্থানে স্থানে সুরম্য অট্টালিকা, সুবিভূত রাজবন্দর, সুদৃঢ় সেতু সকল, ও সাধারণ বিদ্যালয় সমূহ স্থাপিত হইল। রাজ্যের মধ্যে নানাস্থানে লৌহবন্দর সকল নির্মিত হওয়ার, গমনাগমনের সবিশেষ সুবিধা হইল। রাজত্বের স্বর্ণ সকল একেবারে পরিশোধ হইয়া গেল। স্থানে স্থানে আরও অনেক কয়লা ও হীরকের খনি বাহির হইতে আরম্ভ হইল। সীমানার গোলযোগ সকল একেবারে মিটিয়া গেল। সভাপতি ভ্যাণ্ডের এইরূপ সুবন্দোবস্তের নিমিত্ত ও তাঁহার দ্বারা রাজত্বের প্রভূত উন্নতি হওয়ার জন্য, তিনি উপর্যুপরি সভাপতির পদে নিযুক্ত হইতে লাগিলেন, ও ঐ কার্যে নিযুক্ত থাকিতে থাকিতেই, ১৮৮৮ খৃষ্টাব্দে তিনি পরলোক গমন করেন।

তাঁহার মৃত্যুর পর সেই প্রদেশীয় সর্বপ্রধান বিচারক এফ. ডব্লিউ, রিড (F. W. Reitz) সভাপতি নিযুক্ত হইলেন। ইনি এখন ট্রান্সভাল রাজ্যের প্রধান মন্ত্রী।

সভাপতি রিড সুবন্দোবস্তের সহিত পাঁচ বৎসর কাল আপন কর্তব্যপালন করিবার পর, তাঁহার স্থানে ফ্রেজার (Frazer) নামক একজন বুয়র নিযুক্ত হন।

ইহার পরই ১৮৯৬ খৃষ্টাব্দে, এম্. টি, ষ্টীন (M. T. Steyn) সভাপতির পদে নিযুক্ত হন। ইনিই এখন ট্রান্সভালবাসিদিগের সহিত মিলিত হইয়া, ইংরাজ-গভর্নমেন্টের বিরুদ্ধে যুদ্ধ করিতেছেন।

এম, টি, ষ্টীন ১৮৫৭ খৃষ্টাব্দের ২রা অক্টোবর তারিখে, ব্লুমফন্টিন নগরের নিকটবর্তী উইনবার্গ (Wynberg) নামক স্থানে জন্মগ্রহণ করেন। ইহার পিতা একজন কৃষক হইলেও, স্বাধীন



সভাপতি ষ্টীন । President Steyn.

অরেঞ্জরাজ্যের ব্যবস্থাপকসভার একজন সদস্য ছিলেন। ইহঁার মাতা ঐ প্রদেশীয় প্রসিদ্ধ ওয়েসেল (Wessells) বংশে জন্ম গ্রহণ করেন। তাঁহার মাতামহী ব্লুমফোর্টনে বাস করিতেন। বাল্যকালে ষ্টীন আপন মাতামহীর নিকট অবস্থিতি করিয়া, “গ্রে” কলেজে বিজ্ঞাপিকা করিতে লাগিলেন। কিছু दिবস সেইস্থানে বিজ্ঞাভ্যাস করিবার পর, ১৫ বৎসর বয়ঃক্রম কাঁড়ি তিনি আপন পিতার নিকট আগমন করিয়া, তাঁহার কৃষি-

কার্যের সাহায্য করিতে প্রবৃত্ত হন। সেই সময় হইতেই তিনি উত্তমরূপে অস্বাস্থ্য এবং শিকারাদি করিতে শিক্ষালাভ করেন। এইরূপে তাঁহার বয়ঃক্রম ১৯ বৎসর অতীত হইয়া যায়। সেই সময় সেই স্থানের হাইকোর্টের জজ অস্টিন্ বেচানেন্ (Buchanan) তাঁহাদিগের বাড়ীতে কিছুদিবস বাস করিয়া, ষ্ট্রনের বুদ্ধিমত্তার বিষয় বিশেষরূপে অবগত হন, ও সেই বালককে লেখাপড়া শিখাইবার নিমিত্ত তাঁহার পিতাকে পরামর্শ দেন। তাঁহার পিতাও পরিশেষে তাঁহার বন্ধু সভাপতি ব্র্যাণ্ডের সহিত পরামর্শ করিয়া, বিজ্ঞানশিক্ষা করিবার নিমিত্ত ষ্ট্রনকে ১৮৭৬ খৃষ্টাব্দে ইংলণ্ডে প্রেরণ করেন। সেইস্থানে লেখাপড়া শিখিয়া, ১৮৮২ খৃষ্টাব্দে তিনি ব্যারিষ্টার হইয়া আপন দেশে প্রত্যাগমন করেন। ইহার পর ৬ বৎসর কাল তিনি ব্লুম্ফোর্টন নগরীর বিচারালয়ে ওকালতী করেন।

১৮৮৭ খৃষ্টাব্দে, রেভারেণ্ড জে ফ্রেজার নামক জনৈক বুয়র-সর্দারের কন্যাকে তিনি বিবাহ করেন। সেই বৎসর কোন কারণ-বশতঃ সভাপতি ব্র্যাণ্ড তাঁহার পদ পরিত্যাগ করিতে উদ্বৃত্ত হন; কিন্তু, ষ্ট্রনের যত্নে সেই প্রদেশে একটা সভা আহূত হয়, ও এই সভার অনুরোধে তিনি তাঁহার অভিলাষ পূর্ণ করিতে সমর্থ হন না।

১৮৮৮ খৃষ্টাব্দে তিনি পূর্বোক্ত বিচারালয়ের জজের পদে নিযুক্ত হন; ও ১৮৮৯ খৃষ্টাব্দে তিনি রাজ্যের পরামর্শদাতার (State-Attorney) কার্যও করিতে আরম্ভ করেন।

১৮৯৬ খৃষ্টাব্দে পূর্বে সভাপতির সময় উত্তীর্ণ হওয়ার যখন সভাপতি নির্বাচিত হয়, সেই সময় ষ্ট্রনই এই পদ প্রাপ্ত হন।



১-তীয় পরিচ্ছেদ ।



ট্রান্সভালের অধঃপতন ।

ট্রান্সভাল প্রদেশ বেরূপে আপনার স্বাধীনতা প্রাপ্ত হইয়াছিল, তাহা দ্বিতীয় খণ্ডে বিস্তৃতরূপে বিবৃত হইয়াছে। স্বাধীন হইবার পর, প্রজাগণের মতামুসারে একটি সমিতি সংস্থাপিত হইল। এই সমিতি হইতে সমস্ত প্রদেশকে চারিভাগে বিভক্ত করিয়া, রাজকার্যপরিচালনার নিমিত্ত চারিজন কর্মচারী নিযুক্ত করা হইল। কিন্তু, ইহাতে দিন দিন কার্যের বিশেষ অসুবিধা হইতে লাগিল, ও পরিশেষে এই চারিটা বিভাগ চারিটা ভিন্ন ভিন্ন রাজ্যে পরিণত হইল। সেই সময় ঐ প্রদেশীয় আদিম অধিবাসিগণ, যাহারা ইংরাজ রাজত্বের সময় ঐ সকল প্রদেশ পরিত্যাগ পূর্বক দূরবর্তী পর্বত প্রভৃতিতে আশ্রয় গ্রহণ করিয়াছিল, তাহারা প্রত্যাগমন করিয়া সেই সকল প্রদেশে আপন আপন বাসস্থান পুনঃ সংস্থাপিত করিল।

এইরূপে দশ বৎসর কাল অতীত হইলে, আদিম অধিবাসিগণ পুনরায় নিজ মূর্তি ধারণপূর্বক বুয়রদিগের হস্ত হইতে পুনরায় স্বাধীনতা লাভ করিতে যত্নবান হইল ।

চারিটা পৃথক্ পৃথক্ রাজ্যের নানারূপ বিশৃঙ্খলা উপস্থিত হওয়ায় ও সূচাক্রমে কার্যনির্বাহ একরূপ অসম্ভব হইয়া পড়ায়, ১৮৬৪ খৃষ্টাব্দে ঐ চারিটা প্রদেশ একত্র মিলিত হইয়া, একটা রাজ্যে পরিণত হইল। একজন সভাপতি নিযুক্ত করিয়া, তাঁহার উপর সমস্ত ভার অর্পিত হইল। সেই সময় ট্রান্সভালের সর্ব প্রধান সভাপতি হইলেন এম্, ডব্লিউ প্রিটোরিয়াস্ (M. W. Pretorius.)। ইতিপূর্বে ইনি একবার স্বাধীন অরেঞ্জ-রাজ্যেরও সভাপতি হইয়াছিলেন, তাহা পাঠকগণ এই খণ্ডের প্রথম পরিচ্ছেদে অবগত হইতে পারিয়াছেন। এই সময়ে কমেণ্ট-জেনারেল অর্থাৎ প্রধান সেনাপতি হইলেন, এম্, জে, পল ক্রুগার (S. J. Paul Kruger)। বলা বাহুল্য, ইনিই এখন সভাপতির আসন গ্রহণ করিয়া, ইংরাজ-গভর্নমেন্টের সহিত ভয়ানক সংগ্রামে লিপ্ত রহিয়াছেন। তাঁহার সংক্ষিপ্ত জীবনচরিত এইস্থানে প্রদত্ত হইল ;—

ইনি ১৮২৫ খৃষ্টাব্দে কেপকলোনির মধ্যে কোলসবার্গ (Colasberg) নগরে জন্মগ্রহণ করেন। তাঁহার জন্মবার কিছুদিবস পরেই, ইহার মাতার মৃত্যু হয়। যখন ইহার বয়ঃক্রম দশ বৎসর, সেই সময় বুয়রগণ ইংরাজদিগের বশতা অস্বীকার করিয়া, কেপকলোনি হইতে উত্তরাভিমুখে গমন করেন। ইনিও তাঁহাদিগের মধ্যে একজন ছিলেন। পট্জিটার নামক যে দলপতি, তাঁহার দলবলের সহিত বর্তমান স্বাধীন অরেঞ্জ-রাজ্যে



প্রেসিডেন্ট ক্রুগার । President Kruger. L

আসিয়া, আপনাদিগের বাসস্থান স্থাপিত করিয়াছিলেন, বালক ক্রুগার তাঁহারই দলভুক্ত ছিলেন। বাল্যকাল হইতেই ইহার যুদ্ধ-বিজ্ঞার পারদর্শিতা ছিল। যখন তিনি বালকমাত্র, সেই সময় কতকগুলি মাটাবেলা সৈন্ত আসিয়া, তাঁহার দলস্থিত ব্যুর-দিগকে আক্রমণ করে, ইহা পাঠকগণ অবগত আছেন। আরও অবগত আছেন যে, ব্যুরগণ যখন সেই মাটাবেলা সৈন্তের সহিত যুদ্ধ করিতেছিলেন, সেই সময় বালক ও স্ত্রীলোকগণ বন্দুকে গুলি পূরিয়া দিয়াছিলেন। সেই সকল বালকের মধ্যে এই জগদ্বিখ্যাত ক্রুগারও উপস্থিত ছিলেন।

যে সময় প্রসিদ্ধ প্রিটোরিয়ান স্বাধীন অরেনজ-রাজ্যের সভাপতি হন, সেই সময় জুগারও তাঁহার দলস্থিত লোকদিগের মধ্যে একজন ছিলেন। সেই সময় তিনি নানা যুদ্ধে বিশেষরূপ বীরত্ব দেখাইয়া, তাঁহার প্রিয়পাত্র হইয়াছিলেন; ও ক্রমে প্রধান সেনাপতির পদে নিযুক্ত হইয়াছিলেন।

এখন ইহার বয়ঃক্রম ৭৬ বৎসর হইয়াছে। ইনি একজন দৃঢ়কার ও বলিষ্ঠ পুরুষ। ইহার চক্ষুর্দ্বয় বৃহৎ; কোন বিষয় চিন্তা করিবার সময় অর্ধনিম্নীলিতনেত্রে বসিয়া থাকেন, ও মধ্যে মধ্যে সম্মুখবর্তী লোকজনের প্রতি এক একবার উন্নীলিতনেত্রে চাহিয়া দেখেন। সেই সময় তাঁহার নয়নের উপর নয়ন পতিত হইলে, মনে যেন ভয়ের উদয় হয়। ইনি অতিশয় ধূম ও কাফি পান করিতে ভাল বাসেন। লেখা পড়ার মধ্যে তিনখানিমাত্র পুস্তকই ইহার সম্বল। বাইবেল, পিলগ্রিমস্ প্রোগ্রেশ, (Pilgrim's Progress) ও নেদারল্যান্ডের বিদ্রোহিতার ইতিহাস (History of the Revolt of the Netherlands)।

ইহার একহাতে চারিটির অধিক অঙ্গুলী নাই। বাল্যকালে এক সময় শিকার করিবার কালীন, তিনি তাঁহার অঙ্গুলীতে একটা আঘাত প্রাপ্ত হন; কিন্তু, ঐ অঙ্গুলী কাটিয়া না ফেলিলে অনিষ্ট হইবার সম্ভাবনা দেখিয়া, তিনি আপনার পকেট হইতে একখানি ছুরি বাহির করিয়া, ঐ অঙ্গুলীর কিয়দংশ ছিন্ন করিয়া কেলেন।

এই সময় উত্তর সীমান্ত প্রদেশীর বরম পালনা (Barama Palana) নামক একটা অসভ্য জাতির সহিত দুর্ভাগ্যক্রমে একটা যুদ্ধ উপস্থিত হয়, ও ক্রমাগত তিন বৎসর কাল ঐ যুদ্ধ

চলিতে থাকে । ঐ জাতির দলপতির একটা ভ্রাতা তাহার নিকট হইতে পলায়ন করিয়া, এই স্বাধীন রাজ্যের ভিতর প্রবিষ্ট হয় ও সেইস্থানে সে আশ্রয় প্রাপ্ত হয় । দলপতি এই সংবাদ জানিতে পারিয়া, বুন্নরদিগের উর্গর বিশেষরূপ অত্যাচার করিয়াছিল বলিয়াই, এই যুদ্ধের স্ত্রপাত ।

অর্থের ও সৈন্তের নিতান্ত অনাটন স্বত্বেও, সেনাপতি জুগার অনেক কষ্টে এত দিবস পর্য্যন্ত এই যুদ্ধ চালাইয়াছিলেন ; কিন্তু, পরিশেষে তাঁহাকে ঐ যুদ্ধ হইতে পরাভূত হইতে হয় । ইহার পর তাহাদিগের সহিত ব্যবসা-বাণিজ্য একেবারে বন্ধ করিয়া দেন । ইহাতে ঐ জাতির বিশেষ ক্ষতি হওয়ার, তাহাদিগেরই প্রস্তাবানুযায়ী ১৮৬৮ খৃষ্টাব্দের জুলাই মাসে, উত্তর পক্ষে একটা সন্ধি স্থাপিত হয় ।

ইহাদিগের এই অবস্থা দেখিয়া, সেই সময় বার্টুজাতিও । বুন্নরদিগের সহিত গোলযোগ উপস্থিত করে । এই সময় ট্রান্সভালের অবস্থা অতিশয় শোচনীয় হইয়া পড়িয়াছিল । ধনাগার ধনশূন্য, নদীসকল সেতুশূন্য, বিচারালয় গৃহশূন্য হয় । কর্মচারিগণ প্রায়ই নিরমিতরূপে বেতন প্রাপ্ত হইতেন না । স্বর্ণ ও রৌপ্য একেবারেই দেখিতে পাওয়া যাইত না ; ক্রয় বিক্রয়, জব্যের বিনিময়ে সম্পন্ন হইত । থাকিবার মধ্যে ছিল,— বহুমতীর অতিশয় উর্বরা-শক্তি এবং উপাসনার্থ অসংখ্য গির্জা বা উপাসনামন্দির ।

এই সময় ভাল নদীর উত্তর তীরে হীরকখনি সকল আবিষ্কৃত হয় । ট্রান্সভাল ঐ প্রদেশের অধিকারী বলিয়া উপস্থিত হন ; কিন্তু, তাহা তিনি প্রাপ্ত হন না ; ইহা পূর্বেই পাঠকগণ

দ্বিতীয় পরিচ্ছেদে অবগত হইয়াছেন। বলা বাহুল্য, এই সময় প্রিটোরিয়াস্ আপন পদ পরিত্যাগ করিয়াছিলেন।

প্রিটোরিয়াসের পর টমাস ফ্রেঙ্গিস্ বার্জার্স (Thomas Francis Burgers) নামক একজন প্রসিদ্ধ আইনজ্ঞ ও কার্যক্ষম ব্যক্তি সভাপতির পদে নিযুক্ত হন। কিন্তু, তাঁহার চিন্তের কিছুমাত্র স্থিরতা ছিল না। অনেক বিষয় সম্পন্ন করিবেন বলিয়া মনে করিতেন, কিন্তু কার্যে কিছুই পরিণত করিয়া উঠিতে পারিতেন না। সভাপতির পদে নিযুক্ত হইবার দুই বৎসর পরে, তিনি ডেলাগোয়া (Delagoa) উপসাগর হইতে রাজধানী প্রিটোরিয়া পর্য্যন্ত লৌহবন্ধ প্রস্তুত করিতে ইচ্ছা করিয়া, উপযুক্ত পরিমিত অর্থ সংগ্রহ করিবার মানসে ও কতকগুলি সরকারী বিদ্যালয়ের শিক্ষক নিযুক্ত করিবার অভিপ্রায়ে ইউরোপে গমন করেন।

হলণ্ড (Holland) হইতে ৯০,০০০ পাউণ্ড অর্থাৎ ১৩,৫০,০০০ টাকা ঋণগ্রহণ করিয়া, ঐ অর্থদ্বারা লৌহবন্ধ প্রস্তুত করিবার উপকরণ সকল খরিদ করিলেন; কিন্তু, ঐ সকল দ্রব্য ডেলাগোয়া উপসাগরে পড়িয়া পড়িয়া নষ্ট হইয়া গেল। আর অধিক অর্থ সংগ্রহের চেষ্টাও হইল না, লৌহবন্ধও প্রস্তুত হইল না।

সভাপতি ইউরোপ হইতে প্রত্যাগমন করিয়া দেখিলেন যে, ব্যাপিডি নামক (Bapidi) এক জাতি ট্রান্সভাল রাজ্যের কিয়দংশ অধিকার করিয়া লইয়াছে। ঐ সকল প্রদেশ পুনঃ অধিকার করিবার মানসে, তিনি বুয়র কৃষকগণকে যুদ্ধার্থ সমবেত করিলেন। সভাপতির উপর তাঁহাদিগের বিশ্বাস

অনেক কমিরা আসিয়াছিল বলিয়া, তাঁহারা প্রাণপণে যুদ্ধ করিতে অগ্রবর্তী হইলেন না। ছই একস্থানে ছই একটা সামান্য যুদ্ধ করিয়াই, তাঁহারা আপন আপন স্থানে প্রস্থান করিলেন। তখন সভাপতি অনন্তোপায় হইয়া মাসিক পাঁচ পাউণ্ড বা ৭৫ টাকা বেতন ও আহারীয় প্রদান করিয়া কৃতকগুলি সৈন্ত নিযুক্ত করিলেন।

এদিকে অর্থের নিতান্ত অনাটন, সৈনিকের বেতন, স্ত্রদের টাকা ও প্রয়োজনীয় নানারূপ খরচ পত্র সংগ্রহ করা কঠিন হইয়া পড়িল। তাহার উপর অপরাপর কয়েকটা জাতি আসিয়া ঐ রাজ্যের কয়েকটা স্থান অধিকার করিয়া বসিল।

এই সময়ে ইংরাজ-গভর্নমেন্ট ঐ প্রদেশের এইরূপ অবস্থা দেখিতে পাইয়া, উহা আপন রাজ্যের অধিকারভুক্ত করিয়া লইলেন। ইহার বিস্তৃত বিবরণ চতুর্থখণ্ডে বিবৃত হইয়াছে।





চতুর্থ প্যারজেদ ।

বুয়রদিগের আচার ব্যবহার

১। বাসস্থান ও কৃষিকার্য ।

ইহাদিগের বাসস্থান প্রায় এক তাল। মেজে কাঁচা, ছাদ প্রায় টিনের। ঘরের সম্মুখে এক একটা বারান্দা থাকে; বারান্দার মধ্যে প্রায়ই পাঁচ সাতটা করিয়া ফুলের টব দেখিতে পাওয়া যায়। ইহারা কৃষিজীবী সত্য, কিন্তু কৃষিকার্য উত্তম-রূপে অবগত নহেন; জ্ঞানিবারও চেষ্টা নাই। এক এক জনের যে পরিমিত জমি আছে, তাহার চারিকোণে চারিটা পিলপা দিয়া প্রায়ই জমির সীমানা ঠিক করিয়া রাখেন; ঐ জমিই উঁহাদিগের কৃষিক্ষেত্র। এক একটা কৃষিক্ষেত্রে প্রায় দশ বারো হাজার বিঘা জমি আছে; উহার অধিকাংশ প্রায়ই পতিত থাকে। ইহারা পরম্পর পরম্পরের নিকট বাস করিতে চাহেন না; এক জনের বাড়ী অপরের বাড়ী হইতে স্তূদুরে

স্থাপিত । ইহাদিগের জমির মধ্যে রাস্তা ঘাট প্রায়ই নাই ।
বাঁহার যে দিকে ইচ্ছা গাড়ী চড়িয়া প্রায়ই সেই দিক দিয়া
যাতায়াত করিয়া থাকেন । তাঁহাদিগের বাড়ীর সম্মুখে গমন
করিবার কোনও নির্দিষ্ট রাস্তা নাই । কৃষিক্ষেত্রের মধ্যে প্রায়ই
পিচগাছের ঝোপ দেখিতে পাওয়া যায় ; পিচফল উঁহাদিগের
একটা খাদ্য । গ্রীষ্মকালে গাড়ী বোঝাই করিয়া, উঁহারা
পিচফল সহরে লইয়া গিয়া বিক্রয় করিয়া থাকেন ।

স্ত্রীলোকগণ ঐ সকল ফলের সহিত চিনি মিশ্রিত করিয়া,
একরূপ আহারীয় প্রস্তুত করিয়া থাকেন ।

কৃষিক্ষেত্রের মধ্যে অল্প পরিমিত জমিতে উঁহারা গোধূমের
চাষ করিয়া থাকেন ; উঁহা হইতে যে সকল গোধূম উৎপন্ন হয়,
তাহাই ইহাদিগের প্রধান খাদ্য । এখানে একরূপ উৎকৃষ্ট
তামাকেরও চাষ হইয়া থাকে ।

ইঁহারা যে সকল ঘরে বাঁস করিয়া থাকেন, তাহাতে
একটা হল ও দুই তিনটা প্রকোষ্ঠ থাকে মাত্র । নৃত্য
গীত ও আহাৰাদি ঐ হল ঘরেই সম্পন্ন হইয়া থাকে । ইহাদিগের
শয়ন করিবার কিছুমাত্র স্থান নির্গম্য নাই, বাঁহার যে স্থানে
ইচ্ছা, তিনি সেইস্থানেই মেজের উপর পড়িয়া থাকেন । এক
একটা প্রকোষ্ঠে ইঁহারা স্ত্রী ও পুরুষে আট দশ জন অনায়াসে
শয়ন করিয়া রাত্রিযাপন করেন । একবার ইঁহারা যে বস্ত্র
পরিধান করেন, তাহা মাসাবধির মধ্যে প্রায়ই আর পরিবর্তন
করেন না । দশ পনের দিবস ও সময় সময় এক মাসের মধ্যে
ইঁহারা স্নান করেন না । শীতকালে ইঁহারা একেবারেই গায়ে
জল প্রদান করেন না । একমাস অন্তর পরিবারস্থ সকলে

একত্র সমবেত হইয়া, নিকটবর্তী নদী প্রভৃতিতে গমন করিয়া
 স্নান করিয়া আইসেন। পুরুষগণ প্রায়ই বলিষ্ঠ ও দীর্ঘ,
 স্ত্রীলোকগণ প্রায় ক্ষীণাঙ্গিনী ।

২। বসন্তরোগ ।

বসন্ত রোগকে ইহারা অতিশয় ভয় করিয়া থাকেন। টাকা
 দিবার নিমিত্ত ইহারা সদাসর্বদাই প্রস্তুত। ইহারা টাকার
 পক্ষপাতী বলিয়া, এক সময় একজন জর্মন-দেশীয় ডাক্তার
 একটা জেলার সমস্ত লোককে বিশেষরূপে প্রতারিত করিয়াও
 বেশ যশলাভ করিয়াছিলেন। টাকার বীজ তাঁহার নিকট
 ছিল না; কিন্তু, তিনি কয়েক টিন গাঢ় ছন্ধ আনিয়া, সেই
 প্রদেশে প্রচার করেন, যে, তিনি এবার উৎকৃষ্ট টাকার বীজ
 আনিয়াছেন। ঐ বীজ দিয়া, তিনি যাহাকে টাকা দিবেন,
 তাঁহার নিকট হইতে এক পাউণ্ড বা পনের টাকা গ্রহণ
 করিবেন। এইরূপ উপায়ে প্রায় ৩০০ শত লোককে ঐ
 বীজের টাকা দিয়া, প্রত্যেকের নিকট হইতে পনের টাকা
 করিয়া গ্রহণ করেন। ঈশ্বর ইচ্ছায়, কিন্তু, সেই বৎসর বসন্ত
 রোগ সেই প্রদেশে একেবারেই হয় না; সুতরাং, ডাক্তার
 সাহেবও বুয়রদিগের নিকট হইতে খুব বাহাদুরী প্রাপ্ত হন।

৩। নৃত্য-গীত ।

ইহাদিগের নৃত্য-গীতের বেশ সখ আছে। মধ্যে মধ্যে দূরবর্তী স্থান সকল হইতে অঝারোহণে এবং গরুর গাড়ীতে পুরুষ ও স্ত্রীলোকগণ একস্থানে আসিয়া উপস্থিত হন, ও সেইস্থানে দুই এক দিবস অবস্থিতি পূর্বক নৃত্য-গীতাদি সম্পন্ন করিয়া আপন আপন স্থানে প্রস্থান করেন।

৪। মেলা ।

তিনমাস অন্তর ত্রিশ চল্লিশ ক্রোশ দূরবর্তী স্থানের বুয়রগণ স্ত্রী কণ্ঠাদির সহিত এক একটা নগরে গিয়া উপস্থিত হইয়া, সেই স্থানে সকলে একত্র ঈশ্বর উপাসনা ও পরম্পরের সহিত আলাপ পরিচয় করেন। বলা বাহুল্য, গত তিন মাসের কার্য কলাপেরও সেইস্থানে সমালোচনা হয়। তাঁহারা যে সকল গাড়ীতে আরোহণ করিয়া সেইস্থানে উপস্থিত হন, সেই সকল গাড়ীই সেইস্থানে তাঁহাদিগের বাসস্থানরূপে পরিগণিত হয়। বিবাহাদি কার্য সকলও ইহারা ঐ সময় সেইস্থানে নিৰ্বাহ করিয়া থাকেন; ও পরিশেষে তিনমাস কাল চলিতে পারে, এইরূপ দ্রব্যাদি সেই নগর হইতে সংগ্রহ করিয়া লইয়া, ঐ স্থানে সাত আট দিবস অবস্থিতি করিবার পর, পুনরায় সকলে আপন আপন স্থানে প্রস্থান করেন।

৫। লক্ষ্যভেদ।

ইহাদের দেশে বৎসরে একবার করিয়া লক্ষ্যভেদ করিবার মেলা হয়। ঐ মেলা প্রায়ই নবেম্বর মাসের প্রথমে হইয়া থাকে। ঐ কার্যের নিমিত্ত একটা সমিতি স্থাপিত হয়; ঐ প্রদেশীয় বিচারক এই সমিতির সভাপতি হন। দুয়বর্তী স্থান সকল হইতে বুয়রগণ অশ্বারোহণে সপরিবারে আগমন করেন। পুরুষগণ আপন আপন বন্দুকে গুলি পুরিয়া নির্দিষ্ট লক্ষ্য সকল ভেদ করিতে আরম্ভ করেন। যিনি যেরূপ কৃতকার্য হন, তিনি সমিতি হইতে সেইরূপ পুরস্কার প্রাপ্ত হন। কেহ বা একটা তামাক খাইবার পাইপ, কেহ বা এক বোতল মদিরা, কেহ বা এক জোড়া বিনামা, কেহ বা এক প্রহ পরিধেয় প্রাপ্ত হন।

এইরূপে সমস্ত দিবস লক্ষ্যভেদ করিয়া, ব্রাত্ৰিকাল নৃত্য-গীতাদি করিয়া অতিবাহিত করেন। পর দিবস প্রাতঃকাল হইতে পুনরায় লক্ষ্যভেদ আরম্ভ হয়। এইরূপে কয়েক দিবস অতিবাহিত হইয়া গেলে, তাঁহারা আপন আপন পারিতোষিক লইয়া, নিজ নিজ স্থানে প্রস্থান করেন।

৬। গুপ্তকার্য ও ডিটেক্টিভ।

রাজস্বের অনেক টাকা গুপ্তকার্যে ব্যয় হইয়া থাকে; কিন্তু, কি কার্যের নিমিত্ত যে ব্যয় হয়, তাহা কেহই বলিতে পারেন না। গুপ্তকার্যের বেতনভোগী ডিটেক্টিভের সংখ্যা এখানে

বিস্তর। হোটেলের মস্ত-বিক্রম-কারিণীগণের মধ্যে অনেকে গভর্ণমেন্টের বেতন গ্রহণ করিয়া থাকেন। তদ্ব্যতীত, দোকান-দার, শকট-চালক, এমন কি সামান্ত সামান্ত রাস্তার কুলী মজুরের মধ্যেও অনেক বেতনভোগী ডিটেক্টিভ আছে। রাজস্বের ভিতর কোথায় কি হইতেছে, তাহা জানিবার নিমিত্ত বুয়র-রাজস্বের মধ্যে যেরূপ বন্দোবস্ত আছে, সেইরূপ বন্দোবস্ত অনেক বড় বড় গভর্ণমেন্টেরও নাই। গুপ্ত সংবাদ গ্রহণ ও গুপ্তকার্য সম্পাদন করিবার নিমিত্ত, বুয়র-গভর্ণমেন্ট অগাধ অর্থ জলের ছায় ব্যয় করিয়া থাকেন। এই সকল ডিটেক্টিভগণের মধ্যে বুয়রগণকে প্রায়ই দেখিতে পাওয়া যায় না। ইউরোপীয় অপরাপর জাতির দ্বারা প্রায় এই সকল কার্য নির্বাহ হইয়া থাকে।

৭। নিভৃতস্থানে বাস।

বুয়রগণ লোকজনপরিপূর্ণ স্থান সকল পছন্দ করেন না। তাঁহারা সহরের বহির্ভাগে নির্জনস্থানে বাস করিতে ভাল-বাসেন। একজন বুয়রকে যদি কোন নগরের লোকজনপরিপূর্ণ কোন রাস্তার উপর দাঁড় করাইয়া দেওয়া হয়, তাহা হইলে অধিকক্ষণ তিনি কোনরূপেই সেইস্থানে থাকিতে পারিবেন না। হয় তিনি তাঁহার একপার্শ্বে চূপ করিয়া বসিয়া, কখন তিনি সেইস্থান পরিত্যাগ করিতে পারিবেন তাহাই ভাবিবেন, না হয় সেইস্থান হইতে আন্তে আন্তে নির্জনস্থানে প্রস্থান করিবেন। কথিত আছে, বুয়রগণের বর্তমান সভাপতি স্বয়ং

ক্রুগার এক সময়ে লণ্ডন সহরে গমন করিয়াছিলেন। দিবা-ভাগে কোন একটা সেতুর উপর দিয়া গমন করিবার কালীন অনেক লোককে সেতু পার হইতে দেখিয়া, তিনি তাঁহার সম্বন্ধে জিজ্ঞাসা করিয়া বলিয়াছিলেন,—“যে পর্যন্ত ঐ সকল লোক চলিয়া না যায়, সেই পর্যন্ত আমাদের একপার্শ্বে স্থিরভাবে দাঁড়াইয়া থাকিলে হয় না?”

৮। বুয়রভাষা ।

বুয়রদিগের মধ্যে এক প্রকার ভাষা প্রচলিত আছে, উহাকে “তাল” (Taal) ভাষা কহে। ডচভাষা, কাফেরভাষা, হটেন্টটভাষা ও ইংরাজীভাষা মিশ্রিত হইয়া, ঐ তালভাষার সৃষ্টি হইয়াছে।

৯। ঈশ্বরে বিশ্বাস ।

বুয়রদিগের দেশে পঙ্গপালে অতিশয় অত্যাচার করিয়া থাকে, কিন্তু উঁহারা সেই সকল পঙ্গপালের অত্যাচার-নিবারণের কোনরূপ উপায় করেন না। কারণ, তাঁহাদিগের বিশ্বাস, ঈশ্বর যখন উঁহাদিগকে প্রেরণ করিয়াছেন, তখন কখনও উঁহাদিগের দ্বারা অনিষ্ট হইতে পারে না। ঈশ্বর যখন যাহা করেন, তাহা ভালর জন্মই করিয়া থাকেন।

এক সময়ে জোহান্সবার্গ প্রদেশে বৃষ্টি না হওয়ার, সেই প্রদেশীয় সমস্ত জনাশরাদি গুফ হইয়া যায়। সেই সময়

জোহান্সবার্গের কয়েকজন ইঞ্জিনিয়ার কৃত্রিম বৃষ্টি-পাতনের নিমিত্ত শূন্যমার্গে ডিনামাইটের হাউই ছুড়িতে আরম্ভ করেন ; ও পরিশেষে একটু বৃষ্টিও হয়। এই ঘটনার ব্যয়গণ অস-
স্তুষ্ট হন ও পরিশেষে ব্যয়গণভরণমেন্ট হইতে এই আদেশ প্রচারিত হয় যে, “যে দিকে ঈশ্বরের বাসস্থান, সেইদিকে ঐরূপে কেহ ডিনামাইটের হাউই ছুড়িতে পারিবে না।” গণভরণমেন্টের আদেশ প্রতিপালিত হইয়াছিল। কৃত্রিম বৃষ্টি-পাতনের চেষ্টা সেই সময় হইতে আর কেহ কখন করিতে সাহসী হন নাই।

১০। বুয়র স্ত্রীলোকদিগের চুরির প্রবৃত্তি ।

বুয়রদিগের—বিশেষতঃ বুয়র স্ত্রীলোকদিগের একটু বেশ “হাতটান” রোগ আছে। সামান্য সামান্য দ্রব্যাদি তাঁহারা প্রায়ই চুরি করিয়া থাকেন। স্ত্রীলোকগণ দোকান হইতে কোন দ্রব্য ক্রয় করিবার সময় প্রায়ই কিছু না কিছু দোকানদারগণের বিনামূল্যে আপন আপন পকেটে রাখিতে ক্রটি করেন না। দোকানদারগণিও প্রায় অতিশয় চতুর হয় ; কি কি দ্রব্য বুয়র রমণীগণ অপহরণ করিতেছেন, দোকানদারগণ তাহার দিকে বিশেষরূপ লক্ষ্য রাখে। কিন্তু, কিছু না বলিয়া, রমণী যে দ্রব্য খরিদ করেন, তাহার বিলের সহিত অপহৃত দ্রব্যগুলিরও মূল্য লিখিয়া দেয় ; বুয়র-রমণীও আর কোন কথা বলিতে সাহস না করিয়া, বিনা বাক্যব্যয়ে অপ-
হৃত দ্রব্যগুলিরও মূল্য প্রদান করিয়া থাকেন।

সময় সময় ইহাও জানিতে পারা গিয়াছে যে, ভাল ভাল ও খ্যাতনামা বুয়র-রমণীও ঔষধালয় প্রভৃতি স্থানে গমন পূর্বক সামান্য সামান্য দ্রব্য সকল চুরি করিয়া গাউনের মধ্যে লুকায়িত করিয়া প্রস্থান করিয়াছেন।

১১। কুসংস্কার।

ইহাদিগের মধ্যে কতকগুলি কুসংস্কার প্রচলিত আছে। কোন ব্যক্তি পীড়িত হইলে, সে মরিবে কি বাঁচিবে, তাহা তাঁহারা নিম্নলিখিত উপায়ে স্থির করিয়া লন :—

“পরিবারস্থ বয়োজ্যেষ্ঠ ব্যক্তি ঈশ্বর উপাসনা করিয়া তাঁহার ধর্মপুস্তক বাইবেলের মধ্যস্থিত একটি স্থান হঠাৎ খুলিয়া ফেলেন। এইরূপ স্থান পাঠ করিয়া যদি দেখিতে পান যে, ঐ স্থানে কাহার জীবনের কোন কথা বর্ণিত আছে, তাহা হইলে স্থির সিদ্ধান্ত হয় যে, রোগীর জীবন-রক্ষা হইবে। আর যদি ঐ স্থানে কাহারও মৃত্যুর কোন কথা বর্ণিত থাকে, তাহা হইলে বুয়রগণ বুঝিবেন যে, ঐ রোগীর আর জীবনের আশা নাই।”

স্বপ্ন সকল তাঁহারা প্রকৃত বলিয়া মানিয়া থাকেন। যদি কেহ স্বপ্নে মৃত্যু দেখিতে পান, তাহা হইলে তাঁহাদিগের দৃঢ় বিশ্বাস জন্মে যে, কাহারও মৃত্যু নিকটবর্তী হইয়াছে।

যমজ সন্তান প্রসব হইলে, তাঁহারা তাঁহাদিগের কপাল প্রসন্ন বলিয়া মনে করেন।

ধৰ্ম্মাকৃতি ও কুজ মনুষ্যাগণ মনে করিলেই, বিশেষরূপ অনিষ্ট করিতে পারে, এই ভাবিয়া বৃষগণ সদাসৰ্বদা তাহাদিগকে প্রসন্ন রাখিবার চেষ্টা করিয়া থাকেন।

সপ্তম গৰ্ভজাত সন্তান দিব্যচক্ষু প্রাপ্ত হইয়া থাকে ও ভবিষ্যৎ বিষয় সকল তাহারা অনায়াসেই বলিতে পারে, ইহাই বৃষগণের বিশ্বাস।

জতুক বা জন্মিবার কাল হইতে কোন দাগ বা চিহ্ন যাহার শরীরে আছে, তিনি ঈশ্বর জানিত লোক বলিয়া তাঁহাকে সকলে বিশেষরূপ মাণ্ড করিয়া থাকেন।

টেরা লোকদিগের বড়ই বিপদ; কোন বৃষ টেরার নিকটবর্তী হন না। তাঁহাদিগের বিশ্বাস, টেরার গৰ্ভধারিণীকে ভূতে পাইয়াছিল বলিয়াই তাহার টেরা সন্তান জন্মিয়াছে।

অপরের নজর লাগা সম্বন্ধে ইহাদিগের খুব বিশ্বাস। যাহার মনে বিশ্বাস হয় যে, তাঁহার উপর কাহারও নজর পড়িয়াছে, তাহা হইলে তিনি নজর পড়ার অনিষ্ট যাহাতে দূর হয়, তাহারই চেষ্টা করিয়া থাকেন। নজর পড়া দূর করিবার উপায় এইরূপ :—জ্যোৎস্না রাত্রিকালে তাঁহাকে একাকী এমন একটা স্থানে গমন করিতে হয় যে, সেই স্থানে দুইটা রাস্তা আসিয়া মিলিত হইয়াছে; সেই স্থানে চক্রগতিতে তাঁহাকে সাতবার দৌড়িতে হয়; পরিশেষে আপন বাড়ীতে প্রত্যাগমন করিয়া ঈশ্বর-উপাসনা করিলেই তিনি অপরের চোখ পড়ার দায় হইতে নিষ্কৃতি লাভ করিতে পারেন।

চিকিৎসকদিগকে ইহারা বেশ মাণ্ড করিয়া থাকেন; কিন্তু, তাঁহাদিগের আদেশ প্রায়ই প্রতিপালন করেন না।

যে রোগীকে ডাক্তার আহারীয় প্রদান করিতে নিষেধ করিয়া থাকেন, তাঁহারা সেই রোগীকে, পর্যাপ্ত পরিমাণে আহারীয় প্রদান করেন। কারণ, তাঁহাদিগের বিশ্বাস, পীড়িত অবস্থায় যত আহার করিতে পারা যায়, রোগের তত শীঘ্রই উপশম হয়।

চিকিৎসক যে রোগীর ঘরে অপর কোন লোকজনকে প্রবেশ করিতে নিষেধ করিয়া, তাহাতে রোগী নিদ্রিত হইতে পারে, তাহার নিমিত্ত ব্যবস্থা করেন, সেই ঘরে প্রতিবেশিগণ একত্র উপবেশন পূর্বক, নানা প্রকার গল্প গুজব আরম্ভ করিয়া, রোগীকে একেবারেই বিশ্রাম করিতে দেন না।

চিকিৎসক রোগীকে স্নান করাইবার উপদেশ প্রদান করিলে, তাঁহারা উহা একেবারেই গ্রাহ্যের মধ্যে আনয়ন করেন না। কারণ, তাহাদিগের বিশ্বাস, শীতল জলে স্নান করিলেই, রোগী একেবারে দুর্বল হইয়া পড়িবে।

রোগীর ঘরে বিশুদ্ধ বায়ু প্রবেশ করিবার নিমিত্ত চিকিৎসকগণ যদি তাঁহার ঘরের দরজা জানালা খুলিয়া দিতে বলেন, বুয়র-গণ তাহাতে সন্তুষ্ট হন না; চিকিৎসক গমন করিবামাত্রই সেই ঘরের দরজা জানালা এক্রপ ভাবে বন্ধ করিয়া দেওয়া হয় যে, সেই ঘরের মধ্যে কোনরূপে বায়ু প্রবেশ করিতে পারে না। উঁহাদিগের বিশ্বাস, রোগীর শরীরে বায়ু লাগিলে, তাহার সর্দি হইবে। ব্যারামের সময় রোগীর নখ ও চুল তাঁহারা কোনরূপেই কর্তন করিতে দেন না।

এই সকল প্রথা বা সংস্কার ভাল কি মন্দ, তাহা এই স্থানে বলা কর্তব্য নহে। কারণ, হে বঙ্গদেশীয় পাঠক


পাঠিকাগণ ! ইহার অনেক অংশ আপনাদিগের মধ্যে অস্তাবধিও
কি প্রচলিত নাই ?

১২ । সস্তানের জন্ম ।

বুর্জদিগের সস্তান জন্মগ্রহণ করিয়াছে, বাহাতে তাহার
উপর কোনরূপ উপদৃষ্টি পতিত না হয়, এই নিমিত্ত তাহার
কপালে ও চক্ষুতে উত্তমরূপে তৈল মর্দন করিয়া দেওয়া হয় ।

তৃতীয় দিবসের দিন প্রতিবেশিনী ও আত্মীয় স্ত্রীলোকগণ
একত্র সমবেত হইয়া, ঐ সস্তানকে দর্শন করেন, ও প্রত্যেকেই
এক একবার উহাকে আপন ক্রোড়ে উঠাইয়া লইয়া, উহার
সৌন্দর্যের বিষয় সমালোচনা করিতে থাকেন । ঐ সস্তানের
ব্যবহারোপযোগী বিছানাপত্র সকলে উহাকে প্রদান করিতে
আরম্ভ করেন । প্রসূতীর কিন্তু কোন কথা কহিবার ক্ষমতা
থাকে না । তাঁহাকে চুপ করিয়া সেইস্থানে বসিয়া থাকিতে
হয় । ইহার পর একখানি রেকাবের উপর ঐ সস্তানের
যৌতুকস্বরূপ, বাঁহার বেরূপ ক্ষমতা, তিনি সেইরূপ অর্থ প্রদান
করিয়া থাকেন । এদিকে সস্তানের পিতা ঐ সকল স্ত্রীলোক-
দিগের নিমিত্ত আহারীয় প্রস্তুত করিতে থাকেন ; উহা প্রস্তুত
হইলে, আহারাদির পর সকলে সেই স্থান হইতে প্রস্থান করেন ।

ইহাও আমাদের দেশের স্মৃতিকা-পূজার একরূপ অংশ-
বিশেষ ।



১৩। ছেলে ভুলান গল্প।

যেতানগণ সেই প্রদেশীয় কুককার বালকগণকে দেখিতে পাইলে প্রায়ই তাহাদিগকে লইয়া আমোদ-আহ্লাদ করেন। এদিকে বুদ্বরসন্তান বা খেত বালকগণের রক্ষণাবেক্ষণের ভার প্রায়ই সেই প্রদেশীয় ছলু বালকগণের হস্তে অর্পিত হয়। তাহারা খেতবালকগণকে অন্তরের সহিত ভাল বাসে, ও তাহাদিগকে ছলুভাবার সহজ সহজ ছড়া ও গল্প সকল সদা-সর্বদা শিক্কা দিয়া থাকে। যে সকল গল্প উহারা শিখাইয়া থাকে, তাহার একটীর অনুবাদ এই স্থানে প্রদত্ত হইল। পাঠক পাঠিকাগণ! ইহা পাঠ করিলেই জানিতে পারিবেন যে, কেবল আমাদের দেশেই যে ছেলেভুলান শত শত গল্প প্রচলিত আছে, তাহা নহে; ঐরূপ গল্প দূরবর্তী দেশ সকলেও শুনিতে পাওয়া যায়।

“কোন এক গ্রামে একটা বৃদ্ধা ও তাহার মেগোডা নামক একটা পুত্র বাস করিত। ঐ বৃদ্ধা মনুষ্য-মাংস খাইত; সুতরাং, ক্রমে ক্রমে সেই গ্রামের প্রায় সমস্ত লোককে সে উসরসাৎ করে। এক দিবস ঐ বৃদ্ধার দুইটা ভাগিনেরী তাহাদিগের গ্রাম হইতে ঐ বৃদ্ধার বাড়ীতে আগমন করে। তাহারা পূর্বে জানিত না যে, ঐ বৃদ্ধা মনুষ্য আহার করিয়া থাকে। মেগোডার নিকট হইতে তাহারা এই কথা জানিতে পারিয়া অশ্রিত ভীতা হইয়া পড়ে ও আগন আগন প্রাণত্যাগ করিবার মানসে নিকটবর্তী একটা প্রকাণ্ড বৃকের উপর সাহায্য করে। বৃদ্ধা ঐ বানিকায়নের আগমন বৃত্তান্ত



কৃষকার বাসকের সহিত খেতাদের কীড়া ।

জানিত না। সে তাহার পুত্রকে দেখিয়া বিজ্ঞান করে,
 “পুত্র! বহুব্যের গরু কোথা হইতে আসিতেছে?” পুত্রের
 নিকট হইতে কোনরূপ উত্তর না পাইয়া, সে সেই বৃকের
 নিকট গমন করে ও সেই বৃককে কাটিতে আরম্ভ করে।
 সেই সময় সেই বৃক হইতে একটা পক্ষী বাহির হইয়া একটা
 গীত আরম্ভ করে। ঐ গীতের অর্থ এইরূপ :—“কাঠ টুকরা
 গুলি! তোমরা বৃকের যে স্থানে বেরূপ ভাবে ছিলে, সেই
 স্থানে ও সেইরূপ ভাবে মিলিত হও।” এই গীতধ্বনি শুনিবা-
 নাত্রেই সেই বৃকের যে সকল কাঠ-টুকরা বৃদ্ধা কাটিয়া
 কেনিয়াছিল, তাহা সেই বৃকের আপন আপন স্থানে গিয়া
 জোড়া লাগিয়া গেল। এই অবস্থা দেখিয়া বৃদ্ধা সেই
 পক্ষীটিকে ধরিয়া গিলিয়া কেলিল। কিন্তু একটা পালক
 বৃদ্ধার মুখ হইতে সেইস্থানে পড়িয়া গেল। বৃদ্ধা পুনরায়
 সেই গাছ কাটিতে আরম্ভ করিল। সেই সময় সেই পালকটি
 পুনরায় সেই গীতটি গাহিল; বৃকটুকরা সকল পুনরায় আপন
 আপন স্থানে সংযুক্ত হইয়া গেল। এই সময় বৃকের উপর
 নুতান্নিত ভগিনীঘর বৃকতলে বৃষের স্তায় বড় তিনটি
 কুকুর দেখিতে পাইল। ঐ কুকুর তিনটি দেখিয়াই চিনিতে
 পারিল যে, উহারা তাহাদিগের পিতার কুকুর। ঐ কুকুর-
 ত্রয়কে আদেশ করিবামাত্র, তাহারা সেই বৃককে খাইয়া
 কেলিল। তখন ভগিনীঘর আপন বাড়ীতে প্রত্যাবর্তন করিল।”

১৪। মৃত্যু ।

প্রত্যেক বয়স পরিবারের গৃহে একটা কাকিন বা মৃত-
দেহ বহন করিবার বাল্ল প্রস্তুত থাকে। উহাতে সদাসর্বদা
একরূপ আলমারির কার্য নির্বাহ হয়; বস্ত্র প্রভৃতি দ্রব্য
সকল প্রায়ই উহার ভিতর রক্ষিত থাকে।

পরিবারস্থ কোন ব্যক্তির মৃত্যু হইলে, তাঁহাকে ঐ
কাকিনের ভিতর পুসিয়া, তাঁহার ছইপার্শ্বে ছইটা আলো আলিরা,
একটা প্রকোষ্ঠের ভিতর রাখিয়া দেওয়া হয়; ও পরিশেষে
ঐ মৃতদেহ মৃত্তিকার মধ্যে প্রোথিত করা হয়।

বাড়ীতে কাহারও মৃত্যু হইলে আমাদের দেশের জীলোক-
গণ যেমন উচ্চৈঃস্বরে রোদন করিতে থাকেন, বয়স রমণীগণও
সেই প্রদেশীয় কাকির জীলোকগণের সহিত মিলিত হইয়া,
সেইরূপ ভাবে উচ্চৈঃস্বরে রোদন করিতে করিতে আপন
কপালে ও বক্ষঃস্থলে করাঘাত করিয়া থাকেন। একজনের
মৃত্যু হইলে, পাড়ার লোক ঐ মৃতদেহ দেখিবার নিমিত্ত
শ্রেণীবদ্ধ হইয়া যেমন আমাদের বাড়ীর ভিতর প্রবেশ পূর্বক
হুঃখ প্রকাশ করিয়া থাকেন, বয়সদিগের প্রতিবেশিগণের
অবস্থাও ঠিক সেইরূপ।

আমাদিগের দেশীয় পুরুষগণ যেমন চীৎকার পূর্বক রোদন না
করিয়া, মৌনভাবে নিতান্ত হুঃখিত অন্তঃকরণে একস্থানে
বসিয়া ছকা হস্তে তামাক টানিতে বসেন, বয়স পুরুষ-
গণও ঠিক সেইরূপ আপন আপন পাইপ লইয়া দূরে গিয়া
উপবেশন করিয়া থাকেন।

১৫ । কারাগার ।

ট্রান্সভালের মধ্যস্থিত বারবারটন (Barberton) নামক নগরীতে যখন প্রথম স্বর্ণখনি আবিষ্কৃত হয়, সেই সময় অপ-
রাধীদের নিমিত্ত কোনরূপ কারাগৃহ ছিল না। তাহারা
কোনরূপ অপরাধে ধৃত হইত, তাহাদিগকে ময়দানের মধ্য-
স্থিত একখানি নিতান্ত ক্ষুদ্র কুটারের মধ্যে রাখা হইত।
কিন্তু, তাহাদিগের উপর কোনরূপ প্রহরী থাকিত না; তাহা-
দিগের প্রতিজ্ঞার উপর বিশ্বাস করিয়াই, তাহাদিগকে সেইখানে
রাখা হইত। ফলতঃ, বুয়রগণ সেই সময় যাহা প্রতিজ্ঞা
করিত, কোনরূপে তাহার অস্তথা করিত না। এই সম্বন্ধে
অনেকগুলি গল্প প্রচলিত আছে; তাহার মধ্যে নিম্নে
একটি প্রমত্ত হইল;—

চারিজন বুয়র মাতাল হইয়া গোলযোগ করা অপরাধে
ধৃত হইয়া একদিবস রাত্রিকালে সেই কুটারে প্রেরিত হয়।
তাহাদিগের উপর এই আদেশ হয় যে, পর দিবস দিবা
ষিপ্রহর পর্যন্ত তাহারা সেই কুটার পরিত্যাগ করিতে পারিবে
না। মাতাল চারিজন সেই আদেশে স্বীকৃত হইয়া, সেই
কুটারে গমন করে। তাহারা মাতাল ছিল, সুতরাং সেই
কুটারে গিয়া শয়ন করিবামাত্রই বেশ নিদ্রিত হইয়া পড়ে।
পর দিবস প্রাতঃকালে তাহাদিগের নিজাভঙ্গ হইলে, তাহাদের
শিরঃপীড়ার সঙ্গে সঙ্গে পুনরায় মত্তপানের ইচ্ছা বলবতী হয়।
কারণ, তাহারা জানিত যে, যে পর্যন্ত পুনরায় তাহারা মত্ত
পান করিতে না পারিবে, সেই পর্যন্ত তাহাদিগের শিরঃপীড়া

দূর হইবে না। এ দিকে তাহারা প্রতিজ্ঞার আবদ্ধ যে, তাহারা দিবা ত্রিপ্রহরের পূর্বে সেই কুটার পরিত্যাগ করিবে না। অথচ, মদ না খাইলেও নয়। এইরূপ অবস্থায় অনজ্ঞাপার হইয়া, তাহারা চারিদিকে ঐ কুটারের চারিটা-কোণ তাহাদিগের মস্তকের উপর উঠাইয়া লইয়া, মত্তবিক্রমের স্থানে গিয়া উপস্থিত হইল ও সেইস্থান হইতে মত্তাদি খরিদ করিয়া, ঐ কুটার সহ পুনরায় তাহারা সেই ময়দানের মধ্যে উপস্থিত হইয়াছিল। তথাপি তাহারা ঐ ঘর পরিত্যাগ করিবে না বলিয়া যে প্রতিজ্ঞা করিয়াছিল, তাহা তাহাদিগের বিশ্বাসমত ভঙ্গ করে নাই।

ইহার কিছুদিবস পরেই একটা কারাগার স্থাপিত হয়; উহার মধ্যেই কয়েদিগণ বাস করিত। কিন্তু, তাহাদিগের উপর বিশেষ কোনরূপ নিয়ম ছিল না। কয়েদীগণের মধ্যে বাহার যখন ইচ্ছা, তখনই সে তাহার ইচ্ছামত স্থানে গমন করিত। কেহ কেহ বা সমস্ত দিবস নানাস্থানে পরিভ্রমণ করিয়া, সন্ধ্যার পর জেলের মধ্যে প্রত্যাগমন করিত। জেলের বাহিরে এইরূপ ভাবে একটা বিজ্ঞাপন লিখিত ছিল যে, “বাহারা রাত্রি নয়টার মধ্যে জেলের মধ্যে প্রত্যাগমন না করিবে, সেই রাত্রিতে আর তাহাদিগকে উহার মধ্যে প্রবেশ করিতে দেওয়া হইবে না। এরূপ বিজ্ঞাপনের উদ্দেশ্য এই যে, যে সকল লোকের থাকিবার স্থান ছিল না, বা আহানের সংস্থান ছিল না, তাহারা কোন না কোন একটা অপরাধ করিয়া, জেলে আসিতে পারিলে, বাসস্থান ও আহানের নিমিত্ত তাহাদিগকে তাবিত হইত না; অথচ, সমস্ত দিন

যেখানে ইচ্ছা সেইস্থানে গমনাগমনের কোনরূপ প্রতিবন্ধক ছিল না ।

১৬। নিকের্বোধ বুয়র ।

বুয়রদিগের মধ্যে সকলেই যে অতিশয় বুদ্ধিমান, তাহা নহে ; উঁহাদিগের মধ্যে নিকের্বোধ লোকেরও অভাব নাই । তাহার দৃষ্টান্তরূপ জর্নৈক বুয়রের এক দিবসের ঘটনা এইস্থানে বর্ণন করিলেই, পাঠকগণ অবগত হইতে পারিবেন ।

“নগরের জর্নৈক দোকানদারের সহিত একজন কৃষকের দেনাপাওনা ছিল । সে দ্রব্যাদি আনিয়া ঐ দোকানদারকে প্রদান করিত ও তাহার পরিবর্তে তাহার যখন যে দ্রব্যের প্রয়োজন হইত, তখনই সে তাহা লইয়া যাইত । এক সময় এক গাড়ী পশম সেই দোকানদারকে দিবার নিমিত্ত, সেই কৃষক তাহার নিকট লইয়া আইসে । দোকানদার ঐ সকল পশম ওজন করিয়া লইয়া প্রকৃত ওজনে যত মণ হয়, তাহা অপেক্ষা অনেক কম করিয়া তাহার নামে জমা করিয়া লয়, ও কত মণ পশম তাহার নিকট জমা থাকিল, তাহা তাহাকে বলিয়া দেয় । অনেক পশম কম হওয়ার, কৃষকের মনে সন্দেহ হয় ; এক বাণ্ডিলে কত পরিমাণ পশম ছিল, তাহা সে জানিত ও মোট কত বাণ্ডিল তাহার গাড়ীতে ছিল, তাহাও তাহার অবিদিত ছিল না । কিন্তু, মোটের উপর হিসাব করিলে, কত মণ হইতে পারে, সেই হিসাব করিবার ক্ষমতা তাহার ছিল না ; সুতরাং, ঠিক হিসাব করিবার

নিমিত্ত হিসাবের একখানি ছাপান পুস্তক সে খরিদ করে ।
এবং, তাহা দেখিয়া সে বুঝিতে পারে, তাহার কত পশম
হওয়া উচিত ছিল ; কিন্তু, তাহা না হইয়া কত মণ কম হইয়াছে ।

এই অবস্থা দেখিয়া সেই ছাপান হিসাবের পুস্তক হস্তে
করিয়া সেই ক্ৰষক সেই দোকানদারের নিকট আসিয়া উপস্থিত
হইল ; এবং, তাহাকে সেই হিসাবের পুস্তক দেখাইয়া কহে,
“তোমার প্রদত্ত পশমের হিসাবে এত মণ কম পড়িল কেন ?”

এই অবস্থা দেখিয়া, দোকানদার বেশ বুঝিতে পারিল যে,
এবার তাহার চুরি সেই ক্ৰষক হইতে প্রকাশ হইয়া পড়িতেছে ।
মনে মনে এইরূপ ভাবিয়া সে সেই হিসাবের খাতাখানি আপন
হস্তে লইয়া এদিক ওদিক উন্টাইয়া পাণ্টাইয়া একবার দেখিল
ও পরিশেষে সেই ক্ৰষককে কহিল, “তুমি আমা কর্তৃক
প্রত্যাহিত হও নাই ; তুমি প্রত্যাহিত হইয়াছ, এই পুস্তক
বিক্রেতার নিকট হইতে । কারণ, এই পুস্তক এই বৎসরের
হিসাবের পুস্তক নহে, ইহা গত বৎসরের হিসাবের পুস্তক ;
সুতরাং, গত বৎসরের হিসাবের সহিত এই বৎসরের হিসাব
কখন এক হইতে পারে না ।” এই বলিয়া ঐ পুস্তকখানি সেই
ক্ৰষকের হস্তে প্রদান করিল ও তাহাকে দেখাইয়া দিল, ঐ
পুস্তকের মুদ্রাক্ষণের ঞ্চষ্টাঙ্ক তাহার উপর মুদ্রিত রহিয়াছে ।

ক্ৰষক ইহাতেই বুঝিয়া গেল ও হঠমনে আপন স্থানে
প্রস্থান করিল ।

১৭। দেশীয় ঔষধ ।

আমাদের দেশে যেমন চোটুকা চুটুকা ঔষধ সকল ব্যবহৃত হইয়া থাকে, উহাদিগের দেশেও সেইরূপ নিম্নলিখিত দ্রব্য সকল ঔষধরূপে ব্যবহৃত হইয়া থাকে ।

১। শিশুদিগের দড়ুকা রোগের ঔষধ ।

কুকুরের রক্ত গরম করিয়া, ভিনিগারের সহিত মিশ্রিত করিয়া পান করাইলে, দড়ুকা রোগ আরোগ্য হয় ।

২। কম্পজরের ঔষধ ।

শৃগালের বন্ধুত ও শকুনির চর্কি একত্র মিশ্রিত করিয়া সেবন করিলে কম্পজর আরোগ্য হয় ।

৩। বেদনার ঔষধ ।

শুকরের চর্কি মালিস করিলে, শরীরের বেদনা দূরীভূত হয় । প্রভৃতি—







চতুর্থ খণ্ড ।

ইংরাজ-বুয়র মুদ্রা ।






■ রেলপথ।
 ■ সড়ক।
 ■ ইংরেজ অধিকৃত।

মাইল
 ০ ৫০ ১০০

■ পোর্টগলে অধিকৃত
 ■ অরাজক মত।

ট্রামভালের মানচিত্র





ইংরাজ-বুয়র যুদ্ধ ।



প্রথম পরিচ্ছেদ ।



ইংরাজদিগের ট্রান্সভাল পুনরধিকার ।

১৮৭৭ খৃষ্টাব্দের ২২শে জানুয়ারি তারিখে, ইংরাজ গভর্ন-মেণ্টের সার থিওফিলাস শেপস্টোন (Sir Theophilus Shepstone) নামক জনৈক রাজপ্রতিনিধি কেবলমাত্র পঁচিশ জন মেটাল সেক্টর অফিসারী পুলিশ সমভিব্যাহারে ট্রান্সভালের রাজধানী প্রিটোরিয়াতে প্রবেশ করিলেন । *

* See Blue Book No 1776. Page 88 of 1877.

২৬এ জাহুরারী তারিখের অপরাহ্নে, বুয়রদিগের প্রধান প্রধান কর্মচারিগণের সহিত সাক্ষাৎ করিয়া, তাঁহাদিগকে কহিলেন, যে, ট্রান্সভালবাসী বুয়র ও অপরাপর জাতির মধ্যে সদাসর্বদা যে সকল গোলযোগ উপস্থিত হইতেছে, সেই বিষয়ে বিশেষরূপ অনুসন্ধান করিয়া, ভবিষ্যতে এইরূপ গোলযোগ বাহাতে আর উপস্থিত না হয়, তাহার প্রতীকার করিবার নিমিত্ত তিনি সেইস্থানে আসিয়া উপস্থিত হইয়াছেন। তাঁহার উদ্দেশ্য অতি মহৎ বলিয়া সকলেই তাঁহার প্রস্তাবে সন্মত হইলেন। কিন্তু বুয়রদিগের তৎকালীন সর্বপ্রধান সৈন্যাধ্যক্ষ পল ক্রুগার (Paul Kruger) কেবল এইমাত্র কহিলেন, “সকল বিষয়েই সন্মত আছি, কিন্তু বাহাতে বুয়রগণের স্বাধীনতার উপর কোনরূপ হস্তক্ষেপ হয়, এরূপ কোন বিষয়ের অনুসন্ধান সাহায্য করিতে প্রস্তুত নহি।”

ক্রমাগত তিনমাসকাল অনুসন্ধানের পর স্থিরীকৃত হইল যে, ট্রান্সভাল বা বুয়ররাজ্য ইংরাজ-গভর্নমেন্টের অধীনে আনিতে না পারিলে, এই সকল গোলযোগ মিটিবার আর কোন উপায় নাই।

এইরূপ স্থির করিয়া, ১৮৭৭ খৃষ্টাব্দের ১২ই এপ্রেল তারিখে, ইংরাজ-রাজপ্রতিনিধি স্যার থিয়োক্লিফাস সেইস্থানে এক ঘোষণাপত্র প্রচার করিলেন। এই ঘোষণায় ট্রান্সভাল ইংরাজ-গভর্নমেন্টের অধিকারভুক্ত হইল।

এই ঘোষণাপত্র প্রচারিত হইবার পর, বুয়রদিগের সভাপতি বরগারস্ (Burgers) ইহাতে আপত্তি করিলেন; কিন্তু, তাঁহার আপত্তি গ্রাহ্য হইল না দেখিয়া, তিনি সেই দেশ পরি-

ভ্যাগপূর্বক কেপটাউনে (Cape Town) প্রস্থান করিলেন । অপরাপর কর্মচারীগণের মধ্যে প্রায় সকলেই ইংরাজ-গভর্নমেন্টের অধীনে কর্ম করিবার নিমিত্ত মত প্রদান করিলেন । প্রজা-দিগের মধ্যেও অনেকে ব্রিটিশ অধীনতা স্বীকার করিলেন । এই সময় হইতে ঐ প্রদেশ সাউথ আফ্রিকান্ রিপাব্লিকের (South African Republic) পরিবর্তে ট্রান্সভাল নামে

এইস্থানে বলা আবশ্যক যে, বোষণাপত্রে ইহাও লিখিত হইয়াছিল যে, ঐ প্রদেশ যদিচ ইংরাজ-রাজত্বের মধ্যে পরিগণিত হইল, তথাপি তাঁহাদিগের নিজের আইন ও পূর্বপ্রচলিত নিয়ম অনুসারে ঐ গভর্নমেন্ট চালিত হইবে । সেই সময় ইংরাজ-গভর্নমেন্ট কেপকলোনীর পূর্ব প্রান্তে যুদ্ধবিগ্রহে বিশেষ-রূপ ব্যস্ত ছিলেন । সেই যুদ্ধ শেষ হইতে না হইতে জুলুদিগের সহিত পুনরায় সংগ্রাম উপস্থিত হওয়ায়, গভর্নমেন্ট তাঁহা-দিগের প্রতিজ্ঞা পূর্ণ করিতে পারেন নাই । এদিকে জুলুগণ আসিয়া বুরগণের উপর নানারূপ অত্যাচার করিতে আরম্ভ করিল ; কিন্তু ইংরাজ-গভর্নমেন্ট সেই সময় যুদ্ধ বিগ্রহে অতিশয় ব্যস্ত থাকায়, তাহারও কোনরূপ প্রতিকারের চেষ্টা করিতে পারিলেন না ।

সেই সময় যে সকল বুরপ্রজাগণ ইংরাজ-গভর্নমেন্টের উপর সন্তুষ্ট ছিলেন না, তাঁহারা পল-ক্রুগার (Paul Kruger) ও ডাক্তার জরিসনকে (Dr. Jorrison) তাঁহাদিগের স্বাধী-নতা পুনঃপ্রাপ্তির প্রার্থনা করিবার নিমিত্ত, ইংলণ্ডীয় মহা-সভায় প্রেরণ করিলেন ।

এদিকে ইংরাজদিগের শাসক সঙ্ঘট্ট একরূপ কতকগুলি লোকের স্বাক্ষরিত একখানি আবেদনপত্র সেই সময় সেই মহাসভায় উপস্থিত হওয়ার, জুগার প্রভৃতির মনোবাঞ্ছা পূর্ণ হইল না। বিফলমনোরথ হইয়া তাঁহাদিগকে পুনরায় ট্রান্স-ভালে প্রত্যাবর্তন করিতে হইল।

শেষোক্ত আবেদনপত্র কিরূপে প্রজাগণের দ্বারা স্বাক্ষরিত হইয়াছিল, তাহার কিছুমাত্র কারণ জুগার জানিতে না পারিয়া, ইংরাজ-গভর্নমেন্টের শাসন প্রার্থনীয় নহে, এই মর্মে আর একখানি আবেদন পত্র তাঁহা-কর্তৃক প্রস্তুত হইল। ইহাতে ৬৫০০ শত বুয়র স্বাক্ষর করিলে, ঐ আবেদন পত্র সহ জুগার, পিটার ছুবেয়ার ও এডওয়ার্ড বক্ ইংলণ্ডীয় মহাসভায় পুনরায় গমন করিলেন। কিন্তু সেই বারেও তাঁহাদিগের মনোবাঞ্ছা পূর্ণ হইল না। এইরূপে কয়েক বৎসর কাল তাঁহারা অনেক চেষ্টা করিয়া দেখিলেন, কিন্তু কোনরূপেই আপনাদিগের স্বাধীনতা পুনঃপ্রাপ্ত হইলেন না। যে সময় বুয়রদিগের স্বাধীনতা বিলুপ্ত হইয়াছিল, সেই সময় বেক্সফিল্ড (Lord Beacons Field) সাহেব ইংলণ্ডের প্রধান মন্ত্রী ছিলেন। গ্যাডস্টোন (Gladstone) সাহেব সেই সময় বুয়রদিগের স্বাধীনতা বিনষ্ট না হয়, তাহার নিমিত্ত অনেক কথা বলিয়াছিলেন। *

ইহার পর গ্যাডস্টোন সাহেব যখন প্রধান মন্ত্রীর পদ গ্রহণ করিলেন, তখন বুয়রগণের দৃঢ় বিশ্বাস জন্মিল যে, তাঁহারা নিশ্চয়ই তাঁহাদিগের স্বাধীনতা পুনঃপ্রাপ্ত হইবেন।

* Vide Gladstone's Midlothian Speeches.



মহামতি গ্যাডষ্টোন ।

এই আশায় তাঁহারা কিছু দিবস চুপ করিয়া রহিলেন ; কিন্তু যখন দেখিলেন যে, গ্যাডষ্টোন সাহেবও তাঁহাদিগের স্বাধীনতা পুনঃপ্রদান করিলেন না, তখন তাঁহারা সমস্ত আশা ভরসা পরিত্যাগ করিয়া, অস্ত্রের সাহায্য লইতে দৃঢ়প্রতিজ্ঞ হইলেন । এদিকে বুয়র রমণীগণ স্বাধীনতার নিমিত্ত ক্ষেপিয়া উঠিলেন । জননী আপন পুত্রকে উৎসাহ প্রদান করিতে আরম্ভ করিলেন, স্ত্রী আপন স্বামীকে উত্তেজিত করিয়া কহিতে লাগিলেন,

“পরাদীন' থাক। অপেক্ষা স্বাধীনতা লাভের প্রত্যাশায় মৃত্যুও
 প্রশংসনীয় ! অভাবপক্ষে পূর্বপুরুষগণের পছা অবলম্বন করিয়া
 পরাদীনদেশ পরিত্যাগপূর্বক, আরও উত্তরে গমন করিয়া স্বাধীন
 ভাবে দিনযাপনও বাঞ্ছনীয় ।”





দ্বিতীয় পরিচ্ছেদ ।

বুয়রদিগের স্বাধীন হইবার ঘোষণাপত্র ।

বুয়রদিগের একজন প্রধান দলপতি ক্রজি এইরূপ বলেন যে, * পট্‌চেফস্ট্রুম (Potchefstroom) নগরীতে বেজুইডেন-হট (Bezuidenhout) নামক একজন কৃষকের বাস ছিল । তিনি চৌদ্দ পাউণ্ড বা ২১০ টাকা টেল বা কর ইংরাজ গভর্ণমেন্টকে প্রদান করিতেন । ১৮৮০ খৃষ্টাব্দে যখন তিনি ঐ কর প্রদান করিবার নিমিত্ত গমন করেন, তখন তাঁহার নিকট হইতে ২৭ পাউণ্ড ৫ শিলিং বা ৪০৮৬০ আনা কর বাবদ চাওয়া হয় । তিনি উহা প্রদানে অসম্মত

* See report of the Colonial Secretary Mr. Hudson to the Administrator Sir Owen Lanyon, dated 1st December, 1880.

See Blue Book C 2783 of January, 1881 No 12.



বেজুইডেনহট্ ।

অসম্মত হন ; পরিশেষে কিন্তু কর বাবদ ২১০ টাকা, ও খরচা বাবদ ৮ পাউণ্ড বা ১২০ টাকার ডিক্রী দেন। কুবক ঐ টাকা প্রদানেও অসম্মত হইলে, তাঁহার গাড়ী সকল ক্রোক ও বিক্রয় করিয়া ঐ টাকা আদায় করিবার আদেশ হয়। ১১ই নভেম্বর তারিখে, আদালতের ঐ আদেশ প্রতিপালিত হইবার সময় একশত বুয়রপ্রজা অস্ত্রধারণপূর্বক সরকারী লোকের হস্ত হইতে ঐ গাড়ী কাড়িয়া লইয়া, ইংরাজ-গভর্নমেন্টের বিশেষরূপ অবমাননা করেন। *

* See report of Mr. George Hudson, Colonial Secretary to his Excellency, Sir Owen Lanyon K. C. M. C. , C. B. , Dated 1st December, 1880.

Also see Blue Book (C. 2783) of January 1881. No 12.

ইংরাজগণ ঐ কৃষকসম্বন্ধে যাহা বলেন, তাহা অশুদ্ধরূপ, তাহাই যদি প্রকৃত হয়, তাহা হইলে গভর্ণমেন্ট বা বিচারকের কোন দোষ দেখিতে পাওয়া যায় না। তাঁহারা কহেন যে, ঐ কৃষক ইচ্ছাপূর্বক গভর্ণমেন্টকে অমান্ত করিয়া, তাঁহার দেয় টেক্স প্রদানে অসম্মত হন বলিয়াই, তাঁহার নামে ডিক্রী হয়, ও তাঁহার গাড়ী বিক্রয় করিয়া ঐ টেক্স আদায় করিবার আদেশ হয়।

যে সকল লোক পূর্বোক্ত কৃষককে সাহায্য করিতে গিয়া আইনবিরুদ্ধ কার্য করিয়াছিলেন, তাঁহাদিগকে ধৃত করিবার নিমিত্ত ওয়ারেন্ট বাহির হয়; ও সেই সকল ওয়ারেন্ট জারি করিবার নিমিত্ত কয়েকজন অস্ত্রধারী পুলিশ প্রহরীকে প্রেরণ করা হয়। কিন্তু প্রহরিগণ তাঁহাদিগকে ধৃত করিতে সমর্থ হন না, বরং তাঁহারাি অবমানিত হইয়া, প্রত্যাগমনপূর্বক সেই প্রদেশীয় ব্যুরদিগকে রাজবিদ্রোহী বলিয়া ঘোষণা করেন।

এদিকে যে সকল ব্যুরগণের নামে ওয়ারেন্ট বাহির হইয়াছিল, তাঁহাদিগকে কিছুতেই ইংরাজ-হস্তে প্রদান করা হইবে না; অধিকন্তু, যদি পারা যায়, তাহা হইলে ব্যুরগণ স্বাধীন হইবেন,—এই অভিপ্রায়ে নানাস্থানে সভা, সমিতি হইতে আরম্ভ হয়। এক সভায় কতকগুলি ব্যুর অস্ত্র শস্ত্রের সহিত উপস্থিত হইয়া, ইংরাজ-গভর্ণমেন্টের বিরুদ্ধে দণ্ডায়মান হইতে অভিলাষ করেন; কিন্তু, পরিশেষে ইহাই স্থিরীকৃত হয় যে, একটা মহা-সভা আহুত করিয়া, যাহা কর্তব্য হয়, তাহা সেই সভায় বিবেচিত হইবে। ঐ মহাসভার দিন স্থির হইয়াছিল, ১৮৮১ খৃষ্টাব্দের ৮ই জানুয়ারি তারিখে।

ইংরাজ-গভর্নমেন্ট এই সংবাদ জানিতে পারিয়া, ভবিষ্যৎ অমঙ্গল ভাবিয়া অপরাপর স্থান হইতে কতকগুলি সৈন্তকে রাজধানী প্রিটোরিয়ার আসিয়া উপস্থিত হইতে আদেশ প্রদান করিলেন।


এই সময় উপনিবেশ সচিব (Colonial Secretary) জর্জ হাডসন (George Hudson) এই গোলযোগ মিটাইয়া দিবার মানসে পট্‌চেফস্ট্রুম্ (Potchefstroom) নগরে গমন করেন। সেইস্থানে জুগার, ক্রম্বি প্রভৃতি কতকগুলি বুয়র-প্রধানদিগের সহিত তাঁহার সাক্ষাৎ হয়। কিন্তু, যে কার্যের নিমিত্ত তিনি সেইস্থানে গমন করিয়াছিলেন, তাহাতে কৃতকার্য হইতে না পারিয়া, পরিশেষে আপন স্থানে প্রত্যাগমন করেন।

তিনি প্রত্যাগমন করার পর মহাসভার দিন পরিবর্তিত হইয়া ১৮৮১ খৃষ্টাব্দের ৮ই ডিসেম্বর তারিখ স্থির হয়।

এই সংবাদ জুগার সেক্রেটারী হাডসনকে ২৯এ নভেম্বর তারিখে পত্রদ্বারা জ্ঞাপন করিয়াছিলেন; ঐ পত্রে আরও লিখিত হইয়াছিল যে, বুয়রদিগের সভাসমিতিতে ইংরাজ-গভর্নমেন্ট যেন কোনরূপ প্রতিবন্ধকতাচরণ না করেন; যদি করেন, তাহার ফলাফলের নিমিত্ত জুগার দায়ী নহেন। *

প্রিটোরিয়া হইতে ৩৫ মাইল দূরবর্তী পারডিক্রাল (Paarde Kraal) নামক একটা কৃষিক্ষেত্রে ঐ মহাসভার অধিবেশন

* See letter from Paul Kruger to G. A. Hudson, Colonial Secretary. Dated 29th November of 1880.



প্রধান সেনাপতি জুবোয়ার ।

হয় । ৮ই ডিসেম্বর হইতে আরম্ভ হইয়া, ১৩ই ডিসেম্বর পর্য্যন্ত সেইস্থানে বুয়রগণ আসিয়া সমবেত হন । এইরূপে ৪,০০০ সহস্র বুয়র সেইস্থানে একত্র সমবেত হইয়াছিলেন । এই সভায় ইহাই সাব্যস্ত হয় যে, ইংরাজদিগের অধীনতা অস্বীকার করিয়া স্বাধীন ভাবে কার্য্য করাই কর্তব্য ।

১৫ই ডিসেম্বর তারিখে, বুয়রগণ হিডেলবার্গ হইতে

(Heidelberg) প্রিটোরিয়া পর্যন্ত সমস্ত টেলিগ্রাফের তার কাটরা দিয়া সংবাদ চলাচলের উপায় বন্ধ করিয়া দিলেন। *

সেই মহাসভার মতামতানুযায়ী ১৬ই ডিসেম্বর তারিখে বুয়রদিগের এক ঘোষণাপত্র প্রকাশিত হইল। ঐ ঘোষণাপত্র যারী সমস্ত ট্রান্সভাল্‌স্‌ স্বাধীন করা হইল। উহার প্রসিডেন্ট বা সভাপতি সমিতির মধ্যে পরিগণিত হইলেন—পল ক্রুগার (Paul Kruger), এম্ ডব্লিউ প্রিটোরিয়াস্ (M. W. Pretorius), পি, জে, জুবের্গার (P. J. Joubert); শেখোক্ত যন্ত্রির হস্তে সর্বপ্রধান সেনাপতির ভারও গ্ৰস্ত হইল। রাজ-এটর্নি (State-Attorney) হইলেন—ডাক্তার জরিসন্ (Dr. Jorrison) এবং প্রধান মন্ত্রী হইলেন—ইঃ বক্ (E. Bok)।

।জখয়নী হইল—হিডেলবার্গ (Heidelberg)।

এই ঘোষণা-পত্রদ্বারা ইহাও সাব্যস্ত হইল যে, ট্রান্সভাল্‌স্‌ মধ্যে যে যে স্থানে ইংরাজ সৈন্তগণ আছেন, তাঁহারা এখন অবরুদ্ধ বলিয়া গণ্য হইবেন।

এই ঘোষণাপত্র লেখা হইয়া গেলে, ৮০০ শত বুয়র অস্ত্র-ধারীর সহিত উহা পট্‌চেকস্ট্রুম্ (Potchefstroom) নগরীতে মুদ্রাকনের নিমিত্ত প্রেরিত হইল।

* See letter (Para 4) from Colonel W. Bellairs C. B. Commandig Transvaal District, to the Deputy Adjutant-General, Pietermaritzberg. Dated Pretoria 17th December 1880.



তৃতীয় পার্শ্বে ৮।

বুয়রগণকর্ষক পট্চেফস্ট্রুম্ (Potchefstroom) নগর আক্রমণ।

পট্চেফস্ট্রুম্ (Potchefstroom) নগরীতে অর্থাৎ যে নগরীতে ঘোষণাপত্র মুদ্রাক্ষনের নিমিত্ত প্রেরিত হইয়াছিল, সেই সময় সেই নগরীতে লেফটেন্যান্ট-কর্ণেল উইনস্লো (Lieutenant Colonel Winsloe) ইংরাজ সেনাপতি ছিলেন। তাঁহার অধীনে ১০ জন সেনানী ও ২০৩ জন সৈনিক পুরুষ ঐ নগর-রক্ষার্থ নিযুক্ত ছিলেন।

১৫ই ডিসেম্বর তারিখের মধ্যাহ্নে দুইজন সৈন্ত আসিয়া সংবাদপ্রদান করিল যে, কতকগুলি শস্ত্র বুয়র অস্বারোহী সেই নগর অভিমুখে আগমন করিতেছে। এই সংবাদ পাইয়া সেনাপতি তাঁহার অধীন সৈন্তবর্গকে তিন অংশে বিভক্ত করিয়া, এক অংশ বিচারগৃহে স্থাপিত করিলেন ; দ্বিতীয় অংশ জেলের মধ্যে ও তৃতীয় অংশ দুর্গের মধ্যে রাখিয়া দিলেন।

বুয়রগণের মধ্যে অনেকেই নগরের বাহিরে অপেক্ষা করিতে লাগিলেন । কেবলমাত্র একদল ছাপাখানার মধ্যে প্রবেশ করিয়া, তাঁহাদিগের সেই ঘোষণাপত্র মুদ্রাঙ্কিত করিয়া গইলেন । এই *Proclamation* ঘোষণাপত্র যাহাতে মুদ্রিত না হয়, তাহার নিমিত্ত ইংরাজগণ অনেক চেষ্টা করিলেন ; কিন্তু, তাঁহাদিগের সেই চেষ্টার কোন ফলই ফলিল না । অধিকন্তু, বুয়রগণ পূর্বকথিত বিচারগৃহ প্রভৃতি তিনটা স্থান ব্যতীত, সেই নগরী একরূপ অধিকার করিয়া বসিলেন ।

১৬ই ডিসেম্বর তারিখের প্রাতঃকালে ৯ ঘটিকার সময়, যখন ইংরাজ সেনানীগণ হুর্গের বাহিরে বসিয়া আহার করিতেছিলেন, সেই সময় আট দশ জন অজ্ঞধারী বুয়র-অঝারোহী তাঁহাদিগের সম্মুখ দিয়া নগরের মধ্যে প্রবেশ করিলেন ।

ইহা দেখিয়া সেনাপতি উইন্সলো ১৭ জন ইংরাজ-অঝারোহীকে ছুইটা কার্য উপলক্ষ করিয়া পাঠাইয়া দিলেন । প্রথমতঃ, বুয়রগণ কি নিমিত্ত কোথায় গমন করিতেছেন, তাহার অনুসন্ধান করা । দ্বিতীয়তঃ, তাঁহাদিগকে নিষেধ করিয়া দেওয়া যে, ভবিষ্যতে তাঁহারা যেন হুর্গের এত নিকটবর্তী স্থান দিয়া সশস্ত্রে গমন না করেন ।

ইংরাজ-সৈন্যগণ তাঁহাদিগের সন্নিকটে উপস্থিত না হইতে হইতেই, বুয়রদিগের মধ্যে হইতে কতকগুলি গুলি আসিয়া তাঁহাদিগের উপর পতিত হইল । ইংরাজ-সৈন্যগণও তাহার যথাযথ উত্তর প্রদান করিতে আরম্ভ করিলেন । দেখিতে দেখিতে একজন বুয়রসৈন্য আহত হইয়া সেইস্থানে পতিত হইল । এই সময়ে হুর্গ হইতে ইংরাজসৈন্যের প্রত্যাগমন-

সূচক তুর্বাধ্বনি হওয়ার, তাঁহারা সেইস্থান হইতে দুর্গের মধ্যে প্রত্যাগমন করিলেন ।

ইহার পর কতকগুলি বুরর অঝারোহী বিচারগৃহে যে সকল ইংরাজ সৈনিক ছিলেন, তাঁহাদিগকে আক্রমণ করিলেন । বলা বাহুল্য, উভয় পক্ষ হইতে গুলিবর্ষণ আরম্ভ হইল । ইংরাজ-সৈন্তগণের মধ্যে তাঁহাদিগের নেতা কাপ্তেন ফলস্, (Captain Falls) বুররদিগের হস্তে সর্বপ্রথম হত হন । তদ্যতীত, একজন সৈনিক হত ও তিনজন আহত হইয়াছিলেন ।

এই অবস্থা দেখিয়া সেনাপতি উইন্সলো দুর্গ হইতে সঙ্কত দ্বারা বিচারগৃহের সৈন্তগণকে ঐ স্থান পরিত্যাগপূর্বক সন্ধ্যার পরই দুর্গের মধ্যে আগমন করিতে আদেশ প্রদান করিলেন । কিন্তু, মেজর ক্লার্ক, (Major Clerk) যিনি কাপ্তেন ফলসের মৃত্যুর পর বিচারগৃহস্থিত সৈন্তগণের নেতৃত্বপদ গ্রহণ করিয়াছিলেন, তিনি সেনাপতির আদেশের উপর নির্ভর করিতে পারিলেন না । কারণ, সন্ধ্যার পর সেইস্থান হইতে প্রস্থান করিতে হইলে, সমস্ত আহত সৈন্তগণকে সেইস্থানেই পরিত্যাগ করিয়া যাইতে হয় । এই নিমিত্ত ইহা সাব্যস্ত হইল যে, আর এক দিবস সেইস্থানে অবস্থিতি করিয়া, পরিশেষে যেক্রম বিবেচিত হইবে, সেইক্রম করা যাইবে ॥ *

সেই দিবস রাত্ৰিকালেই বুররগণ ঐ বিচারগৃহ বেষ্টিত করিয়া, তাহার মধ্যে একরূপ ভাবে গুলিবর্ষণ করিতে লাগিলেন ও ঐ গৃহের ছাদের উপর একরূপ ভাবে অগ্নিপিণ্ড (Fireballs)

* See Blue Book—(C—28866 No 78),

নিষ্কেপ করিতে আরম্ভ করিলেন যে, উহার মধ্যস্থিত ইংরাজ সৈন্যগণ একেবারে অস্থির হইয়া পড়িলেন। অগ্নিপিশুর প্রথর তেজে ঐ গৃহের ছাদ প্রজ্জ্বলিত হইয়া সকলকে সেইস্থানে সমাধিস্থ করিবার উপক্রম করিয়া ফুলিল। সুতরাং, অনন্যোপায় হইয়া, মেজর ক্লার্ক তাঁহার অধীন সৈন্যগণের সহিত পর দিন দিবা সাড়ে দশটার সময় বুয়রদিগের হস্তে আত্মসমর্পণ করিলেন।

যে সময় বিচারগৃহ বুয়রদিগের দ্বারা আক্রান্ত হইয়াছিল, সেই সময় অপর একদল বুয়রসৈন্য দুর্গের চতুঃপার্শ্ব বেষ্টিত করিয়া, তাহার মধ্যেও গুলিবর্ষণ আরম্ভ করিয়াছিলেন; কিন্তু, দুর্গের মধ্যস্থিত কামানের প্রবল তেজে, তাঁহারা ঐ দুর্গের দিকে অগ্রসর হইতে পারেন নাই। অধিকন্তু, তাঁহা-দিগের দলস্থিত অনেকগুলি লোক হত ও আহত হওয়ার, তাঁহারা সেইস্থান হইতে প্রস্থান করেন।





চতুর্থ পার্শ্বে দ ।

বুয়রহস্তে ইংরাজসৈন্যের আত্মসমর্পণ ।

ইহার পর দুই পক্ষের মতামতানুযায়ী এই যুদ্ধ দিবা ১০টা হইতে ৪টা পর্য্যন্ত বন্ধ থাকে ; কিন্তু, বুয়রগণ বিশ্বাসঘাতকতা করিয়া ৪টা বাজিবার কিয়ৎক্ষণ পূর্বে হইতেই ইংরাজদিগের উপর অনবরত গুলি বর্ষণ আরম্ভ করেন ; বুয়রদিগের অন্যায় ব্যবহারে ইংরাজদিগকে বিশেষ ক্ষতি সহ করিতে হয় ।

যে সময় বুয়রগণ দুর্গ আক্রমণ করিয়াছিলেন, সেই সময় আর একদল বুয়রসৈন্য জেল আক্রমণ করেন ! যে পর্য্যন্ত দিনমান ছিল, সেই পর্য্যন্ত জেলের সৈন্যগণ বুয়রদিগের সহিত যুদ্ধ করেন । পরিশেষে অন্ধকার রাত্রির সাহায্যে বুয়রদিগের অগোচরে তাঁহারা জেল পরিত্যাগ করিয়া, দুর্গের মধ্যে

প্রবিষ্ট হন। জেলের মধ্যে যাঁহারা ছিলেন, তাঁহাদিগের মধ্যে একজন হত ও দুইজন আহত হইয়াছিলেন।

বুয়রগণ এই অবস্থা জানিতে পারিয়াও, দুর্গের মধ্যস্থিত কামানের সন্মুখীন হইতে না পারিয়া, দুর্গের চতুর্দিক বেষ্টিত করিয়া থাকেন; দুর্গের মধ্য হইতে আর কাহারও বহির্গত হইবার উপায় থাকে না।

এই সময় কেল্লার মধ্যে একরূপ জলকষ্ট উপস্থিত হয় যে, ইংরাজগণ অনেকগুলি অশ্ব ও অশ্বতরকে পানীয় জল প্রদান করিতে সমর্থ না হইয়া, তাহাদিগকে দুর্গের বাহির করিয়া দেন। স্ততরাং, ঐ পশুগুলি অনারাসেই বুয়রগণের হস্ত-গত হয়।

ইংরাজসৈন্তগণ বুয়রদিগের দ্বারা পরিবেষ্টিত হইয়া, ঐ দুর্গের ভিতর ১৮ই মার্চ পর্য্যন্ত অবস্থান করেন। ইহার মধ্যে উভয়পক্ষে মধ্যে মধ্যে ছোট ছোট যুদ্ধ হয়; কিন্তু, কোন পক্ষেই বিশেষরূপ ক্ষতি হয় না। বুয়রগণ একবার ঐ দুর্গ অধিকার করিয়া লইবার নিমিত্ত বিধিমাতে চেষ্টা করিয়া-ছিলেন; কিন্তু, দুর্গমধ্যস্থ প্রবল কামানের তেজে তাঁহাদিগকে সেই আশা পরিত্যাগ করিতে হয়। তাহার পর ক্রমে দুর্গের নিকটবর্তী হইবার মানসে, তাঁহারা রাত্রিকালে মৃত্তিকা খনন করিতে করিতে অগ্রগামী হইতে চেষ্টা করেন। কিন্তু, ইংরাজ-গণ তাহা অবগত হইতে পারিয়া, একরাত্রিতে তাঁহাদিগের অগোচরে দুর্গ হইতে কয়েকজন ইংরাজসৈন্ত প্রেরণ করেন। তাঁহারা কয়েকজন মৃত্তিকাখননকারীকে হত্যা করিয়া, অক্ষত শরীরে প্রত্যাবর্তন করেন। এই ঘটনার কয়েকদিবস পরেই,



সেনাপতি ক্রম্বি ।

বুয়রগণ একটা কামান আনিয়া, তাহা দ্বারা ছুর্গের মধ্যস্থিত গুলি বারুদ রাখিবার ঘরের উপর অনবরত গোলাবর্ষণ আরম্ভ করেন; কিন্তু, ইংরাজগণ ছুর্গমধ্যস্থিত কামানের প্রবল তেজে বুয়রদিগের কামানটাকে নিঃশব্দ করিয়া দেন।

এত করিয়াও পরিণেষে ইংরাজসৈন্যগণকে ১৯শে মার্চ তারিখে বুয়রদিগের নিকট আত্মসমর্পণ করিতে হয়।

তিনমাসকাল ইংরাজসৈন্যগণ না করিয়াছিলেন এরূপ কার্যই নাই। কখন ভয়ানক রৌদ্রতেজে দণ্ডারমান হইয়া সমস্ত দিবস বৃদ্ধ করিয়াছেন, কখন অবিপ্রান্ত জলধারা তাঁহাদিগের মস্তকের উপর দিয়া পতিত হইয়াছে, কখন তাঁহাদিগের একেবারে নিত্রা-স্থখ পরিত্যাগ করিতে হইয়াছে, কখন অনশনে দিন যাপন

করিয়া বুয়রদিগের সহিত সংগ্রামে প্রবৃত্ত হইতে হইয়াছে, কখন বা ক্ষুৎপিপাসার ভয়ানক যন্ত্রণা সহ করিয়াও, যতক্ষণ পারিয়াছেন, শত্রুসমক্ষে দণ্ডায়মান রহিয়াছেন। এইরূপে অনশনে ও অনিদ্রায় আপন আপন শরীর নষ্ট করিয়াও, পরিশেষে বুয়রগণের হস্তে তাঁহাদিগকে আত্মসমর্পণ করিতে হইয়াছিল।

২০শ মার্চ তারিখে ইংরাজ সেনাপতি উইনলো ও বুয়র সেনাপতি ক্রঞ্জি (Cronje) একত্র মিলিত হইবার পর, ইংরাজগণ নিম্নলিখিত সর্তীভূসারে বুয়রদিগের হস্তে আত্মসমর্পণ করেন।

১ম। ইংরাজসৈন্তগণ পতাকা হস্তে সেইস্থান হইতে প্রস্থান করিবেন; তাঁহারা বুয়রদিগের বন্দী হইবেন না।

২য়। এই যুদ্ধ যে পর্য্যন্ত শেষ না হইবে, সেই পর্য্যন্ত তাঁহারা অস্ত্রধারণ করিতে পারিবেন না।


৩য়। সেনানীগণের অস্ত্রশস্ত্র বুয়রগণ গ্রহণ করিবেন না।

৪র্থ। সৈন্তগণ তাঁহাদিগের অস্ত্র সকল বুয়রদিগকে প্রদান করিবেন। কিন্তু, গোলাগুলি প্রভৃতি অস্ত্রের ক্ষিষ্টের সভাপতির নিকট, যুদ্ধ শেষ না হওয়া পর্য্যন্ত জমা থাকিবে। যুদ্ধ শেষ হইয়া গেলে, উহা ফেরৎ দেওয়া যাইবে।

৫ম। সৈন্তদিগের নিজের অর্থ প্রভৃতি যাহা তাঁহাদিগের নিকট আছে, তাহা তাঁহারা লইয়া যাইতে পারিবেন।

এই সময় বুয়রগণ বিশ্বাসঘাতকতা করিয়া যুদ্ধ স্থগিত থাকিবার কালীন পূর্বকথিতরূপ সন্ধি করিয়া, ইংরাজদিগকে যেক্রম অধীনতা স্বীকার করাইয়াছিলেন, তাহা পাঠকগণ ক্রমে

অবগত হইতে পারিবেন। অথচ পীড়িত ও আহত সৈন্ত-
গণের উপর যেরূপভাবে দয়া প্রকাশ করিয়া, ঔষধ ও আহারীয়
প্রদান করিয়াছিলেন, তাহা বর্তমান অপরাপর সভ্যজাতির মধ্যে,
কেহ করেন কি না সন্দেহ। *



* See District order of Colonel Bellairs.
Dated Pretoria 8th April 1881.



পঞ্চম পরিচ্ছেদ ।

ব্রঙ্কহর্স্ট স্প্রুইট Bronkhorst Spruit নামক
স্থানে বুয়রহস্তে ইংরাজের পরাজয় ।

ঘোষণা-পত্র মুদ্রাঙ্কিত হইয়া আসিলে, ১৭ই ডিসেম্বর তারিখের রাত্রি ১১টার সময় একথণ্ড ঘোষণা-পত্র হেনড্রিক স্কেমেনের (Hendrik Schoeman) দ্বারা প্রিটোরিয়াম ইংরাজ শাসনকর্তার নিকট প্রেরণ করা হইল। * ঐ পত্রে লেখা ছিল, ১৮৭৭ খৃষ্টাব্দে বিনা রক্তপাতে বুয়রগণ যেমন সরকারি চাবি ও কাগজপত্র ইংরাজদিগকে প্রদান করিয়াছিলেন, তাঁহারাও :৪৮ ঘণ্টার মধ্যে যেন সমস্ত দ্রব্যাদি সেইরূপ

* See letter from Sir W. Owen Lanyon K. C., M. B., C. B., to the Right Hon. The Earl of Kimberly. Dated Pretoria 23rd January 1881.

ভাবে বুয়রদিগকে প্রদান করেন । ঐ পত্রের উত্তরে ১৮ই ডিসেম্বর তারিখে, শাসনকর্তা এই মর্মে এক ঘোষণা-পত্র তাঁহাকে প্রদান করিলেন যে, সমস্ত ট্রান্সভাল প্রদেশ এখন রাজ-বিদ্রোহরূপে পরিগণিত হইয়াছে । এখন হইতে যাহা-দিগকে দলবলে যেখানে পাওয়া যাইবে, তাহাদিগকে রাজ-বিদ্রোহীতার অপরাধে শাস্তি গ্রহণ করিতে হইবে ।

ইহার পূর্বেই নানাস্থান হইতে দলে দলে ইংরাজ-সৈন্য প্রিটোরিয়াতে আসিয়া উপস্থিত হইয়াছিলেন ও তখন পর্য্যন্তও আগমন করিতেছিলেন ।

১৭ই ডিসেম্বর তারিখে, একদল ইংরাজসৈন্য তাঁহা-দিগের দ্রব্যাদির সহিত সেনাপতি এনষ্ট্রুথারের (Lieut-Colonel Anstruther) কর্তৃত্বাধীনে প্রিটোরিয়ায় আসিবার কালীন অলিফ্যান্ট (Oliphant) নদী পার হইবার নিমিত্ত, তাহার তীরে অপেক্ষা করিতেছিলেন । সেই সময় একখানি পত্র পাইয়া, সেনাপতি জানিতে পারিলেন, যে বুয়রগণ রাজ-বিদ্রোহী হইয়াছেন ।

ইহার পূর্বেই ১,০০০ সহস্র অস্ত্রধারী বুয়র সৈন্য হই তুল্যাংশে বিভক্ত হইয়া, ইংরাজ-সৈন্যের গতিরোধ করিবার নিমিত্ত প্রস্থান করিয়াছিলেন ।*

এক দলের নেতা ছিলেন, ফ্রাঞ্জ জুববার (Franz Jou- bert) । এনষ্ট্রুথার (Anstruther) লিডেনবার্গ (Lydenberg)

* See Blue Book (C—2866) April 1881. Page 163.

হইতে কোন দিক দিয়া প্রিটোরিয়ার আগমন করিতেছিলেন, তাহা তিনি পূর্বে জানিতে পারিয়া, পথিমধ্যে তাঁহাকে আক্রমণ করিবেন, এই বিবেচনা করিয়া, ব্রঙ্কহর্স্ট স্প্রুইট (Bronkhorst Spruit) নামক স্থানে আপন সৈন্তের কতক অংশ গুপ্তভাবে স্থাপন করিলেন। অবশিষ্টাংশ অগ্রগামী হইয়া, গুপ্তভাবে ইংরাজ-সৈন্তের পশ্চাৎ পশ্চাৎ আসিতে লাগিলেন।

২০শে ডিসেম্বর তারিখে বেলা একটার সময়, যেমন ইংরাজসৈন্ত পূর্বকথিত স্থানে উপস্থিত হইলেন, অমনি প্রায় ১৫০ শত অস্ত্রধারী বুয়রসৈন্ত তাঁহাদিগের বামপার্শ্বস্থিত উচ্চভূমির উপর নয়নগোচর হইল। সেনাপতি এই অবস্থা দেখিয়া, তাঁহার অধীন সৈন্তগণকে একস্থানে দণ্ডায়মান হইতে আদেশ করিলেন ও তাঁহাদিগের সমভিব্যাহারী গাড়ী সকল উত্তমরূপে বদ্ধ করিয়া দিতে আদেশ প্রদান করিলেন।

সেই সময় একজন অঝারোহী বুয়র পতাকাহস্তে একখানি পত্রসহ* ইংরাজসৈন্যের ভিতর প্রবিষ্ট হইয়া, ঐ পত্রখানি সেনা-

*“From

The South African Republic.

Heidelberg, December 19, 1880.

To the Commandant in charge of Her Majesty's troops. (on the road between Lydenberg & Pretoria)

Sir—We have the honor to inform you that the Government of the South African

পতির হস্তে প্রদান করিলেন । সেনাপতি পত্রখানি খুলিয়া দেখিলেন, উহা ইংরাজীতে লেখা । পড়িয়া জানিতে পারিলেন, এখন হইতে যে কোন ইংরাজসৈন্ত যে স্থানে আছেন, ঠিক সেইস্থানেই থাকিবেন ; সেইস্থান হইতে একপদ অগ্রবর্তী হইলেই বুঝিয়া লইতে হইবে যে, তাঁহারা বুদ্ধবোধনা করিলেন ।

এই পত্র পাঠ করিয়া, তিনি সেই পত্রবাহককে বলিয়া দিলেন, যে, তিনি এই পত্রের আদেশ প্রতিপালন করিতে একেবারে অসমর্থ ; কারণ, তাঁহার উপর আদেশ এই যে, তাঁহাকে প্রিটোরিয়াম গিয়া উপনীত হইতে হইবে ।

Republic have taken up their residence at Heidelberg.

That a Diplomatic Commissioner has been sent by them to His Excellency Sir W. Owen Lanyon. That, until the arrival of His Excellency's answer, we do not know whether we are in a state of war or not.

That, consequently, we cannot allow any movement of troops from your side, and write you to stop where you are.

We, not being at war with Her Majesty the Queen, nor with the people of England, who are sure to be on our side, if they were acquainted with the position, but only recovering the independence of our country, do not wish to take to arms, and therefore inform you that any movement of troops from your side will be taken by us as a declaration of war, the responsibility whereof we

পত্রপাঠ করিতে সেনাপতির যে সময় অভিবাহিত হইল, সেই সময়ের মধ্যে পূর্বকথিত বুয়রসৈন্য প্রায় ৬০০ শত হস্তের মধ্যে আসিয়া উপস্থিত হইলেন। এদিকে যে সকল বুয়রসৈন্য ইংরাজসৈন্যের পশ্চাৎ পশ্চাৎ আসিতেছিলেন, তাঁহারাও আসিয়া দক্ষিণভাগে উপনীত হইলেন ও উভয় দল একেবারে দুই দিক হইতে ইংরাজদিগের উপর গুলিবর্ষণ আরম্ভ করিলেন। ইংরাজ-সৈন্যগণ সজ্জিত হইয়া তাঁহাদিগের সম্মুখীন হইতে না হইতেই, অনেকে কালগ্রাসে পতিত হইলেন। যাহারা প্রস্তুত হইতে পারিয়াছিলেন, তাঁহারা সেই রাস্তার ভূণের উপরে শয়ন করিয়া বুয়রদিগের উপর গুলি ছুঁড়িতে লাগিলেন। বুয়রগণ কেহ বসিয়া, কেহ শুইয়া, কেহ বৃক্ষ বা প্রস্তরের অন্তরালে দাঁড়াইয়া, গুলিবর্ষণ আরম্ভ করিলেন। এইরূপে দশ মিনিটকাল উভয়পক্ষে গুলিবর্ষণ হইতে হইতে ইংরাজদিগের কর্মচারী ও সৈন্যগণের মধ্যে প্রায় ৩৫ তিন-পঞ্চমাংশ হত ও আহত হইয়া পড়িলেন; স্বয়ং সেনাপতির পদে ক্রমাধ্বয়ে পাঁচটা গুলি প্রবেশ করায়, তিনিও সেইস্থানে পতিত হইলেন। তখন অবশিষ্ট কর্মচারী

put on your shoulders, as we know what we will have to do in self defence.

We are Sir.

Your obedient servants.

S. J. P. Kruger,

M. W. Pretorius.

Vice Presidents.

P. J. Joubert, Commandant-General.

W. Edward Bok,—Act. Secretary
to the Government.

ও সৈন্যগণ আর বৃদ্ধ করা অনাবশ্যক বিবেচনার, বুয়রদিগের বশ্যতা স্বীকার করিবার মানসে, আপন আপন সাদা টুপি ও সাদা রুমাল বুয়রদিগকে দেখাইলেন। দেখিতে দেখিতে বুয়র-দিগের গুলিও বন্ধ হইয়া গেল।

ইংরাজগণ আপন আপন অস্ত্র পরিত্যাগপূর্বক বুয়রদিগের বশ্যতা স্বীকার করিলেন। সেই সময় বুয়র সেনাপতি জুবায়ার আপনার দলের মধ্য হইতে বহির্গত হইয়া, ইংরাজদের তিতর প্রবেশ করিলেন ও ইংরাজ সেনাপতিকে আহত দেখিয়া, বিশেষ দুঃখপ্রকাশ করিয়া, তাঁহার সহিত করমর্দন করিলেন। ইংরাজ দলের একজন সার্জন দুই গাশ মস্ত আনিয়া, এক গাশ আপন সেনাপতির হস্তে ও অপর গাশ জুবায়ারের হস্তে প্রদান করিলেন। সেনাপতি উহা পান করিয়া একটু স্নহ হইলেন। জুবায়ারও এই বলিয়া উহা পান করিলেন যে, “আমি ঈশ্বরের নিকট ইংলণ্ডেশ্বরীর দীর্ঘজীবন প্রার্থনা করিয়া ইহা পান করিতেছি; কিন্তু, সেই সঙ্গে সঙ্গে আশা করি, ইংরাজ সৈন্যগণ ট্রান্সভাল প্রদেশ পরিত্যাগ করিয়া, আমাদিগের স্বাধীনতা আমাদিগকে প্রদান করিবেন।”

ইংরাজ সৈন্যগণের সহিত যে সকল গাড়ী ছিল, তাহার মধ্য হইতে বিছানাপত্র, আহারীয় ও হাঁসপাতালের দ্রব্যসামগ্রী ও জলের গাড়ী প্রভৃতিতে সাতখানি গাড়ী বুয়রগণ ছাড়িয়া দিলেন। আহত ব্যক্তিগণের নিমিত্ত কুড়িটা তাষু ও উহাদিগের পরিচর্যা করিবার নিমিত্ত আঠার জন অনাহত সৈন্যকেও ছাড়িয়া দেওয়া হইল। অবশিষ্ট সকলকে তাঁহাদিগের নূতন রাজধানী হিডেলবার্গে পাঠাইয়া দিলেন। তদ্ব্যতীত, বুয়রগণ হুম্ব, মাখম, ডিষ,

রুটী ও ফলাদি আনিয়া আহতদিগকে প্রদান করিতে লাগিলেন। কিন্তু ঐ সকল দ্রব্যের মূল্যাদি সম্বন্ধে কোন কথা প্রকাশ করিলেন না।

এই যুদ্ধে ইংরাজদিগের একজন কর্মচারী, * ৫৫ জন সৈন্য হত; ৭ জন কর্মচারী, ৯১ জন সৈন্য ও একটা স্ত্রীলোক আহত হইয়াছিলেন। কেবলমাত্র একজন কর্মচারী (Captain Elliot) সেই সময় শত্রুর হস্তে পতিত হন না। তিনি সেইস্থান হইতে অদৃশ্য হইয়া পড়েন; কিন্তু, পরিশেষে কাপ্তেন লেমবার্টের (Captain Lambert) সহিত ভাল নদী পার হইবার সময় তিনি বুয়রগণকর্তৃক হত হন। কাপ্তেন লেমবার্ট (Captain Lambert) ইতিপূর্বে কতকগুলি অশ্ব ক্রয় করিবার মানসে, প্রিটোরিয়া হইতে স্বাধীন অরেঞ্জ রাজ্যে গমন করিয়াছিলেন; সেইস্থান হইতে অশ্ব ক্রয় করিয়া প্রত্যা-বর্তন করিবার সময় যখন ভাল নদী পার হইতেছিলেন, সেই সময় বুয়রগণ কর্তৃক অশ্বাদির সহিত তিনি ধৃত হইয়া হিডেলবার্গে আনীত হন।

পরিশেষে পূর্বোক্ত আহতদিগের মধ্য হইতে অমর ও ৪ জন কর্মচারী, † ও ৭ জন সৈনিক মৃত্যু মুখে পতিত হন। ইহার

* Lieutenant and Adjutant Harrison.

† 1 Captain Nairne.

2 Lieutenant M. Swiney.

3 Lt. Colonel Anstruther.

4 Deputy Assistant Commissary General Carter.

মধ্যে সেনাপতি এন্থ্রুথারও একজন ছিলেন; তাঁহার মৃত্যু হয়, ২৬শে ডিসেম্বর তারিখে। ইনি একজন অতিশয় অমায়িক লোক ছিলেন। ইহার অমায়িকতাগুণে অধীনস্থ সমস্ত সৈন্যই ইহার বশীভূত ছিল। মৃত্যুর অতি অল্প পূর্বেও ইনি অমায়িকতা-গুণের পরিচয় প্রদান করিতে ক্রটি করেন নাই। ইহার ক্ষতস্থানের চিকিৎসা করিবার নিমিত্ত যখন ডাক্তার ইহার নিকট গমন করেন, সেই সময় ইনি বলিয়াছিলেন, “আমার ক্ষতস্থানে ঔষধ প্রদান করিবার পূর্বে আমার অধীনস্থ আহত সৈন্যগণের চিকিৎসা অগ্রে হওয়া প্রার্থনীয়।”

বুয়র পক্ষে ২ জন হত ও ৩ জন মাত্র আহত হয়, এই কথা বুয়রগণ প্রকাশ করেন। কিন্তু, ইংরাজগণ দুইজন কুর্খ-চারীর নিকট হইতে শুনিয়াছিলেন, যে তাঁহারা ৪৫ জনকে গোর দিতে দেখিয়াছেন। আরও একজন সেই দেশীয় লোক কহে, বুয়রদিগের মৃত্যু সংখ্যা ৪০ জনের কম নহে।





ষষ্ঠ প্যারিছন্দ ।

বুয়রগণকর্তৃক লিডেনবার্গের দুর্গ আক্রমণ

কয়েদিগণকে তাঁহাদিগের রাজধানীতে পাঠাইয়া দিয়া, বুয়র সেনাপতি ফ্রাঞ্জ জুবেরার (Frans Joubert) তাঁহার দলবল লইয়া লিডেনবার্গ দুর্গ অভিমুখে গমন করিলেন। কারণ, বুয়র সেনাপতির মনে মনে বিশ্বাস ছিল, ইংরাজ সেনাপতি ঐ স্থান হইতে যখন কতকগুলি সৈন্য লইয়া প্রিটোরিয়া গমন করিবার কালীন তাঁহা-কর্তৃক ধৃত হইয়াছিলেন, তখন সেই দুর্গ মধ্যে সেই সময়ে নিশ্চয়ই আর অধিক সৈন্য নাই। সুতরাং, ঐ দুর্গ অনায়াসেই তাঁহার হিউদু হইতে পারিবে।

বুয়রগণ ২৭শে ডিসেম্বর তারিখে, ঐ দুর্গ বেষ্টিত করিয়া দুর্গাধ্যক্ষ লেফটেনেন্ট লঙের (Lieutenant Long) নিকট সংবাদ প্রেরণ করিলেন যে, এই সময় তাঁহাদিগের আত্মসমর্পণ করা কর্তব্য। ইহার চারিদিবস পূর্বে অর্থাৎ ২৩শে ডিসেম্বর

তারিখে লং সংবাদ পাইয়াছিলেন যে, ঠাঁহারা সেই দুর্গ হইতে প্রিটোরিয়াম গমন করিতেছিলেন, তাঁহারা পথিমধ্যে বৃয়র-গণকর্তৃক আক্রান্ত হইয়া আত্ম-সমর্পণ করিয়াছেন। এই সংবাদ জানিতে পারিয়াও লং সহজে আত্ম-সমর্পণ করিতে সন্মত হইলেন না।

শক্রগণকর্তৃক দুর্গ বেষ্টিত হইবার পূর্বে, তিনি সেই প্রদেশীয় মাজিষ্ট্রেটের সহিত মিলিত হইয়া, সেই স্থানের অধিবাসিগণকে দুর্গের মধ্যে প্রবেশ করিবার এক আদেশ প্রচারিত করেন। কিন্তু, অধিবাসিগণ ঐ আদেশ প্রতিপালন না করিয়া, এইরূপ উত্তর প্রদান করেন যে, তাঁহারা যুদ্ধের সময় দুর্গের মধ্যে প্রবেশ করিবেন না, অথবা ইংরাজ বা বৃয়রগণের মধ্যে কাহাকেও কোনরূপ সাহায্য করিবেন না; তাঁহারা নিরপেক্ষ-ভাবে সেই প্রদেশে বাস করিবেন। — ?

১৮৮১ সালের ৬ই জানুয়ারী তারিখে, বৃয়রগণ লিডেনবার্গ দুর্গ আক্রমণ করিয়া, দিবা ১১—৪৫ মিনিটের সময় হইতে দুর্গের মধ্যে ভয়ানক গুলিবর্ষণ করিতে আরম্ভ করিলেন। ইংরাজ গণও দুর্গমধ্য হইতে তাহার যথাযথ উত্তর প্রদান করিতে লাগিলেন। এইরূপে উত্তরপক্ষ হইতে সমস্ত দিবস ও সমস্ত রাত্রি এবং ৭ই তারিখের দিবা-রাত্রি অনবরত গুলিবর্ষণ চলিতে লাগিল। ৭ই তারিখের রাত্রিকালে ইংরাজগণ দুর্গের মধ্যে একটা প্রকাণ্ড পুরাতন কামান সংস্থাপিত করিয়া, একেবারে বৃয়রগণকে বিনষ্ট করিবার মানসে, যেমন গোলাবর্ষণ করিতে প্রবৃত্ত হইলেন, অমনি সেই কামান ফাটিয়া গিয়া, তাঁহাদিগের মনোবাঞ্ছা ব্যর্থ করিয়া দিল।

৮ই জানুয়ারী তারিখে, বুয়রগণ ছুর্গের বাহিরে একটা কামান স্থাপিত করিয়া, ক্রমে ক্রমে তাহা হইতে ছয়টা গোলা নিক্ষেপ করিলেন; কিন্তু, ইহাতে ইংরাজদিগের কিছুমাত্র ক্ষতি না করিয়া, ঐ গোলা ছুর্গের উপর দিয়া চলিয়া গেল।

বুয়রগণ ছুর্গের নিকটবর্তী স্থানে একটা মৃত্তিকার স্তূপ প্রস্তুত করিতেছিলেন। ইহা দেখিয়া ৯ই জানুয়ারী তারিখে, কয়েকজন ইংরাজ-সৈন্য ছুর্গ হইতে বহির্গত হইয়া, সেই মৃত্তিকা-স্তূপ-প্রস্তুতকারিগণকে আক্রমণপূর্বক স্তূপটা ভাঙ্গিয়া দেন। এই কার্য করিবার সময়ও উভয় পক্ষে বিস্তর গুলি চলিয়াছিল।

ঐ তারিখে একটা ছোট কুকুর হঠাৎ ছুর্গের ভিতর আসিয়া উপস্থিত হয়। উহার গলায় একখানি ক্ষুদ্র পত্র বাঁধা ছিল। ঐ পত্রখানি কে লিখিয়া কুকুরের গলায় বাঁধিয়া দিয়াছিল, তাহা অবগত হইতে পারা যায় না; কিন্তু, উহাতে লেখা ছিল, বুয়র-সৈন্যগণের মধ্যে গৃহবিবাহ উপস্থিত হইয়াছে; আর, ইংরাজদিগের যে সকল গুলি ছুর্গের মধ্য হইতে বুয়রদিগের উপর নিক্ষেপ হইতেছে, তাহাতে বুয়রদিগের কিছুমাত্র ক্ষতি হইতেছে না। কারণ, গুলি সকল বুয়রদিগের মস্তকের উপর দিয়া চলিয়া যাইতেছে। আর একটু নীচুভাবে গুলি নিক্ষেপ করা

এই পত্রাভূষারী ইংরাজগণ পরিশেষে তাঁহাদিগের গুলি একটু নীচু করিয়া নিক্ষেপ করিতে আরম্ভ করেন; ইহাতে ইংরাজপক্ষে কিছু স্কল কলিয়াছিল।

১২ই জানুয়ারী তারিখে, বুয়রগণ একটা কামান হইতে ছয় ঘণ্টা কাল অনবরত হাঁসপাতালের উপর গোলা নিক্ষেপ

করিতে লাগিলেন। এই অবস্থা দেখিয়া ইংরাজগণ রোগী সকলকে সেইস্থান হইতে স্থানান্তরিত করিলেন।

১৩ই তারিখে আর একটা কামান হইতে বুররগণ অনবরত কয়েকঘণ্টা গোলা বর্ষণ করেন; কিন্তু, তাহাতেও ইংরাজদিগের বিশেষ ক্ষতি হয় না।

১৪ই তারিখও ঐরূপ ভাবে গত হইয়া গেল।

১০ই ও ১১ই তারিখের সদৃশ ১৫ই, ১৬ই ও ১৭ই তারিখ অতি অল্প পরিমাণে গুলিবৃষ্টি হইয়াছিল মাত্র।

১৭ই তারিখ রাত্রি হইতে ১৮ই তারিখ প্রাতঃকাল পর্যন্ত দুর্গের চতুর্দিক বেঁটন করিয়া, বুররগণ অনবরত গোলা গুলি নিক্ষেপ করেন; কিন্তু, বিশেষ কিছু ক্ষতি করিতে সমর্থ হন না।

১৬ই তারিখে ইংরাজসেনাপতি লং সাহেব গ্রীন (Green) নামীয় একজন স্বর্ণব্যবসায়ী ইংরাজকে ১৫০০ টাকা পারিশ্রমিক প্রদানে সম্মত হইয়া, তাঁহার সমভিব্যাহারে কতকগুলি সংবাদ ডেলাগোয়া উপসাগরে পাঠাইয়া দিয়াছিলেন। সেইস্থান হইতে উহা তারযোগে ইংলণ্ডে প্রেরিত হইত; কিন্তু, পশ্চিমধ্যে তিনি বুররদিগের হস্তে পতিত ও তাঁহাদিগের হস্তে নিধন প্রাপ্ত হন।

১৮ই তারিখে, বুররগণ একস্থান হইতে ক্রমাগত ৪৮টা গোলা দুর্গের মধ্যে নিক্ষেপ করেন; কিন্তু, তাহাতে দুর্গের কিছু মাত্র ক্ষতি করিতে সমর্থ হন না। সেই দিবস সন্ধ্যার সময় কয়েকজন ইংরাজ-সৈন্য বুররদিগের একটা লেগারে অগ্নি সংযোগ করিবার নিমিত্ত গমন করেন; কিন্তু, বুররদিগের প্রেরণ গুলির প্রভাবে তাঁহাদিগকে প্রত্যাবর্তন করিতে হয়।

১৯শে জানুয়ারী তারিখে, ঐ কার্য সম্পাদন করিবার নিমিত্ত পুনরায় দুইজন ইংরাজ-সৈন্য বিনা আদেশে গমন করিল; কিন্তু, তাঁহাদিগের মধ্যে একজন অকৃতকার্য হইয়া প্রত্যাগমন করেন, অপর এক ব্যক্তি আহত হইয়া সেইস্থানে পতিত হন। কিন্তু, দুইজন সাহসিক কর্মচারী বুয়রদিগের গুলিবৃষ্টির মধ্য হইতে, সেই আহত ব্যক্তিকে আনয়নপূর্বক আপন আপন সাহসিকতার যথেষ্ট পরিচয় প্রদান করেন।

এইরূপে কোন দিবস অধিক, কোন দিবস বা অল্প পরিমাণ গোলাগুলিবৃষ্টির সঙ্গে সঙ্গে দিন অতিবাহিত হইতে লাগিল; তাহার উপর দুর্গের মধ্যে ভয়ানক জলকষ্টও হইয়া পড়িল। খাণ্ড্রব্যও ক্রমে কম পড়িয়া আসিবার সঙ্গে সঙ্গে খাণ্ডেরও পরিমাণ সঙ্কীর্ণ করিতে হইল। তথাপি কিন্তু ইংরাজগণ আত্মসমর্পণ করিলেন না।

এইরূপে আরও কিছু দিবস অতিবাহিত হইবার পর ৪ঠা মার্চ তারিখে, বুয়রগণ এক নূতন উপায় বাহির করিয়া, দুর্গের মধ্যবর্তী তৃণাদিনির্মিত গৃহে অগ্নি প্রদান করিতে আরম্ভ করিলেন। যে উপায় অবলম্বনে তাঁহারা তৃণনির্মিত গৃহে অগ্নি প্রদান করিতেছিলেন, তাহা এইরূপ;—উঁহারা এক প্রকার তীর নির্মাণ করিলেন, ঐ সকল তীরের অগ্রভাগ যাহাতে বিদ্ধ হইয়া যায়, তাহাতে অগ্নিসংযুক্ত হইয়া পড়ে। এই তীরের নিম্নে অনেক ছিদ্রবিশিষ্ট এক একটা চোং বা পাইপ এরূপ ভাবে সংবদ্ধ করা হইয়াছিল যে, ঐ তীর নিক্ষেপ হইলে যেস্থানে পতিত হইবে, সেইস্থানে উঁহা চোং সহ বিদ্ধ হইয়া যাইবে। ঐ চোঙের ভিতর অগ্নি পুরিয়া অগ্নিসংযুক্ত তীর সকল ধনুকে যোজনা করিয়া, তৃণাদিনির্মিত

গৃহের উপর নিক্ষেপ করিতে আরম্ভ করিলেন। অগ্নির সহিত তীর সকল তুণের মধ্যে বিদ্ধ হইয়া যাইতে লাগিল, ও ক্রমে ঐ চৌঙের মধ্যস্থিত অগ্নির তেজ তাহার সেই সকল ছিদ্র দিয়া নির্গত হইয়া ক্রমে ক্রমে সেই তুণময় গৃহকে ভস্মে পরিণত করিতে আরম্ভ করিল। ছুর্গের মধ্যে একে জলাভাব, তাহার উপর এইরূপে তুণনির্মিত ঘর সকল প্রজ্জ্বলিত হওয়ার, ইংরাজগণ বিশেষরূপ বিপদগ্রস্ত হইয়া পড়িলেন। কিন্তু, নানারূপ উপায় অবলম্বন করিয়া, ঐ সকল অগ্নি ক্রমে নির্বাপিত করিতে আরম্ভ করিলেন।

এই সময়ে ইংরাজগণও একবার বুয়রদিগের লেগার বিনষ্ট করিবার চেষ্টা করিয়াছিলেন। রাজিকালে কতকগুলি ইংরাজ-সৈন্য ছুর্গ হইতে বহির্গত হইয়া গুপ্তভাবে বুয়রদিগের লেগারের নিকটবর্তী স্থান পর্য্যন্ত জমি খনন করিয়া, তাহাতে ডিনামাইট পুতিয়া অগ্নি প্রদান করেন; কিন্তু, বুয়রদিগের লেগার তাহাতে ধ্বংস হয় না; কেবলমাত্র ছুইজন বুয়র কালগ্রাসে পতিত হন। এই ছুই ব্যক্তিও গুপ্তভাবে মৃত্তিকার মধ্য দিয়া ছুর্গের মধ্যে গমন করিবার নিমিত্ত একটা স্ফুডক প্রস্তুত করিতেছিলেন।

এই ঘটনার ছুই দিবস পরেই বুয়র ও ইংরাজদিগের মধ্যে | সন্ধি স্থাপিত হইয়াছে, এই সংবাদ সেইস্থানে উপস্থিত হইলে | যুদ্ধ বন্ধ হইয়া যায়।





সপ্তম পারদ ।

প্রিটোরিয়ার সন্নিকটবর্তী স্থানসমূহে বুয়র-
দিগের সহিত ইংরাজদিগের যুদ্ধ ।

রাজধানী, প্রিটোরিয়া পূর্ব-পশ্চিম লম্বা দুইটি পার্বত্যের
মধ্যস্থিত একটি উপত্যকার উপর স্থাপিত। ২১শে মে
প্রাতঃকালে ব্রঙ্কহর্স্ট স্প্রুইট (Bronkhorst Spruit) নামক
স্থানের যুদ্ধ সংবাদ প্রিটোরিয়ার আসিয়া উপস্থিত হইলে, সেই
স্থানে ভয়ানক গোলযোগ পড়িয়া গেল। নগরের লোকজন
আসিয়া শিবিরের মধ্যে আশ্রয় গ্রহণ করিল। সৈন্ত ও সখের
সৈন্তাগণ মিলিত হইয়া, নগররক্ষার্থ নিযুক্ত হইলেন। সমস্ত
সহরের মধ্যে সামরিক আইন (Martial Law) প্রচারিত
হইল। সেই দিবস রাড্রিকালে লেথার্ন (Leathern)
নামক একজন সিভিলিয়ান পত্রবাহকরূপে নিযুক্ত হইয়া

এই ছুর্খটনার সংবাদ নেটালের কমিশনার সার জর্জ কোলি (Sir George Colley) নিকট লইয়া গেলেন ।

বুয়রগণ মনে করিয়াছিলেন, নগরের মধ্যে যে সকল বুয়র বাস করেন, তাঁহারা এখন যদিও প্রকাশ্যরূপে তাঁহাদের সাহায্য করিতে সমর্থ হইতেছেন না, তথাপি নগর আক্রমণের সময় তাঁহারা নিশ্চয়ই ভিতর হইতে সাহায্য করিবেন । কিন্তু, যখন তাঁহারা দেখিলেন, নগরের অধিবাসিমাত্রকেই শিবিরের মধ্যে রাখিয়া দেওয়া হইয়াছে, তখন তাঁহারা বুদ্ধিতে পারিলেন, ঐ সকল বুয়র অধিবাসিগণের নিকট হইতে আর কোনরূপ সাহায্য পাইবার প্রত্যাশা করা বৃথা ।

বুয়রগণ তখন সেই সহরের বহির্ভাগে নিম্নলিখিত ভিন্ন ভিন্ন দশটা * স্থানে এক একটা লেগার বা আশ্রয়স্থান স্থান

* ১। ইলাওন্স ফন্টিন (Elandsfontein)—প্রিটোরিয়ার ১০ মাইল পশ্চিম । ইহাতে ১২ খানি গাভী ও ১০০ লোক ছিল ।

২। এলবারটস্ প্রিটোরিয়াস্ ফার্ম (Albert's Pretorius Farm)—প্রিটোরিয়ার ১৫ মাইল দক্ষিণ-পশ্চিম । ইহাতে ৩০ খানি গাভী ও ১০০ জন লোক ছিল ।

৩। রেড হাউস্ লেগার (Red House Lager)—উইডেনবার্গের ৩ মাইল পশ্চিম । ইহাতে ১৫ খানি গাভী ও ১৫০ শত জন লোক ছিল ।

৪। স্ট্রোডোইস্ ফার্ম (Strydoese farm)—প্রিটোরিয়ার ১৩ মাইল দক্ষিণ । ইহাতে ২০০ শত লোক ও কতকগুলি গাভী ছিল ।

৫। ডানিয়াল ইরাস্মুসের ফার্ম (Daniel Erasmus's Farm)—প্রিটোরিয়ার ১১ মাইল দক্ষিণ-পূর্ব । ইহাতে ২০ হইতে ৩০ খানি গাভী ও ১০০ শত লোক ছিল ।

স্থাপিত করিয়া, তাহার মধ্যে তাঁহারা বাস করিতে লাগিলেন। ঐ সকল লেগার এইরূপ ভাবে স্থাপিত হইল যে, একস্থান কোনরূপে আক্রান্ত হইলে অপর স্থানের লোকজন সেইস্থানে আসিয়া অনায়াসেই তাঁহাদিগের সাহায্য করিতে সমর্থ হন। * ইহা ব্যতীত, নগরের ভিতর প্রবেশ করিবার ভিন্ন ভিন্ন রাস্তার উপরও বিশেষরূপ দৃষ্টি রাখা হইল।

২৮শে ডিসেম্বর তারিখের প্রাতঃকালে, ৫০ জন অখ-
রোহী সমভিব্যাহারে লেফটেনেন্ট ওগ্রেডি (Lieutenant

৬। স্টেনবেন্স ফার্ম (Stenben's farm)—প্রিটোরিয়া হইতে ১১ মাইল পূর্ব। ইহাতে ২০ হইতে ৩০ জন লোক ও কয়েকখানি গাভী ছিল।

৭। সোয়াবেল পুর্ট (Swavel Poort)—পূর্বকার স্থান হইতে ৫ মাইল দক্ষিণ-পূর্ব। ইহাতে ৮০ হইতে ১০০ জন লোক ও কতকগুলি গাভী ছিল।

৮। ভেন্টেন্স ফার্ম (Venten's farm)—প্রিটোরিয়া হইতে চৌদ্দ মাইল উত্তর-পূর্ব। ইহাতে ৪০ হইতে ৫০ খানি গাভী ও সেই পরিমিত লোক ছিল।

৯। ডার্ডি পুর্ট (Dardi Poort)—প্রিটোরিয়া হইতে ৯ মাইল উত্তর-পূর্ব। ইহাতে অল্পসংখ্যক লোক ছিল।

১০। ওয়ানডারবু পুর্ট (Wanderboom Poort)—প্রিটো-
রিয়া হইতে ৬ মাইল উত্তর। ইহাতে ২০ খানি গাভী ও
১০০ শত লোক ছিল।

* See Letter from W. Billairs C. B. Commanding Transvaal district, to the Deputy Adjutant General of Peitermaritzberg.

Dated Pretoria, 21st December 1880.

O' Grady) সহর ও নিকটবর্তী স্থান সকল পর্যবেক্ষণ করিবার মানসে, রাজধানী হইতে বহির্গত হইলেন। সহরের প্রায় ৬ মাইল অন্তর হিডেলবার্গে গমন করিবার রাস্তার উপর একদল অল্পমান ৩০০।৪০০ শত অস্ত্রধারী ব্যুরকে দেখিতে পান। এই অবস্থা দেখিয়া তাঁহারা যেমন সেইস্থান হইতে প্রত্যাবর্তন করিতে লাগিলেন, অমনি ১৫০ শত ব্যুর তাঁহাদিগের পশ্চাৎ পশ্চাৎ ধাবিত হইয়া, যেমন ইংরাজদিগের নিকটবর্তী হইলেন, অমনি সকলে আপনাপন অশ্ব হইতে অবতরণ করিয়া, ইংরাজ-অখারোহীর উপর গুলিবর্ষণ আরম্ভ করিলেন। গুলি খাইয়া দুইজন আরোহী ও কয়েকটা ঘোড়া হত হইল। ইংরাজ-অখারোহীগণও সেই সময় আপনাপন অশ্ব হইতে অবতরণ করিয়া, উহাদিগের গুলির প্রতিশোধ দিতে আরম্ভ করিলেন। সেই সময় পার্শ্বদেশ হইতে আর একদল ব্যুরকে আসিতে দেখিয়া, ইংরাজসৈন্যগণ একটা পাহাড়ের উপর আশ্রয় গ্রহণ করিলেন ও সেইস্থান হইতে ব্যুরগণের উপর ক্রমাগত গুলি বর্ষণ করিতে লাগিলেন। ব্যুরগণ ঐ ভয়ানক গুলির সন্মুখীন হইতে না পারিয়া, সেইস্থান হইতে প্রস্থান করিলেন।

পরদিন অর্থাৎ ২৯শে ডিসেম্বর তারিখের প্রাতে, লেফ-টেনেন্ট-কর্ণেল গিলডিয়া ২টা কামান ও ১৩০ জন অখারোহী ও ২০০ শত পদাতিক লইয়া, পূর্ব দিবস যেস্থানে ব্যুরগণ গোলযোগ করিয়াছিলেন, সেই দিকে গমন করিলেন। কিছু দূর গমন করিয়াও, প্রথমতঃ কোনস্থানে ব্যুরদিগকে দেখিতে পাইলেন না। কিন্তু, হই একটা কামানের গোলা নিক্ষেপ করিবার সঙ্গে সঙ্গে ২।৪ জন ব্যুর তাঁহার দৃষ্টিপথে পতিত

হইতে লাগিলেন। এই অবস্থা দেখিয়া, তিনি আরও অগ্রবর্তী হইলেন। দেখিলেন, বুয়রগণ তাঁহাদিগের বুবাদি স্থানান্তরিত করিবার চেষ্টা করিতেছেন।

ঐ সৈন্তের মধ্যস্থিত একদল, বাঁহারা দক্ষিণ পার্শে ছিলেন, তাঁহাদিগকে লইয়া কাপ্তেন ডি আরসি (D' Arc) ঐ সকল পশু শূত করিবার মানসে আরও অগ্রগামী হইলেন। সেই সময় অনেকগুলি বুয়র তাঁহাদিগের একটা লোগার-বেষ্টনকারী দেয়ালের অপর পার্শ হইতে, দেয়ালের ছিদ্রের মধ্য দিয়া ডি আরসির সৈন্তগণের উপর গুলিবর্ষণ আরম্ভ করিলেন। তিনিও স্থিরভাবে তাঁহাদিগের সম্মুখে দণ্ডায়মান থাকিয়া, পশ্চাৎ হইতে সাহায্য পাইবার প্রত্যাশায় যুদ্ধ করিতে লাগিলেন। পূর্বকথিত বামপার্শ্বে সৈন্তের কাপ্তেন সেনুচুয়ারী (Captain Sanctuary) তখন তাঁহার সাহায্যার্থ গমন করিলেন ; ও যে সকল ব্যক্তি আহত হইয়াছিলেন, তাঁহাদিগকে লইয়া সকলে সেইস্থান হইতে প্রস্থান করিলেন। এই ক্ষুদ্র যুদ্ধে ৪ জন আহত হইয়াছিলেন ; তাহার মধ্যে কাপ্তেন ডি আরসি (Captain D' Arc) নিজে এক জন। ইহাতে বুয়র সৈন্তদিগের মধ্যেও তিন জন হত হইয়াছিলেন বলিয়া জানিতে পারা গিয়াছিল।

ইহার পর হইতে কর্মচারিগণ দলবল সঙ্গে লইয়া, রাজধানী হইতে বহির্গত হইতেন এবং প্রত্যাবর্তনকালীন বুয়রদিগের পশু বা. আহারীয় দ্রব্য যাহা দেখিতে পাইতেন, তাহা লইয়া প্রত্যাগমন করিতেন। কিন্তু, বুয়রদিগের সহিত প্রায়ই সাক্ষাৎ হইত না।

এইরূপে কয়েক দিবস অভিবাহিত হইবার পর, ১৮৮১ খৃষ্টাব্দের ৫ই জানুয়ারী তারিখে জনৈক ইংরাজ-সেনানী রাজধানী প্রিটোরিয়ার প্রায় ৯ মাইল পূর্ব পর্য্যন্ত গমন করেন। সেই দিবস তিনি জানিতে পারেন যে, আরও প্রায় তিন মাইল দূরে জোয়ার্ট (Zwart) নামক স্থানে একটা লেগার আছে ; উহা ৭খানি গাড়ীর দ্বারা নিশ্চিত ও উহাতে প্রায় ৪০ জন বুরর বাস করেন। সেই দিবস যখন তিনি প্রত্যাগমন করেন, সেই সময় কোথা হইতে আরও প্রায় ১৫০ শত বুরর তাঁহার পশ্চাৎ পশ্চাৎ আগমন করিয়াছিলেন ; কিন্তু, পূর্বোক্ত কর্মচারী এরূপ কৌশলের সহিত রাজধানীতে প্রত্যাগমন করেন যে, বুররগণ পথিমধ্যে তাঁহাকে আক্রমণ করিতে কোনরূপে সমর্থ হন না।

বুররগণের ঐ লেগার ভাঙ্গিয়া দিবার মানসে, পর দিবস রাত্রি ২টার সময়, ১টা কামান ১৪০ জন অশ্বারোহী ও ২৮০ জন পদাতিক সৈন্যের লেফটেনেন্ট-কর্ণেল গিলডিয়া (Lieutenant Colonel Gildia) সেইদিকে গমন করিলেন। ৯ মাইল রাত্তা অভিবাহিত করিতে করিতে সূর্যোদয় হইয়া পড়িল। বাইবার সময় রাজধানী হইতে ৩ মাইল দূরে একটা পাহাড়ের উপর ৪০ জনকে রাখিয়া গেলেন, তাঁহাদিগের উপর আদেশ রহিল, যে কোন সংবাদ পাইবেন, আলোকযোগে (Heliograph) সেই সংবাদ তাঁহাকে প্রদান করিবেন। কাপ্তেন সেনচুরারী ৬৫ জন সৈন্তের সহিত বুররদিগের একটা লেগারের পশ্চাৎভাগস্থিত একটা পাহাড়ের উপর অবস্থান করিতে লাগিলেন।

ক্যাপ্টেন স্যাম্পসন (Captain Sampson) ২৫ জন অঝারোহী লইয়া ছই মাইল দূরবর্তী অপর একটা পাহাড়ের উপর রহিলেন। ক্যাপ্টেন সেন্চুয়ারী যে পাহাড়ের উপর উঠিয়াছিলেন, তাহাতে সম্পূর্ণরূপে নিজের আশ্রয় গ্রহণ করিতে না করিতেই বুররগণ জানিতে পারিয়া, তাঁহাকে আক্রমণ করিলেন। তিনিও তাঁহাদিগের উপর গুলি বর্ষণ আরম্ভ করিলেন। প্রথম বারের গুলিতে বুররদিগের কোন ক্ষতিই হইল না; কিন্তু দ্বিতীয়বারে দেখা গেল যে, ৪টা ঘোড়ার পৃষ্ঠদেশ অঝারোহী হইয়াছে ও তিনটি ঘোড়াও আহত হইয়া পড়িয়াছে।

সেই সময় বুররগণ শ্রেণীবদ্ধ হইয়া, কেহ বৃকের পার্শ্বে, কেহ বা প্রস্তরের অন্তরালে আশ্রয় গ্রহণ করিলেন। সেই সময় আরও একটা ক্ষুদ্র দল সেইদিক হইতে আসিয়া উহাদিগের পশ্চাৎভাগে আপন আপন স্থান করিয়া লইলেন। এই সময় অর্থাৎ প্রাতঃ ৬টার সময় উভয় পক্ষে গুলি চলিতে চলিতে ইংরাজপক্ষীয় একজন হত, ও ছইজন আহত হইলেন, এবং চারিটা ঘোড়া পলাইয়া গেল।

আন্বাজ ৭।০টার সময় আরও ৫০ জন বুরর উভয় দিক হইতে আসিয়া উপস্থিত হইলেন এবং ৫০ জন মিডিলবার্গ (Middleberg) অভিযুদ্ধ হইতে আসিয়া পৌছিলেন।

ইহার কিয়ৎক্ষণ পরেই অর্থাৎ ৮টার সময় সেনাপতি গিলডিয়ান নিকট হইতে সেন্চুয়ারী আদেশ পাইলেন যে, তিনি যে কয়েকটা পাহাড় অধিকার করিয়া আছেন, তাহা পরিত্যাগ-পূর্বক সেনাপতি গিলডিয়ান সহিত যোগ দেন। এই আদেশ

পাইবার পর তিনি নিকটবর্তী একটা পাহাড়ের এক অংশ হইতে তাঁহার কতকগুলি সৈন্ত স্থানান্তরিত করিতে না করিতেই, ঐ পাহাড় বুরগণ অধিকার করিয়া বসিলেন। তখন তিনি মনে করিলেন, এই অবস্থায় তিনি যদি তাঁহার অধিকৃত পাহাড় সকল পরিত্যাগ করিয়া সেনাপতির নিকট গমন করেন, তাহা হইলে তাঁহার পরিত্যক্ত স্থান সকল বুরগদিগের দ্বারা অধিকৃত হইবে ও অবশেষে তাঁহার পার্শ্বদেশ হইতে তাঁহারা তাঁহাকে আক্রমণ করিবেন; এই ভাবিয়া তিনি তাঁহার সেনাপতির আদেশ প্রতিপালন করিতে সাহসী হইলেন না।

সেনাপতি এই সংবাদ জানিতে পারিয়া, তাঁহার দুইপার্শ্ব ও পশ্চাৎভাগ রক্ষা করিবার নিমিত্ত কতকগুলি অঝারোহী সৈন্ত রাখিয়া নিজে সম্মুখভাগে জোয়ার্ট (Zuart) নামক কজি বা পাহাড় আক্রমণ করিবার নিমিত্ত অগ্রগামী হইলেন। সেইস্থানে উপস্থিত হইয়াই কজির উপর গোলা বর্ষণ করিলেন। কিন্তু, বুরগণ ভালরূপ অন্তরাল পাইয়াছিলেন বলিয়া কোন ফলই হইল না।

ক্যাপ্টেন ডন (Captain Dun) ৫০ জন সৈন্ত লইয়া দক্ষিণ পার্শ্ব একটা পাহাড়ের উপর উঠিলেন। লেফ্টেনেন্ট স্টেনুয়েল (Lieutenant Stanuel) ১০০ শত সৈন্তের সহিত সম্মুখ হইতে আক্রমণ করিলেন। লেফ্টেনেন্ট লিটলডেল (Lieutenant Littledel) ও আর দুইজন কর্মচারী প্রায় ৫০ জন সৈন্তের সহিত দক্ষিণ পার্শ্ব অপর কয়েকটা পাহাড়ের উপর উঠিয়া সকলে মিলিয়া একত্র পূর্ব কথিত লেগারের উপর গুলিবর্ষণ আরম্ভ করিলেন।

প্রায় ১০ মিনিট কাল যুদ্ধ হইবার পর, লেগারের মধ্য হইতে বশভাষীকারহুক শ্বেতপতাকা উঠিল। উহা দেখিবারাত্র সেনাপতি যুদ্ধ বন্ধ করিয়া দিবার আদেশ প্রদান করিলেন। নিজে নিকটবর্তী নদীতীরে গমন করিয়া দেখিলেন, বুয়রগণ ~~না করিয়া~~ না করিয়া, একে একে অঝারোহণে প্রস্থান করিতেছেন। এই অবস্থা দেখিয়া, তিনি তিনজন অঝারোহীকে ইহাই বলিবার নিমিত্ত তাঁহাদিগের নিকট প্রেরণ করিলেন যে, ‘বশভাষীকারহুক শ্বেতপতাকা দেখাইয়া, পরিশেষে পলায়ন করা যোদ্ধার নিয়ম নহে।’ এই কথা বলিবার নিমিত্ত পূর্বে-কথিত অঝারোহীদ্বয় যেমন তাঁহাদিগের নিকট গমন করিলেন, অমনি তাঁহারা তাঁহাদিগের উপর গুলি নিক্ষেপ করিতে আরম্ভ করিলেন। এদিকে গুলির উপর গুলি আসিয়া সেনাপতির উপর পড়িতে লাগিল। এই অবস্থা দেখিয়া সেনাপতি পুনরায় যুদ্ধ করিবার নিমিত্ত আদেশ দিলেন। ইংরাজপক্ষ হইতে পুনরায় গুলি চলিতে আরম্ভ হইল। এবার সৈন্ত সকল দক্ষিণ, বাম ও সম্মুখ দিক হইতে গুলি বর্ষণ করিতে করিতে লেগারের নিকটবর্তী হইতে লাগিলেন। সেই অবস্থা দেখিয়া বুয়রগণ এক মিনিটের নিমিত্ত পুনরায় শ্বেত পতাকা তুলিলেন। লেফটেনেন্ট স্ট্যানুয়াল (Lieutenant Stanual) গুলিয়া পড়িয়া যুদ্ধ করিতেছিলেন; ঐ শ্বেত পতাকা দেখিয়া, তিনি যেমন উঠিলেন, অমনি বুয়রগণ তাঁহার উপর এক গুলি নিক্ষেপ করিলেন।

এই অবস্থা দেখিয়া ইংরাজগণ আর গুলিবদ্ধ না করিয়া, আরও অধিক তেজে বুয়রদিগের উপর গুলিবর্ষণ আরম্ভ করিলেন।



শ্বেত-পতাকাধারী বুয়লগণ ।

এইবার বুররগণ নিরুপায় হইয়া, পুনরায় সাদা নিশান তুলিলেন, ও এবার ইংরাজগণের নিকট পরাজয় স্বীকার করিয়া তাঁহাদিগের নিকট আত্মসমর্পণ করিলেন । ১৭ জন মাত্র বুরর সেই সময় ধৃত হইলেন ; তাহার মধ্যে যে দুইজন বিশেষরূপ আহত ছিলেন, তাঁহারা মরিয়া গেলেন । এই যুদ্ধে বুরর সেনাপতি ছিলেন—হান্স বোথা (Hans Botha) । তিনি তাঁহার “ শরীরের চারি পাঁচ স্থানে গোলা ও গুলির দ্বারা সাংঘাতিকরূপে আঘাত প্রাপ্ত হইয়াছিলেন ; কিন্তু, ইংরাজ ডাক্তারের স্ফটিকিৎসার তিনি মৃত্যুমুখ হইতে পরিত্রাণ পান ।

এই যুদ্ধ করিবার সময় বুররদিগের লেগারে ৭ খানি গাড়ী ছিল ; উহার মধ্যে ৫ খানি ইংরাজগণকর্তৃক বিনষ্ট হয় । অবশিষ্ট দুই খানিতে কয়েদী ও তাঁহাদিগের সমভিব্যাহারী অস্ত্রশস্ত্র ও অপরাপন্ন দ্রব্যাদি বাহা ইংরাজদিগের হস্তগত হইল, তাহা বোঝাই করিয়া প্রিটোরিয়ার আনয়ন করেন ।

যখন তাঁহারা সেই স্থান হইতে প্রত্যাগমন করিতেছিলেন, সেই সময় অপর একদল বুররসৈন্য কোথা হইতে আগমন করিয়া, কাপ্তেন সেনুচুয়ারীর সহিত ভয়ানক যুদ্ধ আরম্ভ করেন ; কিন্তু, পরিশেষে পরাজিত হইয়া, সেই স্থান হইতে প্রস্থান করেন । এই শেষোক্ত যুদ্ধে ইংরাজদিগের এক ব্যক্তি সাংঘাতিকরূপে আহত হইয়াছিলেন ।

ইহা ব্যতীত, কয়েদী ও দ্রব্যাদির সহিত প্রত্যাগমন করিবার সময় পশ্চিমধ্যে আরও ১৫০ জন বুরর আসিয়া ইংরাজদিগকে বাধা দেন, ও যেস্থান দিয়া তাঁহারা প্রত্যাগমন করিতে-ছিলেন, তাহার দুইপার্শ্বের পাহাড়গুলির উপর উহারা আরোহণ

করিয়া, ইংরাজদিগের গতিরোধ করিবার চেষ্টা করেন। কিন্তু, পথ পরিভ্রমণ পূর্বক পথ পরিত্যাগপূর্বক অপর একটা পথ দিয়া প্রিটোরিয়ায় আসিয়া উপস্থিত হন বলিয়া, তাঁহারা পথিমধ্যে শত্রুগণের দ্বারা আর আক্রান্ত হন না।

এই যুদ্ধে ইংরাজদিগের ৭ জন হত বা বিশেষ গুরুতর-রূপে আহত ও ১৪ জন আহত হন। তদ্ব্যতীত, কাশ্বেন সেম্পসন্ (Sampson) তাঁহার অধীনস্থ সৈন্য পরিচালনের সময় সাংঘাতিকরূপে আহত হইয়াছিলেন।

বুয়রদিগের পাঁচটা বৃত্তদেহ দেখিতে পাওয়া যায়; তদ্ব্যতীত, অনেকেগুলি অশ্ব আরোহিশূন্য হইয়াছিল। তাহাদিগের আরোহী হত কি আহত হয়, অথবা তাঁহাদিগের নিয়মানুসারে যুদ্ধ করিবার সময় ঘোড়া ছাড়িয়া দিয়াছিলেন, তাহা ঠিক করা সহজ নহে।

১১ই জানুয়ারী তারিখে, একজন কর্মচারী করেকজন সৈন্তের সহিত করেকখানি গাড়ী ও একটা ঘাস কাটিবার যন্ত্র লইয়া ইলাওন্স কন্টিন (Elandsfontein) নামক স্থানে ঘাস কাটিবার মানসে গমন করেন। সেই স্থানে উপস্থিত হইবার পরই, করেকজন বুয়র আসিয়া তাঁহাদিগের কশ্মে বাধা দিতে চেষ্টা করেন; স্মরণ্য, সৈন্তগণ তাঁহাদিগের সহিত যুদ্ধ করিতে প্রবৃত্ত হন। যখন তাঁহারা পূর্বকথিত বুয়রদিগের সহিত যুদ্ধ করিতে ব্যস্ত ছিলেন, সেই সময় অপর একদল বুয়র অস্ত্র দিক্ হইতে সেই স্থানে আসিয়া উপস্থিত হন, ও গাড়ী, অশ্বতর এবং ঘাস কাটিবার যন্ত্র প্রভৃতি সমস্তই লইয়া প্রস্থান করেন।

যে সকল বুয়রগণ এইরূপে যুদ্ধ করেন, বা যাহারা ঐরূপে গাড়ী, অশ্বতর প্রভৃতি লইয়া প্রস্থান করিয়াছিলেন, তাঁহারা

ইলাণ্ডস্ ফন্টিন (Elandsfontein) অর্থাৎ পূর্বকথিত এক নদ্বয়ের লেগার হইতে আসিয়াছিলেন ; স্মৃতরাং, ঐ লেগার আক্রমণ করিয়া, উহা একেবারে নষ্ট করিয়া দেওয়াই স্থির হয়।

১৬ই জানুয়ারী তারিখে, লেফ্টেনেন্ট-কর্ণেল গিল্ডিয়া (Lt. Col. Gildea) ৩টা কামান, ১৭০ জন অশ্বারোহী ও ৩০০ শত পদাতিক সমভিব্যাহারে প্রাতঃ ৪টার সময় প্রিটোরিয়া পরিভ্রমণ পূর্বক প্রস্থান করিলেন। বাইবার সময় লেফ্টেনেন্ট লিটলডেলের (Lieutenant Littledale) সমভিব্যাহারে কয়েকজন লোক, তাঁহারা যে দিকে গমন করিতেছিলেন, ঠিক তাহার বিপরীত দিকে এই উদ্দেশ্যে প্রেরণ করিলেন যে, তাঁহারা কিছু দূরে গমন করিয়া একস্থানে ডিনামাইটে অগ্নি প্রদান করিবেন। কারণ, ডিনামাইটে অগ্নি সংযুক্ত হইবান্ন এক ভয়ানক শব্দ উথিত হইবে; ঐ শব্দ শুনিয়া ইংরাজগণ সেইস্থান আক্রমণ করিয়াছেন, এই ভাবিয়া বুয়রগণ নিশ্চয়ই সেইদিকে ধাবিত হইবেন। স্মৃতরাং, গিল্ডিয়া যেস্থান আক্রমণ করিতে বাইতেছেন, তাহা অনায়াসেই অধিকার করিতে পারিবেন।

লিটলডেল ঠিক পরামর্শ মত কার্য্য করিলে, ইংরাজদিগের উদ্দেশ্য অনেক পরিমাণে সাধিত হইত।

গিল্ডিয়া তিন মাইল গমন করিয়াই, বামপার্শ্বের একটা পাহাড়ের উপর ৫০ জন মাত্র পদাতিক রাখিয়া অগ্রবর্তী হইতে লাগিলেন। সম্মুখে গমন করিয়া দেখিলেন, বুয়রগণ ঐহাদিগের আগমনবার্তা অবগত হইতে পারিয়াছেন। তাঁহার দুই পার্শ্বে যে দুইদল অশ্বারোহী সৈন্য ছিল, তাঁহারাও দুই

পার্শ্বের দুইটা পাহাড়ে আশ্রয় গ্রহণ করিলেন। তাঁহাদিগের এই উদ্দেশ্য রহিল যে, সম্মুখবর্তী বুয়রদিগের সাহায্যার্থ অপরাধা হারা আগমন করিবেন, তাঁহারা তাঁহাদিগের পুনরায় সাহায্য করিবেন।

তাঁহাদিগের সঙ্গে যে সকল গাড়ী ছিল, উহাদ্বারা সেই-স্থানে একটা লেগার নির্মাণ করিয়া, তাহার মধ্যে একদল সৈন্ত স্থাপন করিলেন। এই সৈন্তগণকে এইখানে রাখিবার উদ্দেশ্য এই যে, যেখানে যখন বিশেষ প্রয়োজন হইবে, সেই সময় তাঁহারা সেইখানে গিয়া সাহায্য করিবেন।

এইরূপে সৈন্ত সকলের সমাবেশ করিয়া, অবশিষ্ট সৈন্তের সাহায্যে সেনাপতি বুয়রদিগের লেগারের উপর গোলা নিক্ষেপ করিতে আরম্ভ করিলেন।

বুয়রদিগের লেগার এরূপভাবে পাহাড়ের অন্তরালে স্থাপিত হইয়াছিল যে, সমস্ত দিবস গোলাবর্ষণ করিয়াও তাঁহাদিগের কিছুমাত্র ক্ষতি করিতে সমর্থ হইলেন না। অধিকন্তু, বুয়রগণ গোলার মুখ বাঁচাইয়া দলে দলে সাহায্যার্থ উপস্থিত হইতে লাগিলেন; তাঁহাদিগের মধ্যে অনেকেই যেখানে ডিনামাইটের শব্দ হইয়াছিল, সেইখানে গমন করিয়াছিলেন। কিন্তু, সেই-স্থানে কিছুমাত্র বেধিতে না পাইয়া প্রকৃত যুদ্ধস্থানে আসিয়া উপস্থিত হইতে লাগিলেন। তাঁহারা যে দিক দিয়া উপস্থিত হইতে লাগিলেন, সেইদিকের পাহাড়ের উপর যে অস্বারোহী দল ছিল, তাঁহারা ইতিপূর্বেই এই পাহাড় হইতে অবতরণ করিয়াছিলেন। স্তম্ভরাং, নবাগত বুয়রগণ বিশেষরূপ বাধাপ্রাপ্ত হইলেন না। এইরূপে নব-বলে বলীমান হইয়া

ঔহারা প্রাণপণে যুদ্ধ করিতে লাগিলেন ; কিন্তু, ঐ যুদ্ধে যে কাহার জয় বা পরাজয় হইল, তাহার কিছুই স্থির হইল না। অনেক পরিস্রিত বুয়রদিগকে সেই স্থানে আসিতে দেখিয়া ইংরাজগণ ক্রমে পশ্চাৎপদ হইতে লাগিলেন। বুয়রগণও ঔহাদিগের সহিত যুদ্ধ করিতে করিতে ঔহাদিগের পশ্চাৎ পশ্চাৎ অনেক দূর পর্য্যন্ত আসিয়াছিলেন।

ইহাতে বুয়রদিগের যে কত হত বা আহত হইয়াছিল, তাহা বলা যায় না। কিন্তু, ঔহাদিগের হেনিং প্রিটোরিয়াস্ (Henning Pretorius) নামক একজন প্রধান নেতা আহত হইয়াছিলেন। ইংরাজপক্ষেও দুইজন হত ও আটজন আহত হইয়াছিলেন।

এইরূপে পরিশ্রান্ত হইয়া, যখন ঔহারা শিবিরের ভিতর প্রবেশ করিতেছিলেন, সেই সময় শিবিরের পশ্চিমদিক হইতে কামানের ধ্বনি ঔহাদিগের কর্ণগোচর হইল। দ্রুতপদে সেই দিকে গমন করিয়া দেখিলেন যে, একদল বুয়র সেই দিকের শিবিরের সন্নিকটস্থ দুর্গ আক্রমণ করিতে চেষ্টা করিতেছেন ; এই অবস্থা দেখিয়া, ঔহারা ঔহাদিগের উপর গোলা নিক্ষেপ করিতে আরম্ভ করিলেন। প্রবল কামানের মুখে দণ্ডায়মান হইতে না পারিয়া, বুয়রগণ সেইস্থান হইতে পলায়ন করিলেন।

২১শে জানুয়ারী তারিখে, একজন সিভিলিয়ান অনেক কষ্টে নেটাল হইতে সার জর্জ কোলির (Sir George Colley) প্রেরিত একখানি পত্র আনিয়া, প্রিটোরিয়ার উপস্থিত হইলেন। ঐ পত্রখানি আনিতে ঔহাকে ১৭ দিবস রাতার অভিযাত্রা করিতে

হইয়াছিল । ঐ পত্র পাইয়া সেইস্থানের সেনাপতি জানিতে পারিলেন, ইংলণ্ড ও ভারতবর্ষ হইতে তাঁহাদিগের সাহায্যার্থ সৈন্ত সকল আগমন করিতেছে । সেই সকল সৈন্ত উপস্থিত হইবামাত্র প্রিটোরিয়ান প্রেরিত হইবে ।

৪ঠা ফেব্রুয়ারী তারিখে, একজন দেশীয় লোক আসিয়া সংবাদ প্রদান করিল যে, সহরের আট মাইল দূরে বুয়রগণ একটা লেগার প্রস্তুত করিয়াছেন । এই সংবাদ পাইয়া কর্ণেল বেলেরার্স (Colonel Bellairs) কতকগুলি সৈন্ত লইয়া, সেইদিকে গমন করিলেন । কিন্তু, কোন স্থানে কিছু দেখিতে না পাইয়া, তিনি পুনরায় প্রত্যাবর্তন করিলেন ।

এই ঘটনার কয়েক দিবস পরেই অর্থাৎ ১২ই ফেব্রুয়ারী তারিখে, ইংরাজদিগের দৃষ্টি রেডহাউস্ (Red House) নামক লেগারের উপর পতিত হয় । পাঠকগণের স্মরণ থাকিতে পারে যে, এইস্থানে ইংরাজ-সৈন্ত পূর্বে আর একবার প্রেরিত হইয়াছিলেন ; কিন্তু, সেই সময় বিকলমনোরথ হইয়া ইংরাজদিগকে প্রত্যাবর্তন করিতে হয় ।

এই সময় তিনটী কামান ও উপস্থিত মত কতকগুলি সৈন্ত লইয়া লেক্টেনেন্ট-কর্ণেল গিলডিয়া (Lieutenant-Colonel Gildea) পুনরায় সেইদিকে, রাত্রি ছইটার সময় যাত্রা করিলেন । পাছে বুয়রগণ পূর্বে হইতে এই সংবাদ জানিতে পারেন, এই আশঙ্কার অঙ্ককার রজনীতে সকলে শিবির পরিত্যাগ করিলেন ; কিন্তু কোথায় যে গমন করা হইতেছে, ভাঁহার প্রকৃত তত্ত্ব সৈন্তগণ পর্য্যন্তও অরগত হইতে পারিলেন না ; তথাপি বুয়রগণের নিকট, কিন্তু, তাহা গোপন রহিল না ; ইংরাজ-সৈন্ত-

গণ সেইস্থানে উপস্থিত হইবার পূর্বেই, তাঁহাদিগের অভিসন্ধির বিষয় বুয়রগণ অবগত হইতে পারিয়া, প্রস্তুত হইয়া রহিলেন ।

লেফ্টেনেন্ট কর্ণেল গিলডিয়া কতক সৈন্ত তাঁহার বামপার্শ্ব ও কতক দক্ষিণপার্শ্ব রক্ষা করিতে নিযুক্ত করিয়া, তিনি সম্মুখ হইতে বুয়রদিগের লেগার আক্রমণ করিলেন । বুয়রগণ পূর্ব হইতেই প্রস্তুত হইয়াছিলেন, সুতরাং তাঁহারাও সম্যক্রূপ প্রত্যুত্তর প্রদান করিতে লাগিলেন । উভয়পক্ষে ভয়ানক গুলি বর্ষণ আরম্ভ হইল ; তোপ সকল অনবরত গোলারাশি উদগীরণ করিতে লাগিল ; এইরূপে উভয়পক্ষে ভয়ানক সংগ্রাম চলিতেছে, এক্রূপ সময় ইংরাজগণ অত্যন্ত বিষয়ের সহিত দেখিতে পাইলেন, অনেকগুলি বুয়র অঝারোহী তাঁহাদিগের পার্শ্বদেশ বেষ্টন-পূর্বক একেবারে পশ্চাৎভাগে গমন করিয়া, তাঁহাদিগের উপর ভয়ানক গুলিবৃষ্টি আরম্ভ করিয়াছেন । তাঁহারা এই সময়ে কোনদিক্ রক্ষা করিবেন, তাহার কিছুই স্থির করিয়া উঠিতে পারিতেছেন না । এমন সময় বুয়রদিগের একটা গুলি আসিয়া, সেনাপতি গিলডিয়াকে আহত করিয়া ফেলিল । এইরূপ অবস্থায় সৈন্তগণ একেবারে বিশৃঙ্খল হইয়া পড়িল ; আহত হইয়াও সেনাপতি গিলডিয়া অনেক কষ্টে সৈন্তগণকে শৃঙ্খলে আনিলেন সত্য, কিন্তু এক্রূপ অবস্থায় তাঁহাদিগের যুদ্ধ করা আর কর্তব্য নহে ভাবিয়া, সৈন্তগণকে পশ্চাৎপদ হইতে আদেশ প্রদান করিলেন । আদেশ প্রতিপালিত হইল ; প্রত্যাগমন সন্ময়েও বুয়রগণ ইংরাজ-সৈন্তগণকে পশ্চিমধ্যে আক্রমণ করিতে চেষ্টা করিয়াছিলেন ; কিন্তু, কৃতকার্য হইতে পারেন নাই ।

এই যুদ্ধে ইংরাজদিগের মধ্যে একজন হত ও ১৭ জন আহত হন । ঐ আহতগণের মধ্যে দুইজন ছিলেন প্রধান কর্মচারী,— লেফটনেন্ট-কর্ণেল গিলডিয়া ও কাপ্তেন সেন্‌চুয়ারী । গিলডিয়া অনেক কষ্ট পাইয়া পরিশেষে আরোগ্য লাভ করিয়াছিলেন ; কিন্তু, কাপ্তেন সেন্‌চুয়ারী আরোগ্য লাভ করিতে পারেন নাই ।

বুয়রদিগের যে কি ক্ষতি হইয়াছিল, তাহা কাগজ পত্রে প্রকাশিত নাই ।

এই ঘটনার পর প্রিটোরিয়ায় সৈন্তগণের সহিত বুয়রদিগের আর কোন যুদ্ধ হয় না । সন্ধির সঙ্গে সঙ্গে সমস্ত গোলযোগ মিটিয়া যায় ; সন্ধির সমস্ত বিবরণ পাঠকগণ ক্রমে জানিতে পারিবেন ।





অষ্টম পার্শ্বদ ।

ইংরাজ ও বুয়রদিগের মধ্যে কয়েকটা ক্ষুদ্র ক্ষুদ্র যুদ্ধ ।

যে সময় বুয়রগণ প্রিটোরিয়া, পট্‌চেসবট্‌রুম, লিডেনবার্গ প্রভৃতি স্থান সকল আক্রমণ করেন, সেই সময় আরও কয়েকটা স্থান তাঁহাদিগের দ্বারা আক্রান্ত হইয়াছিল; তাহার মধ্যে নিম্নলিখিত কয়েকটা স্থান উল্লেখ-যোগ্য ।

১। * ২৭শে ডিসেম্বর তারিখে, ৬০০ শত বুয়র রুস্টেনবার্গ (Rustenberg) নামক নগর দখল করিয়া, ঐ স্থানের দুর্গ বেটন করিয়া ফেলেন, ও দুর্গের মধ্যস্থিত ইংরাজ-সৈন্তগণকে আত্মসমর্পণ করিবার নিমিত্ত সংবাদ প্রদান করেন ।

* See Chapter V. The Transvaal War. 1880-81.
By Lady Bellairs,

কিন্তু, ইংরাজগণ সেই প্রভাবে সন্ত্রস্ত না হওয়ার, ৮ই জানুয়ারী তারিখে, দুর্গের বাহিরে একটি কামান স্থাপিত করিয়া, ঐ দুর্গ ভাঙ্গিয়া ফেলিবার নিমিত্ত বুরগণ বিধিমত চেষ্টা করেন। দুর্গের মধ্যে যে সামান্য সৈন্ত ছিল, তাঁহারা একটি কামানের সাহায্যে, বুরগদিগের কামান একেবারে নিস্তক করিয়া দেন। এইরূপে উভয়পক্ষ হইতে গোলাগুলি বর্ষণ করিতে করিতে কিছু দিবস অতিবাহিত হইয়া যায়।

বুরগণ মৃত্তিকা খনন করিয়া, তাহার মধ্যে বসিয়া যুদ্ধ করিবার নিমিত্ত একটি স্থান প্রস্তুত করিয়াছিলেন। ৪ঠা ফেব্রুয়ারী রাত্ৰিতে ইংরাজ-সেনাপতি কাপ্তেন আচিন্লেক (Captain Auchinlek) ৯ জন মাত্র সুশিক্ষিত-সৈন্ত সম্বলিত অসীম সাহসের উপর নির্ভর পূর্বক দুর্গ হইতে বহির্গত হইয়া, তাহা ভাঙ্গিয়া দিবার মানসে, উহার প্রায় ৬০ হস্তের মধ্যে গিয়া উপনীত হন। বুরগণ ইহা জানিতে পারিয়া তাঁহাদিগের উপর গুলিবর্ষণ আরম্ভ করেন। ইহারাও তাহার যথাযথ প্রত্যুত্তর প্রদান করিতে থাকেন। এই সামান্য যুদ্ধে ইংরাজ-সেনাপতি সাংঘাতিকরূপে আহত হন।

এই ঘটনার পরই অর্থাৎ ৭ই ফেব্রুয়ারী তারিখে, ঐ দুর্গ একেবারে জলে ভাসাইয়া দিবার নিমিত্ত বুরগণ বিশিষ্ট-রূপ চেষ্টা করেন, কিন্তু তাহাতেও কৃতকার্য হইতে পারেন না।

৩০শে মার্চ তারিখ পর্যন্ত ইংরাজগণ এইরূপ বিবম কষ্ট ও অসুবিধায় দিনযাপন করিয়াও, কিন্তু কোন প্রকারেই আত্ম-সমর্পণ করিলেন না। পরিশেষে উভয়পক্ষে এক সন্ধি হইয়া ইংরাজ-সৈন্তগণের কষ্টের লাঘব হয়।

২। * সেই সময় অপর একদল বুঘরসৈন্য মেরা-বেস্টেড্ (Marabastadt) দুর্গ বেটন করিয়া, ৬ই জানুয়ারী তারিখে সেইস্থানের বিচারালয় অধিকারশূন্যক, ইংরাজদিগের কাগজ পত্র ও টাকা কড়ি প্রভৃতি যাহা কিছু সেই স্থানে ছিল, তাহা সমস্তই অধিকার করিয়া লন।

ইহার পরেই অর্থাৎ ১৯শে জানুয়ারী তারিখে, ১৫ জন অস্ত্রধারী পুলিশ ও নগর রক্ষার্থ নিযুক্ত ১০ জন সত্বে সৈন্তের সহিত বুঘরদিগের একটা দ্বন্দ্ব যুদ্ধ হয়। ইহাতে ইংরাজপক্ষ হইতে ১ জন হত ও ৪ জন আহত হওয়ার, তাঁহারা সেই স্থান হইতে আপন স্থানে আগমন করেন।

১৭ই মার্চ তারিখে, বুঘরগণ দুইটা কামান আনিয়া ঐ দুর্গ একেবারে ছুমিসাৎ করিবার চেষ্টা করেন। প্রথম দিবসই কামানের গোলা লাগিয়া একজন ইংরাজ সৈনিক সাংঘাতিকরূপে আহত হন। সেই দিন হইতেই ইংরাজগণের বন্দোবস্ত অস্থায়ী সেই দুর্গের নিকটস্থ স্থানে এক জন বসিয়া পাহারা দিতে আরম্ভ করেন। কামানের ধুম দেখিবারাত্রই সেই ব্যক্তি যেমন সঙ্কেত করিতেন, অমনি দুর্গের মধ্যস্থিত সকলে বিশেষরূপে সতর্ক হইতেন; হুতরাং, তাঁহারা আর প্রায় হত বা আহত হইতেন না।

২রা এপ্রেল তারিখে, ইংরাজ ও বুঘরদিগের সহিত সন্ধি স্থাপিত হইয়াছে, এই সংবাদ প্রিটোরিয়া হইতে সেইস্থানে

* See despatches of Captain Brook in the Parliamentary Blue Books.

আসিয়া উপস্থিত হয়। এই সংবাদ পাইয়া বৃন্দরগণ ১৩ই এপ্রেল তারিখে সেইস্থান পরিত্যাগ করিয়া, প্রিটোরিয়ার প্রস্থান করেন ।

৩। * ২৯শে ডিসেম্বর তারিখে, ষ্টেনডারটন (Standerton) দুর্গের মধ্যে যে সকল ইংরাজসৈন্য ছিলেন, তাঁহারা সংবাদ পাইলেন যে, কতকগুলি বৃন্দর অশ্বারোহী তাঁহাদিগের দুর্গাভিমুখে আগমন করিতেছেন। এই সংবাদ পাইয়া, উহা সত্য কি না, তাহা জানিবার নিমিত্ত, ২৫ জন অশ্বারোহী দুর্গ হইতে বহির্গত হইলেন। কিছুদূর গমন করিবার পর হঠাৎ দেখিতে পাইলেন, তাঁহাদিগের বামপার্শ্ব হইতে একদল বৃন্দর অশ্বারোহী তাঁহাদিগের দিকে ধাবিত হইয়াছে। এই অবস্থা দেখিয়া, ইংরাজ-অশ্বারোহিগণ দুর্গাভিমুখে গমন করিতে লাগিলেন। বৃন্দর-অশ্বারোহিগণও গুলি মারিতে মারিতে দশ মিনিট কাল পর্যন্ত তাঁহাদিগের পশ্চাৎ পশ্চাৎ ধাবিত হইতে লাগিলেন। দুর্গমধ্যস্থিত ইংরাজগণ এই সংবাদ জানিতে পারিয়া, তাঁহাদিগের সাহায্যার্থ একদল পদাতিক প্রেরণ করেন। উহাদিগের সাহায্যে অশ্বারোহিগণ বৃন্দরদিগের হস্ত হইতে পরিত্রাণ পাইয়া, পরিশেষে দুর্গমধ্যে প্রবেশ করিতে সমর্থ হন। এই সামান্য যুদ্ধে ইংরাজদিগের ৫ জন অশ্বারোহী হত ও আহত হইয়াছিলেন।

৩০শে ডিসেম্বর তারিখে বৃন্দরগণ দূর হইতে ঐ দুর্গ অবরোধ করিয়া ফেলিলেন ।

* See Blackwood's Magazine for July and August of 1881.

১৮৮১ সালের ৪ঠা জানুয়ারী তারিখে মেজর মন্টেগু (Major Montague) নামক একজন ইংরাজ সেনানী হুর্গের নিকটবর্তী স্টেনডরস্ কপ্ (Standar's Kop) নামক পাহাড়, যাহার উপর কতকগুলি বুরর-সৈন্ত থাকিত, তাহা বুরর-শূন্ত দেখিয়া, নিজের ৩০ জন সখের সৈন্ত তাহার উপর স্থাপিত করিলেন। আরও ৩০ জন অশ্বারোহীকে ঐ পাহাড়ের অপর পার্শ্ব দিয়া উন্মিত হইবার আজ্ঞা প্রদান করিলেন। কিন্তুক্ৰণ পরে ঐ অশ্বারোহীগণ প্রত্যাবর্তন করিয়া কহিলেন, যে দিক দিয়া, তাঁহারা ঐ পাহাড়ে উঠিবার নিমিত্ত গমন করিতেছিলেন, সেইদিকে অনেকগুলি বুররসৈন্য রহিয়াছেন।

এই সংবাদ পাইয়া মেজর মন্টেগু তাঁহার সমস্ত সৈন্ত-গণকে হুর্গের মধ্যে প্রবেশ করিতে আদেশ প্রদান করিলেন; আদেশ পাইয়া যেমন তাঁহারা সেই স্থান পরিত্যাগ করিলেন, অমনি একদল বুরর আসিয়া তাঁহাদিগকে আক্রমণপূর্বক, তাঁহাদিগের উপর গুলিবর্ষণ আরম্ভ করিলেন।

ইহাদিগকে এইরূপ বিপদগ্রস্ত দেখিয়া, প্রায় দশ মিনিটের মধ্যেই হুর্গ হইতে আর একদল সৈন্ত বহির্গত হইয়া, অপর পার্শ্ব হইতে বুররগণকে আক্রমণ করিলেন। দুই দিক হইতে আক্রান্ত হওয়ার, বুররগণ অনন্তোপায় হইয়া, সেই স্থান হইতে পলায়ন করিলেন।

এই সময় ৫০ জন বুরর ঐ নগরের ১৮০০ শত হাত বস্ত্রিষ্ঠাগে ও ভালনদীর অপরপার্শ্বে দণ্ডায়মান হইয়া, গোলা-বর্ষণ করিতে সমর্থ হন, এইরূপ একটা উচ্চস্থান মৃত্তিকা

দিয়া প্রস্তুত করিতেছিলেন। ইংরাজগণ এই সংবাদ জানিতে পারিয়া, ঐ স্থানটা ভয় করিয়া শনিবার প্রস্তাব করিলেন। কারণ, যদি উঁহারা ঐ স্থানটা নির্মাণ করিয়া উঁহার উপরে কামান বসাইতে সমর্থ হন, তাহা হইলে, কেবল মাত্র যে সেই নগরীর সম্পূর্ণরূপে বিপদ হইবে, তাহা নহে; সঙ্গে সঙ্গে দুর্গেরও বিশেষরূপে ক্ষতি হইবে।

এই স্থানটা ভাঙ্গিয়া দেওয়া সাব্যস্ত হইল সত্য, কিন্তু কিরূপ উপায়ে ও কাহাচার উহা ভাঙ্গিয়া দেওয়া যাইতে পারে, তাহা স্থির করা একরূপ কঠিন হইয়া পড়িল।

এই অবস্থা দেখিয়া, দুইজন দেশীয় কয়েদী, যাহারা সেই সময় সেই স্থানের জেলের মধ্যে আবদ্ধ ছিল, তাহারা আপন আপন প্রাণের মায়্যা পরিত্যাগ পূর্বক, ঐ কার্য সম্পন্ন করিতে বদ্ধপরিকর হইল। সুযোগ বুঝিয়া উঁহারা দুইটামাত্র বন্দুক হস্তে গই জম্মুরী তারিখে, ভালমদী পার হইয়া পড়িল। ঐ স্থানের নিকট বুয়রদিগের একটা তৃণনির্মিত ঘর ছিল; উঁহারা গিয়াই, প্রথমে সেই ঘরে অগ্নি প্রদান করিল। ঘরখানি দেখিতে দেখিতে প্রজ্জলিত হইয়া গেল; কিন্তু, বুয়রগণ তাহার কোনরূপ প্রতিকার করিলেন না। এই অবস্থা দেখিয়া কয়েদিগর যে স্থানটা ধ্বংস করিবার মানসে সেই স্থানে গমন করিতেছিল, আন্তে আন্তে সেই স্থানের ভিতর প্রবেশ করিল। সেই সময় সেইস্থানে বুয়রদিগের কেহই ছিল না; সুতরাং, অনায়াসেই তাহারা কেবল মাত্র যে আপনাদিগের অতীষ্ট সিদ্ধ করিল, তাহা নহে; সেইস্থানে বুয়রদিগের যে সকল যজ্ঞাদি ছিল, তাহার সমস্তই একেবারে নষ্ট করিয়া দিল।

এইরূপে আপন উদ্দেশ্যসিদ্ধ করিয়া প্রত্যাগমন করিবার কালীন কয়েকজন বুয়র আঙ্গিরা তাহাদিগের উপর গুলিবর্ষণ আরম্ভ করিলেন । উহারায় আপন আপন হস্তস্থিত বন্দুকের দ্বারা তাহার উত্তর প্রদান করিতে করিতে ভালুদী পার হইয়া আপন আপন স্থানে প্রত্যাগমন করিল । দেশীয় কয়েদিগ্নয় যেরূপ সাহসের সহিত এই কার্য সম্পন্ন করিয়া আঙ্গিরাছিল, তাহা যদি কোন সৈনিক পুরুষের দ্বারা সম্পন্ন হইত, তাহা হইলে তিনি নিশ্চয়ই ভিক্টোরিয়া ক্রস (Victoria Cross) নামক পদক প্রাপ্ত হইতেন । কিন্তু, কয়েদিগ্নয়কে কেবলমাত্র তাহাদিগের কারাদণ্ডের অবশিষ্টাংশ হইতে নিষ্কৃতি প্রদান করা হয় ।

এই সময় বুয়রদিগের কমান্ডেণ্ট-জেনারেল জুবেরার (Commandant-General Joubert) একদিবস পূর্বকথিত স্টেনডারস্ কপ (Standar's Kop) নামক পাহাড়ে স্বয়ং আগমন করিয়া, ঐস্থানে একটা কামান স্থাপনের বন্দোবস্ত করিয়া দিয়া স্থানান্তরে গমন করেন ।

একস্থান হইতে অল্পস্থানে সংবাদ প্রেরণ করা কিরূপে দুৰূহ ব্যাপার হইয়া পড়িয়াছিল, তাহা পাঠকগণ, ইতিপূর্বেই অবগত হইতে পারিয়াছেন । এক একখানি পত্র প্রেরণ করিতে ইংরাজদিগকে সহস্র সহস্র মুদ্রা ব্যয় করিতে হইয়াছে । অনেকে অর্থলোভে পত্রবাহক হইয়া বুয়রদিগের নিকট কয়েদীরূপে পরিণত হইয়াছে ; কেহ বা আপন জীবনও হারাইয়াছে ; কিন্তু, একজন ছলু কিরূপ সাহসিকতার সহিত সেই সময় পত্রাদি বহন করিয়াছিল, তাহা এই স্থানে বর্ণনা করা একান্ত প্রয়োজন ।



সংবাদবাহী জুলু ।

একদিন একজন সৈনিক পুরুষ, জনৈক জুলুকে হুর্গের বাহিরে দেখিতে পান। কোথায় গমন করিবে ভিজ্ঞাসা করায়, সে কহে, 'হুর্গের সর্কপ্রধান সেনাপতির সহিত আমি দেখা করিতে চাহি।' এই কথা শুনিয়া সৈনিক তাহাকে তাঁহা-

দিগের সেনাপতির নিকট লইয়া যান ও সেনাপতির সহিত তাহার সাক্ষাৎ করাইয়া দেন। সে যখন দুর্গমধ্যে প্রবেশ করে, সেই সময় তাহার স্বকের উপর একগাছি লাঠি ছিল ও সেই লাঠির দুইপ্রান্তে তাহার কাপড়ের দুইটা পুঁটুলি বাঁধা ছিল। সে সেনাপতিকে একান্তে লইয়া গিয়া, তাহার হস্তে তাহার সেই লাঠি গাছটা প্রদান করে ও কহে, সে প্রিটোরিয়ান হইতে আগমন করিতেছে, প্রিটোরিয়ান সংবাদ এই লাঠির মধ্যে আছে। সেনাপতি তাহার কথা শুনিয়া, সেই লাঠি গাছটা কাটিয়া ফেলিলেন; দেখিলেন, জুলুর কথা সম্পূর্ণরূপে সত্য। প্রিটোরিয়ান যাহা কিছু ঘটনায়ে, ও যাহা কিছু ঘটতেছে, তাহার সমস্ত সংবাদ ও সেই প্রদেশীয় স্থান সকলের ও রাস্তাঘাটের ক্ষুদ্র ক্ষুদ্র নক্সা, প্রিটোরিয়ান একজন সেনাপতি শ্রার জর্জ কোলির নিকট প্রেরণ করিতেছেন। কারণ, তিনি জানিতেন, সেই সময় শ্রার জর্জের এইস্থানে আসিয়া উপস্থিত হইবার কথা। কিন্তু, বুয়রগণের প্রতিবন্ধকতা-চরণে তিনি সেইস্থানে উপস্থিত হইতে পারেন নাই। দুর্গের সেনাপতির বিশ্বাস ছিল যে, সেই সময় শ্রার জর্জ কোলি নেটালে আছেন। এই বিশ্বাসের উপর নির্ভর করিয়া জুলু আনীত ঐ সকল কাগজ পত্র ও নিজের সংবাদাদি পুনরায় সেইরূপ ভাবে আর একগাছি লাঠির মধ্যে রাখিয়া, ঐ লাঠি কোলীর নিকট লইয়া যাইবার মানসে, পুনরায় সেই জুলুর হস্তে প্রদান করেন। জুলু ঐ লাঠিসহ গমন করিবার কালীন পথিমধ্যে বুয়রদিগের দ্বারা ধৃত হয়। কিন্তু, তাহার লাঠির মধ্যে যে চিঠি পত্র আছে, তাহার বিষয় কিছুমাত্র অবগত হইতে

না পরিয়া, বুয়রগণ কেবলমাত্র ৫ দিবস ঐ জুলুকে কয়েদ রাখিয়া ছাড়িয়া দেন। এইরূপে বুয়রদিগের হস্ত হইতে নিষ্কৃতি পাইয়া, সেই জুলু স্বাধীন অরোজ প্রদেশ অতিক্রম পূর্বক, পরিশেষে ঐ লাঠি লইয়া গিয়া শার জর্জ কোলীর হস্তে প্রদান করে।

ঐ জুলুর এইরূপ সাহসিকতায় ইংরাজগণ বিশেষরূপ সন্তুষ্ট হন ও পরিশেষে দশটা গরুর মূল্য বাবদ তাহাকে ৪৫০ টাকা প্রদান করেন।

৭ই ফেব্রুয়ারী তারিখে, ইংরাজগণ একবার বুয়রদিগকে আক্রমণ করেন। হুর্গের বহির্ভাগে বড় বড় তৃণাদি থাকা প্রযুক্ত সময় সময় বুয়রগণ লুকায়িতভাবে সেই সকল তৃণাদির মধ্য দিয়া আসিয়া, ইংরাজদিগের বিশেষরূপ ক্ষতি করিতে আরম্ভ করিয়াছিলেন।

হুর্গের সেনাপতি মেজর মণ্টেগু রাজিকালে ৭০ জন অশ্ব-রোহী সৈনিককে নিকটবর্তী বুয়রদিগের একটা লেগার আক্রমণ করিবার নিমিত্ত প্রেরণ করেন। যে লেগার আক্রমণ করিতে ইচ্ছা করিয়াছিলেন, সেই লেগারস্থিত বুয়রগণের সাহায্যার্থ অপর লেগারের বুয়রগণ আসিতে না পারেন, এই নিমিত্ত তাঁহাদিগের আসিবার রাস্তায় তৃণাদির মধ্যে, তিনি নিজে ৭০ জন পদাতিক সৈন্তের সহিত শায়িত অবস্থায় থাকেন। কিন্তু, সৈন্তগণ হুর্গ হইতে বহির্গত হইবার পরই, শীতল বায়ুর সঙ্গে সঙ্গে এরূপ ভাবে বৃষ্টি পতন আরম্ভ হয় যে, ইংরাজ-সৈন্তগণকে বিশেষরূপে কষ্ট পাইতে হইয়াছিল। প্রত্যুষে ইংরাজগণ বুয়রদিগের লেগার হঠাৎ আক্রমণ করিলেন। সেই সময় বুয়রগণ তাঁহাদিগের আক্রমণসম্বন্ধে একেবারে অনভিজ্ঞ ছিলেন; তথাপি, তাঁহারা

দ্রুতগতি প্রস্তুত হইতে লাগিলেন । কেহ বন্দুক ছুড়িতে আরম্ভ করিলেন, কেহ গুলিবাদ্য সংগ্রহ করিতে ছুটিলেন, কেহ বা অশ্বগণের পৃষ্ঠে জিন কসিতে বসিলেন । দেখিতে দেখিতে অপর লেগার হইতে বুয়রগণ তাঁহাদিগের সাহায্যার্থ আগমন করিতে লাগিলেন ।

যেস্থানে তৃণাদির মধ্যে মেজর মণ্টেগু সাহায্যকারী বুয়র-দিগকে আক্রমণ করিবার নিমিত্ত লুকায়িত ছিলেন, ঠিক তাহার পার্শ্বে একদল বুয়রসৈন্য আসিয়া, ইংরাজ-আক্রমণকারি-গণকে ধৃত করিবার মানসে লুকায়িত রহিলেন । কিন্তু, পরস্পর পরস্পরের বিষয় কিছুমাত্র অবগত হইতে পারিলেন না । বুয়রগণ এইরূপে কিছুক্ষণ লুকায়িত থাকিবার পর, যখন দেখিতে পাইলেন যে, সেইস্থানে কোন ইংরাজসৈন্য আগমন করিলেন না, তখন তাঁহারা সেইস্থান হইতে উঠিয়া যে লেগার ইংরাজগণ আক্রমণ করিয়াছিলেন, সেই দিকে গমন করিলেন ।

ইহার কিয়ৎক্ষণ পরেই মেজর মণ্টেগু দুইজন সেনাপতির সহিত ৫০ জন বুয়র সৈন্যকে যেরূপ ভাবে আক্রমণ করেন, তাহা তাঁহার নিজ লেখনী হইতেই নিম্নলিখিতরূপে প্রকাশিত হইয়াছে ।—

“যখন আমরা বৃষ্টিজলে ভিজিয়া ভিজিয়া, শীতে কাঁপিতে কাঁপিতে সেই তৃণের মধ্যে শায়িত রহিয়াছি, সেই সময় দেখিতে পাইলাম ৫০ জন অস্বারোহী বুয়রের সমভিব্যাহারে একজন প্রকাণ্ডকার্থ বুয়র আমাদের নিকট দিয়া ধীরে ধীরে গমন করিতেছেন ; ও সেই সঙ্গে সঙ্গে অতিশয় দক্ষ সেনাপতির

শ্রায় একব্যক্তি একটা খেতাখারোহণে গমন করিতেছেন। এই অবস্থা দেখিয়াই আমি তাঁহাদিগের উপর একেবারে গুলি বর্ষণ করিবার আদেশ দিয়া উঠিয়া দাঁড়াইলাম। দেখিতে দেখিতে ৭০ জন সৈন্তের হস্তস্থিত বন্দুক হইতে অনবরত গুলিবর্ষণ আরম্ভ হইল; সেই প্রকাণ্ডকার বীরপুরুষের উপর এত গুলি একেবারে নিক্ষিপ্ত হইল যে, তিনি আর অস্থপৃষ্ঠে থাকিতে পারিলেন না; অশ্বের গলা জড়াইয়া ধরিয়া দ্রুতগতি অশ্চালনাপূর্বক, সেইস্থান হইতে প্রস্থান করিয়া আপন জীবন রক্ষা করিলেন। পরিশেষে ইহাকে অটো (Mr. Otto) নামক একজন সেনানী বলিয়া জানিতে পারিয়াছিলাম।

খেতাখারোহীও আমাদের সৈন্তগণকর্তৃক আক্রান্ত হইয়া দ্রুত অশ্চালনে সেইস্থান হইতে প্রস্থান করিয়াছিলেন। পরিশেষে ইহাও জানিতে পারিয়াছিলাম যে, ঐ খেতাখারোহী ছিলেন,—স্বয়ং সেনাপতি ক্রঞ্জি (Cronje)। সন্ধির পর আমার সহিত তাঁহার সাক্ষাৎ হইলে, তিনি নিজ মুখে বলিয়াছিলেন, ঐ দিবসের বিপদের শ্রায় তিনি আর হঠাৎ ওরূপে বিপদে কখনও পতিত হন নাই। সেই দিবস আমাদের নিক্ষিপ্ত একটা গুলি তাঁহার মস্তকস্থিত টুপি ভেদ করিয়া চলিয়া গিয়াছিল; আর একটা গুলি অস্থপৃষ্ঠের জীন ছেদ করিয়াছিল, ও অপর একটা গুলি তাঁহার এক পায়ের জুতার হিল বা গোড়ালি ভাঙ্গিয়া দিয়াছিল। সেই দিবসের এই গোলযোগে বুয়রদিগের ১১ জন হত হয়।

এই ঘটনার কিছু দিবস পরেই একজন ইংরাজ-সার্জন একটু নেশার ঝোঁকে পাঁচজন মাত্র সৈন্ত লইয়া, বুয়রদিগকে

আক্রমণ করিবার নিমিত্ত একটা পাহাড়ের উপর উখিত হন ও সেইস্থান হইতে সাহায্য চাহিয়া পাঠান। তাঁহার সাহায্যার্থ একজন সৈন্য প্রেরিত হইয়াছিল; কিন্তু, তাঁহারা তাঁহার অনুসন্ধান প্রাপ্ত না হইয়া প্রত্যাগমন করেন। সার্জন সেই সময় পাহাড়ের উপরিস্থিত একটা জঙ্গলের মধ্যে লুকায়িত ছিলেন।

লুকায়িত থাকিবার কালীন ২০ জন বুয়রসৈন্যকে সেইস্থান দিয়া যাইতে দেখিয়া হঠাৎ তাঁহাদিগের উপর সেই সার্জন গুলি বর্ষণ করেন; উহাতে বুয়রদিগের একজন হত হন। কিন্তু, অবশিষ্ট সকলে সেইস্থান হইতে প্রস্থান করেন।

ইহার পরই বুয়রগণ তাঁহাদিগকে ঘিরিয়া ফেলেন। ইংরাজ-গণ যখন দেখিলেন যে, সার্জন এইরূপে বুয়রদিগের হস্তে পতিত হইতে বসিয়াছেন, তখন তাঁহারা দুর্গ হইতে সমস্ত সৈন্য লইয়া বুয়রদিগকে আক্রমণ করিবার ভাণে, সেইদিকে অগ্রসর হইতে থাকেন। ইহা দেখিয়া বুয়রগণ তাঁহাদিগকে আক্রমণ করিবার মানসে, যেমন ইংরাজ-সৈন্যগণের সম্মুখবর্তী হন, অমনি অপর দিক্ দিয়া সার্জন পাহাড় হইতে অবতরণ করিয়া, পাঁচজন সৈন্যের সহিত আপন জীবনরক্ষা করেন।

এই ঘটনার পর ২৬শে মার্চ তারিখে, ইংরাজগণ সংবাদ পাইলেন যে, উভয় দলে সন্ধি স্থাপিত হইয়াছে।





নবম পার্শ্বেদ ।

ওয়াকারষ্ট্রুম্ অধিকার চেষ্ঠা

ওয়াকারষ্ট্রুম্ (Wakkerstroom) ট্রান্সভালের মধ্যবর্তী আর একটা নগর। এই স্থানে ইংরাজদিগের কতকগুলি সৈন্ত থাকিতেন ।

১৮৮১ সালের ১১ই জানুয়ারী তারিখে, ব্যুরগণ আসিয়া ঐ নগর অধিকার করিয়া লইবার চেষ্ঠা করেন। কিন্তু, ইংরাজগণ পূর্বে হইতেই তাহার বিশেষ বন্দোবস্ত করিয়া রাখিয়াছিলেন। সহর রক্ষার্থ কতকগুলি সৈন্ত ও সখের সৈন্ত নিযুক্ত ছিলেন। বিচারালয় ভাঙ্গিয়া ফেলিয়া ডচ্দিগের একটা গির্জার সম্মুখবর্তী অন্তরাল দুরীভূত করিয়া, ঐ গির্জা ঘরেই সেনানিবাস সংস্থাপিত হইয়াছিল। শুভ্যতীত, ব্যুরগণ সেই নগর আক্রমণ করিবার পূর্বে ইংরাজগণ জানিতে পারেন যে,

বুয়রগণ গ্রাস্‌কপ্ (Grass Kop) নামক স্থানে একটা সভা করিবেন। ঐ সভায় কি হয় না হয়, তাহা জানিবার নিমিত্ত মিষ্টার ফকাস্ (Mr. Fawcus) নামক একব্যক্তি সেইস্থানে গুপ্তবেশে গমন করেন; কিন্তু, প্রত্যাগমন করিবার কালীন তিনি বুয়রদিগের হস্তে পতিত হন। সেই সময়ে তাঁহার পূর্বপরিচিত একজন বুয়রের অল্পকম্পায়, তিনি সেই যাত্রা পরিত্রাণ পান। ১১ই জানুয়ারী তারিখে, ইংরাজদিগের সহিত বুয়রদিগের একটা ক্ষুদ্র যুদ্ধ হয়; ঐ যুদ্ধে কতকগুলি দ্রব্যাদি ফেলিয়া বুয়রগণ পলায়ন করেন। পূর্বকথিত ফকাস্ (Mr. Fawcus) নামক জনৈক সখের সৈন্ত ঐ সকল দ্রব্যাদি গ্রহণ করিবার নিমিত্ত গমন করেন। কিন্তু, প্রত্যাগমন করিবার কালীন তাঁহার অশ্বের পদগুলি হঠাৎ মৃত্তিকার ভিতর প্রবৃষ্ট হওয়ার, সেই অশ্ব পড়িয়া যায়; তিনিও ৬ জন বুয়রকর্তৃক ধৃত হন। তাঁহার সহিত যে সকল অস্ত্র শস্ত্র ছিল, তাহা তিনি সেই সময়ে একরূপ চতুরতার সহিত সেইস্থানে পরিত্যাগ করেন যে, বুয়রগণ তাহা প্রাপ্ত হন না; পরিশেষে উহা ইংরাজদিগেরই হস্তগত হইয়াছিল। ফকাস্ (Mr. Fawcus) এইরূপে ধৃত হইয়া কমাণ্ডাণ্ট-জেনারেল জুবোয়ারের শিবিরে আনিত হন। সেইস্থানে অবস্থিতি করিবার কালীন বুয়রদিগের একটা সজ্জিত অশ্ব সেইস্থানে দেখিতে পাইয়া, লক্ষ প্রদানে তাহার উপর আরোহণ করেন। বুয়রগণ পুনরায় তাঁহাকে ধরিবার চেষ্টা করিয়াছিলেন; কিন্তু, তাঁহাদিগের মনোবাঞ্ছা পূর্ণ হয় নাই। এইরূপে আপন জীবনরক্ষা করিয়া, তিনি ওয়াকারষ্ট্রুমে প্রত্যাগমন করেন; এবং কয়েক দিবস পরেই তিনি পত্র-

বাহকরূপে নিউকাসেল (New Castle) অভিমুখে গমন করেন। গমনকালে পথিমধ্যে তিনি বুয়রগণকর্তৃক পুনরায় ধৃত হন; কিন্তু, তাঁহার নিকট কোনরূপ পত্রাদি না পাওয়ার তাঁহাকে ছাড়িয়া দেওয়া হয়। তিনি ঐ পত্র নিউকাসেলে লইয়া যাইতে, অপারগ হওয়ায়, পরিশেষে তিনি একজন সেই দেশীয় অভিশয় চতুর লোকের হস্তে ঐ পত্র প্রদান করেন। ঐ ব্যক্তিও গমন করিবার কালীন ধৃত হইয়াছিল। ধৃত হইবার পূর্বে সে যে দিকে গমন করিতেছিল, সেই দিক হইতে কয়েকজন বুয়রকে আসিতে দেখিয়া, সে তাহার গতি পরিবর্তিত করিয়া যে দিক হইতে আসিতেছিল, পুনরায় সেইদিকে গমন করিতে আরম্ভ করে। কিন্তু, তাহাতেও সে বুয়রদিগের হস্ত হইতে নিষ্কৃতি পায় না। তাঁহারা তাহাকে ধৃত করেন, ও উত্তমরূপে তাহার বস্তাদি অল্পসন্ধান করিয়া দেখেন; কিন্তু, তাহার নিকট হইতে কোন পত্রাদি বাহির করিতে সমর্থ হন না। তাহার নিকট যে পত্র ছিল, তাহা অতি ক্ষুদ্র কাগজে ক্ষুদ্র অক্ষরে লেখা ছিল। ঐ কাগজখানি একটা ছোট পেনের কুইলের মধ্যে পুঁরিয়া সে আপনার মস্তকের ঘন চুলের ভিতর লুক্কায়িত করিয়া রাখিয়াছিল।

সে কোথায় গমন করিতেছে, এই কথা বুয়রগণ তাহাকে জিজ্ঞাসা করায়, তাহার উত্তরে সে কহে যে, তাহার কয়েকটা পণ্ড হারাইয়া গিয়াছে, তাহারই অল্পসন্ধানের নিমিত্ত সে গমন করিতেছে।

তাহার এই কথা বুয়রগণ বিশ্বাস করেন না; তাঁহারা অল্পমান করেন, নিউ কাসেল হইতে কোন সংবাদ সে অপর স্থানে লইয়া যাইতেছে। এই ভাবিয়া বুয়রগণ তাহার গতি পরি-

বর্জন করিয়া দিয়া কহেন, “তুমি বেদিকে গমন করিতেছ, সেইদিকে গমন করিতে পারিবে না। তোমাকে নিউ কাসেল অভিমুখে প্রত্যাগমন করিতে হইবে।” দেশীয় দেখিল, যে তাহার অভীষ্ট সিদ্ধি হইতেছে, সুতরাং সে কোনরূপ আপত্তি না করিয়া, আপন গন্তব্য স্থানেই গমন পূর্বক, তাহার আনীত চিঠি পত্র ইংরাজদিগের নিকট প্রদান করিল।

৩০শে জানুয়ারী তারিখে, নিকটবর্তী একটা পাহাড়ের সন্নিকটে বুয়রদিগের কতকগুলি পশু দেখিতে পাইয়া, একদল ইংরাজ-অশ্বারোহী ও কতকগুলি পদাতিক ঐ সকল পশু ধৃত করিবার মানসে, সেইদিকে গমন করেন। কিন্তু, বুয়রগণ আসিয়া তাহার প্রতিবন্ধকতাচরণ করিলে, উভয় পক্ষে গুলি বৃষ্টি আরম্ভ হয়; পরিশেষে বুয়রগণ পরাজিত হইয়া পলায়ন করেন। ইংরাজ-অশ্বারোহীগণও তাঁহাদিগের পশ্চাৎ পশ্চাৎ প্রায় চারি মাইল রাস্তা অহুসরণ করিয়াছিলেন।

অশ্বারোহীগণ যখন বুয়রদিগের অহুসরণ করিতেছিলেন, সেই সময় কতকগুলি ইংরাজ-পদাতিক-সৈন্য বুয়রদিগের থাকিবার স্থানে প্রবৃষ্ট হন; কিন্তু, কাহাকেও সেইস্থানে দেখিতে পান না। কেবলমাত্র দেখিতে পান যে, বুয়রগণের আহারীয় দ্রব্য সকল প্রস্তুত হইয়াছিল; কিন্তু, তাহা আহার না করিয়াই সেইস্থান পরিত্যাগ পূর্বক প্রস্থান করিয়াছেন। সুতরাং পদাতিকগণ এই সুযোগ আর কোনরূপেই পরিত্যাগ করিতে না পারিয়া, সেই সময় সেইস্থানে ঐ আহারীয় দ্রব্য দ্বারা উত্তমরূপে উদর পূর্ণ করিয়া লন। প্রত্যাগমন করিবার কালীন ১৩০টা ঘোড়ক, ১৫টা গরু ও কবল প্রভৃতি অনেক দ্রব্য লইয়া আসিয়াছিলেন।

বুয়রগণ এইরূপে দিবাভাগে সেইস্থান হইতে জড়িত হন সত্য, কিন্তু রাত্রিকালে তাঁহারা বিশ্রাম পরিমিত লোক একত্র হইয়া পুনরায় সেইস্থানে আগমন করেন ও আপনাদিগের পরিত্যক্ত স্থান পুনরায় অধিকার করিয়া বসেন ।

রাত্রিকালে বুয়রগণ আসিয়া যে ঐস্থান পুনরায় অধিকার করিয়া বসিয়াছেন, তাহা হুগস্থিত সকলে জানিতে পারিলেও, নগররক্ষকগণ কিন্তু তাহা অবগত হইতে পারিয়াছিলেন না । পর দিবস প্রত্যুষে ২০ জন নগররক্ষক অস্বারোহী বুয়রদিগের পরিত্যক্ত অবশিষ্ট দ্রব্যাদি আনিবার মানসে যেমন সেই দিকে গমন করিলেন, অমনি বুয়রগণের দ্বারা তাঁহারা আক্রান্ত হইলেন । স্মৃতরাং অন্ত্রোপায় হইয়া তাঁহাদিগকে সেইস্থান হইতে প্রত্যাগমন করিতে হয় । তাঁহাদিগের মধ্যে হিল্ডার (Hildar) নামক একজন ষোড়শবর্ষীয় যুবকের ষোড়া সেই সময় এরূপ পরিশ্রান্ত হইয়া পড়ে যে, তাঁহাকে বাধ্য হইয়া ঐ ষোড়া পরিত্যাগ করিতে হয় । তিনি আপন ষোড়া পরিত্যাগ করিয়া একধণ্ড প্রস্তরের অন্তরালে বসিয়া আছেন, এরূপ সময় দেখিতে পান যে, ৪ জন বুয়র অস্বারোহী তাঁহার দিকে আগমন করিতে ন । ইহা দেখিয়াই তাঁহার হস্তস্থিত বন্দুকের একটা গুলি তাঁহাদিগের নেতার উপর নিক্ষেপ করেন । ঐ গুলি তাঁহার বক্ষঃ ভেদ করিয়া বহির্গত হইয়া যাওয়ার, সেই বুয়র-নেতার প্রাণবায়ু বহির্গত হইয়া যায় ও অশ্বপৃষ্ঠ হইতে তিনি সেইস্থানে পতিত হন । ইহা দেখিয়া অপর তিনজন বুয়র সেইস্থান হইতে প্রত্যাবর্তন-পূর্বক আপন দলে গিয়া মিলিত হন । হিল্ডারও এই সুযোগে সেইস্থান হইতে প্রস্থান করেন ।

২৭শে ফেব্রুয়ারী তারিখে, সেই দেশীয় কতকগুলি লোক তাহাদিগের পশ্চাদি চরাইবার নিমিত্ত বহির্গত হইয়াছিল। বুররগণ তাহাদিগকে দেখিতে পাইয়া, তাহাদিগের উপর গুলি বর্ষণ করেন।

এই অবস্থা জানিতে পারিয়া, নগর হইতে কতকগুলি সশস্ত্র অশ্বারোহী, বুররদিগের এই অত্যাচার নিবারণ করিবার নিমিত্ত প্রস্থান করিলেন। তাঁহারা সেইস্থানে উপনীত হইবারাত্রই উভয় পক্ষে তুমুল যুদ্ধ বাধিয়া গেল। সেই যুদ্ধে বুররদিগের একটা গুলি মেজ (Mayes) নামক একজন সৈন্তের পদ ভগ্ন করিয়া দেওয়ায়, তিনি অশ্ব হইতে সেইস্থানে ভূতলের মধ্যে পতিত হন। যখন উভয় পক্ষে ভয়ানক গুলি চলিতেছে, সেই সময় অসবর্ণ (Osborne) নামক একজন অশ্বারোহী তাহা দেখিতে পাইয়া, তাঁহাকে উদ্ধার করিবার মানসে আর একজন অশ্বারোহীর নিকট হইতে একটা ঘোড়া প্রার্থনা করেন; কিন্তু, সেই অশ্বারোহী তাঁহার ঘোড়া দিতে অসম্মত হওয়ায়, তিনি নিজের একমাত্র অশ্ব লইয়া সেই ভয়ানক গুলি-বৃষ্টির মধ্যে প্রবৃষ্ট হন। মেজকে উদ্ধৃত করিয়া আপনার ঘোড়ার পশ্চাদভাগে স্থাপন পূর্বক, তাঁহার বন্দুকটি নিজের বন্দুকের সহিত আপন স্বন্ধে রাখিয়া, দ্রুতগতি তাহার মধ্য হইতে বহির্গত হন। এইরূপে ঐগুলি বৃষ্টির মধ্য হইতে বহির্গত হইবার সময় কেবলমাত্র একটা গুলি আসিয়া, তাঁহার বন্দুকের কাঠখণ্ডের উপর পতিত হইয়া, উহা ভাঙ্গিয়া দেয়। অসবর্ণ (Osborne) এই অসীম সাহসিকতার নিমিত্ত পরিশেষে ভিক্টোরিয়া-ক্রস (Victoria Cross) নামক একটা মহাসম্মান-সূচক পদক প্রাপ্ত হন।

যখন এই যুদ্ধ চলিতেছিল, সেই সময় বেনেট্ (Bennett) নামক আর একজন সৈনিকও ৭৫ জন বুরর কর্তৃক প্রচণ্ড ধাবিত হন ; তাঁহাদিগের মধ্যে একজনকে তিনি গুলি করিয়া মারিয়া ফেলেন। ইহা দেখিয়া অল্প একজন বুরর দ্রুতগতি তাঁহার নিকটবর্তী হইয়া, তাঁহার স্বক্ৰমশে বন্দুকের দ্বারা এরূপ এক আঘাত করেন যে, তিনি অশ্চু্যত হইয়া সেইস্থানে পড়িয়া যান। ঐ বুররও সঙ্গে সঙ্গে আপন অশ্ব হইতে অবতরণ করিয়া, তাঁহার বন্দুক পুরিয়া লইয়া, বেনেটের উপর এরূপ ভাবে এক গুলি নিক্ষেপ করেন যে, তাহাতে তাঁহার একখানি পা ভাঙ্গিয়া যায়। বেনেট এইরূপে প্রায় দুই ঘণ্টা কাল সেইস্থানে ঘাসের মধ্যে পতিত থাকিবার পর, অপর একজন বুরর সৈনিক সেইস্থানে আসিয়া উপস্থিত হন। বেনেটকে সাহায্যপ্রার্থী দেখিয়া, সেইস্থানে সাদা ক্রমালের একখানি নিশান পুতিয়া দিয়া, তিনি সেইস্থান হইতে প্রস্থান করেন। বুররগণ সেইস্থান হইতে প্রস্থান করিবার পর, ইংরাজগণ ঐ সাদা ক্রমাল ঘেথিতে পাইয়া, বেনেটকে সেইস্থান হইতে উঠাইয়া লইয়া যান সত্য, কিন্তু সেই দিবসই তাঁহার মৃত্যু হয়। এই যুদ্ধে বুররদিগেরও ৬ জন হত হইয়াছিলেন।

ইহার পর ২৪শে মার্চ তারিখে, সংবাদ আইসে যে, বুররদিগের সহিত ইংরাজদিগের সন্ধি হইয়া গিয়াছে।



দশম-পার্বত ।

লেংস্নেকের (Lang's Nek) যুদ্ধ

কমাণ্ডাণ্ট-জেনারেল ছুবেয়ার পূর্ককথিতরূপে নানাস্থানের নগর ও দুর্গ সকল আক্রমণের বন্দোবস্ত করিয়া দিয়া, নিজে অবশিষ্ট সৈন্ত সামন্ত সমভিব্যাহারে নেটালের দিকে অগ্রগামী হন। সেই দিক্ হইতে ইংরাজ-সৈন্তের সহিত নেটালের হাই-কমিশনার ও কমেণ্ডার-ইন-চীফ্ (High-Commissioner and Commander-in-Chief) স্যার জর্জ কোলি (Sir George Colley) আগমন করিতেছিলেন। এই সংবাদ জানিতে পারিয়া ছুবেয়ার; তাঁহার গতি রোধ করিবার মানসে সেই দিকে গমন করেন। স্যার জর্জ কোলি মাউন্ট প্রস্পেক্ট (Mount Prospect) নামক স্থানে সসৈন্তে আসিয়া শিবির সন্নিবেশিত করেন। সেই সময় তাঁহার সহিত ৫৮

সংখ্যক পদাতিকের ৫০০ শত, ৬০ সংখ্যক পদাতিকের ৪০০ শত, ৭০ জন অশ্বারোহী, ১২০ জন নাবিক সৈন্ত, ২১ সংখ্যক পদাতিকের ১০০ শত, ১১০ জন গোলন্দাজ সৈন্ত ও ৭০ কি ৮০ জন নেত্রীশ দেশীর পুলিশ ছিলেন। ছুবোয়ারও সেই দিকে গমন করিয়া, তাঁহার ৪ মাইল মাত্র দূরে লেংস্নেক (Lamg'snek) নামক স্থানে আপন সৈন্ত সংস্থাপিত করেন, এবং কতকগুলি সৈন্ত অপর দিক দিয়া স্তার জর্জের সংস্থাপিত শিবিরের পশ্চাৎভাগে প্রেরণ করেন।

ছুবোয়ার তাঁহার সৈন্ত সামন্তের সহিত কেবলমাত্র দুই-ক্রোশ দূরে অবস্থিতি করিতেছেন, এই সংবাদ জানিতে পারিয়া তাঁহাকে আক্রমণ করিবার মানসে, স্তার জর্জ কোলি ১৮৮২ খৃষ্টাব্দের ২৮শে জানুয়ারী তারিখে, অতি প্রত্যুষে, সৈন্যগণকে প্রস্তুত হইতে আদেশ প্রদান করিলেন। সৈন্যগণ প্রস্তুত হইবামাত্র, তিনি ৭০ জন অশ্বারোহী ও ৪০০ শত ৬০ সংখ্যক পদাতিক, বুয়দিগের শিবিরান্তিমুখে অগ্রসর হইবার মানসে, উভয় শিবিরের মধ্যবর্তী সমতল ক্ষেত্রের উপর প্রেরণ করিলেন। তাঁহাদিগের পশ্চাৎ পশ্চাৎ ১২০ জন নাবিক সৈন্ত, ৫০০ শত ৫৮ সংখ্যক পদাতিক ও ৬টা কামানের সহিত ১১০ জন গোলন্দাজ সৈন্য প্রেরণ করিলেন। তৎপশ্চাৎ অশ্বারোহী পুলিশগণ হত ও আহত সৈন্য-বহনকারী গাড়ী সকল লইয়া গমন করিতে লাগিলেন।

সকলে নির্ধিবাদে সেই সমতল ক্ষেত্রে উপনীত হইবার পর, নাবিক সৈন্য সকল বামদিকে প্রেরিত হইলেন। গোলন্দাজগণ কয়েকটা কামান সহ দক্ষিণদিকে গমন করিলেন। প্রাতঃ



याज्ञिन् कानान ।

■

৯টা ৫৫ মিনিটের সময় কামান সকল গোলা উদগীরণ করিতে আরম্ভ করিবারাত্র, লেংস্নেক পাহাড়ের উপর কতকগুলি বুয়র সৈন্য দৃষ্টি গোচর হইতে লাগিল। তাঁহারা, কিন্তু, ঐ সকল কামানের কোনরূপ প্রতি উত্তর প্রদান করিলেন না।

যে দিক হইতে ইংরাজগণ লেংস্নেক পাহাড় আক্রমণ করিতে মনঃস্থ করিয়াছিলেন, তাহার অপর পার্শ্বে অর্থাৎ পাহাড়ের বিপরীত দিকে, বুয়রগণ তাঁহাদিগের শিবির সন্নিবেশিত করিয়াছিলেন। তদ্ব্যতীত, আরও কতকগুলি বুয়র সৈন্য, ঐ পাহাড় ও ইংরাজদিগের সমবেত সৈন্যের মধ্যবর্তী হেনরী লেং নামক জনৈক বুয়র কৃষকের প্রস্তুত নিশ্চিত একটা বাড়ীতে আশ্রয় গ্রহণ করিয়াছিলেন। নাবিক সৈন্যগণকর্তৃক শেখোক্ত বুয়রগণ আক্রান্ত হওয়ার, তাঁহারা সেইস্থান হইতে পলায়ন করিয়া পাহাড়ের অপর পার্শ্বস্থিত তাঁহাদিগের দলের সহিত মিলিত হইলেন।

প্রায় ২০ মিনিট কাল গোলাবর্ষণ করিবার পর, কামান সকল নিস্তরু করিবার আদেশ হইল। সেই সময় বুয়র সেনাপতি জুবোর একবার মৃত্যুমুখে পতিত হইতে হইতে বাঁচিয়া গিয়াছিলেন। কামান নিস্তরের সঙ্গে সঙ্গে দক্ষিণপার্শ্ব দিয়া ঐ পাহাড়ের উপর উঠিতে অখারোহিগণের উপর আদেশ হইল। তাহার পশ্চাদ্বর্তী পাহাড়ের উপর উঠিবার মানসে, ৫৮ সংখ্যক সৈন্যগণও অগ্রগামী হইতে লাগিলেন। যে সময় অখারোহী সৈন্যগণ পাহাড় আরোহণ আরম্ভ করিলেন, সেই সময় ৫৮ সংখ্যক পদাতিকগণ প্রায় অর্ধেক পথ অগ্রগামী হইতে সমর্থ হইয়াছিলেন। বুয়রগণ এই অবস্থা দেখিয়া

অঝারোহিগণের উপর এরূপ ভয়ানক গুলি নিক্ষেপ আরম্ভ করিলেন যে, দেখিতে দেখিতে তাঁহাদিগের মধ্যে অনেকেই লক্ষ্য-শূণ্য হইয়া এদিক ওদিক গমন করিতে লাগিলেন । এইরূপে ঝাঁহারা অবশিষ্ট রহিলেন, মেজর ব্রাউনলোর (Major Brownlow) কর্তৃকস্বাধীনে তাঁহারা একত্র হইয়া, বিশেষ বীরত্বের সহিত পুনরায় ঐ পাহাড়ে আরোহণ করিতে আরম্ভ করিলেন । কিন্তু, বুররদিগের প্রবল গুলি সহ করিতে না পারিয়া, তাঁহারাও পশ্চাৎপদ হইয়া পড়িলেন । কিন্তু, সার্জেন্ট-মেজর লুনি (Sergeant-Major Lunie) নামক একজন সেনানী পশ্চাৎপদ হইলেন না । তিনি একেবারে গিয়া বুররদিগের মধ্যে উপনীত হইলেন । বুররগণও একেবারে ৬টা গুলি মারিয়া তাঁহাকে সেইস্থানে হত্যা করিলেন । এই সময় ইংরাজদিগের ১৭ জন সৈন্য ও ৩২টা ঘোড়া হত ও আহত হইয়াছিল ।

৫৮ সংখ্যক পদাতিকের সেনাপতি ছিলেন, কর্নেল ডীন (Colonel Dean) । যে সময় অঝারোহিগণ পরাজিত হইয়া প্রত্যাবর্তন করিলেন, সেই সময় তিনি সেই পাহাড়ের নিকটবর্তী সমতল ক্ষেত্রে উপনীত হইলেন । বুররগণ পাহাড়ের উপরিস্থিত প্রস্তর সকলের অন্তরালে শয়ন করিয়া, ইংরাজদিগের উপর গুলিবর্ষণ আরম্ভ করিলেন । যে বুররগণ অঝারোহিগণের সহিত যুদ্ধে লিপ্ত ছিলেন, অঝারোহিগণ প্রস্থান করিবার পর, তাঁহারাও আসিয়া উঁহাদিগের সহিত যোগদান করিলেন । সুতরাং, ইংরাজ-সৈন্যের উপর প্রবল গুলি বৃষ্টি আরম্ভ হইল ; ঝাঁহারা অগ্রবর্তী হইতে লাগিলেন, তাঁহারা ই শত্রুর গুলিতে সেইস্থানে পতিত হইতে লাগিলেন

কর্নেল ডীন্ বখন দেখিলেন, এরূপ যুদ্ধে ক্রমেই তাঁহার বলাবল হইতেছে, তখন তিনি তাঁহার সৈন্তগণকে গুলি বন্ধ করিয়া সঙ্গীন হস্তে অগ্রগামী হইতে আদেশ প্রদান পূর্বক, নিজে আসি উন্মোচিত করিয়া যেমন অগ্রগামী হইলেন, অমনি তাঁহার বোড়া আহত হওয়ার, তিনি সেইস্থানে পতিত হইলেন। কিন্তু, দেখিতে দেখিতে দণ্ডায়মান হইয়া সৈন্তগণকে কহিলেন, “ভয় নাই, অগ্রসর হও।” এই কথা তাঁহার মুখ হইতে বহির্গত হইতে না হইতেই, আরও একটি গুলি আসিয়া তাঁহাকে সংঘাতিকরূপে আহত করিল।

তিনি সংঘাতিকরূপে আহত হইবার পর মেজর হিন্জেস্টন্ (Major Hingeston) সেই সমস্ত সৈন্তের নেতৃত্ব গ্রহণ করিয়া, অগ্রসর হইতে লাগিলেন। কিন্তু, দুই মিনিটের মধ্যেই সাংঘাতিকরূপে আহত হইয়া সেইস্থানে পতিত হইলেন।

এই অবস্থা দেখিয়া, ইংরাজ-সৈন্তগণ সেই সমতল ক্ষেত্রের উপর শয়ন করিয়া যেমন বুররদিগকে দেখিতে পাইলেন, অমনি তাঁহাদিগকে গুলি মারিতে লাগিলেন। এইরূপে কিয়ৎকাল অতিবাহিত হইবার পর, পুনরায় তাঁহারা উন্মিত হইয়া সঙ্গীন হস্তে ছুটিলেন। বুররগণও পুনরায় তাঁহাদিগকে আক্রমণ করিলেন। এই সময় মেজর পুল (Major Poole), লেক্টেনেন্ট ডক্টিন্ (Lieutenant Dolphin), কাপ্টেন লভগ্রোভ্ (Captain Lovegrove), ও লেক্টেনেন্ট ওডোনেল্ (Lieutenant Odonel) প্রভৃতি কর্মচারিগণ আহত হইয়া পড়েন। সুতরাং, অনন্যোপায় হইয়া, ইংরাজ-সৈন্তগণকে প্রতিনিবৃত্ত হইতে হয়। তাঁহারা বখন পশ্চাৎপদ হন,

সেই সময় বুরগণ বহির্গত হইয়া পশ্চাৎ হইতে তাঁহাদিগকে আক্রমণ করেন ; কিন্তু, সৈন্যগণ কামানের সাহায্যে নির্ঝিবাদে আপন স্থানে প্রত্যাবর্তন করিতে সমর্থ হন। কেবলমাত্র লেফ্টেনেন্ট বেলি (Lieutenant Ballie), যাহার নিকট ঐ দলের পতাকা ছিল, তিনি আহত হইয়া পতিত হন। ইংলণ্ডেশ্বরীর পতাকা সেই সময় পিল (Peel) নামক এক ব্যক্তির হস্তে ছিল। তিনি সেই পতাকা সহ বেলির সাহায্যার্থ আসিয়া উপস্থিত হন। এই অবস্থা দেখিয়া বেলি কহেন, “আমাকে সাহায্য করিবার প্রয়োজন নাই ; যাহাতে উভয় পতাকা তুমি রক্ষা করিতে সমর্থ হও, কেবল তাহারই চেষ্টা দেখ।” এই কথা শুনিয়া পিল উভয় পতাকা সহ সেইস্থান হইতে প্রস্থান করেন। কিন্তু, পশ্চিমধ্যে একটা গর্তের ভিতর তিনি পতিত হন। তিনিও আহত-হইয়া পতিত হইয়াছেন, এই ভাবিয়া আর একজন কর্মচারী দ্রুত-পদে সেইস্থানে আসিয়া উভয় পতাকা গ্রহণ করিয়া, অতি অল্প পথ গমন করিবামাত্র, পিল সেই গর্ত হইতে উখিত হন, ও পুনরায় উভয় পতাকা গ্রহণ করেন।

এই যুদ্ধে ইংরাজদিগের ৭৩ জন হত ও ১০০ জন আহত হইয়াছিলেন। লেফ্টেনেন্ট হিল (Lieutenant Hill) গুলি-বৃষ্টির মধ্য হইতে দুইজন আহত সৈনিককে উদ্ধার করিয়া, তাঁহাদিগের জীবনরক্ষা করিয়াছিলেন বলিয়া, ভিক্টোরিয়া ক্রস (Victoria Cross) নামক বিশিষ্ট গৌরব-সূচক পদক প্রাপ্ত হন।

এই যুদ্ধে একজন সৈনিক বাহাদুরী লইবার মানসে একটু জুরাচুরী করিতে গিয়া ধৃত হন। তিনি তাঁহার সঙ্গী দিয়া

একজন বুয়রকে হত্যা করিয়াছেন, এই কথা প্রকাশিত করিয়া
রক্তাক্ত সঙ্গীনের সহিত প্রত্যাগমন করেন। কিন্তু পরিশেষে
প্রকাশ হইয়া পড়ে যে, ঐ সঙ্গীনে যে রক্ত লাগিয়াছিল,
তাহা মনুষ্যের রক্ত নহে; উহা একটি আহত ঘোড়ার রক্ত।





একাদশ প্যারডে ।



ইনগোগোর (Ingogo) যুদ্ধ ।

শ্রীর জর্জ কোলি যেখানে তাঁহার শিবির সন্নিবেশিত করিয়াছিলেন, সেইস্থান হইতে নিউকাসেলে (New Castle) সংবাদাদি বহন করিবার নিমিত্ত, কয়েকজন কৃষ্ণকায় অশ্বারোহী নিযুক্ত ছিলেন। তাঁহারাই সপ্তাহের মধ্যে ৩৪ বার সংবাদাদি লইয়া গমনাগমন করিতেন। যাহাতে তাঁহারা নির্বিঘ্নে গমনাগমন করিতে পারেন, তাহার নিমিত্ত ৩৪ জন অশ্বারোহী সৈন্ত তাঁহাদিগের সহিত কিয়ৎদূর পর্য্যন্ত গমন করিতেন ।

১৮৮১ খৃষ্টাব্দের ৭ই ফেব্রুয়ারী তারিখে দিবা ১০টায় সমস্ত সংবাদবাহিগণ নিয়মিতরূপ নিউকাসেল অভিমুখে গমন করেন। তাঁহারা ইনগোগো নদী পার হইয়া পাহাড়ের উপর উঠিয়াই দেখিতে পান যে; একদল বুররসৈন্ত তাঁহাদিগের অভিমুখে আগমন করিতেছেন। ইহা দেখিয়াই তাঁহারা দ্রুত অশ্ব-

চালনে সেইস্থান হইতে প্রস্থান করেন। কেবলমাত্র একজন ব্যক্তিত্ব সকলেই শিবিরে প্রত্যাগমন করেন। শেখোক্ত ব্যক্তি কিন্তু প্রত্যাগমন না করিয়া, অপর একটা রাত্তা অবলম্বনে নিউকাসেল গিয়া উপনীত হন।

নিউকাসেল হইতে ঐ রাত্তা দিয়া সৈন্তের রসদাদি আসিত; সুতরাং, ঐ রাত্তা পরিষ্কার রাখা যুক্তিসঙ্গত বিবেচনা করিয়া, স্মার জর্জ কোলি নিজের সেই দিকে, ৮ই ফেব্রুয়ারী তারিখে প্রাতঃ ৮টার সময়, গমন করেন। তাঁহার সহিত কর্ণেল এসবর্নহেমের (Colonel Ashbornham) অধীনে ৩০ সংখ্যক পদাতিকের ৫ দল বা ২৭৩ জন সৈন্ত, কাপ্টেন গ্রীয়ারের (Captain Greer) অধীনে ৪টা কামান ও ৩৮ জন অশ্বারোহী সৈন্ত গমন করেন।

ইনগোগো নদীর নিকটবর্তী একটা স্থানে ২টা কামান ও ২৫ জন পদাতিক রাখিয়া, তিনি ঐ নদীর অপর পার্শ্বে গমন করেন।

নদী হইতে আরও দেড় ক্রোশ পথ অতিবাহিত করিবার পর, হঠাৎ বন্দুকের শব্দ তাঁহাদিগের কর্ণগোচর হইতে লাগিল। সৈন্তগণের প্রায় ১ মাইল অগ্রে যে একদল অশ্বারোহী সৈন্ত গমন করিতেছিলেন, তাঁহারাও সর্বপ্রথমে বুরদিগের দ্বারা আক্রান্ত হন। বন্দুকের শব্দ শুনিয়াই সৈন্তদল ক্রমে অগ্রগামী হইতে আরম্ভ করিলেন ও সম্মুখে একটা অত্যুচ্চ সমতলক্ষেত্র প্রাপ্ত হইয়া, তাহার বামপার্শ্বে দুইটা কামান স্থাপিত করিলেন। সেই সময় একজন অশ্বারোহী দ্রুতগতি সেইস্থানে আগমন করিয়া সংবাদ প্রদান করিলেন যে, বুরগণ সম্মুখ ও দক্ষিণ পার্শ্বে

অসমতল ক্ষেত্র ও ভূগাণ্ডির মধ্যে লুক্কায়িত রহিয়াছেন । এই সংবাদ পাইয়া, কামানগুলি সম্মুখ ভাগেই আনীত হইল । সেই সমতলক্ষেত্রের মধ্যস্থলে দণ্ডায়মান হইয়া, তার জর্জ কোলি ২০০০ সহস্র হাত দক্ষিণে একটা পাহাড়ের উপর, প্রায় এক শত বুরর-অশ্বারোহীকে দেখিতে পাইলেন ।

ঔহারা ইংরাজ-সৈন্তগণকে হঠাৎ সেইস্থানে দেখিতে পাইয়া, যেন বিশেষ আশ্চর্য্যান্বিত হইলেন ও কি করিবেন তাহা হঠাৎ স্থির করিতে না পারিয়া, সকলেই যেন একটু ইতস্ততঃ করিতে লাগিলেন ।

ঐ বুরর-অশ্বারোহিগণের উপর গোলা নিক্ষেপের আদেশ প্রদত্ত হইল । দেখিতে দেখিতে একটি গোলা কামান হইতে বহির্গত হইয়া গেল ; কিন্তু, উহাতে ঔহাদিগের বিশেষ কোন ক্ষতি না হইয়া, ঐ গোলা ঔহাদিগের উপর দিয়া চলিয়া গেল ।

বুরর-অশ্বারোহিগণ এই সময় সেইস্থান হইতে অবতরণ করিয়া, সেইস্থানের একখণ্ড নিম্ন জমীতে আশ্রয় লইবার চেষ্টা করিতেছিলেন । সেইস্থানে উপনীত হইতে না হইতেই, আর একটা গোলা আসিয়া ঔহাদিগের পরিত্যক্ত পাহাড়ের উপর পতিত হইল ।

এই সময় জনৈক বুরর-সৈন্তের সাহসিকতার বিশেষ পরিচয় পাওয়া গিয়াছিল ;—তিনি একটা ঘোড়ার উপর আরোহণ করিয়া, ও অপর দুইটা অতিরিক্ত ঘোড়া ঔহার ঘোড়ার সহিত আবদ্ধ করিয়া, সেই পাহাড় হইতে অবতরণ করিতেছিলেন ; নামিবার সময় একটা অতিরিক্ত ঘোড়া আহত হইয়া, আর অধিক দূরে গমন করিতে অসমর্থ হয় ; সেই ঘোড়াটা অপর

ঘোড়াঘরের সহিত আবদ্ধ থাকায়, সকলের গতিই একেবারে রোধ হইয়া যায় ; বুয়রসৈন্য তাঁহার ঘোড়া হইতে অবতরণ করিয়া প্রথমতঃ তিনটা ঘোড়াকেই তাড়াইয়া লইয়া যাইতে চেষ্টা করেন ; তাহাতে কৃতকার্য হইতে না পারিয়া, উহাদিগের সম্মুখে গিয়া বলুগা ধরিয়া টানিয়া লইয়া যাইবার চেষ্টা করেন ; কিন্তু, তাহাতেও কৃতকার্য হইতে পারেন না। সেই সময় ৫৬টি গুলি একেবারে তাঁহার উপর গিয়া পতিত হয়। তথাপি তিনি ঐ ঘোড়া কয়েকটির জীবন রক্ষা করিবার মানসে, উহাদিগকে লইয়া যাইতে বিশেষরূপ চেষ্টা করেন ; কিন্তু, কৃতকার্য হইতে না পারিয়া, পরিশেষে উহাদিগকে সেইস্থানে পরিত্যাগ-পূর্বক নিজে সেইস্থান হইতে প্রস্থান করেন।

ইহার কিয়ৎক্ষণ পরেই ইংরাজ-সৈন্যগণ বুয়রদিগের দ্বারা একেবারে বেষ্টিত হইয়া পড়েন। উঁহারা চতুর্পার্শ্ববর্তী ঘাসের উপর শয়ন করিয়া, তাঁহাদিগের উপর গুলিবৃষ্টি করিতে থাকেন। ইংরাজ-সৈন্যগণও সেইস্থানে শুইয়া শুইয়া যে সকল বুয়রদিগকে দেখিতে পান, তাঁহাদিগকে লক্ষ্য করিয়া গুলি মারিতে আরম্ভ করেন। গোলন্দাজগণও ঐ সমতল ক্ষেত্রের দুই পার্শ্বে দুইটি কামান স্থাপিত করিয়া, অনবরত গোলাবর্ষণ করিতে প্রবৃত্ত হন। এইরূপে যুদ্ধ করিতে করিতে ক্রমে দিবা ১২।।০ টা অতীত হইয়া যায়। এই সময় ইংরাজগণ বিশেষরূপে কতিগ্রস্ত হইয়াছিলেন। একটি গোলা নিক্ষিপ্ত হইবার পরে ও অপর গোলা নিক্ষিপ্ত হইবার পূর্বে, যে সামান্য সময়টুকু বুয়রগণ পাইলেন, সেই সময়ের মধ্যে তাঁহারা গোলন্দাজদিগের উপর গুলি নিক্ষেপ করিতে লাগিলেন। ইহাতে গোলন্দাজদিগের বিশেষরূপ

অনিষ্ট হইতেছে দেখিয়া, সুকারিত্ত বুরদিগকে সেইস্থান হইতে দূরীভূত করিবার মানসে অঝারোহিগণের উপর আদেশ প্রদত্ত হইল ।

অঝারোহিগণ যেমন সেই সমতলভূমির একপার্শ্বে আসিয়া উপস্থিত হইলেন, তখনই বুরদিগ তাঁহাদিগের উপর একপ-ভাবে গুলি নিক্ষেপ আরম্ভ করিলেন যে, প্রায় অর্ধেক অশ্ব আহত হইয়া পড়িল ; সুতরাং, বাধ্য হইয়া তাঁহাদিগকে অশ্ব হইতে অবতরণপূর্বক আপন আপন জীবন রক্ষা করিতে হইল । এই সময় একজন অঝারোহী আহত হইয়াছিলেন ।

গোলান্দাজদিগের কেবলমাত্র কামানের অন্তরাল ভিন্ন আর কোন স্থান ছিল না । সুতরাং, তাঁহাদিগকে বিশেষরূপ কতি সহ করিতে হয় । কিরূপ ক্রতগতিতে কামানের গোলা নিক্ষেপ করিতে হয়, তাহাই দেখাইতে গিয়া কাণ্ডেণ গ্রীয়ার সেইস্থানে হত হন ।

সেই সময় পানীর জল একেবারে নিঃশেষ হইয়া গিয়াছিল । সাংঘাতিকরূপে আহত হইয়া সৈন্যগণ জল জল করিতেছিলেন ; কিন্তু, কেহ যে তাঁহাদিগকে একবিন্দু জল প্রদান করিবেন, তাহার উপায় ছিল না । জলের বোতল সকল একেবারে শুষ্ক হইয়া পড়িয়াছিল । “এখনই বৃষ্টি হইবে ও অজচ্ছল বারি পাওয়া যাইবে”—এই বলিয়া অনেকেই আহত-গণকে আশী প্রদান করিতেছিলেন ।

আহতগণের চিকিৎসার নিমিত্ত, সেইস্থানে কতকগুলি মৃত অশ্বের অন্তরাল করিয়া, একটা চিকিৎসালয় স্থাপিত করিতে হইয়াছিল ।

সেনাপতি স্মার অর্ডার কোলি ঐ সমতল ক্ষেত্রের মধ্যস্থিত একখণ্ড প্রস্তরের অন্তরালে থাকিয়া আদেশ প্রদান করিতে ছিলেন। সেই সময় একটা গুলি আসিয়া, ঐ প্রস্তরের উপর পতিত হয়; দেখিতে দেখিতে আর একটা গুলি আসিয়া তাঁহার চুই এক ইঞ্চি ব্যবধান দিয়া চলিয়া যায়। ইহা দেখিয়া সকলেই অতিশয় ভীত হন; কিন্তু, কোলি তাহাতে দৃকপাতও না করিয়া, আপনার কর্তব্যপ্রতিপালন করিতে থাকেন।

সেই সময় একপার্শ্ব হইতে কতকগুলি বুন্নরদিগকে আরও অগ্রবর্তী হইতে দেখিয়া, একমল পদাতিকের সহিত কাপ্তেন মেকগ্রিগরকে (Captain Macgregor) সেই দিকে গমন করিবার আদেশ প্রদান করেন। মেকগ্রিগর আদেশ পাইবামাত্র সৈন্তের সহিত সেই দিকে গমন করেন। ঐ স্থান হইতে ১২০ হাতের মধ্যে কোনরূপ অন্তরাল না থাকায়, সমতল ক্ষেত্র দিয়াই তাঁহাকে গমন করিতে হয়। গমনকালীন সাংঘাতিকরূপে আহত হইয়া তিনি সেইস্থানে পতিত হন। কিন্তু, সৈন্তগণ সেইস্থানে উপনীত হইয়া অন্তরালের সাহায্য গ্রহণ করেন ও বিশেষ বীরত্ব দেখাইয়া বুন্নরদিগের সহিত যুদ্ধ করিতে প্রবৃত্ত হন। এইরূপে দিবা ৩টা পর্যন্ত অকুতোভয়ে যুদ্ধ করিয়া, কেবলমাত্র একজন লেফ্টেনেন্ট ও চারিজন সৈন্ত ব্যতীত, সকলেই কালগ্রাসে পতিত হন।

ঐ সমতল ক্ষেত্রের বামপার্শ্বে ছিলেন, সার্জেন্ট-মেজর উইলকিন্স (Sergeant-Major Wilkins)। তিনি দেখিলেন যে, বুন্নরগণ ক্রমে ১২০ হাত ব্যবধানের মধ্যে আসিয়া উপস্থিত হইয়াছেন। ইহা দেখিয়া তিনি সেনাপতির নিকট গমনপূর্বক

সঙ্গীন লইয়া অগ্রবর্তী হইবার আদেশ প্রার্থনা করিলেন । সেনাপতির অন্তরে তখন পর্য্যন্ত ৫৮ সংখ্যক পদাতিকের বিষয় আগরিত ছিল ; সুতরাং, তিনি তাঁহার প্রার্থনা পূর্ণ করিতে সাহসী হইলেন না ।

এই সময় একজন বুয়র একটা খেত অর্থে আরোহণ করিয়া দ্রুতগতিতে একেবারে ইংরাজ-সেনাপতি ও অপরায় সেনানীর নিকটে আসিয়া উপস্থিত হইলেন ; এবং দেখিতে দেখিতে অশ্ব হইতে অবতরণপূর্ব্বক, একজন সৈন্যের উপর পিস্তলের গুলি নিক্ষেপ করিয়া, পুনরায় আপন অশ্ব উত্তিত হইলেন । সেই সময় একপার্শ্ব হইতে কয়েকটা গুলি একেবারে আসিয়া সেই বুয়রের উপর পড়িল ; কিন্তু, তাহাতে তাঁহার কিছুমাত্র অনিষ্ট হইল না ।

সেনাপতি স্বচক্ষে এই অবস্থা দেখিয়া কহিলেন, “কাহারো নিকট কি বন্দুক নাই !”

এই কথা শুনিয়া উইল্কিন্স একটা বন্দুক বাহির করিয়া, পূর্ব্বকথিত বুয়র সৈনিকের উপর একটা গুলি নিক্ষেপ করিলেন । গুলি ধাইয়া সেই বুয়র গড়াইতে গড়াইতে সেইস্থানে পড়িয়া গেলেন ।

এইরূপে যুদ্ধ করিতে করিতে ক্রমে ৫টা বাজিয়া গেল । সেই সময় ভয়ানক মেঘ গর্জনের সঙ্গে সঙ্গে মুষল-ধারে বৃষ্টি পতন আরম্ভ হইল । যে সকল আহত সৈন্য জল জল করিতেছিলেন, তাঁহারা বৃষ্টিজলে যেমন জীবনরক্ষা করিলেন ; তেমনি আর কতকগুলি বিশেষরূপে আহত সৈন্য শীতল বায়ু ও বৃষ্টিপতনে তাঁহাদিগের জীবনলীলা শেষ করিলেন ।

বুড়ি পতন আরম্ভ হইল সত্য, কিন্তু যুদ্ধের বিরাম নাই। যখন এইরূপে যুদ্ধ চলিতে লাগিল, দক্ষিণদিক্ হইতে বুয়রগণ এক খেত-পতাকা উঠাইয়া দিলেন। খেত-পতাকা দেখিয়া ইংরাজ-সেনাপতি যুদ্ধ বন্ধ করিয়া দিবার আদেশ করিলেন। দেখিতে দেখিতে গোলাগুলি বন্ধ হইয়া গেল।

যে দিক্ হইতে বুয়রগণ খেত-পতাকা দেখাইয়াছিলেন, সেই দিক্ হইতে গুলি বর্ষণ বন্ধ হইয়া গেল সত্য, কিন্তু বাম পার্শ্বস্থ বুয়রগণ মধ্যে মধ্যে গুলি চালাইতে লাগিলেন। এই অবস্থা দেখিয়া সেনাপতি, রিচি নামক জনৈক পাদ্রীকে খেত-পতাকা লইয়া সেই দিকে গমন করিতে কহিলেন। তিনি সেই সমতল ক্ষেত্রের প্রান্ত পর্য্যন্ত উপনীত হইতে না হইতেই, আরও অধিক তেজে সেই দিক্ হইতে গুলি আসিয়া পড়িতে লাগিল।

সেনাপতি এই অবস্থা দেখিয়া রিচিকে প্রত্যাবর্তন করিতে কহিলেন। ইংরাজ গোলাগুলি বন্ধ হইবার পর, বুয়রগণ সাবকাশ পাইয়া চতুর্দিক হইতে ঐ সমতল ক্ষেত্রের নিকট-বর্তী হইয়া পড়িয়াছিলেন। এখন তাঁহারা চতুর্দিক্ হইতে একেবারে ভয়ানক তেজে গুলিবর্ষণ আরম্ভ করিলেন। অধিকাংশ গুলিই যেখানে সেনাপতি ছিলেন, সেইখানে আসিয়া পতিত হইতে লাগিল।

এই অবস্থা দেখিয়া ইংরাজগণও পুনরায় গোলাগুলি নিক্ষেপ আরম্ভ করিলেন। লেক্টেনেন্ট পারসনস্ (Lieutenant Parsons) একটা কামানে গোলা পুরিতে পুরিতে, আপনার হস্ত কাপড়ের ভিতর স্থাপিত করিয়া, ঐ গোলা নিক্ষেপ

করিলেন, ও পরিশেষে বীরভাবে সেনাপতির নিকট আগমন করিতে লাগিলেন । সেই সময় জানিতে পারা গেল যে, তিনি বিশেষরূপ আহত হইয়া পড়িয়াছেন । সুতরাং, তাঁহার কার্যভার অপরের হস্তে ন্যস্ত হইল ।

ইহার পূর্বে সেনাপতি, ছইজন অখারোহীকে অপর রাত্তা দিয়া সাহায্য প্রাপ্তির নিমিত্ত শিবিরে প্রেরণ করিয়াছিলেন । এই সংবাদ পাইয়া ৫৮ সংখ্যক পদাতিকের কাণ্ডেন হরনবি (Hornby) কতকগুলি পদাতিকের সহিত সেনাপতির সাহায্যার্থ ইনগোগো নদীর তীরে আসিয়া উপস্থিত হইলেন ।

ইহার পূর্বেই একদল বুরর সেইস্থানে গমন করিয়া সেই স্থানে ছইটা কামান সহ ২৫ জন রক্ষী সৈন্তের সহিত যুদ্ধ বাধাইয়া দিয়াছিলেন । কিন্তু, হরনবি সৈন্যে সেইস্থানে উপনীত হইবামাত্র, বুররগণ সেইস্থান পরিত্যাগপূর্বক প্রস্থান করিলেন ।

ক্রমে রাত্রি আসিয়া উপস্থিত হইল । ঘোর অন্ধকারের সঙ্গে সঙ্গে উভয়পক্ষীয় বন্দুক ও কামান সকল নিস্তব্ধ হইল । সমস্ত দিবস অনবরত যুদ্ধ করিয়া সকলে ক্ষুধার ও পিপাসার একেবারে ক্লান্ত হইয়া পড়িয়াছিলেন । অথচ সেই গাঢ় অন্ধকারের মধ্যে কিছুই দেখিতে পাইতেছিলেন না । তথাপি যতদূর সম্ভব আহতগণকে একত্র সমবেত করিয়া, সেই সময় সেইরূপ অবস্থায় যতদূর তাঁহাদিগকে সাহায্য করিতে পারা যায়, তাহা করিয়া, বন্দাদিঘারা তাঁহাদিগকে সেইস্থানে আচ্ছাদিত রাখিয়া, ও কয়েকজন সৈন্যকে তাঁহাদিগের তত্ত্বাবধানে নিযুক্ত করিয়া, সেনাপতি সেইস্থান হইতে অবশিষ্ট




সৈন্যগণের সহিত প্রস্থান করিলেন। কামান দুইটা সঙ্গে করিয়া লইয়া গেলেন; গোলাগুলি ও বন্দুক যতদূর পারিলেন লইয়া গেলেন। বেগুলি কোনরূপেই লইয়া যাইতে পারিলেন না, তাহাদিগের কতকগুলিকে নষ্ট করিয়া ও কতকগুলি সেই স্থানে প্রোথিত করিয়া রাখিয়া গেলেন।

অন্য সকল বুররগণ কর্তৃক একরূপভাবে হত ও আহত হইয়াছিল যে, স্বয়ং সেনাপতিকে পর্যাপ্ত পদব্রজে সেইস্থান হইতে প্রস্থান করিতে হয়। যে কয়েকটা মাত্র ঘোড়া অবশিষ্ট ছিল, তাহারাই কামানদ্বয়কে কোনরূপে টানিয়া লইয়া আইসে।

এই যুদ্ধে ইংরাজদিগের ৫ জন সেনানী ও ৬১ জন সৈন্য হত, এবং ৪ জন সেনানী ও ৬৪ জন সৈন্য আহত হইয়াছিলেন। তদ্ব্যতীত, নদী পার হইবার সময় কয়েকজন ডুবিয়াও মরিয়াছিলেন।

পর দিবস প্রাতে যখন আহতগণকে আনিবার নিমিত্ত লোকজন গমন করে, সেই সময় বুররগণও আসিয়া সেই স্থানে উপস্থিত হন। সেনাপতি ও সেনাপতিগণকে সেইস্থানে দেখিতে না পাইয়া, তাঁহারা অতিশয় বিস্মিত হইয়া পড়েন। কারণ, তাঁহাদিগের বিশ্বাস ছিল, সকলে সেইস্থানে রাজিযাপন করিবেন ও প্রাতঃকালে পুনরায় তাঁহাদিগকে আক্রমণ করিবেন।

এই যুদ্ধে বুরর-সেনাপতি ছিলেন, স্মিট (Smidt) নামক এক ব্যক্তি।



দ্বাদশ পাহাড়ের যুদ্ধ ।

মাজুবা পাহাড়ের যুদ্ধ ।

১৮৮১ খৃষ্টাব্দের ২৬শে ফেব্রুয়ারী তারিখের বৈকালে, একজন কাকের বা সেই দেশীয় লোক আসিয়া ইংরাজ শিবিরে উপস্থিত হয়। তাহার সহিত অনেককণ পর্যন্ত স্তর জর্জ কোলির কথাবার্তা হইয়াছিল; কিন্তু, কি যে কথা হয়, তাহা অপর কেহই অবগত ছিলেন না। কেবল একবার মাত্র সেই কাকের মাজুবা পাহাড়ের দিকে হাত উঠাইয়াছিল, ইহাই কেহ কেহ দেখিতে পাইয়াছিলেন।

সেই দিবস রাত্রি ৮।০ টার সময় তুর্কধবনীর পরিবর্তে মুখে মুখে এক আদেশ প্রচারিত হয়। সেই আদেশের উপর নির্ভর করিয়া কাপ্টেন মরিসের (Captain Morris) অধীনে ৫৮ সংখ্যক পদাতিক, কাপ্টেন স্মিথের (Captain Smith)

অধীনে ৬০ সংখ্যক বন্দুকধারী, কমেণ্ডার রমিলীর (Commander Romilly) অধীনে ৬৪ জন নাবিক সৈন্ত, ও মেজর হের (Major Hay) অধীনে ৯২ সংখ্যক হাইল্যান্ডার;—মোট ৫৫৪ জন সৈন্ত তিন দিবসের আহারীয়ের সহিত প্রস্তুত হয়। কিন্তু, কোথায় যে গমন করিতে হইবে, তাহা সেই সময় কেহই অবগত হইতে পারে নাই; কেবল এইমাত্র জানিতে পারা যায়, কেহ কোনরূপ আলো প্রজ্জলিত করিতে পারিবেন না; সকলকেই অন্ধকারের মধ্যে গমন করিতে হইবে।

এই সকল সৈন্ত সামস্ত রাত্রি ১০ টার সময় শিবির পরিত্যাগ করিলেন। সেনাপতি ও কর্মচারীগণ সর্বাগ্রে গমন করিতে লাগিলেন।

ক্রমে সকলে মাজুবা পাহাড়ের নিম্নে গিয়া উপনীত হইলেন। সেই সময় সকলেই জানিতে পারিলেন যে, বুয়রগণ ঐ পাহাড়ের অপর পার্শ্বস্থ সমতল ভূমিতে তাঁহাদিগের শিবির সন্নিবেশিত করিয়াছেন। আরও অবগত হইতে পারিলেন যে, মাজুবা পাহাড়ের উপর হইতে যদি তাঁহাদিগকে আক্রমণ করিতে পারা যায়, তাহা হইলে কিছুতেই আর তাঁহাদিগের নিস্তার নাই।

এই অবস্থা জানিতে পারিয়া, সকলে ক্রমে সেই অন্ধকার রজনীর সাহায্যে মাজুবা পাহাড়ে আরোহণ আরম্ভ করিলেন। পাহাড়ে আরোহণ করিবার সময় কেহ কোনরূপ বিপদগ্রস্ত হন নাই। কেবলমাত্র বিলাতী ডেলী নিউজ (Daily News) পত্রের সংবাদ দাতা অধ্বপৃষ্ঠ হইতে জিন সহিত পিছলাইয়া পড়িয়া যান। কিন্তু, পরিশেষে

বিনা টুপি ও বিনা অশে তিনি আসিয়া উপস্থিত হইতে পারিয়াছিলেন ।

পাহাড়ে কিছু দূর আরোহণ করিবার পর একটা সমতল ক্ষেত্র পাওয়া যায় । সেইস্থানের এক দিকে ৬০ সংখ্যক বন্দুকধারী সৈন্তের ১৪০ জন, ও অপর দিকে ৯২ সংখ্যক হাইল্যান্ডার সৈন্তের একদল, কাণ্ডেন রবার্টসনের —
রক্ষিত হয় । এইস্থানে ইহাদিগের নিকট সমস্ত অশগুলি রাখিয়া, অবশিষ্ট সৈন্তগণ সেই পাহাড়ের অবশিষ্ট অংশে উঠিতে আরম্ভ করেন । সেনাপতি ও সেনাগণ ইহাদিগের অগ্রে অগ্রে উঠিতে লাগিলেন । তাহার অগ্রে পূর্ববর্ণিত সেই কাকের । পাহাড় বাহিয়া সকলেই নিঃশব্দে ও বিনা বাক্যব্যয়ে উঠিতে লাগিলেন । মধ্যে মধ্যে এক এক স্থানে খাস প্রখাস লইবার নিমিত্ত একটু অপেক্ষা করিতে লাগিলেন । এইরূপে উঠিতে উঠিতে একরূপ স্থানে উঠিয়া পড়িলেন যে, সেইস্থান হইতে আর ৮০ হাত উঠিতে পারিলেই, সকলে পাহাড়ের উপর আরোহণ করিতে পারেন । কিন্তু, ঐ ৮০ হাত পাহাড় একরূপ সোজা ও পিচ্ছল যে, তাহা বাহিয়া উঠিতে পারা নিতান্ত সহজ নহে । ঐ পাহাড়ের মধ্যে স্থানে স্থানে ঘাস সকল জন্মিয়াছিল বলিয়াই, উহা অবলম্বনপূর্বক এক-রূপ হামাগুড়ি দিয়া অনেক কষ্টে পরিশেষে সকলেই সেই পাহাড়ের উপর উত্তীর্ণ হইতে সমর্থ হইলেন । যখন তাঁহারা সেই পাহাড়ের উপর আরোহণ করিলেন, তখন রাত্রি ৩টা । পাহাড়ের উপর আরোহণ করিয়া সকলে পাঁচ মিনিট কাল চুপ করিয়া শয়ন করিয়া রহিলেন ও

এইরূপে একটু বিশ্রাম করিয়াই, কয়েকজন সৈন্ত ঐ পাহাড়ের উপর বুয়রগণ আছেন কি না, তাহা জানিবার নিমিত্ত এদিক ওদিক দেখিতে আরম্ভ করিলেন; কিন্তু কোন বুয়রকে সেইস্থানে দেখিতে পাওয়া গেল না। তখন সেনাপতি সকলকে কহিলেন, “তোমরা প্রথমে আপন আপন স্থান গ্রহণ করিয়া সেই সেই স্থানে বিশ্রাম কর।” রাত্রি যেরূপ ঘোর অন্ধকারময়, তাহাতে কেহই আপন আপন স্থান ঠিক করিয়া লইতে পারিলেন না। বিশেষতঃ, কয়েক দল সৈন্ত এরূপ-ভাবে মিশ্রিত হইয়া পড়িয়াছিলেন যে, সেই সময় তাঁহাদিগের আপন আপন দল বাছিয়া লওয়া একরূপ অসম্ভব হইয়া পড়িয়াছিল। এইরূপ গোলযোগে রাত্রি ৪টা বাজিয়া গেল।

যেস্থানে বুয়রদিগের শিবির সন্নিবেশিত ছিল, সেইস্থানে কেবলমাত্র এক একটা সামান্য আলোকের আভাসমাত্র দৃষ্টি গোচর হইতেছিল। কিন্তু, দেখিতে দেখিতে তাঁহাদিগের শিবির আলোকে পূর্ণ হইয়া গেল। প্রত্যেক গাড়ীর মধ্য হইতে আলো সকল দৃষ্টি গোচর হইতে লাগিল। এই অবস্থা দেখিয়া অমুমান হইল, বুয়রগণ ইংরাজদিগের আগমনবার্তা জানিতে পারিয়া, যুদ্ধার্থ প্রস্তুত হইবার পূর্বে সকলে একাগ্র-চিত্তে ঈশ্বর উপাসনার নিযুক্ত হইয়াছেন।

২৭শে ফেব্রুয়ারী তারিখের প্রাতে ৫।০ টার সময় ৫৮ সংখ্যক সৈন্তদলের লুসি (Lucy) নামক একজন লেফটেনেন্ট একজন বুয়র সংবাদসংগ্রহকারীর উপর গুলিনির্দেপ করিলেন। কিন্তু, সার-জর্জ কোলি তৎক্ষণাৎ ঐরূপ কার্য হইতে তাঁহাকে নিবৃত্ত করিলেন।

এই সময় বুরগণের শিবিরে ভয়ানক গোলযোগ উপস্থিত হইল। অশ্ব সকল সজ্জিত হইল, আরোহিণ অশ্বে আরোহণ করিয়া এদিক ওদিক ছুটিতে লাগিলেন। বলিবর্দ সকল গাড়ীতে সংযোজিত হইতে লাগিল। ইহা দেখিয়া অহুমান হইতে লাগিল, তাঁহারা যেন সেইস্থান পরিত্যাগপূর্বক পলায়নের চেষ্টা করিতেছেন।

প্রকৃত প্রস্তাবে, কিন্তু, বুরগণ সেইস্থান হইতে পলায়ন করিলেন না। পলায়নের পরিবর্তে সূর্য্যোদয়ের সঙ্গে সঙ্গে ক্রমে তাহারা ঐ পাহাড়ের তিন দিক আশ্রয় করিয়া, প্রস্তর ও বৃক্ষ প্রভৃতির অন্তরালে অন্তরালে ক্রমেই ইংরাজ-সৈন্তগণের সম্মুখবর্তী হইতে আরম্ভ করিলেন। যে দিক দিয়া তাঁহারা সেই পাহাড়ের উপর উঠিবার চেষ্টা করিতে লাগিলেন, সেই দিকের ইংরাজ-সৈন্তগণও তাঁহাদিগের উপর গুলি বর্ষণ আরম্ভ করিলেন। বুরগণও গুলি ছুড়িতে ছুড়িতে ক্রমেই অগ্রবর্তী হইতে লাগিলেন।

পাহাড়ের উপর একটা কূপ খনন করিয়া, সেই কূপস্থিত শীতল জল পান করিয়া ইংরাজ-সৈন্তগণের মধ্যে অনেকেই সেই সময় বিশ্রাম করিতেছিলেন। বুরগণ অগ্রবর্তী হইতেছেন, এই সংবাদ জানিতে পারিয়া, তাঁহারাও গিয়া ক্রমে বুরগণদিগের উপর গুলি বর্ষণ আরম্ভ করিলেন।

দিবা ১০টা পর্য্যন্ত এইরূপ যুদ্ধ হইবার পর, সর্বপ্রথম বুরগণগুলিতে একজন হাইল্যান্ডার সৈনিক আহত হইয়া পড়িলেন ; ক্রমে ক্রমে আরও একজনের সেই অবস্থা ঘটিল। স্তার-জর্জ কোন্‌ কি হইতে কিছুমাত্র চিন্তিত না হইয়া, বীরের ভায়

সর্বস্থানে গমন করিয়া সময় উপযোগী আদেশ সকল প্রদান করিতে লাগিলেন।

আহতগণকে দেখিবার নিমিত্ত যে সময় সেনাপতি পাহা-
ড়ের ধারে গমন করেন, সেই সময় একজন কর্মচারী ১২০০
শত হাত দূরবর্তী ছইজন বুয়রকে দেখিতে পাইয়া, যেমন তাঁহার
দৃষ্টি আকর্ষণ করিলেন, অমনি একটা গুলি আসিয়া নাবিক-
সৈন্তের সেনাপতি রমিলীকে সাংঘাতিকরূপে আহত করিল।

ক্রমে ১১।০ টা বাজিয়া গেল; সেই সময় হঠাৎ পাহাড়ের
একপার্শ্ব হইতে বন্দুকের ভয়ানক আওয়াজ উখিত হইতে লাগিল।
ইহাতে সকলেই মনে করিলেন, ঐ দিকের বুয়রগণ বিশেষ অগ্রবর্তী
হইয়া পড়িয়াছেন। সেই সময় সেই দিকে কেবল ১৫ কি
১৬ জনমাত্র হাইল্যান্ডার সৈন্ত ছিলেন। তাঁহাদিগের সাহায্যার্থ
আর কতকগুলি সৈন্ত সেইস্থানে উপস্থিত হইয়া, দেখিতে
দেখিতে বুয়রদিগের বন্দুক নিস্তরু করিয়া ফেলিলেন। সেই
সময় আর একদিক হইতে প্রবল তেজে গুলি সকল আসিতে
লাগিল। বুয়রদিগের অবস্থা দেখিয়া, স্পষ্টই প্রতীক্ষমান হইতে
লাগিল যে, তাঁহাদিগের একদল যখন একদিক হইতে ভয়ানক
গুলি নিক্ষেপ আরম্ভ করেন, সেই সময় অপর দিক হইতে
অপর দল ক্রমেই উর্কে উঠিতে থাকেন; আবার তাঁহারা
যখন গুলি নিক্ষেপ আরম্ভ করেন; তখন অপর একদল অপর
আর একস্থান দিয়া উঠিতে আরম্ভ করেন।

এইরূপে সেই অত্যুচ্চ পাহাড়ের উপর প্রস্তর প্রভৃতির
অস্তরালে শয়ন করিয়া, গুলিবর্ষণ করিতে করিতে ক্রমেই
প্রায় ২০০ শত বুয়র পাহাড় আরোহণ করিতে আরম্ভ করিলেন।

এই সময় ইংরাজদিগের আহত সৈন্তের সংখ্যাও ক্রমে বর্ধিত হইতে লাগিল। কাকিরগণ প্রাণপণে আহতগণকে আনিয়া, ডাক্তারের নিকট উপস্থিত করিতে লাগিল। কাকিরগণ সেই সময় এতদূর উৎসাহের সহিত কার্য করিতে আরম্ভ করিয়াছিল যে, গুলি খাইয়া একজনের অঙ্গ দিয়া ভয়ানক কথির ধারা ছুটিতেছিল, কিন্তু তাহার দিকে সে কিছুমাত্র লক্ষ্য না করিয়া, আপনার কর্তব্য কার্য প্রতিপালন করিতেছিল।

সৈনিকগণের মধ্যে সকলেই যে বিশেষ আন্তরিক যত্নের সহিত তাঁহাদিগের কর্তব্যপালন করিতেছিলেন, এরূপ অস্বাভাবিক হয় না। কেহ গুলি আনিতে বাইতেছেন, কাহাকেও অপর সেনানী ডাকিয়াছেন, এইরূপ একটা একটা ওজর করিয়া অনেকে এদিক ওদিক হইতে লাগিলেন।

যাঁহারা আন্তরিক ইচ্ছার সহিত বন্দুক ধরিয়াছিলেন, তাঁহারা কিন্তু সেই বন্দুক সহজে পরিত্যাগ করিলেন না। মস্তকে গুলি লাগায় একজন সৈন্ত সাংঘাতিকরূপে আহত হইয়াছেন; ডাক্তার তাঁহার মস্তক এরূপভাবে বাঁধিয়া দিয়াছেন-যে, কেবল তাঁহার মুখ ও চক্ষু ভিন্ন আর কিছুই দৃষ্টিগোচর হইতেছে না; তথাপি কিন্তু তিনি বন্দুক পরিত্যাগ করেন নাই,— প্রাণপণে বুররদিগের উপর গুলি নিক্ষেপ করিতেছিলেন।

ইংরাজদিগের এই অবস্থা দেখিয়া বুররগণের মধ্যে ১৫০ জন আপন আপন জীবনের আশা পরিত্যাগ করিয়া, নিচোলস স্মিটের (Nicholas Smidt) কর্তৃত্বাধীনে, তুল, প্রস্তর, বৃক্ষ অবলম্বনে সেই দুই সহস্র ফিট উচ্চ পাহাড়ের উপর বুক বাহিয়া



মাৰ্জুবা পাহাড়।

■

উঠিতে লাগিলেন। উঠিবার সময় তাঁহাদিগের চকু রছিল উর্কে। উঠিতে উঠিতে পাহাড়ের উপর হইতে বাহাকে মুখ বাড়াইতে দেখিতে পাইলেন, তাঁহাকেই গুলি মারিতে লাগিলেন।

এইরূপ উপারে নিকোলাস্ স্মিট ৮০ জন বুয়রসৈন্তের সহিত প্রথমেই সেই পাহাড়ের উপর উঠিয়া পড়িলেন। প্রাতঃকাল হইতে পাহাড় বাহিরা ২০০০ ফিট উঠিতে, দিবা বিপ্রহর অতিবাহিত হইয়া গেল।

ইংরাজ-সৈন্যগণ বুয়রদিগকে সেই পাহাড়ের উপর উঠিতে দেখিয়া, একবার প্রাণপণে সঙ্গীনের যুদ্ধ করিলেন। কিন্তু, বুয়রদিগের হস্তে নিষ্কৃতিলাভ একেবারে অসম্ভব দেখিয়া, পলায়ন করিবার উদ্ভোগ করিতে লাগিলেন। স্থার জর্জ কোলি যে স্থানে দাঁড়াইয়াছিলেন, সেইস্থান হইতে পদমাত্র বিচলিত না হইয়া, বাহাতে নিজের সৈন্তগণ পলায়ন করিতে না পারেন, তাহার চেষ্টা করিতে লাগিলেন, ও মুখে তাঁহাদিগকে সাহস দিয়া কহিতে লাগিলেন, “বৎসগণ, আমাকে পরিত্যাগ করিয়া তোমরা পশ্চাদ্গত হইও না।” সেই সময় বুয়রদিগের একটা গুলি আসিয়া তাঁহার মস্তকভেদ করিয়া চলিয়া গেল, তিনিও সেইস্থানে পতিত হইয়া, ইহজীবন পরিত্যাগ করিলেন। এই যুদ্ধে ইংরাজদিগের ৬ জন সেনানী ও ৯০ জন সৈন্য হত এবং ৭ জন সেনানী ও ১২৫ জন সৈন্য আহত হইয়া ছিলেন। তদ্ব্যতীত, ৭ জন সেনানী ও ৪৯ জন সৈন্য বুয়র হস্তে ধৃত হন। বুয়রদিগের ক্ষতি নিতান্ত সামান্যই হইয়াছিল; তাঁহাদিগের কেবলমাত্র ১ জন হত ও ৫ জন আহত হয়।

১ শ্য়ার-জর্জ-কোলি ১৮৩৫ খৃষ্টাব্দে ১লা নভেম্বর তারিখে, আয়ারলণ্ডের রাজধানী ডবলিন্ নগরে জন্মগ্রহণ করেন। ১৮৩৭ খৃষ্টাব্দে অর্থাৎ ষে বৎসর আমাদের ভারতেশ্বরী প্রথম রাজসিংহাসনে আরোহণ করেন, সেই বৎসর তাঁহার পিতা তাঁহাকে সঙ্গে করিয়া দেশপর্যটনে বহির্গত হন। সেই সময় তাঁহার বয়ঃক্রম ছিল, ২ বৎসরমাত্র।

যখন তাঁহার বয়ঃক্রম ৮ বৎসর ; সেই সময় তাঁহার পিতা দেশ পর্যটন করিয়া প্রত্যাবর্তন করেন। যখন তাঁহার বয়ঃক্রম ১৩ বৎসর, সেই সময় তিনি সামরিক-বিজ্ঞা-শিক্ষা করিবার মানসে সেণ্ডহাষ্ট' কলেজে প্রবিষ্ট হন। সেইস্থানে তিন বৎসর কাল অধ্যয়ন করিয়া, বিশেষ সুখ্যাতির সহিত পরীক্ষায় উত্তীর্ণ হন।

ইহার পরই শ্য়ার-জর্জ-কোলি নিম্নশ্রেণীস্থ একটা সৈনিকের পদ গ্রহণ করিয়া, দক্ষিণ আফ্রিকায় আগমন করেন।

১৮৫৪ খৃষ্টাব্দে তাঁহার দলস্থিত সৈন্তের সহিত তিনি আয়ারলণ্ডে প্রত্যাগমন করেন। এই সময় হইতে তিনি বিশেষরূপে লেখাপড়ার চর্চা আরম্ভ করেন ও অভাবপক্ষে প্রত্যহ চারি ঘণ্টা কাল তাঁহার নিয়মিত পড়িবার সময় স্থির করিয়া লন।

এই সময় বার্ক নামক তাঁহার একজন সেনানী বন্ধু জিমিয়ার যুদ্ধে গমন করেন। কোলির সেই যুদ্ধে গমন করিবার ইচ্ছা ছিল ; কিন্তু, তিনি তাঁহার সেই ইচ্ছা পূর্ণ করিতে পারেন নাই। ইহার কয়েক সপ্তাহ পরে, তাঁহাকে পুনরায় দক্ষিণ আফ্রিকায় গমন করিতে হয়।

গমনকালীন পশ্চিমধ্যে তিনি নিম্নলিখিত কবিতাটী রচনা করেন ;—

“ Lord ! ere I join the deadly strife
And battle’s terrors dare,
First would I render soul and life
To thine Almighty care.

And when grim Death, in smoke-wreathes
robbed,
Comes thundering o’er the scene,
What fear can reach a soldier’s heart
Whose trust in Thee has been ?”

পশিবান্ন আগে বিভো ! ভীষণ সমরে,
সম্মুখে রাখিয়া দৃশ্য অতি ভয়াবহ,
প্রথমে সঁপিব আমি সর্বশক্তিকরে,
হৃদয়ের ভক্তি আদি মন প্রাণ সহ ।

বিভীষিকাময়ী মূর্তি মৃত্যুর বধন,
আসিয়া পশিবে ক্রভ ধূমের মাঝারে,
কোন বীর হিয়া বল ডরবে তখন,
প্রগাঢ় বিশ্বাস যা’র তোমার উপরে ।

এই কবিতা পাঠ করিয়া, সহজেই অনুমান করিতে পারা যায় যে, তিনি কেবলমাত্র সৈনিকপুরুষ ছিলেন না; তিনি একজন কবির মধ্যেও পরিগণিত ছিলেন।

ইহার পর একটা সংগ্রাম উপলক্ষে তাঁহাকে চীনদেশে গমন করিতে হয়। চীন-রাজ্যের পিকিনের গ্রীষ্মনিবাস জালাইয়া দিবার সময় তিনি বিশেষরূপ সাহায্য করেন। ঐ স্থান লুণ্ঠন করিয়া যাহা কিছু পাওয়া গিয়াছিল, তাহার মধ্যে ইহার অংশ হয় ৫০ পাউণ্ড বা ৭৫০ টাকা।

ইহার পর ইংলণ্ডে প্রত্যাগমন করিয়া ষ্টাফ কলেজের (Staff College) পরীক্ষায় উত্তীর্ণ হন। পরিশেষে আফ্রিকার আশান্তি যুদ্ধে (Ashanti) রসদ লইয়া যাইবার কর্মচারিগণের মধ্যে সর্কপ্রধানপদে নিযুক্ত হইয়া গমন করেন।

ইহার কিছুদিবস পরেই কর্ণেলের পদে নিযুক্ত ও সি, বি, (Commander of the Bath) উপাধি প্রাপ্ত হন।

১৮৭৫ খৃষ্টাব্দে নেটালে গমন করিয়া সর্ব প্রথমে তিনি ট্রান্সভালের বিষয় অবগত হন। ইহার পর ভারতীয় বড় লর্ড লিটনের (Lord Lytton) সময়-সচিবের পদে হইয়া, তিনি ভারতবর্ষে।

১৮৭৮ খৃষ্টাব্দে, তিনি কাবুল যুদ্ধে গমন করেন। কাবুল হইতে প্রত্যাবর্তন করিয়া, তিনি কে

(Knight Commander of the Star of India) উপাধিতে

ভূষিত হন। জুলু-যুদ্ধের সময় তিনি পুনরায় নেটালে গমন করেন এবং সেই যুদ্ধে জয়লাভ করিয়া, তিনি পুনরায় ভারতে প্রত্যাগমন করেন। পরিশেষে গভর্নর, হাই কমিশনার ও

কমেণ্ডারের পদে নিযুক্ত হইয়া, তিনি দক্ষিণ আফ্রিকায় গমন করেন; এবং অবশেষে মাজুবা পাহাড়ের যুদ্ধে আপন জীবন বিসর্জন করেন।

স্মার-জর্জ-কোলির মৃত্যুর পর তাঁহার নিয়মদস্থ সার-এভিলিন উড্ (Sir Evelyn Wood) অস্থায়িকরূপে তাঁহার পদে নিযুক্ত হন। এই সময়ে বুরর ও ইংরাজদিগের মধ্যে এক সন্ধি সংস্থাপিত হইয়া, উভয়পক্ষের গোলযোগ মিটয়া যায়। যে সময় ট্রান্সভালের বুরর ও ইংরাজদিগের মধ্যে যুদ্ধ উপস্থিত হইয়াছিল, সেই সময় স্বাধীন-অরেঞ্জ-রাজ্যের সভাপতি ছিলেন; সার-হেনরী-ব্র্যাণ্ড (Sir Henry Brand)। ইনি ঐ যুদ্ধ সময়ে কোন পক্ষ অবলম্বন না করিয়া, নিরপেক্ষভাবে ছিলেন, এখন তাঁহারই উদ্যোগে ও যত্নে উভয়পক্ষের মধ্যে সন্ধি স্থাপিত হয়। ঐ সন্ধির সর্ব অনুসারে ট্রান্সভালের বুররগণ সেই রাজ্যের মধ্যে আপনাদের স্বাধীনতা পুনঃপ্রাপ্ত হন; কিন্তু ইহাও স্থিরীকৃত হয় যে, ইংরাজ-গভর্নমেন্টের বিনা অনুমতিতে অপর কোন বিদেশীয়-গভর্নমেন্টের সহিত তাঁহারা কোন প্রকার সন্ধি প্রভৃতি করিতে পারিবেন না। ইহা ব্যতীত অপরূপ সকল বিষয়েই তাঁহারা ইংরাজ-গভর্নমেন্টের প্রাধান্ত স্বীকার করিতে সম্মত রহিলেন।


১৮৮১ খৃষ্টাব্দের যে সন্ধি অনুসারে ট্রান্সভাল স্বাধীনতা লাভ করিয়াছিল, ১৮৮৪ খৃষ্টাব্দে ঐ রাজ্যের সভাপতি পল ক্রুগার (Paul Kruger) সন্ধির সর্ব সকল কিছু কিছু পরিবর্তন করিয়া দেন। এই সন্ধিতে যে সকল সর্ব পরিবর্তিত হইয়াছিল, তাহার মধ্যে নিম্নলিখিত দুইটাই প্রধান।



পল ক্রুগার । Paul Kruger.

পূর্বে সৰ্ত্ত ছিল যে, “ইংরাজ-গভর্নমেন্টের বিনামূল্যে অপর কোন বিদেশীয় গভর্নমেন্টের সহিত ট্রান্সভাল কোন প্রকার সন্ধি প্রভৃতি করিতে পারিবেন না।” এই সৰ্ত্ত পরিবর্তিত হইয়া, এখন ইহাই স্থিরীকৃত হইল যে, তাহারা বিদেশীয় গভর্নমেন্টের সহিত সন্ধি স্থাপিত করিতে পারিবেন, কিন্তু, সেই সন্ধি পত্রের একখানি অবিকল নকল ইংরাজ-গভর্নমেন্টের নিকট প্রেরণ করিতে হইবে। ঐ নকল প্রাপ্তে যদি ইংরাজ-গভর্নমেন্ট ৬ মাসের মধ্যে কোনরূপ আপত্তি উত্থাপন না করেন, তাহা হইলে বুঝিয়া লইতে হইবে যে, ইহাতে ইংরাজ-গভর্নমেন্টের কোন আপত্তি নাই। কিন্তু, অরেন্জ-স্বাধীনরাজ্যের সহিত যে কোন সন্ধি স্থাপিত হইবে, তাহার সংবাদ ইংরাজ-গভর্নমেন্টকে প্রদান করিবার প্রয়োজন হইবে না।

২। সকল বিষয়েই ট্রান্সভাল ইংরাজ-গভর্নমেন্টের প্রাধাত্য (Suzerainty) স্বীকার করিবেন,—এই কথা পূর্বে সন্ধিপত্রে লেখা ছিল, এবার তাহার কোনরূপ উল্লেখ রহিল না।





পঞ্চম খণ্ড ।

জে.সি.সি. রেড ।





জাৰ্মান ৱেড ।

প্ৰথম পাৰ্শ্বদ ।

বেচুয়ানাৰ্শ্বাণ্ডেৰ গোলযোগ

গ্ৰিকোয়া (Griqua), বেরোলং (Barolong), বেটলাপিন্
(Batlapin) নামক তিনটি জাতি কিলুপে স্বাধীনতা প্ৰাপ্ত
হইয়াছিল, তাহা ইতিপূৰ্বে বৰ্ণিত হইয়াছে। স্বাধীন হইবার
পৰ হইতেই উহাদিগেৰ মধ্যে আৰও গোলযোগ উপস্থিত
হয় ও উহারা ক্ৰমে দুই দলে বিভক্ত হইয়া পৰস্পৰ
পৰস্পৰেৰ বিপক্ষে দণ্ডায়মান হয়। ইহাদিগেৰ এক দলেৰ

মধ্যে একজন f-কর্মচারী ছিলেন। তিনি যখন দেখিলেন যে, উভয় দলের মধ্যে সহজে গোলযোগ মিটিবার সম্ভাবনা নাই, তখন তিনি এই পরামর্শ প্রদান করিলেন যে, সেই প্রদেশীয় খেতাজগণকে সখের-সৈন্তরূপে নিযুক্ত করিতে পারিলে, তাঁহাদিগের দ্বারা ঐ যুদ্ধের বিশেষরূপ সাহায্য হইতে পারে। এই প্রস্তাব ক্রমে কার্যে পরিণত হয় ও এই মর্মে একদল খেতাজ-সৈন্ত নিযুক্ত হন যে, যুদ্ধ পরিসমাপ্ত হইলে, তাঁহাদিগের প্রত্যেককেই উপযুক্তরূপ জমি প্রদান


এক পক্ষে এইরূপে খেতাজগণ নিযুক্ত হইতে লাগিলেন দেখিয়া, অপর পক্ষীয় লোকেরাও সেইরূপ ভাবে খেতাজগণকে নিযুক্ত করিতে লাগিলেন। ক্রমে উভয়পক্ষেই বিস্তর খেতাজ যোগ দিয়া, উভয়ে উভয়ের বিরুদ্ধে অস্ত্রধারণ করিতে লাগিলেন। ইহার পরিণাম এই হইল যে, প্রকৃত প্রস্তাবে এই সকল যুদ্ধ খেতাজগণের মধ্যেই হইতে লাগিল ; এক-পক্ষীয় খেতাজগণ অপর পক্ষীয় খেতাজগণের হস্তে ক্রমে নিধনপ্রাপ্ত হইতে লাগিলেন

এই অবস্থা দেখিয়া, পরিশেষে ইংরাজ-গভর্নমেন্টকে ইহাতে হস্তক্ষেপ করিতে হইল। ইংরাজ-গভর্নমেন্টকর্তৃক প্রেরিত একদল সৈন্ত স্যার-চার্লস-ওয়ারেনের (Sir Charles Warren) কর্তৃত্বাধীনে সেই প্রদেশে গমন করিয়া দেখিলেন যে, ঐ প্রদেশ দুইটা স্বাধীন রাজ্যে পরিণত হইয়াছে। একটা রাজ্যের নাম হইয়াছে গোসেন (Goshen) রাজ্য, ও অপরটা ষ্টেলাল্যান্ড (Stellaland) রাজ্য। ইংরাজ-সৈন্ত সেইস্থানে উপস্থিত হইলে, ১৮৮৫ খৃষ্টাব্দের সেপ্টেম্বর মাসে বিভাগ হই



স্যার চার্লস ওয়ারেন । Sir Charles Warren.

উভয় স্থান ইংরাজদিগের অধিকারভুক্ত হইল। ঐ স্থান
ছইটি ইংরাজগণ পাঁচটি বিভাগে অর্থাৎ ম্যাফেকিং (Mafeking),
রাইবার্গ (Vryberg), টাউঙ্গ (Toung), কুরুমান
(Kuruman) ও গার্ডোনিয়া (Gardonia) নামে অভিহিত
করিয়া শাসন করিতে নিযুক্ত হইলেন। এইস্থান কয়েকটা
বর্তমান ব্রিটিশ বেচুয়ানা প্রদেশের অন্তর্ভুক্ত



তিনি পার্শ্বদ।

স্বর্ণ-খনির আবিষ্কার

১৮৮৬ খৃষ্টাব্দে ট্রান্সভাল প্রদেশের মধ্যে সর্বপ্রথম লিডেনবার্গ (Lydenberg) নামক স্থানে স্বর্ণ-খনি আবিষ্কৃত হয়। এই স্বর্ণ-খনি আবিষ্কৃত হইবার পর, নানা স্থান হইতে নানা জাতীয় লোক আসিয়া, ঐ স্থানে উপস্থিত হইতে থাকেন। অনেকগুলি ইংরাজও সেই সময় এখানে আসিয়া উপস্থিত হন। দেখিতে দেখিতে অতি অল্প দিবসের মধ্যে বারবারটন (Barberton) নামক একটি নগরী ঐ প্রদেশে স্থাপিত হইয়া যায়।

এই সময়ে উইট ওয়াটার্স রেন্ড (Wit Waters Rand) নামক স্থানে আরও অধিক পরিমাণে স্বর্ণ উদ্ভিত হইতে আরম্ভ হওয়ায়, সেই প্রদেশীয় অনেক লোকের দৃষ্টি এইস্থানের উপর পতিত হয় ও অনেকেই বারবারটন নগর পরিত্যাগ

করিয়া, সেইস্থানে গমন করেন। এইস্থানে অতি অল্প দিবসের মধ্যেই জোহান্সবার্গ (Johansberg) নামক একটা সমৃদ্ধিশালী ও মনোরম নগর স্থাপিত হইয়া পড়ে

সুবর্ণ-খনি সকল আবিষ্কৃত হইবার সঙ্গে সঙ্গে রাজ্যের আয় অতিশয় বৃদ্ধি হইয়া পড়ে। সুতরাং, রাজত্বের মধ্যবর্তী স্থান সকলের অবস্থার বিশেষরূপে উন্নতি হয়। নূতন নূতন উৎকৃষ্ট সৌধাবলীর দ্বারা নগর সকল শোভিত হইতে আরম্ভ হয়, নানাস্থানে টেলিগ্রাফ সংস্থাপিত হইয়া, সংবাদাদি চলাচলের উপায় হয়, নদীসমূহের উপর সুরম্য সেতু সকল নির্মিত হইয়া, পারাপারের কষ্ট দূরীভূত হয় ও স্থানে স্থানে বিস্তৃত রাজবন্দীসমূহ প্রস্তুত হইয়া, শকটাদি চলিবার বিশেষ সুবিধা হয়

রাজ্যের মধ্যে নানাস্থানে ডাচভাষা শিক্ষার উপযোগী সরকারী স্কুল ত ছিলই; তদ্ব্যতীত, ইংরাজী শিক্ষার নিমিত্ত ইংরাজ অধিবাসিগণ নানাস্থানে ইংরাজীস্কুল স্থাপিত করেন

রাজকার্য পরিচালনের নিমিত্ত একটা সমিতি পূর্ক হইতেই স্থাপিত হইয়াছিল, ও সেই সমিতির অনুমোদন অনুসারে প্রত্যেক পাঁচ বৎসরের নিমিত্ত একজন করিয়া সভাপতি নিযুক্ত হইবার নিয়ম ছিল; কিন্তু, পল ক্রুগার (Paul-Kruger) পর পর সভাপতির পদে নিযুক্ত হইয়া, রাজকার্য পরিচালনা করিয়া আসিতেছিলেন। আর প্রত্যেক দশ বৎসরের পর কমাণ্ডাণ্ট-জেনারেলের পদ পরিবর্তনের নিয়ম থাকিলেও পি, জুবের্তার (P. Joubert) ঐ কার্যে প্রথম হইতেই নিযুক্ত ছিলেন।



ভাৰতীয় পাবলিক।



চাৰ্টাৰ কোম্পানী। (Chartered Company.)

ট্ৰান্সভাল ৰাজ্যৰ উত্তৰে অৰ্থাৎ লিমপোপো নদীৰ উত্তৰে যে সকল স্থান জঙ্গল ৰূপে পৰিণত ছিল, সেই সকল প্ৰদেশে ইংৰাজদিগেৰ বাসস্থান স্থাপন কৰিবাব মানসে সিসিল ৰোডস (Cecil Rhodes) নামক জনৈক ধনশালী ইংৰাজ, ইংৰাজ-গভৰ্ণমেণ্টেৰ নিকট হইতে ১৮৮০ খৃষ্টাব্দে ঐ প্ৰদেশটী বন্দোবস্ত কৰিয়া লইয়া, ঐ প্ৰদেশে স্বাধিকাৰ প্ৰতিষ্ঠিত কৰিবাব মানসে চাৰ্টাৰ কোম্পানী (Chartered Company) নামক একটা কোম্পানীৰ সৃষ্টি কৰেন। ঐ কাৰ্য্য বাহাতে সূচাৰুৰূপে সম্পন্ন হয়, তাহাৰ বন্দোবস্ত কৰিবাব নিমিত্ত জেমিসন্ (Jameson) নামক আৰ একজন ইংৰাজকে ঐ প্ৰদেশে পাঠাইয়া যেন।

জেমিসন ঐ প্রদেশে গমন করিয়া, একদল অস্ত্রধারী পুলিশের সৃষ্টি করেন। এবং তাঁহাদিগের সাহায্যে ঐ প্রদেশীয় আদিম অধিবাসিগণকে সেই প্রদেশ হইতে বহির্গত করিয়া দিয়া, স্থানে স্থানে কয়েকটা ছুর্গ নির্মাণ পূর্বক, ক্রমে কৃষিজীবী ইংরাজগণের বাসস্থান স্থাপিত করিতে আরম্ভ করেন। এইরূপে ঐ প্রদেশ স্থাপিত করিতে করিতে ১৮৯৩ খৃষ্টাব্দ আসিয়া উপস্থিত হয়।

১৮৯৩ খৃষ্টাব্দের এপ্রেল মাসে চারটার কোম্পানীর সহিত মাটাবেলা জাতির এক যুদ্ধ হয়। এই যুদ্ধে ইংরাজ-গভর্নমেন্ট চারটার কোম্পানীকে বিশেষরূপে সাহায্য করিয়া, মাটাবেলাদিগের বিরুদ্ধে অস্ত্রধারণ করেন। যুদ্ধে মাটাবেলাগণ সম্পূর্ণরূপে পরাজিত হইয়া ইংরাজ-গভর্নমেন্টের অধীনতা স্বীকার করে। ঐ সময় চারটার কোম্পানীর অধিকৃত স্থান সকলের নিকটবর্তী যে সকল স্থান মাটাবেলাদিগের অধিকারভুক্ত ছিল, তাহা কোম্পানীর অধিকারভুক্ত হয়।





চতুর্থ প্যারাগ্রাফ ।

বুয়রদিগের নিকট অপরাপর জাতির অধিকার প্রার্থনা ।

সুবর্ণ-খনি সকল বাহির হইবার পর যে সকল ইংরাজ ট্রান্সভালে আসিয়া তাঁহাদিগের অধিবাস স্থাপন করেন, নানা কারণে ক্রমে তাঁহারা ট্রান্সভাল-গভর্নমেন্টের উপর অসন্তুষ্ট হইতে আরম্ভ করেন। সেই সকল কারণের মধ্যে নিম্নলিখিত ঘটনাগুলিই উল্লেখ যোগ্য ।

১৮৮১ সাল হইতে নিয়ম ছিল যে, ট্রান্সভাল প্রদেশে দুই বৎসর বাস করিবার পর যে কোন জাতি ঐ প্রদেশীয় রাজকার্য-নির্বাহক সভার সভ্য নিযুক্ত করিবার সময় আপনাদের মতামত প্রকাশ করিতে পারিবেন; অর্থাৎ ভোটদানে তাঁহাদের অধিকার জন্মিবে। ১৮৮২ খৃষ্টাব্দে ঐ নিয়মের পরিবর্তন হইয়া, দুই বৎসরের স্থানে পাঁচ বৎসর হয়। কিন্তু,

ঐ পাঁচ বৎসর অতীত হইতে না হইতেই, অর্থাৎ ১৮৮৭ খৃষ্টাব্দের পূর্বেই, পুনরায় নিয়ম হয় যে, ১৫ বৎসর ঐ প্রদেশে বাস না করিয়া, কেহ ভোট দিতে পারিবেন না ।

এই নিয়ম প্রচলিত হওয়ার, সেইস্থানের তিন্ন দেশীয় অধিবাসিগণ বিশেষরূপ অসন্তুষ্ট হন । সভাপতি তাঁহাদিগের সেই অসন্তোষ নিবারণ করিবার মানসে, পূর্বনিয়ম পরিবর্তিত করিয়া, ১৮৯০ খৃষ্টাব্দে, ১৫ বৎসর স্থানে ১০ বৎসর করিয়া দিলেন ; এবং আরও নিয়ম করিলেন যে, ১৫ বৎসর সেইস্থানে বাস করিলে তিনি ঐ সভার সভ্যপদপ্রার্থী হইতে পারিবেন । এই সঙ্গে সঙ্গে রাজকার্যনির্বাহক সভার অধীনে আর একটা সভা স্থাপিত করিলেন, ও নিয়ম করিয়া দিলেন যে, দুই বৎসর কাল ঐ প্রদেশে বাস করিবার পর যে কোন জাতি এই শেষোক্ত সভার সভ্য নির্বাচনে ভোট দিতে পারিবেন, ও চারি বৎসর অধিবাসের পর, ঐ সভার সভ্যপদপ্রার্থী হইতে সমর্থ হইবেন ।

✓ ১৮৯৩ খৃষ্টাব্দে, সভাপতি ক্রুগার (Kruger) পুনরায় নিয়ম করিলেন যে, ত্রিশ বৎসরের ন্যূনবয়স্ক ব্যক্তি অধীনস্থ সভার সভ্যপদপ্রার্থী হইতে পারিবেন না, অথচ অধীনস্থ সভার সভ্যপদপ্রার্থীর সমস্ত উপস্থিত হইলেও, তাহার পর দশ বৎসর সেই প্রদেশে বাস না করিলে, তিনি প্রধান সভার সভ্যপদপ্রার্থী হইতে পারিবেন না ; স্থূল কথায়, সেই প্রদেশে বাস করিয়া যে পর্য্যন্ত চল্লিশ বৎসর বয়ঃক্রম না হইবে, সেই পর্য্যন্ত কেহই প্রধান সভার প্রবেশ করিতে অধিকারী নহেন ।

কোন বিদেশীয় লোক ঐ প্রদেশে আগমন করিলে, ১৫ দিবসের মধ্যে তাঁহার নাম রেজিস্টারী করিতে হইবে, এই কথা আইনে থাকিলেও, সেই আইনের দিকে গভর্নমেন্ট বিশেষরূপ দৃষ্টি রাখিতেন না। সুতরাং, বিদেশীয়গণের মধ্যে সকলে উহা জানিতেন না বলিয়া, সময়মত তাঁহাদিগের নাম রেজিস্টারী করাইতেন না; পরিশেষে সেই দেশে অধিবেশন করিবার পর যখন তাঁহার ভোট দিবার বা সভ্যপদপ্রার্থীর সময় উপস্থিত হইত, তখন তাঁহাকে তাহা দেওয়া হইত না। তিনি ১০।১২ বৎসর সেই প্রদেশে বাস করা সত্ত্বেও, সেই সময় তাঁহার নাম রেজিস্টারীভুক্ত হইয়া, সেই দিবস হইতে তাঁহাকে সেইস্থানের অধিবাসিরূপে গণ্য করা হইত। সুতরাং, এইরূপ উপায়ে অনেককেই তাঁহাদিগের অধিকার হইতে প্রকারান্তরে বিচ্যুত করা হইত।

এই সকল কারণ ব্যতীত, সভাপতি পল জুগার অপর জাতীয় লোকদিগের সহিত বুয়রদিগকে ভিন্ন চক্ষুতে দেখিতে লাগিলেন। যথা;—

১। বুয়রদিগের অপেক্ষা অপর জাতিকে অধিক পরিমাণ কর দিতে হইত।

২। অপর জাতিকে যে সকল কার্যের নিমিত্ত ষ্ট্যাম্প ব্যবহার করিতে হইত, বুয়রদিগের সেই কার্যের নিমিত্ত ষ্ট্যাম্প লাগিত না।

৩। স্বর্ণ-খনিতে ডিনামাইটের অতিশয় ব্যবহার হইত; কিন্তু, গভর্নমেন্ট ডিনামাইটের ব্যবসা একজনকে একচেটিয়া করিয়া দিয়াছিলেন বলিয়া, তিনি তাহার মূল্য বধেছা বৃদ্ধি

করিয়াছিলেন ; সুতরাং ইহার নিমিত্ত বর্ণ-ধনি-ধননকারিগণকে বিশেষরূপ ক্ষতি সহ্য করিতে হইত ।

৪। এইরূপভাবে রেলওয়ের কার্য একটীমাত্র কোম্পানী একচেটিয়া করিয়া লওয়ায়, উক্ত কোম্পানী অধিক পরিমাণ মাণ্ডল গহণ করিতে ক্রটি করিতেন না ।

৫। অপর কোন জাতিকে পুলিশের কার্যে নিযুক্ত না করিয়া, কেবলমাত্র অশিক্ষিত ব্যয়দিগের হস্তে ঐ কার্যের ভার গ্রস্ত হইত ; ইহাতে অপর জাতির বিশেষরূপ অসুবিধা হইত ।

৬। শুণ্ড খরচ বলিয়া, গভর্ণমেন্ট অযথা অর্থব্যয় করিতেন ; কিন্তু, কি নিমিত্ত যে ঐ অর্থ ব্যয় হইত, তাহা অপর কাহার জানিবার অধিকার ছিল না ।

এইরূপ আরও কতকগুলি কার্যের নিমিত্ত অসন্তুষ্ট হইয়া, ঐ প্রদেশীয় অপর জাতীয় অধিবাসিগণের মধ্যে প্রায় ১৩,০০০ সহস্র লোক মিলিত হইয়া, তাঁহাদিগের হুঃখ বিমোচন করিবার প্রত্যাশায় জুগারের নিকট ১৮৯৪ খৃষ্টাব্দে এক আবেদন করেন ; কিন্তু, উহাতে কোন ফলই হয় না ;—ঠাট্টা করিয়া উহা একেবারেই উড়াইয়া দেওয়া হয় ।

১৮৯৫ খৃষ্টাব্দে, পুনরায় ৩৮,০০০ সহস্র লোক মিলিত হইয়া, আর একখানি আবেদন করেন ; তাহাও গ্রাহ্য হয় না । এই আবেদনকারিগণের মধ্যে অধিকাংশই জোহান্সবার্গের অধিবাসী ছিলেন ।



পঞ্চম প্যারিচেদ ।

অবাধ্যতা ।

জোহান্সবার্গের অধিবাসিগণ যখন দেখিলেন যে, ট্রান্সভাল গভর্নমেন্ট কোনরূপেই তাঁহাদিগের কথায় কর্ণপাত করিলেন না, তখন তাঁহারা রাজবিদ্রোহী হইবার ইচ্ছা প্রকাশ করিলেন । রাজবিদ্রোহী হইতে হইলে, প্রথমেই কামান, বন্দুক ও গুলি বাকুদের প্রয়োজন হয় ; কিন্তু, তাহা সেই প্রদেশ হইতে সংগ্রহ করা সুকঠিন । সুতরাং, তাঁহারা সকলে চাঁদা করিয়া, অর্থের সংস্থান করিলেন ও ঐ অর্থ দিয়া ইংলণ্ড হইতে কামান, বন্দুক ও গুলি বাকুদ প্রভৃতি ক্রমে “বয়লারের” ভিতর পুরিয়া ট্রান্সভাল গভর্নমেন্টের অগোচরে সেই-স্থানে আনাইতে লাগিলেন ।

সভাপতি জুগারও এই সংবাদ জানিতে পারিয়া, জোহান্সবার্গ ও প্রিটোরিয়া প্রভৃতি স্থানের ছুর্গ সকল দৃঢ় করিতে

আরম্ভ করিলেন । জম্মী হইতে “ম্যাক্সিম” ও “ক্রুপ” নামক বৃহৎ বৃহৎ কামান সকল আনাইয়া, ঐ সকল দুর্গে স্থাপিত করিতে লাগিলেন ।

এদিকে সিসিল রোডস্ চারটার কোম্পানীর সর্বপ্রধান অধ্যক্ষ জেমিসন্ সাহেবের উপর আদেশ প্রদান করিলেন যে, হঠাৎ প্রয়োজন মত যুদ্ধে প্রবিষ্ট হইতে পারে, একরূপ সৈন্ত সামন্ত, অস্ত্র শস্ত্র ও এক বৎসরের আহাৰাদির সহিত যেন ম্যাকেকিং এর সীমান্তপ্রদেশে উপস্থিত থাকে ।

এই আদেশ তিনি হঠাৎ কেন প্রদান করিয়াছিলেন, তাহা এপর্যন্ত প্রকাশিত হয় নাই । কিন্তু, কেহ কেহ অনুমান করেন, জোহান্সবার্গের যেত অধিবাসিগণ ট্রান্সভাল গভর্নমেন্টের বিপক্ষে যে অস্ত্রধারণ করিবেন, তাহা তিনি অবগত ছিলেন । কারণ, ঐস্থানের একটা স্বর্গধনি তাঁহার ইজারার মধ্যে ছিল এবং তাঁহার ভ্রাতা কর্ণেল রাডস্ (Colonel Rhodes) সেইস্থানে থাকিয়া, ঐ খনিসংক্রান্ত সমস্ত কার্য্য নিৰ্ব্বাহ করিতেন । তাঁহাদিগকে সাহায্য করিবার নিমিত্তই বোধ হয়, তিনি ঐ আদেশ প্রদান করেন । *

১৮৯৫ খৃষ্টাব্দের ২৮শে, ডিসেম্বর তারিখে, ডাক্তার জেমিসন্ (Dr. Jamezon) জোহান্সবার্গের কয়েকজন প্রধান প্রধান ব্যক্তির স্বাক্ষরিত একখানি পত্র প্রাপ্ত হন । তাহাতে এইরূপ লিখিত থাকে যে, “আমরা যখন ট্রান্সভাল গভর্নমেন্টের

বিপক্ষে অন্তর্ধারণ করিব, সেই সময় আপনি আসিয়া যেন আমাদিগকে সাহায্য করেন।”

এই পত্র প্রাপ্ত ইবাংআই, জেমিসন ম্যাকেফিং হইতে সসৈন্তে জোহান্সবার্গের দিকে ধাবিত হইলেন। ট্রান্সভালের বিপক্ষে অন্তর্ধারণ করিবার ইচ্ছা তাঁহার এতদূর বলবতী হইয়াছিল যে, পাছে তাঁহাকে কেহ ঐ কার্য হইতে নিবৃত্ত করিবার চেষ্টা পান, এই আশঙ্কায় তিনি টেলিগ্রাফের তার ছিন্ন করিয়া দিয়া, যাহাতে তাঁহার নিকট কোনরূপ সংবাদ আসিয়া উপস্থিত হইতে না পারে, তাহার পস্থা করিয়া আসিয়াছিলেন।

যে সময় তিনি সসৈন্যে জোহান্সবার্গ অভিমুখে আগমন করিতেছিলেন, সেই সময়ে জোহান্সবার্গের অধিবাসিগণ, যাহারা বিদ্রোহী হইবার বাসনা করিয়াছিলেন, তাঁহারা কিন্তু সম্পূর্ণরূপে প্রস্তুত হইতে পারিয়াছিলেন না। এরূপ অবস্থায় সেই সময় কেন যে জেমিসন আগমন করিতেছেন, সে সম্বন্ধে ঠিক সংবাদ এখনও প্রকাশিত হয় নাই। কেহ কেহ অনুমান করেন, হয় জেমিসন জোহান্সবার্গের অধিবাসিগণের লিখিত পত্রের ভাবার্থ বুঝিতে পারেন নাই, অথবা তাঁহাদিগের নিকট হইতে অপর কোন সংবাদ পাইয়া তিনি আগমন করিতেছিলেন; কিম্বা, ট্রান্সভালের সভাপতি জুগারের কৌশলে তিনি পতিত হন, অর্থাৎ এই অবস্থা জানিতে পারিয়া যে সময় জোহান্সবার্গের অধিবাসিগণ সম্পূর্ণরূপে প্রস্তুত হইতে না পারিয়াছিলেন, সেই সময় জোহান্সবার্গের অধিবাসিগণের নাম জ্ঞাপ করিয়া জুগার তাঁহাকে যুদ্ধার্থ আহ্বান করেন।

কারণ, তিনি বেশ জানিতেন, যে পর্যন্ত জোহান্সবার্গের অধিবাসিগণ সম্পূর্ণরূপে প্রস্তুত হইতে না পারিবেন, সেই সময়ের মধ্যে জেমিসন আগমন করিলেই তাঁহার নিকট পরাজিত হইবেন । *



* See Review of Reviews, February 1896.



ষষ্ঠ প্যারিজেদ ।

“ক্রুগার ডর্প” নামক স্থানের যুদ্ধ ।

জেমিসন এইরূপে যুদ্ধযাত্রা করিবার পর, এই সংবাদ ইংলণ্ডে গিয়া উপনীত হইল। এই সংবাদ পাইবামাত্র উপ-নিবেশ-সচিব চেম্বারলেন সাহেব (Mr. Chamberlain) এবং সিসিল রোডস্ উভয়ে জেমিসনকে প্রতিনিবৃত্ত হইবার নিমিত্ত তারযোগে সংবাদ প্রেরণ করিলেন। কিন্তু, টেলিগ্রাফের তার ইতিপূর্বে তিনি ছিন্ন করিয়া রাখিয়াছিলেন বলিয়া, সেই সকল সংবাদ একেবারে তাঁহার নিকট উপস্থিত হইতে পারিল না; যত দূর পর্যন্ত আসিয়া পৌঁছিল, সেইস্থান হইতে ঐ সংবাদ অব্যাহত হইয়া দ্বারা তাঁহার নিকট প্রেরিত হইল। তিনি সেই সংবাদ অগ্রাহ করিয়া, সেইস্থান হইতে প্রতিনিবৃত্ত হইবার পরিবর্তে আরও অগ্রবর্তী হইতে লাগিলেন।



চেম্বারলেন সাহেব । Mr. Chamberlain.

এ দিকে সভাপতি জুগার তারযোগে জেমিসনের যুদ্ধযাত্রা-সংবাদ ইংলণ্ডে প্রেরণ করিলেন । চেম্বারলেন সাহেব তাহার উত্তরে কহিলেন যে, “আমি ইহার কিছুই অবগত নহি বা এই কার্যের নিমিত্ত আমি কোনরূপ আদেশও প্রদান করি নাই ।”

কেপকলোনির প্রধান রাজপ্রতিনিধি স্যার হারকিউলিস্ রবিনসন্ (Sir Herculis Robinson) এই সংবাদ অবগত হইয়া জেমিসনের উপর বিশেষরূপ অসন্তুষ্ট হইলেন ও এই মর্মে একখানি ঘোষণাপত্র প্রকাশ করিলেন যে, কোন ইংরাজ জেমিসনকে সহায়তা করিবার নিমিত্ত যেন ট্রান্স-ডালের বিপক্ষে অন্তর্ধারণ না করেন ।

জেমিসন যখন কোনরূপেই যুদ্ধ করিবার আশা পরিত্যাগ করিলেন না, তখন জুগার, সেনাপতি ক্রঞ্জির অধীনে এক সহস্র যুরসৈন্ত জেমিসনের বিপক্ষে প্রেরণ করিলেন।

উত্তর দল সম্মুখীন হইয়া, যুদ্ধে প্রবৃত্ত হইবার পূর্বে, সেনাপতি জুগারের শৌর্য অক্ষরোচ্চারণে জেমিসনের নিকট গমন করিয়া কহিলেন, “এখনও যদি আপনি অস্ত্র শস্ত্র ও গুলি বাকরুদ আমাদিগকে প্রদান করেন, তাহা হইলে আপনার বিরুদ্ধে অস্ত্র উত্তোলন করিব না; আপনি অনায়াসেই এইস্থান হইতে প্রস্থান করিতে পারিবেন।”

উত্তরে ডাক্তার জেমিসন তাঁহার অস্ত্র শস্ত্র কাড়িয়া লইয়া তাঁহাকে সেইস্থান হইতে দূরীভূত করিয়া দিলেন ও কহিলেন, “প্রিটোরিয়াম গমন করিয়া তুমি আমার বিরুদ্ধে অভিযোগ করিতে পার।”

ডাক্তার জেমিসন কোনরূপ প্রতিবন্ধকতা প্রাপ্ত না হইয়া, জুগার্স ডর্প নামক স্থান পর্য্যন্ত আসিয়া উপস্থিত হন। সেইস্থানে জেমিসন ও ক্রঞ্জির সহিত ১৮৯৬ সালের ১লা জানুয়ারী তারিখে, এক তুয়ুল যুদ্ধ হয়। সমস্ত রাত্রি ভয়ানক যুদ্ধ হইবার পর, ক্রঞ্জি জেমিসনের সৈন্যদিগকে এরূপ এক সঙ্কটময় স্থানে তাড়াইয়া লইয়া যান যে, জেমিসনের আর কোনরূপে নিজের পাইবার আশা থাকে না। সেই সময় ক্রঞ্জির পুত্র আহত হইয়া রণস্থলে পতিত হন। ক্রঞ্জি রক্তাক্ত পুত্রকে কোঁড়ে করিয়া, একটা নিরাপদ স্থানে গমন করেন; সেইস্থানে তাঁহার পুত্রকে রাখিয়া, যখন তিনি প্রত্যাগমন করিলেন, তখন দেখিলেন যে, জেমিসনের সৈন্যগণ

বুয়রদিগকে একেবারে পরাস্ত করিবার উৎক্রম কারিগরগণ
ও তাঁহারা একেবারে বুয়রদিগের পশ্চাত্তাগ পর্যন্ত আসিয়া
উপস্থিত হইয়াছেন ।

ক্রমি এই অবস্থা দেখিয়া অতিশয় চিন্তিত হইলেন ।
কিন্তু, পরিশেষে এক অপূৰ্ব কৌশল বাহির করিয়া একদম
ভাবে জেমিসনের সৈন্তগণকে এক গিরিসঙ্কটের ভিতর লইয়া
গেলেন যে, অন্তোপায় হইয়া, পরিশেষে ক্রমির হস্তে জেমি-
সনকে আত্মসমর্পণ করিতে হইল ।

এই যুদ্ধে ধৃত হন :—

ডাক্তার জেমিসন্ (Dr. Jameson.)

সেনাপতি স্মার-জন-উইলোগবি (Sir John Willoughby.)

কর্ণেল গ্রে (Colonel Grey.)

৪০০ হইতে ৪৫০ জন অপর্যাপর কর্মচারী ও সৈন্ত ।

৫০০ শত বন্দুক ।

৮টা মেস্সিফ্ কামান ও ৩টা অপর কামান ।

৭৪২টা ঘোড়া ও বিস্তর গুলি বারুদ প্রভৃতি ।

এই সকল লোকদিগকে কয়েদ করিয়া জোহান্সবার্গে
লইয়া যাওয়া হইল । ইহাদিগকে দেখিয়া পাছে জোহান্সবার্গের
অধিবাসিগণের হৃদয়ে পুনরায় বিদ্রোহানল প্রকলিত হয়, এই
ভাবিয়া হাই-কমিসনর রবিনসন সাহেব সেইস্থানে উপনীত হই-
লেন ও সেই প্রদেশীয় অধিবাসিগণকে নিরস্ত করিয়া দিলেন ।


ডাক্তার জেমিসন্ ও তাঁহার অধীনস্থ ব্যক্তিগণ যাহারা
এইরূপে ধৃত হইয়াছিলেন, তাঁহাদিগকে উৎকৃষ্ট শাস্তি প্রদান

করিবার মানসে ট্রান্সভাল-গভর্নমেন্ট হাই-কমিশনারের হস্তে
 তাঁহাদিগকে অর্পণ করেন ।

জোহান্সবার্গের যে সকল অধিবাসিবর্গ এই সংগ্রামে স্বেচ্ছা
 ছিলেন বলিয়া প্রকাশিত হইরাছিল, তাঁহাদিগের মধ্যে ৬৪
 জন মৃত হন ।

বিচারে কর্নেল রোডস্ প্রভৃতি ছারি জনের প্রাণদণ্ডের
 আদেশ হয় ; কিন্তু, পরিশেষে তাহা আদেশ রহিত হইয়া যায় ।
 অবশিষ্ট ৬০ জনের মধ্যে প্রত্যেকের ৩০,০০০ হাজার
 টাকা করিয়া অর্থদণ্ড ও দুই বৎসর করিয়া কারাদণ্ড হয় ; এবং
 সকলেই তিন বৎসরের নিমিত্ত ঐ দেশ হইতে তাড়িত হন ।

বুয়ের ইতিহাস সমাপ্ত ।



■

